

ქვირის პალიტრა



32(61) 9/VIII.-15/VIII.2001. ფასი 60 თ.

103



„დათო“
გიორგი სანაიას
პანაშვიდზე
დააკავეს



„ვანტაშია“ გვ.65

1168
2001

92

ისრაელის ელჩმა ნოდარ
ახალკასხის ქალიშვილი
კოლუმბიაში „გაიტასა“

საზარელი ეკვლავობისთვის
გასამართლებული —
უღანაუაულო აღმოჩნდა



**თბილისში ჩამოსულმა ლენონმა
სამბრედიელ ლევანს მაიაში სკან
მიმავალი გზა გაუხსნა...**

გვ.12



ვინიატურები

შპს - „შეგლუღული
პასუხისმგებლობის სახელმწიფო“ 3

ქიზა

„ღათო“ გიორგი სანაიას
პანაშვიდზე დააკავეს 4

ფსკერი

„ბარღანვილი, ღამყარაღებლის
და მკვლელის, ყველა
ჩემი ნათესავია...“ 5

ადამიანი და ბუნება

ჩვენთან ცხოველებსაც
„ღონე“ აქვთ! 7

ანტიდუკანონი

ინფორმაციულ-შედეგებითი
კოლაჟი გონა ღვალის
უბის წიგნაკიდან 8

დოკუმენტი

ეკუდ ვითაგა მელა მოგვტანს 10

ტალანტი

თბილისში ჩამოსულა ლენონა
სამბრელიელ ლევანს მაიაშვილს
მიმავალი ვა ბაუსსა 12

ქართულეზი

ბაბრაში სამჯერ გაიყვანეს
დასახვრებალ... კეთილმა
აღამიანებმა სიკვდილისგან
მისხნეს 16

მსახიობი

მარინა კახიანი:
სოტა ხნის წინ შევიტყვე, რომ
კალიან მდიდარი მყოფილვარ 19

ტანტი

ერთგული მკითხველი 21

კრიტიკალი

- „მოკლულისთვის გათხრილ
საფლავში ჩააბლეს, თაგვა
ნიჩბებით დააღვნენ...“ 22
- ქმარმა სოლი ღანით
სასიკვდილოდ დაჭრა 24

თავმჯდარი

„როცა საკუთარი მშობელი
არ ღაბინდობს, სხვების
ბულბრილობაზე საუბარის
სასაბილოა...“ 26

ნამდვილი აზგავი

შარვალჩახილი ესთეტი 30

ფსიქოლოგიური თაგვი

თქვენი ცხოვრების სტილი 31

**„ღათო“ გიორგი სანაიას
პანაშვიდზე დააკავეს...**



სანდო წყაროსაგან ერთი პი-
რის დაკავების ამბავი შევიტყვე, რო-
მელიც გიორგის პანაშვიდზე, და-
კრძალვის წინა დღეს აიყვანეს.
ამის შესახებ თქვენც მოგიხრობთ,
ოღონდ უკომენტაროდ - რადგან
თუ ასეთ დაკავებებს გულისხმობენ,
აქტიურ სამძებრო საქმიანობაში,
მთლად კარგად გეჭონია საქმე...

4


**ეკუდ ვითაგა
მელა მოგვტანს**

კონცერტზე თავის მდივანთან,
მაკასთან ერთად იყო მოსული
და მისთვის უთქვამს - აი, ასეთი
მდივანი მინდაო... მოკლედ, მაკა
იყნობდა ჩემს მეგობარს და სწო-
რედ მათი საშუალებით ვაფიცან-
ით ერთმანეთი. მდივანად ვერ გამ-
ოვლექი, მაგრამ...



10

**მოკლულისთვის გათხრილ საფლავში
ჩააბლეს, თაგვა ნიჩბებით დააღვნენ...**




ბათუმში მცხოვრები, თთხი შვი-
ლის მამა, გვარად დიასამიძე მეზო-
ბლად მცხოვრებ, ქალაქში დროებით
ჩამოსულ მოსკოველ ქალს - მოლ-
ჩანოვას გაჰყვა. ამ უკანასკნელს
მისთვის უთქვამს - ვიდაც ადვილო-
ბრივ ბიჭვითან ანგარიში მაქვს გასას-
წორებელი და გამოძყევიო.

22

**„შხაპი?! - მს რა მანლო ტიპია!..
ქაო, პაპისტანში ხარ, მეროპაში კი არა...“**

ქალაქის ყველაზე ცოცხალი
ადგილი ბაზარია. იქვე ბევრი თე-
ატრალური სანახაობაც იმართე-
ბა. ჩვენთვის განსაკუთრებით
უჩვეულო და ამადლევებელი იყო
გველების მომთვინიერებელთა
წარმოდგენები და საცირკო მსახ-
იობთა გამოსვლები...



39

სამყარო

მარკო პოლოს ოპტიკური
მემკვიდრეობა 32

წმინდანები

12 აბვისტო - წმინდა
ცოტნე ღაღიანის ხსენების დღე 34

სასარგებლო აზრები

აურორიგამების ენციკლოპედია 35

შოუბიზნესი

სანახარობა თვალთვალის
მოყვარულთათვის 36

მოგზაურის დღიურები

„შხაპი?! - ეს რა მაგალო
ტიპია!.. კმარო, პაკისტანში ხარ,
ვეროკაში კი არა...“ 39

პარაკლავი

ნანატრი შვილი და
შეწყვეტილი კარიერა 42

რომანი

ბესიკ კეკელიძე,
ქალი-ობობა (დასაწყისი) 45

უსიყვარი

„კავლე ინგოროწყვა გახლავართ...
ერის ჯარისკაცი!“ 48

ავტო

ჯანმრთელობა

- მუსლის ტკივილი 52
- თქვენი პატარა 52
- ღვიძლისა 53
- სამკურნალო მცენარეები 54
- დიასახლისის კუთხე 55
- კითხვა-პასუხი 55

ღიქტატორი

ვნებიანი მარო და მისი
„წითელი იმპერატრიცა“ 56

ვიქტორინა

დაისვენეთ, გაერთეთ,
ივარჯიშეთ! 60

სკანოკრი

ჰოროსკოპი

კვირის (13-19 აბვისტო)
ასტროლოგიური პროგნოზი 62

ტენი

ხართ თუ არა კეთილი? 63

კალიფორსკოპი

ჩრულ-ჩრული ამბები 64

გარეკანზე: ბიორკი შორეულიანის კოლაჟი

საზოგადოებრივ-კოლტიკური შურნალი „გზა“
გამოდის კვირაში ერთხელ, ხუთშაბათობით
გაზეთი „კვირის კალიტრის“ დამატება
შურნალი ხელმძღვანელობს თავისუფალი პრესის პრინციპებით.
რედაქციის აზრი შესაძლოა არ ეთხვეოდეს მასალის ავტორის აზრს.
მთავარი რედაქტორი: ზურაბ აბაშიძე
რედაქტორი: გონა ტყეშელაშვილი
მენეჯერი: კიაზო ბიჩინაშვილი
მისამართი: თბილისი, აკურის ქ. №8 ტელ: 33-50-32
შურნალი იბეჭდება გამომცემლობა „კოლორში“

**თბილისში ჩამოსულმა ლენონმა საბჭოელებს
ლენონს პაიპისკენ მიმავალი გზა გაუხსნა**



- ძალიან ვამიკვირდა, რომ
თვე-ნახევარში ერთწინადადები-
ანი პასუხი მომივიდა: „მივიღეთ
თქვენი წერილი, ვისურვებდით
თქვენნაირ სტუდენტებს“ - და ხე-
ლმოწერა: ჯულიან ლენონი.

12

**ვნებიანი მარო და მისი
„წითელი იმპერატრიცა“**

„ქრიზანთემის არომატის მო-
სახვეწებელში“ გადასულმა მამო
ბევრი ძველი, იმპერატორის დრო-
ინდელი გართობა განაახლა, მათ
შორის ეროტიკული ცეკვები, რო-
მელსაც ფარჩა-აბრეშუმში გამოწ-
ყობილი და ძვირფასეულობით
მორთულ-მოკაშმული გოგონები
ასრულებდნენ.



56

**„ბარდნეკლით, დაყანაღებულთ და
გებულთ, გებულ ჩემი ნათესავია...“**



„მე აუერისტობისთვის ვიხდი
სასჯელს... თქვენ წარმოიდგინეთ,
მოსამართლის კმაყოფილი ვარ,
სამი წელი რომ მომიხაჯა. ბინებ-
ის ყიდვა-გაყიდვის აუერა იყო. აქ
მოგიერთი რომ გეუბნებათ - ან-
გელოში ვართ, მე გეტყვით, რომ
დამნაშავე ვარ...“

5

ქალი-ობობა

თვალეზე ბინდი გადაეფარა,
ისე ჩაისუნთქა, რომ ლურსმანი კი-
ნაღამ გადასცდა. გაღმთაფურთხა,
აკიდობები ხელიდან გაუვარდა,
არაადამიანური ხმით დაიღრიალა.
- ოხ, შენი, ნადირალა დედაკა-
ცო, ეს რა ვამიკვირ!



45

შპს – „შეზღუდული პასუხისმგებლობის სახელმწიფო“



„შპს“ – ეს აბრევიატურა ათიოდე წლის წინ შემოვიდა ჩვენს ცნობიერებაში და ინგლისური LTD-ს ანალოგად წარმოგვიდგინეს ახალი ქართული სახელმწიფოს მაშენებლებმა. ეს ერთ-ერთი მთავარი კომპონენტია, რომელსაც საბაზრო ეკონომიკაზე დაფუძნებული სახელმწიფოს არსებობა უნდა უზრუნველყოს, რადგან საბაზრო ეკონომიკის საფუძველი ე.წ. „საშუალო ბიზნესი“ გახლავთ, რომლის საფუძველსაც მთელ მსოფლიოში სწორედ LTD-ები წარმოადგენენ.

ჰოდა, დაიწყო LTD-შპს-ების ბუმი საქართველოში: საზოგადოებრივი ტუალეტი თუ საფეხბურთო გუნდი, სამრეცხაო თუ თავისუფალი გაზეთი, მეტროპოლიტენი თუ საბავშვო ბაღი და ა.შ. „პერერეგისტრაციის“ შემდეგ შპს-ებად იქცნენ სასამართლოების მიერ დამტკიცებული შესაბამისი საბუთებით.

კანონი კანონია და დადგინდა, რომ რეგისტრაციისთვის შემდეგი საბუთების წარდგენაა საჭირო სასამართლოში:

დამფუძნებელთა კრების ოქმი (დირექტორისა და სხვა თანამდებობის პირთა დანიშვნის გადაწყვეტილებით).

წესდება.

აუდიტორის ცნობა. იმ მატერიალური ქონების, ან ფინანსების შესახებ, რომლითაც „რამე რომ იყოს“, შპს-ს ვალები უნდა დაიფაროს. სხვა წერილმან საბუთებზე ახლა აღარ შევჩერდებით...

დაიწყო, მაგრამ რა დაიწყო – საქმე გაუჩნდათ სასამართლოებს. ექვსი თვის შემდეგ საქართველოში ერთ სულ მოსახლეზე ორი შპს მოდიოდა, რადგან „უფანტაზიო“ როკფელერისა და ბილ გეიტსისაგან განსხვავებით, ზოგიერთ ქართველ, ბოდიში და, ბიზნესმენს, სამი-ოთხი და მეტი შპს-ს საბუთები ელოფისად წოდებულ ჯიხურში.

ოფისზე გამასხენდა, – ტერმინოლოგიაც შეიცვალა: ოფისი იმას დაერქვა, რასაც ადრე კანტორას ეძახდნენ, ყოფილი დირექტორები და მმართველები პრეზიდენტებად იქცნენ, ე.წ. „საქმეთა მმართველები“ – რეფერენტებად, მომმარაგებლები – მენეჯერებად და ა.შ. მაგრამ ყველაზე საინტერესო მაინც თვით LTD-ს თარგმანია. ეს ინგლისური LIMITED-ის შემოკლებული ფორმაა და მეტი არაფერი. ამ „შეზღუდვაში“, ალბათ, საქმიანობის სფეროს, ან ბიზნესის ფინანსური შესაძლებლობების შეზღუდვა იგულისხმება. მაგრამ გვინდა ჩვენ, ქართველებს, შეზღუდვა-შევიწროება?! არ გვეყო, რაც გვზღუდეს და გვჩაგრეს?!
შეზღუდვა კი არა, ვერ ნახავთ საქართველოში არსებული ვერც ერთი შპს-ს წესდებას, რომ მისთვის დაშვებული საქმიანობის ჩამონათვალი ასე არ მთავრდებოდეს: „... და ყველა ის საქმიანობა, რომელიც კანონით არ არის აკრძალული“. აი ასე – „ყველაფერს ვჩაღიობთ, ძმაო!“

მაგრამ, როგორც ვთქვით, LIMITED- შეზღუდვას ნიშნავს და რაღაც ხომ უნდა შეეზღუდათ?! და ევრიკა!!! – პასუხ-

ისმგებლობა! ყველაზე ხელისშემშლელი ფაქტორი „მუშაობაში“! ასე იქცა LTD – „შპს“-დ, ანუ „შეზღუდული (!) პასუხისმგებლობის (!!) საზოგადოებად (!!)“ ანუ: აკეთე, რაც გინდა, „გადააგდე“, ვინც გინდა და რამდენშიც გინდა, შენი პასუხისმგებლობა კი, 2000 ლარს არ გასცდება, რადგან სწორედ ეს თანხაა დადგენილი ე.წ. „საწესდებო კაპიტალად“!

ასე ნელ-ნელა, მთელი საქართველო „შპს“-დ იქცა და ჩვენ დღეს ვცხოვრობთ „შპს ჯორჯიაში“, ანუ „შეზღუდული პასუხისმგებლობის სახელმწიფო – საქართველოში“, რომელსაც ყველა შესაბამისი დოკუმენტი „წესრიგში აქვს“: დამფუძნებელთა კრების ოქმი, სადაც აღნიშნულია, რომ შპს-ს დამფუძნებლები და „ძირითადი მეწილეები“ არიან „პირველი“, „მეორე“ და ა.შ. საკუთარი წილების მემკვიდრეობით გადაცემის უფლებით. დირექტორად „არჩეულია“ „პირველი“, „გადარჩევის შესაძლებლობის გარეშე“.

წესდებაში ხაზგასმით არის ნათქვამი, რომ შპს-ს ხელმძღვანელებს უფლება აქვთ შავი გამოაცხადონ თეთრად, უდანაშაულო – დამნაშავედ, კრეტინი – გენიოსად, სომეხი – ქართველად, პიდარასტი – ღონეუხანად და ა.შ. მათვე აქვთ მინიჭებული უფლება, რომ ყველას მიმართ, ვინც ზემოაღნიშნულში ეჭვს შეიტანს, „შესაბამისი ზომები“ მიიღონ. აუდიტორის ცნობაც არსებობს, რომლის მიხედვითაც, „საწესდებო კაპიტალს“ წარმოადგენს საქართველოს ქონება, მისი ბიუჯეტი, შენობა-ნაგებობები, მოსახლეობა და საარჩევნო ყუთები.

P.S. ეს ყველაფერი, როგორც ნორმალურ შპს-ში, გვირგვინდება

წესდების უკანასკნელი პარაგრაფით, რომელიც ყველა შპს-სათვის აუცილებელია:

შპს „ჯორჯია – საქართველოს“ ლიკვიდაცია ხდება მის მუპატრონეთა სურვილის მიხედვით, ხალხისაგან დაუკითხავად.

შპს-ს ქონება წილობრივად გადანაწილდება მის დამფუძნებელთა შორის, ხოლო დანარჩენების მიერ ერთ-ერთის „გატერაქტების“ შემთხვევაში, ისინი თანაბრად იყოფენ „თამაშიდან გასულის“ წილს.

რაც შეეხება ქონების იმ ნაწილს, რასაც „აღამიანური რესურსები“, ანუ უბრალოდ – „ხალხი“ ეწოდება, იგი არ ნაწილდება და ექვემდებარება ლიკვიდაციას შიშის, შიმშილისა და გადებილების გზით...

P.P.S. საქართველოში შპს-ების 90 პროცენტის „სიცოცხლის ხანგრძლივობა“ 2-3 წელია.

„შეზღუდული პასუხისმგებლობის სახელმწიფო – საქართველომ“ კიდევ კარგა ხანს გაძლო...

პროპოკატორი





„დათო“ გიორგი სანაიას პანაშვილი დაახვეს...

— დათო (ამ პირობით სახელზე შემდგომ, უკვე შეხვედრისას შევთანხმდით. — ავტ.) ხართ?

— დიახ. რა გნებავთ? ვინ ბრძანდები-
თ?

— ჟურნალისტი ვარ და გიორ-
გი სანაიას მკვლელობასთან დაკავ-
შირებით რომ დაგაკავებს, იმ შემთ-
ვევაზე მინდა გაგესაუბროთ.

— მე არავის დაუჭერივარ...

— ნამდვილად ვიცი, რომ
თქვენ იყავით...

ხანმოკლე პოლემიკის შემდეგ კაცი
შეხვედრაზე დამთანხმდა — ალბათ იმ
იმედით, რომ გაიგებდა, თუ საიდან შევი-
ტყვე მისი ამბავი, რადგან გამუდმებით
მთხოვდა, კაცურად მითხარით, ეს ამბავი
საიდან შეიტყვევით.

მოვლენების ასეთ განვითარებას არ
ვგლოდი. სპორტის სასახლესთან დათქმულ
შეხვედრაზე ნახევარი საათით ადრე თვი-
თონ მეწვია რელაქციაში: ეტყობა, არ მენ-
ლო და ჩემი შემოწმება ვადაწყვიტა. საუბრის
დასაწყისში ისევ გამაკვირვა: ვინაობის
დაფიქსირებაზე ხან გვთანხმდებოდა, ხან
— არა. ეს რამდენჯერმე გამეორდა.

— გიორგი სანაიას თუ იცნობ-
დი?

— საერთოდ არ ვიცნობდი.

— არც არასდროს შეხვედრიხ-
არ?

— ერთადერთხელ მყავს ცოცხალი
გიორგი სანაია ნანახი: 1996 წელს კო-
სტავას ქუჩაზე მდებარე გამომცემლობის
შენობაში, ამერიკელები ატარებდნენ სემი-
ნარს. მე მაშინ ტელერადიოინსტიტუტის
ტელესარეჟისორო ფაკულტეტზე ვსწავ-

ლობდი და ტელეჟურნალისტიკის ფაკულ-
ტეტის სტუდენტებთან ერთად დავესწარი
სემინარს. ის ლექციები ნაკლებად მაინ-
ტერესებდა, იქ უბრალოდ ჩემი მეგობრები
იყვნენ და მეც დავჩი.

— იმ სემინარიდან დაგამახს-
ოვრდათ გიორგი სანაია?

— იქიდან მასხოვდა, რადგან მეტი-
მეტად ინტერესიანი იყო, ყურადღებით
უსმენდა გამომსვლელებს. სიცოცხლით
სავსე ადამიანის შთაბეჭდილებას ტოვებ-
და. მასხოვს, ვიფიქრე: ის ტიპია, რომელ-
საც უყვარს ცხოვრება და თავისი საქმე-
მეთქი. ამიტომაც, მისი სიკვდილის ამბავი
რომ შევიტყვე, გული დამწყდა.

— ტელევიზიასთან თუ გქონიათ
შესება?

— კი, ინსტიტუტის დამთავრების შემ-
დეგ ტელევიზიის I არხზე ვმუშაობდი,
მოგვიანებით კი წამოვედი და ამჟამად
უმუშევარი ვარ.

— გიორგის მკვლელობის ამ-
ბავს დაფუბრუნდეთ. პანაშვიდებზე
დადიოდი?

— ერთხელ ვიყავი და მაშინაც დამ-
აკავეს.

— დანწრილებით მომიყვით...

— რა იყო, იცით? მობილური ტელე-
ფონი მაქვს კარგა ხანია და უფულობის
გამო, ჩართვას ვერ ვახერხებდი. ორშაბათს,
31 ივლისს წავიდი „ჯეოსელის“ მთავარ
ოფისში (ფული მქონდა), ჩავრთე და
„ცეკავშირის“ შენობაში მეგობრებს გა-
ვუარე სამსახურში. მოგვიანებით ვიფიქრე,
უბრალოდ სიონისკენ ჩავივლი-მეთქი. მაინ-
ტერესებდა, რამდენი ხალხი იქნებოდა

ძალოვანი სტრუქტურის წარ-
მომადგენლები მალიმალ ირწმუ-
ნებიან, რომ გიორგი სანაიას
მკვლელობის დღიდან საერთოდ
არ უძინიათ და დღე და ღამე
მუშაობენ. სანდო წყარომ ერთი
პიროვნების დაკავების ამბავი
შემატყობინა, რომელიც გიორგის
პანაშვიდზე, დაკრძალვის წინა
დღეს აიყვანეს. ამ შემთხვევით
დავინტერესდი და მის შესახებ
თქვენც მინდა მოგითხროთ,
ოღონდ უკომენტაროდ — რად-
გან თუ ასეთ დაკავებებს
გულისხმობენ, აქტიურ სამძებრო
საქმიანობაში, მთლად კარგად
გვექონია საქმე... იმავე სანდო
წყარომ აღნიშნული პიროვნების
კოორდინატებიც მომანოდა და
მითხრა: მართალია, უკვე
გამოუშვეს, მაგრამ იმდენად
შეშინებულია, მთელი დღეები შინ
ზისო. დაფურევე. ვფიქრობ, ჩვენი
პირველი — სატელეფონო დია-
ლოგიც საინტერესო უნდა იყოს
მკითხველისთვის:

გიორგის პანაშვიდზე და რა სიტუაცია
დამხვედებოდა. მაინტერესებდა, თუ როგორ
გამოიყურებოდნენ ასეთ სიტუაციაში ად-
ამიანები. საერთოდ, პანაშვიდები და ეგეთი
პროცესები ფარსი მგონია, მაგრამ მაინც
ჩავედი — მინდოდა, მენახა როგორ იფ-
არისეკლებდნენ.

— მარტო ნახედი?

— კი. ლესელიძის ქუჩას ჩავუყვევი.
სიონთან ბუერი ხალხი იყო, რიგში იდგნენ.
ქარვასლის მხრიდან ტადრისკენ ჩასასვ-
ლელი კიბეა, იქვე პატარა ტირიფის ხე
დგას, „ფანტანთან“. იქ დავდექი. ყველაფერი
ჩანდა. კაი ხანი ვიყავი.

— კაი ხანი რამდენი საათია?

— ექვსი საათი იქნებოდა, როცა მივე-
დი. ნაცნობებიც ვნახე, რომლებთანაც ცოტა
ვისაუბრე და წავიდნენ. 2 საათი მაინც
ვიდექი.

— სხვებისგან თუ გამოირჩეო-
დი?

— „კლენატი“ პერანგი მეცვა, მწვანე-
შაბამის ფერებში. მოგვიანებით ვფიქრობ-
დი — ალბათ ამდენ ხალხში მართლა
გამოვიჩივდი ჭრელი ტანსაცმლით. თანაც,
2 საათი ერთ ადგილას ვიდექი და ხალხს
ვაკვირდებოდი.

— მერე რა მოხდა?

— მოვიდა ადამიანი, რომელმაც შინა-
გან საქმეთა სამინისტროს მოწმობა მიჩვე-
ნა. მისი სახელისა და გვარის წაკითხვა
ვერ მოვასწარი, არც წოდებისთვის მიმ-
იქცევია ყურადღება. სალაპარაკო გვაქვსო
მითხრა. მე იმწუთას არ მიკითხავს, რაშია
საქმე-მეთქი.

(დასასრული იხ. გვ. 25)

მარინა გამისაშვილი

რკინის კარი ჩემ წინ მძიმედ იღება და შევდივარ ჩაკეტილ წრედში. მას ღობის მიღმა სამყაროს ეძახიან. აქ 133 ქალია, რომელმაც ადამიანისთვის ერთ-ერთი ყველაზე ძვირფასი რამ – თავისუფლება დაკარგა. ტერიტორია სუფთაა, მოვლილი. როგორც იტყვიან, ქალის ხელი ეტყობა. ჩემ პირდაპირ ყვავილების სათბური მოჩანს. შევდივარ შიგნით. ულამაზესი დეკორატიული ყვავილები თვალს მტაცებს. ეს პატიმარი ქალების დამსახურებაა. სხვათა შორის, ყვავილების რეალიზაციით შემოსულ თანხაზე იუსტიციის სამინისტრო დიდ იმედებს ამყარებს: ის პატიმარი ქალების სამედიცინო მომსახურებას უნდა მოხმარდეს. აქ სამკერვალო საამქროებიც არის; ადრე ეს ადგილი ვირთხებისა და თავგების ნავსაყუდელი იყო, ახლა აუმოქმედებით – პატიმრებს იუსტიციის სამინისტროს თანამშრომლებისთვის ფორმა შეუკერავთ.

ქალთა კოლონიის დირექტორი მელიკო ალანია სიამაყით მიცხადებს, რომ პატიმარი ქალები დაასაქმეს და ხელფასსაც უხდიან. თუმცა, თავად ქალებს ეს განცხადება ღიმილადაც არ ჰყოფნით: „ძალიან დაბალი ანაზღაურებაა. ერთი კოსტიუმის შეკერვა – სამი ლარი. ამ ფასად კერვა მასხრად აგდება და მეტი არაფერი. ახლა ზეწრების შეკერვა უნდა დაიწყო. ქალები უქმად ჯდომას, უქმად შრომას ამჯობინებენ. მანქანასთან ჯდომა იოლი არ გეგონოთ. ახლა ყვავილების მოვლას არ იკითხავთ? – 45 გრადუსი ტემპერატურა სათბურში. სულაც არ არის სახალისო...“

კოლონიის ეზოში ქალები თავისუფლად მიდი-მოდინან. მოღუნებულნი, დათრგუნვილნი და სევდიანები მეჩვენებიან. არც არის გასაკვირი. ცხოვრების ეს პერიოდი მათთვის შავი ლაქაა. მიუხედავად იმისა, რომ ქალთა კოლონიაში უკვე ფსიქორეაბილიტაციის ცენტრი არსებობს, უმრავლესობას ცხოვრებაზე მაინც ხელი აქვს ჩაქნეული. უსიხარულო დღეები თითქოს ზოზონით მისდევს ერთმანეთს. აქ ყველა ერთად არის – მკვლელიც, ქურდიც, ნარკოტიკების გამსაღებელიცა და თაღლითობაში ბრალდებულიც. ფსიქორეაბილიტაციის ცენტრის ხელმძღვანელი მარინა



„გარდასვლილს, დამყარებულს და მკვლელს, ყველა ჩემი ნათესავია...“

პატიმარი ქალების ნახატებიდან სასოწარკვეთა და უსამართლოება გამოსჭვივის

ამ ჯიშკარიანი მიიჩნევს – მიუხედავად იმისა, რომ პატიმარი ქალების პიროვნული „მეს“ გასაძლიერებლად მუშაობა ყოველდღე მიმდინარეობს, ეს საკმარისი მაინც არ არის. ამიტომაც დაიწყო სოციალური თერაპიის კურსი. პატიმრები თავიანთ სურვილებს კოლონიის ეზოში დაკიდებულ საფოსტო ყუთში ყრიან.

...მათ, ყველას, თავისუფლება უნდათ. თავიანთი მოთხოვნების დაფიქსირებას ჟურნალის ფურცლებზე მიხვდებიან: „დაწერეთ: ისეთი რა გაუჭირდა საქართველოს, რომ ორასი ქალი ვერ გაიყვანა გარეთ და ვერ დაუბრუნა საკუთარ ოჯახებს. ჩვენი აქ ყოფნით არავინ ამენებულა, ჩვენ ხომ

ჩვენი აქ ყოფნით არავინ ამენებულა, ჩვენ ხომ დავიქვით და დავიქვით...“

დავიქვით და დავიქვით, არც სახელწიფოს მომატებია რამე და არც იმას, ვინც ჩვენ დავაზარაღეთ... პარლამენტს ეხება თუ შეწყალების კომისიას, იზრუნოს უბედურ ქალებზე და გაავიშვას სახლებში“.

ისინი თავიანთ უბედურებას ხელისუფლებას აბრალებენ: „როგორც არ უნდა ვალამაზოთ, ბოლო ათი წლის მანძილზე, დაცემის გზაზე რომ წავიდა ქვეყანა, კარგად იცით. ამან განაპირობა ის, რომ ამდენი ქალი ციხეში ვართ. ძირითადად, „წამლისთვის“ და თაღლითობისთვის ვხივართ. რომ გვიჭირდა, იმიტომ ვიქურდეთ, იმიტომ ვიყიდეთ „წამალი“ და იმიტომ ვითაღლითეთ. ვერ მასაქმებ, ლუკმაპური არ გამაჩნია, შვილები საღამოს შემომბღავიან – რამე მაჭამეო... აღარ იცი, რა გზას დაადგე... ამაზე პრეზიდენტმა უნდა იზრუნოს.“

ზოგი ღიმილით მხვდება, ზოგი კი ზურგს მაქცევს. არიან ისეთებიც, რომლებიც გულწრფელად მესაუბრებიან.

„მე აფერისტობისთვის ვიხდი სასჯელს... თქვენ წარმოიდგინეთ, მოსამართლის ემყოფილი ვარ, სამი წელი რომ მომიხაჯა. ბინების ყიდვა-გაყიდვის აფერა იყო. აქ ზოგიერთი რომ გეუბნებათ – ანგელოზი ვარო, მე გეტყვით, რომ დამნაშავე ვარ... ორი თვედა დამჩნა და გარეთ გავალ“, – მეუბნება ერთ-ერთი პატიმარი და თვალეში იმედის სხივი უკიანფებს.

პატიმრების პრეტენზიები უმეტესად, პოლიციისა და მართლმსაჯულების წინააღმდეგ არის მიმართული. ისინი ის-





სენებენ პოლიციის სამმართველოში უმოწყალო ცემა-ტყეპას, სასამართლოს არაობიექტურ გადაწყვეტილებას. როდესაც მათ, ფსიქოთერაპიის მიზნით, ამ ყველაფრის დახატვა სთხოვეს, მისჯილთა უძრაველობამ საკუთარ ნახატებში სასოწარკვეთა და ცხოვრების უსამართლობა ასახა...

ბით. დამყარაღეს. 44 ათასი დოლარი წაიღეს და – 180 მილიონი რუსული რუბლის ღირებულების ნივთები. დამყარაღებული არავის უპოვია. პოლიციის განყოფილებაში რომ მივედი, დავიბუქე: დამნაშავეს მე თვითონ ვიპოვი და თავად გაუუსწორდები-მეთქი. სამი დღის შემდეგ ჩემს სახლში მკვლელობა მოხდა... დედაჩემი რომ დაჰკითხეს, ჰკითხეს, – რა თქვა თქვენმა შვილმა დამყარაღების შემდეგო. მანაც ალაღად უპასუხა: „თუ ვიპოვე ვინც დამყარაღა, ღორივით მოვჭრი თავსო“. ერთ-ერთი დამყარაღებული მართლაც მკვდარია. მე მკვლეელი არა ვარ, მაგრამ ჩემი ყველაზე დიდი დანაშაული

ძირითადად, „წამლისთვის“ და თაღლითობისთვის გზივართ. რომ გვიჭირდა, იმიტომ ვიქურდეთ, იმიტომ ვიყიდეთ „წამალი“ და იმიტომ ვითაღლითეთ.

პატიმრები თავიანთ ნახატებს მიჩვენებენ. თვალში მხვდება ერთ-ერთი სურათი, რომელზეც კუბოში მწოლიარე გარდაცვლილი თემიდაა, კუთხეში მრავალმნიშვნელოვანი წარწერაა: Смерть правосудия. კიდევ ერთხელ, შევავლე თვალი ქალებს – ჩვეულებრივი ადამიანები დგანან, არაჩვეულებრივი ნაცრისფერი ცხოვრებით. მათ არ სურთ ჟურნალის ფურცლებზე საკუთარი ვინაობის დაფიქსირება, თუმცა, მათ შორის არიან ისეთებიც, რომლებიც საკუთარ თავგადასავალს დაუფარავად, გულახდილად მიაძობენ.

მედია თავშავაძე (მკვლელობის ორგანიზატორობისთვის გასამართლებული):

„სასამართლომ 15 წელი მომისაჯა. უკვე შეიდი წელია, აქ ვზივარ... ერთი უზარმაზარი ფირმის, „თბილისი-ირანითეირანი“, პრეზიდენტი ვიყავი. მაშინ ბიზნესი საქართველოში ახალი ფეხადგმული იყო. საქართველოში ფული არავისთვის შეურჩენიათ და მე, მარტოხელა ქალს ვინ შემარჩენდა?! სპორტულ-გამაჯანსაღებელი კომპლექსი მქონდა თავისი კვების ობიექტებითა და სასტუმროე-

ის არის, რომ დავინახე მკვლეელი და არ ვთქვი: იგი ჩემი ქალიშვილის მავალი იყო. შემეშინდა, შვილი არ მომიკლან-მეთქი. ძლიან მოკლედ ვეჭყეთ: გარდაცვლილიც, დამყარაღებულიც და მკვლეელიც – ყველა ჩემი ნათესავია და ამიტომ ამაზე ლაპარაკი არ მინდა“.

ვინაობას არ ასახელებენ: „ორი ადამიანი ვართ, ვინც კოლეინის რეალიზაციისთვის ვზივართ აქ და ექვსი წელი გვაქვს მოსჯილი. ეს წამალი ფსიქოტროპულ წამლად ითვლება. როგორ ფიქრობთ, კოლეინის გამო შეიძლება ექვსი წელი ჰქონდეს მისჯილი ადამიანს?! ლიცენზირებულ აფთიაქში ყველგან იყიდება ეს წამალი. გვითხარით, ჰეროინზე, „შავ წამლს“ და კოლეინზეც ერთი და იგივე სასჯელი უნდა იყოს?!“

ერთადერთი, რითიც პატიმარი ქალები კმაყოფილნი არიან, ეს კვებაა. 1 ივლისიდან „ბალანდა“, აჯაფსანდალმა, მწვანე ლობიომ და საზაფხულო კვების პროდუქტებმა შეცვალა. „ასეთი კვება არასოდეს გვქონია,“ – ღიმილით მეუბნებიან პა-

ტიმრები. სასჯელთა აღსრულების ადგილების მთავარი სამმართველოს უფროსი **გიორგი არველაძე** ამას კვების პროდუქტების განაწილების დეცენტრალიზაციით ხსნის:

„აქამდე სისტემა ცენტრალიზებული მომარაგების პრინციპით მუშაობდა. ეს საბჭოთა მოდელი გახლდათ, ხდებოდა ცენტრალიზებულად პროდუქტების შექმნა, შემდეგ კი 16-ვე სასჯელაღსრულების დაწესებულებაში განაწილება. ეს იყო კორუფციის წყარო, – პასუხისმგებლობა ისე იყო განაწილებული, ვერ გაიგებდი, სად იკარგებოდა თანხა. ახლა კი პირადად კოლონიის დირექტორია პასუხისმგებელი პატიმრების გამოკვებაზე. წარმოიდგინეთ, ადრე სურსათის 40-45% ქრებოდა. სხვათა შორის, წინათ ქალთა კოლონიაში 5.000 ლარი იხარჯებოდა და საკვებად წყალში ჩაყრილი კარტოფილი ჰქონდათ, ახლა 3.000 ლარიც კი საკმარისი აღმოჩნდა იმისათვის, რომ პატიმრები კვებით კმაყოფილნი დარჩენილიყვნენ“.

პატიმარ ქალებს ვემშვიდობები და ვპირდები, რომ მათ მოთხოვნას: „თავისუფლება ქალებს!“ აუცილებლად დავაფიქსირებ ჟურნალის ფურცლებზე...



გიორგი არველაძე



გულო ჭიდაძე

იცით, რა ხდება პოსტაბ-ჭოური ქვეყნების ზოოპარკებში? — რა და, ნაყოფიერად ინერგება პოლ ბრეგის მეთოდი, შიმშილობის სასწაულის შესახებ. საბედნიეროდ, ჩვენს ზოოპარკში ამ ექსპერიმენტის ჩატარების აუცილებლობის საკითხი არ დგას და, როგორც წესი, აქ დამკვიდრებული განტვირთვის დღეების გარდა, ცხოველებს ნორმირებული საკვები ეძლევათ. ნორმირებულ საკვებთან დაკავშირებით, ერთი ანეკდოტი გამახსენდა. მოდით, ჯერ ამ ანეკდოტს მოგიყვებით, შემდეგ კი, ზოოპარკის ჩვილ მაიმუნთა აღმზრდელს, გულო ჭიდაძესა და მის მეუღლეს, ლომ-ვიფსვთა შეუცვლელ მზარეულსა და დამპურებელს, მალხაზ ჭიდაძეს გავესაუბრებით.



ჩვენთან ცხოველებსაც «დონე» აქვთ!

ნანა კიბიშაური

ანეკდოტი ასეთია: საბჭოთა დელეგაცია ამერიკაში ზოოპარკს ათვალთვლებს. დელეგაციის წევრები ადიან მარმარილოს კიბეზე და ხედავენ ოქროს გალიას, სადაც მშვიდად ფშვინავს ურჩხული. მომვლელი მორიდებით აკაკუნებს. ურჩხული იღვიძებს. „ხომ არაფერი ვნებავთ?“ — ეკითხება მომვლელი. **Кушать хочу!** — იზმორება ურჩხული. შემოაქვთ ოქროს ლანგარით შემწვარ-მოხრაკული. ურჩხული დანა-ჩანგალს ერთმანეთზე აკაკუნებს. შემოაქვთ მორე ულუფა. კიდევ აკაკუნებს. შემოდის მომვლელი. **Пить хочу!** — მოდის ცივ-ცივი „კოკა-კოლით“ დატვირთული ცისტერნები. ურჩხული სვამს და შეზღონებზე წვება: **Женщину хочу!** — შემოაქვთ მოდელების კატალოგი. ურჩხული სასურველ ნომრებს შემოხაზავს. შემოდინა გოგონები. ფარდა.

საბჭოთა დელეგაცია აწარმოებს მოლაპარაკებას ურჩხულის შესყიდვის შესახებ. ფარდა.

საბჭოთა ზოოპარკი: იღვიძებს ურჩხული ბინძურ გალიაში. **Кушать хочу!** — ყვირილს ცდილობს (ხმა უკვე აღარ აქვს!). შემოდის მომვლელი და ჭუჭყიან გობში ამკავებულ საჭმელს უსხამს. **Ещё хочу!** — ტირის ურჩხული. **Норма!** — იღრინება მომვლელი. **Пить хочу!** — იხვეწება ურჩხული. ვედროთი შემოაქვთ

ჭუჭყიანი წყალი. **Ещё хочу!** — **Норма!** — კვლავ პასუხობს მომვლელი. მშიერ-მწყურვალი ურჩხული ისტერიკაშია: **Женщину хочу!** — წვება იატაკზე და ფეხებს იჩნევს. მომვლელს შემოჰყავს მამა. ცოტა ხნის შემდეგ ისმის მამას ხმა: **Ещё хочу!** — ურჩხულის ხმა: **Норма!** ფარდა.

თბილისის ზოოპარკი: ვინ აწესებს აქაური ცხოველებისათვის „ნორმას“ და როგორია მათი ცხოვრების განრიგი? გულო და მალხაზ ჭიდაძეები ამ კითხვაზე პასუხს ჯერ ვერ გვცემენ. მიზეზი — მოუცვლელია!

ცხოველთა გალიების დახურული მხარე, სადაც უცხო პირთა შესვლა სასტიკად აკრძალულია, კარანტინში მყოფი ცხოველებით არის სავსე. აქვე კეთდება ცხოველებისათვის საჭმელი: მამაპაპურ „პლიტაზე“ ვედროა შემოდგმული, სადაც თეთრი ფერის ფაფისებრი მასა იხარშება. დერეფანში საკმაოდ მაღისაღმძვრელი სურნელი ტრი-ალებს, თუმცა, ცხოველების სპეციფიკური სუნის მაინც საგრძნობია. ინტერვიუს ჩაწერამდე მომსწრენი გაეხდით, „ნიანია გულიკომ“ როგორ დააპურა პატარა მაკაკები, რომლებიც დედის გარეშე იზრდებიან. პირველი შეკითხვითაც სწორედ ქალბატონ გულიკოს მივმართეთ.

— **ეს პატარები ალბათ**

ობლები არიან?

— ღიას. ესენი პატარა გიბონები არიან, რომლებიც უდღოდ იზრდებიან და კვების ხელოვნურ რეჟიმზე იმყოფებიან. უნდა ნახოთ, მოშივებულები, როგორ იწვდიან ხელებს რძიანი ბოთლისკენ. ცოტა ხანში „სოსკასაც“ გადაიწვევიან და ნამდვილ მაიმუნებად იქცევიან. ჯერჯერობით კი, ისე ჭირვეულობენ, როგორც ჩვილებს შეშენით. ძალიან ღიდი ყურადღება სჭირდებათ, რომ მარტოდ დარჩენილებმა არ იჩხუბონ და ერთმანეთს რამე არ ატყინონ. ბავშვებით არიან. ამ ბოლო დროს, ბევრი რამე ისწავლეს. ექვიანობაც კი დაიწყო.

— **ვისზე ეჭვიანობენ?**

— სხვა ცხოველებზე. ყურადღებით აღეწებენ თვალს ყოველ ჩემს მოძრაობას. დედისერთა ბავშვებს მაგონებენ, რომლებსაც მშობლები, უეცრად პატარა დას ან ძმას მოუყვანენ. ჭამის შემდეგ თამაში უნდათ. ცდილობენ, მეც ჩამითრიონ. მე კი სად მცალია. აქ იმდენი საქმეა. ძალიან ცელქები არიან, ამიტომ წუთითაც ვერ ვენდობი, გალიის გარეთ რომ დაგტოვო. ჩაკეტავთ ორივეს და სხვა ცხოველთან მივდივარ. ამ დროს ვატყობ, რომ ეჭვიანობენ და ღიზიანდებიან.

— **საინტერესოა, როგორ გამოხატავენ ეჭვიანობას?**

— თუ დამინახეს, რომ სხვა ცხოველს მეტად მოვეფერე, ჯერ გალიებიდან კვი-

ინფორმაციული-შეხვედრითი კონკრეტი

ეორა დვალის უბის წიგნაკრძან:

1. მანქანის მექანიკურ საყვირს კლასიკონი ეწოდება.
2. ცუნამი ოკეანის ფსკერზე მომხდარი მიწისძვრის შემდეგ წარმოიქმნება.
3. ბუზი ცეცეს ყველა სახეობა ცოცხლადშობია.
4. ცოფს სხვანაირად ჰიდროფობია, ანუ წყლის შიში, ჰქვია. იგი მწვავე ინფექციური დაავადებაა.
5. ღაწა, რაბირა, სარისა, კინენი, ხიშტი, სტილუტი, დარაბინი, იატაგანი – ეს სია ცივი აარაღის ჩამონათვლია.
6. შურდული, როგორც ქვის სასროლი იარაღი, მსოფლიოს მრავალ ხალხში იყო გავრცელებული. ქართველ მეომრებს შურდულის ქვებისთვის საგანგებო აბა-ჯიბები ჰქონდათ. ასეთ ჯიბებს ტავარჯუხს ეძახდნენ.
7. ძველ ქართულ სამართალში ჩაქოლვა სიკვდილით დასჯის ერთ-ერთი სახეობა გახლდათ. სიკვდილიმისჯილს უმეტესად რჯულიდან განდგომის ან მრუშობისთვის ქოლაგდნენ. ღაწაშავისთვის ქვები პირველად ღაწაშაულის მოწმეებს უნდა ესროლათ.
8. ფაშისტური საკონცენტრაციო ბანაკების უფროსი, ადოლფ ეისმანი, მიელი თავისი ცხოვრება ოცნებობდა, რომ ჰიტლერს თავის კაბინეტში გამოემსახებინა და კარგი მუშაობისათვის შეექო. P.S. ებრაელთა ცივისხლადან ჯვალათს ეს ოცნება არასოდეს ასრულებია.
9. „ში პასლენი ბი“ ალა ჰუგანოვას ერთ-ერთი საუკეთესო სიმღერაა. მას ერთხელ ზემორობით ჰკითხეს, – სიტყვა „ბი“ ინგლისური მნიშვნელობით ხომ არ მღერი და მხედველობაში ფილიპ კირკოროვი ხომ არ გყავსო?
10. როდესაც პოეტი ტომაზო ლილი უკმაყოფილო იყო თავისი ნაშუქრით, ქალაღზე დაწერილ ლექსებს წყლიან ჭიქაში უშვებდა, რათა განეწმინდა ისინი. ყველაფერს, რასაც იპოვიდა – ნახშირქვას, თამბაქოს, ქალაღს – თვლიდა, რომ ბედის ნაბოძები იყო, საჭმელში შეურევდა და ისე მიირთმევდა. მისი რწმენით, ეს სხეულის განწმენდის ერთ-ერთი საუკეთესო საშუალება იყო.
11. „რატომ არ უნდა მქონდეს უფლება, ქვეყნიდან გავაძეო ვიღაც ებრაელი, რომელმაც ასიოდე გერმანული წიგნი შეიძინა და ახლა განათლებულ პიროვნებად ითვლება?“ – ეს სიტყვები ახალგაზრდული ფაშისტური ორგანიზაციის, „ჰიტლერიუგენდის“, შემქმნელ მარტინ ფონ შირენს ეკუთვნის.



ან, მიხმობენ. თუ მათთან არ გავჩნდი, მერე მეტუტებთან: როცა მათთან მივალ, ზურგს მაქცევენ. აგრესიულები ხდებიან – ხელზე მიტყამენ, კლანჭებს მისვამენ. ცდილობენ ტკივილი მომაყენონ. საერთოდ, ბევრი ცხოველი გამოვზარდე ხელით – ჯიხვი, ენოტი, ტურა, მგელი, და მივხვდი, რომ ადამიანებთან შედარებით, ცხოველები უფრო ეგოისტები არიან, იმიტომ, რომ მათ ადამიანებზე ძლიერი და დიდი სიყვარული შეუძლიათ. ერთგულებით კი, მათი ადამიანებთან შედარება არც შეიძლება.

— **აქ როგორ მოხვდით?**
– შრომის ბირჟამ გამოგზავნა, რომელსაც 6 წლის წინ უმუშევრობით შეწუხებულმა მივაკითხე.

მეუღლეს ალბათ თქვენ გაუწიეთ რეკომენდაცია.

– ჩემ გამო მინც ხშირად უწევდა აქ ყოფნა. ახლა კი, ძირითადად მტაცებლებთან მუშაობს. მათთან აუცილებლად მამაკაცმა უნდა იმუშაოს: ეს შედარებით სარისკო საქმეა. მაიძუნები უფრო გონიერი არსებები არიან. უფრო დამჯერები და ნაკლებად საშიშები.

ბოლოს და ბოლოს, ადამიანის წინაპრებად ითვლება ბოდნენ...

– მეც და ჩემი მეუღლეც ამ აზრისგან ძალიან შორს ვდგავართ. მაიძუნები-სადმი ჩემი დიდი სიძაპათის მიუხედავად, ადამიანს მინც ვერ ვაკადრებ ასეთ წინაპარს.

წელან ცხოველების ერთგულება ახსენეთ. იქნებ, მათი ერთგულების დამამტკიცებელი რაიმე მაგალითი მოიყვანოთ?

– მაგალითად, პატარა ენოტს, რომელიც მე გამოვზარდე, ხშირად ვუშვებდით გარეთ. ზოოპარკის ეზოში ვასეირნებდი. სულ კულში დამსდევდა, ერთ დღეს კი, დაიკარგა! სად აღარ ვეძებდით, მაგრამ ამოდ. ძალიან ვინერვიულე, თუმცა, გულში იმედი მინც მქონდა, რომ დაბრუნდებოდა. მართლაც დაბრუნდა. ასეა, ჩვენთან ცხოველებსაც „დონე“ აქვთ.

საუბარს მალხაზ ჭილაძესთან განკავრძობთ.

ბატონო მალხაზ, მოშვიებულ ლომებთან შესასვლელად ალბათ დიდი გამოხედობაა საჭირო.

– არა, საშიში არაფერია. ყოველი გალია სპეციალური მოძრავი ტიხრით იყოფა, რომელსაც ჩვენ „შიბერს“ ვეძახით. როდესაც ცხოველებს ჭამის დრო მოუვათ, ვდებთ ამ „შიბერს“ და თავისუფალ ადგილას შევლივართ. ვასუფთავებთ,



მალხაზ ჭილაძე

საკვებს ვუტოვებთ, გამოვდივართ და „შიბერს“ ვიღებთ. ზოგი მტაცებელი აგრესიულია, ზოგი თვინიერი. მაგალითად, ვგრძნობ, რომ მოშივებული ლეოპარდები, ქვეცნობიერად, მუდამ თავდასხმისთვის ემზადებიან. ლომებზე მეტად საშიშები დათვები არიან. ლომს „შიბერის“ გაღება არ შეუძლია. დათვი კი, ტოროთ ცდილობს საკეტის გახსნას...

დღეში რამდენჯერ აქმევთ?

– ერთჯერად კვებაზე არიან. ერთი ლომი დღეში 10 კილო ხორცს ჭამს. საკვები პრობლემა არ არის. ახლაც, 15 ტონა ხორცი გვიდევს მაცივარში. უყვართ ცხენის ხორცი, რომელსაც ჩვენი ხელმძღვანელობა, მოსახლეობისგან ყიდულობს.

ლორის და ცხვრის სორცი არ უყვართ?

– ღორის სორცი არ ვაძლევთ, იმიტომ რომ მეტისმეტად ცხიმინია და შეიძლება, ზედმეტად გასუქდნენ. მოვენსენებათ, გალიაში ისინი, ფაქტობრივად, უმოძრაოდ არიან. დაწვესულია განტვირთვის დღეც: კვირაში 1 დღეს არაფერს ვაჭმევთ. ცხვრის სორცი მაწყინარია და გვემინაია. ფრინველის სორცი კი, არ შეიძლება, იმიტომ, რომ ფრინველს წვრილი ძვლები აქვს და შეიძლება მტაცებელს ნაწლავებში გაეჭვდოს.

თუ იცით, მთლიანად რამდენი ადამიანი ემსახურება ზოოპარკს?

– სამოცდახუთკაციანი ჯგუფი მუშაობს.

ანაზღაურებით კმაყოფილები ხართ?

– ხელფასი 80 ლარი მაქვს, ამდენივე აქვს ჩემს მეუღლესაც, მაგრამ მთავარი მხოლოდ ხელფასი არ არის: ჩვენი აქყოფნის აუცილებლობასაც ვგრძნობთ. რატომღაც გგონია, რომ მათ ვჭირდებით

სწორედ ჩვენ – ადამიანები, რომლებიც თავიანთ საქმეს მექანიკურად კი არა, მთელი სულით და გულით აკეთებენ. შვილები არ გვყავს. ამიტომ სახლშიც არ მიგვეჩქარება. დილიდან საღამომდე ვართ აქ და ამ ცხოველებს დავგუზგურებთ.

— თქვენი განსაკუთრებული ყურადღებით თუ სარგებლობს რომელიმე ცხოველი?

— ორ ლომს, რომელიც ერთ გალიაშია, განსაკუთრებული ყურადღებით ვექცევი. ხვალი უკვე 4 წლის გახდა და წესით, თავისი მეგობრით უნდა დაინტერესდეს. ცოტა ხანში პატარა ლომის ბოკვერიც შეიძლება გავიჩინდეს. საერთოდ მე მტაცებლების მოვლა უფრო მეხალისება, ვიდრე ჩლიქოსნების. მათთვის ბალახის მიტანა უფრო შრომატევადი საქმა. თუმცა, უსაფრთხოების წესები, იქ ნაკლებადაა დასაცავი.

— ცხოველები ტყვეობაში ალბათ ხშირად ავადდებიან.

— რაც მე აქ ვმუშაობ, არც ერთი მტაცებელი არ გამხდარა ავად. სისტემატურად ვაზარებთ აცრებს, რის შემდეგაც ცხოველი ავადმყოფობისგან დაზღვეულია.

— აცრის წინ ალბათ აძინებთ არა?

— არა. ამისთვის არსებობს სპეციალური დისტანციური შპრიცები, რაც საშუალებას გვაძლევს, გალიის გარედან ვაწარმოოთ აცრა.

— არც ერთხელ არ აღმოჩენილხართ საფრთხის წინაშე?

— არა. აქ საშიში არაფერია. უბრალოდ, მეტი ყურადღებაა საჭირო.

საუბარში ზოოპარკის დირექტორის



მოადგილე, გიორგი ზარქუა ერთვება და მალხაზის აზრს აგრძელებს – ზოოპარკში სულ პატარა უყურადღებობა და კურიოზი უბედურების ტოლფასია. ადრე ყოფილა ერთი ასეთი შემთხვევა: იმ დროს, როდესაც მომვლელი გალიას წმენდდა, არ დაიცვა მასსა და „შიბერს“ შორის დასაცავი დისტანცია. დათვმა „შიბერს“ მიღმა გისოსიდან ტორი გამოყო, გოგო ხელით დათრია და სამი თითი წააცალა... მაშინ კომუნიკების დრო იყო და ამ საქმეს ისე ვინ დატოვებდა. ამ შემთხვევის შემდეგ დაწესდა, რომ მომვლელი თავისი საქმიანობის დროს, განყოფილების გამგემაც ვაკონტროლოს. ჩვენს ზოოპარკში ამ წესს დღემდე ვიცავთ.

— როგორც მახსოვს, ერთ დროს ზოოპარკის ლისის ტბის მიდამოებში გადატანაზე საუბრობდნენ...

— კი, იყო ასეთი საუბარი... დღესაც ამ ტერიტორიაზე ბევრს უჭირავს თვალი. უახლოეს წარსულში კი, ზოოპარკი მართლაც ბევრი პრობლემის წინაშე აღმოჩნდა. ხელისუფლების ზოგიერთმა წარმომადგენელმა აქ ახალი ლას-ვეგასის გახსნა მოისურვა. პროექტში გათვალისწინებული იყო ზოოპარკის დაკონსერვება და მისი სანაცვლოდ, კაზინოების გახსნა. ცხოველები კი, ბაქოს ზოოპარკისთვის უნდოდით გადაეცათ. ის თუ არ წაიყვანდა, მათგან „ჰუმანური დაძინების“ მეთოდით გათავისუფლდებოდნენ. გამოვიარეთ ის პერიოდიც, როდესაც შეიარაღებული ხალხი პირდაპირ ვოლიერებში „ნადირობდა“. ისიც გემახსოვრებათ, ზოოპარკში ირემი რომ მოკლეს. დღეს ეს პროცესი დასრულდა. ზოოპარკში 32 სახეობის 140 ეგზემპლარი გვყავს. ეს კარგი მაჩვენებელია. სამომავლოდ, კიდევ ვაპირებთ რამდენიმე სახეობის ცხოველის ჩამოყვანას. მოლაპარაკებები ამის შესახებ თითქმის დასრულებულია. ასე რომ, ჩვენს დამთავლიერებლებს სულ მალე სიურპრიზს შევთავაზებთ. უახლოეს მომავალში, აკვარიუმს ოკეანის თევზებითაც გავამდიდრებთ. ქვეწარმავლების რამდენიმე ცარიელი აკვარიუმიც მალე შეივსება და ერთ-ერთი უმდიდრესი ეგზოტარიუმი გვექნება.

თბილისის ზოოპარკი 1927 წელს დაარსდა. თავდაპირველად ეს 120 ჰა-ს მოიცავდა. დღეს კი, 10 ჰა-აა დარჩენილი. გვინდა, რაც დარჩა, ის ტერიტორია მაქსიმალურად ავითვისოთ და ჩვენი ზოოპარკი თბილისელთათვის ერთ-ერთ ყველაზე კეთილმოწყობილ და სანიმუშო დასასვენებელ პარკად იქცეს.

ინფორმაციული-შეხვედრითი კონკრეტი


ეორი დღის უბის წიგნაკიდან:

იგი ავსტრიის დელაქლაქ ვენას თავის წარმოდგენებში იმ მარგალიტად სახავდა, რომელიც თავად უნდა გაეწმინდა ებრაელებისაგან და შემდეგ ისე მიერთმა ფიურერისთვის საჩუქრად. P.S. II მსოფლიო ომამდე ავსტრიაში 200000 ებრაელი ცხოვრობდა.

12. დიდ ბრიტანეთში ახლად დარგულ ტყის მასივებს ირემებისაგან დასაცავად ლობავენ. P.S. ერთი ირემი წელიწადში 36000 ახალგაზრდა ნერვს ანადგურებს.

13. აფთარს ერთ ჯერზე 14 კილოგრამი ხორცის შეჭმა შეუძლია.

14. პიზის კომისის სიმძლვე 60 მეტრი და 14,5 ათას ტონას იწონის. ამ ახლო წარსულში იგი კიდევ უფრო გადაიხარა და მისი დანგრევის საშიშროება გაჩნდა. იგი ინგლისიდან მოწვეულმა სპეციალისტებმა გაამაგრეს და 10 %-ით გაასწორეს კიდევ. (კომისის ბოლომდე გასწორება მის მიმართ ტურისტების ინტერესის დაკარგვას გამოიწვევდა). სპეციალისტთა გათვლით, კომისს 300 წლის განმავლობაში დანგრევა აღარ ემუქრება.



15. „შპროტს“ ქართულად ქარსალა ჰქვია.

16. წიწკა ძალღერძებისგან ოჯახის მცენარეა.

17. ადამიანს წონასწორობის რეცეპტორები შეინთა ყურში აქვს განთავსებული.

18. წულა თხის ტყავისგან იკერებოდა, ძირი კი ხარის ტყავისა ჰქონდა.

19. ადამიანს ხედა ქუთუთოზე საშუალოდ 100-150 წამწამი აქვს, ქვედაზე – 50-70.

20. წვეტიანი საგნების შიშს აიქიფობია ჰქვია.

21. ანტიკურ ორთვიან ეტლს, რომელიც ოთხი ცხენი ერთმწყრივად იყო შემბული, კვადრიგა ერქვა. P.S. მოსკოვში, დიდი თეატრის ფონტონზე კვადრიგას აპოლონი მართავს.

22. „ჯამაზები“ რუჯერო ლეონკავალის ოპერაა.

23. მაკედონური დინასტია ბალკანეთის მმართველმა კასანდროსმა ამოაწვეტინა. ჩე. წ. აღ-მდე 317 წელს ჯერ ალექსანდრე მაკედონელის დედა – ოლიმპიადა მოაკვლევინა, რამდენიმე წლის შემდეგ კი ალექსანდრეს ცოლ-შვილი – როქსანა და 12 წლის ალექსანდრე IV – შეიპყრო და ისინიც დააზოცვინა.

ნელი სპიტიძე

რამდენიმე დღეში ისრაელის ელჩი საქართველოსა და სომხეთში ეპუდ ეითამი დიპლომატიურ მისიას დაასრულებს და კოლუმბიაში გააგრძელებს მოღვაწეობას — ისევ ელჩის რანგში. მისი პერსონით დაინტერესება იმანაც განაპირობა, რომ ელჩი ჩვენი ქვეყნიდან ქართველ მეუღლესთან — მედეა ახალკაცთან და პატარა დანიელ-დავითთან ერთად მიემგზავრება (სხვათა შორის, ქალბატონი მედეა სახელგანთქმული მწვრთნელის ნოდარ ახალკაცის ქალიშვილია).

საუბრის დასაწყისში გავხვდებით არგონავტებს ერთი მედეა წაგვეკარეს, ახლა თქვენც მედეა მიგყავთ-მეთქი, რაზეც ღიმილით მიპასუხა: იმედი მაქვს, მე და ჩემი მედეა იაზონისა და მედეას ტრაგიკულ ხვედრს არ გავიზიარებთო.

ბატონი ელჩის მშვენიერი მეუღლე ჩვენთან სასაუბროდ საელჩოში მოვიდა: გამგზავრების სამზადისში სახლი ისეთ მღვთაბრუნებაშია, სტუმრის მიღება იქ უხერხული იქნებოდაო.

ეპუდ ეითამის დიპლომატიური კარიერა 16 წლის წინ დაიწყო, როცა ისრაელის საგარეო საქმეთა სამინისტროში მივიდა სამუშაოდ. სპეციალობით იურისტია. ცისფერი თვალებით და სასიამოვნო გარეგნობით მაშინვე იწვევს მოსაუბრის კეთილგანწყობას. „მართალია, ისრაელში დავიბადე, მაგრამ ჩემი წინაპრები ბალტიისპირელები არიან, ცხოვრობდნენ ლიტვაში, შემდეგ უკრაინის დედაქალაქ კიევიში. საქართველოსა და კავკასიის შესახებ სწორედ მათგან მსმენია: გერმანელებს ისინი კიევიდან საქართველოს გავლით გამოექცნენ. მეუბნებოდნენ — კავკასია საოცრად ლამაზია, საქართველო კი დიდი კულტურის ქვეყანა“.

— მე თვითონ პირველად, 1997 წელს ვნახე საქართველო. მაშინ ერთი დღით ჩამოვედი — ბაქოში მივმგზავრებოდი ელჩის შესაცვლელად. იმის მიუხედავად, რომ ზამთრის ცივი, ჩაბნელებული ქალაქი ვიხილე, თბილისმა მაინც მომხიბლა და ამანაც განაპირობა ჩემი გადაწყვეტილება, წამოვსულიყავი საქართველოში მისიის ხელმძღვანელად. 1998 წლიდან აქ ვიმყოფები.

— რა შეიცვალა იმ პირველი შთაბეჭდილებიდან დღემდე? ამ ხნის მანძილზე ალბათ უკეთ გაიცნობდით საქართველოს.

— იმის მიუხედავად, რომ პოლიტიკური თუ ეკონომიკური თვალსაზრისით დიდი ცვლილებები არ მომხდარა, თბილისი მაინც



ეპუდ ეითამა

მედეა ახალკაცა

იცვლება — დაწყებული აღმშენებლობა, მიმდინარეობს ძველი შენობების განახლება, რაც კიდევ უფრო გააღამაზებს თქვენს მშვენიერ ქალაქს. საქართველოს სილამაზე უცვლელი და მარადიულია. თითქმის ყველა კუთხე მოვიარე და დავათვალიერე.

— ყველაზე მეტად რამ მოგხიბლათ?

— ყველა კუთხეს თავისი სილამაზე აქვს: მომწონს კახეთი, გუდაური, აფხაზეთი, სადაც ბევრი რამ ნანგრევებად არის ქცეული, მაგრამ ბუნება საოცარია... სვანეთმა წარუშლელი შთაბეჭდილება დატოვა... იმერეთში ჩავდივართ ხოლმე, ჩემს მეუღლეს იქ სახლი აქვს. ერთი სიტყვით, საქართველო ზღაპრულ ქვეყანას ჰგავს.

— სადაც უამრავი ლატავია და ერთეულები მართლაც ზღაპრულად ცხოვრობენ?

— არ მინდა, ვინმეს გული ვატკინო, მაგრამ ზღაპრების პერსონაჟებიც არ ცხოვრობენ რეალობაში...

— ქალბატონო მედეა, თქვენი გაცნობის შესახებ მოგვიყვით: როგორ შეხვდით ერთმანეთს, როგორ შეუღლდით?

— პირველად ერთმანეთი კონცერტზე ვნახეთ. კარგად მახსოვს — როსტროპოვიჩის კონცერტს ჯანო კახიძე ღირიჟრობდა. ჩემმა მეგობარმა, გაეროს მისიის ხელმძღვანელის მდივანმა (მეც იქ ვმუშაობ) ბილეთები მომცა და ასე შემთხვევით მოვხვდი დიპლომატებისთვის განკუთვნილ ადგილზე. აღმოჩნდა, რომ მე უდის (ასე ეძახიან ეპუდს შინაურები) წინ ვიჯექი. მაშინ ახალი ჩამოსული იყო და იმის გამო, რომ მისი მდივანი

სხვა სამსახურში გადადიოდა, მის შემცვლელს ეძებდა. კონცერტზე თავის მდივანთან, მაკასთან ერთად იყო მოსული და მისთვის უთქვამს — აი, ასეთი მდივანი მინდა... მოკლედ, მაკა იცნობდა ჩემს მეგობარს და სწორედ მათი საშუალებით გავიცანი ერთმანეთი. მდივნად ვერ გამოვდექი, მაგრამ... ეტყობა, იფიქრა და გადაწყვიტა, რომ ცუდი გოგო არ ვიყავი და რომანტიკული ურთიერთობების შემდეგ, ცოლობაც მიხოვა.

ეპუდი:

— დანახვისთანავე მომეწონა, რადგან ძალიან ლამაზია. ურთიერთდამოკიდებულებაც თავიდანვე კარგად აგვეწყო და ის საინტერესო აღამიანი გახდა ჩემთვის. ეს ინტერესი რითიც დამთავრდა, თავადაც ხელავთ.

— ქორწილი თუ გადაიხადეთ? მედეა:

— ამას ქორწილს ვერ დავარქმევ. კვირა დღეს მოვაწერეთ ხელი. ჩემი შვილი მყავდა წამოყვანილი მხოლოდ — არც დედაჩემი, არც ახლობლები... ამერიკის ელჩი იყო მეუღლითურთ — ჩვენ ვმეგობრობდით, — და კიდევ, უდის რამდენიმე თანამშრომელი. ასე, ვიწრო წრეში აღვნიშნეთ ჩვენი შეუღლება.

— ისრაელიდან ახალი რძლის გასაცნობად არავინ ჩამოსულა?

— რა თქმა უნდა, იყვნენ ჩამოსულები, გავიცანი ერთმანეთი. თავიდანვე კარგი განწყობით შევხვდით ერთმანეთს. ასეა დღესაც. მე როცა ისრაელში, უდის ოჯახში ჩავედი, ცდილობდნენ, თავი რაც შეიძლება კარგად მეგრძნო. ჩემს მეუღლეს შესანიშნავი მშობლები ჰყავს და რძალ-

დელამთილის ყბადაღებული პრობლემა არ გვაქვს.

— ძირითადად, რა განსხვავებას ხედავთ ებრაულ და ქართულ ოჯახს შორის და რა არის საერთო?

— ბევრ ებრაულ ოჯახს ახლოს არ ვიცნობ და დეტალურად ამაზე ვერ ვიპასუხებთ. ის კი თავიდანვე დავინახე, რომ იქაური მამაკაცები უფრო მეტ დროს უთმობენ ოჯახს, ვიდრე ჩვენები. ისინი ცდილობენ, თავისუფალი დრო მუდღესთან, შვილებთან ერთად გაატარონ. აქტიურად მონაწილეობენ შვილების აღზრდაშიც: ხშირად ნახავთ ბავშვებთან ერთად სასეირნოდ პარკში, ქუჩაში...

— თავად ბატონი ელჩი როგორია ოჯახში?

— საოცრად მოსიყვარულე და მზრუნველი მამაა — ჩემი გიორგისთვისაც და პატარა დანიელ-დავითისთვისაც. ყურადღებიანი მეუღლეა, მიუხედავად მისი დატვირთული გრაფიკისა, ყოველთვის ცდილობს, თავისუფალი დრო ჩვენ მოგვიძივნას.

— ალბათ გიფიქრიათ იმაზე, თუ როგორ მიიღებდა ქალიშვილის უცხოელზე გათხოვებას ბატონი ნოდარი...

— მის მაგივრად ვერაფერს ვიტყვი, მაგრამ ვფიქრობ, კმაყოფილი იქნებოდა იმით, რომ ბედნიერი ვარ, რადგან კარგი ოჯახი მაქვს, თუმცა ეს მისთვის ძნელი შესაგუებელიც იქნებოდა: ჩემი ძმის წასვლასაც ვერ ვგუებოდა, როცა მან სასწავლებლად და საცხოვრებლად გერმანია აირჩია, მაგრამ შვილები რომ კარგად არიან, მშობლებს ეს უხარიათ... დედაჩემსაც უჭირს ჩემთან და შვილიშვილებთან განშორება, მაგრამ რას იზამს?..

— ბატონო ეჭუდ, რადგან კარგად გასცნობიხართ საქართველოს სხვადასხვა კუთხეს, ალბათ ქართული სამზარეულოს მრავალფეროვნებაც არ დარჩა თქვენთვის საიდუმლოდ? ეჭუდ ეითამი:

— რა თქმა უნდა! ყველა მზარეში სხვადასხვაგვარად ამზადებენ — ზოგან ცხარეა, ზოგან — მეტისმეტად მარილიანი. ისე, ძალიან გემრიელია ყველაფერი, მაგრამ ქართული სუფრის საოცრება ის არის, რომ ძალზედ დიდი არჩევანია და ყველაფერს ვერც გასინჯავ... ღვინის სმა ხომ სრულიად გამორჩეული თემაა. სხვათა შორის, რამდენჯერმე გადავწყვიტე, ავყოლოდი ქართველებს, მაგრამ ეს იმდენად დამიჯდა, რომ რამდენიმე დღე ყველანაირი ფუნქცია დავკარგე. მივხვდი, არაფერი გამომივიდოდა და ამ იდეას თავი დავანებე.

— თქვენი მეუღლე როგორი კულინარია?

— მე უკეთ ვამზადებ. თუმცა, საერთოდ, ეს პრობლემა ჩვენ წინაშე არ დგას, რადგან სახლში მზარეული გვყავს. თუ საჭიროა, მედეაც ახერხებს ნაუცბათევი რაღაცების მომზადებას.

მედეა:
— სამაგიეროდ, ახლა სერიოზულად ვემზადები დამოუკიდებელი კულინარის როლისთვის. ახლობლებმა, ქართული სამზარეულოს რამდენიმე წიგნი მაჩუქეს და ვიწერ რეცეპტებს, რომ კოლუმბიაში, საჭიროების შემთხვევაში, ჩვენებური საჭმელებით გავუმასპინძლდე სტუმრებს.

— მედეა, გიჭირთ ალბათ სამშობლოსთან და ახლობლებთან განშორება?

— რა თქმა უნდა! დიდი ხნით არასოდეს წავსულვარ. ჩემს თავს ფსიქოლოგიურად ვამზადებ და თავს იმ ინფორმაციით ვინუგეშებ, რაც წინასწარ გავიგე კოლუმბიის შესახებ: იქაურები ურთიერთობებში თურმე ძალიან ჰგვანან ქართველებს — ემოციური და თბილი ხალხია.

— ამ სამი წლის მანძილზე ალბათ ბევრ მეგობარს შეიძინდა ბატონი ელჩი?

ეჭუდ ეითამი:
— საქართველოში სოციალური ურთიერთობა ძალიან აქტიურია. ჩემი აქაური მეგობრები ძირითადად, მედეას მეგობრები არიან. იმდენი გვყავს, ვფიქრობ, ათი წლით უზრუნველყოფილები ვართ მეგობრებით. ჩემი მეგობრის მეგობარი და მისი მეგობარიც ჩვენი მეგობარი გამოდის — ასე რომ, თქვენც ჩემი მეგობარი ხართ, — მეუბნება და გულიანად იცინის ელჩი, შემდეგ კი სერიოზულად განაგრძობს:
— საქართველო ის ადგილია, სადაც მეგობრის ფასი კარგად იციან, შენკენ ძოილტვიან და ამასვე ელიან საპასუხოდ.

— ქართული თუ ისწავლეთ? მედეა:

— მე არ მისწავლებია, რადგან ძალიან ეჭუდ ეითამი გიორგისთან და პატარა დანიელ-დავითთან ერთად

მოუცლელია, ისე, რამდენიმე სიტყვა იცის: „მინდა“, „გინდა“...

ეჭუდ ეითამი:

— რატომ? — ცუდი სიტყვებიც ვიცი...

— „დაამწვიდა“ მეუღლე.

— თქვენს შემდეგ ელჩად ვინ ჩამოვა საქართველოში?

— სულ ქალებს შორის ვხვდები ხოლმე: ჩემამდე აქ ქალბატონი ლილი ხახამი იყო, ჩემს შემდეგ ისევ ქალბატონი ჩამობრძანდება. ვიცნობ და ამის თქმა შემიძლია, რომ ძალზედ ენერგიული და აქტიური ადამიანია და პროფესიულად გაუძღვება მინდობილ საქმეს.

— მთელი ოჯახი ერთად გაემგზავრებით?

— დიას, ჩვენ, ორივე შვილი და კიდეც — ლილი.

— ლილი ვინლაა?

— ჩვენი ძალი.

ბოლო სიტყვა ბატონმა ეჭუდმა ითხოვა — იმისთვის, რომ საუკეთესო მასპინძლობისთვის მაღლიერება გამოეხატა საქართველოს მიმართ:

— მინდა გულწრფელად ვუსურვო თქვენს ქვეყანას წარმატება ყველა საქმეში, უპირველესად — იმ კრიზისიდან გამოსვლა, რომელშიც ახლა იმყოფებით. კიდეც, დიდი სურვილი მაქვს, შეუნარჩუნო სილამაზე საქართველოს, რადგან მიმაჩნია, რომ ეს ქვეყანა ჩემიც არის.

P.S. ჩემი მასპინძლები ჩვეულებრივზე მეტად მოუცლელნი იყვნენ, თუმცა ფოტოგადაღებაზე უარი არ უთქვამთ. უფროსებისგან განსხვავებით, გიორგი „დაგვემალა“, რომელიც თურმე კოლუმბიაში წასვლაზეც „მწყრალად“ ყოფილა: „არსადაც არ წამოვალ, საქართველოში უნდა დავრჩე!“ — აპროტესტებს ის და ამის გამო, სურათის გადაღებაზეც სასტიკ უარს ამბობს. მისი ფოტო, სოჯახო ალბომიდან ქალბატონმა მედეამ გვათხოვა...



რედაქციაში ახალგაზრდა კაცმა დაგვირეკა და ერთ ილ-
ბლიან პიროვნებაზე — ლევან შინგილიაზე გვიამბო. ლე-
ვანი „მწვანე ბარათის“ — ამერიკაში ცხოვრებისა და
მუშაობის უფლების მქონე, ნიჭიერი კომპოზიტორია. ათი
წელია, რაც ოკეანის გაღმა ჯონ ლენონის შვილის —
ჯულიანის წყალობით ცხოვრობს და ამჟამად მაიაში ან-
სამბლ „ლევანს“ უდგას სათავეში. თურმე მექსიკელ მილიონ-
ერ იმპრესარიოს მაიკლ ჩიბრისს ამ კაცის დიდი იმედი
აქვს, ლევანის პირველი დისკო კი, უკვე დააფინანსა და
გამოუშვა კიდეც. ამერიკის გარდა, ქართველი მუსიკოსი
მაღე ალბათ თავის სამშობლოშიც პოპულარული გახდება.
ამჟამად ის თბილისში იმყოფება, რითაც ვისარგებლეთ და
ინტერვიუ ჩამოვართეთ.



თბილისში ჩამოსულმა ლენონმა სამტრედიელ ლევანს მანიამისკინ მიმავალი გზა გაუხსნა

გორა ტყეველაშვილი

— ლევან, თბილისელი ხარ?

— არა, სამტრედილაში დაიბადე, 1969 წლის 6 მაისს — გიორგობა დღეს. წესით, ჩემთვის გიორგი უნდა დაერქმიათ, მაგრამ ჩემი ორი უფროსი ძმოდან ერთს უკვე ერქვა ეს სახელი და მამაჩემს, მიტუმას უხუმრია: რა მეფეები ჩვენ ვართ, რომ ოჯახში გიორგი მეორეც გვყავდესო?!

— განსაკუთრებული მუსიკალური ნიჭი მშობლებისგან დაგვყვა?

— არა, ჩემი მშობლებიდან არც ერთს არა აქვს მუსიკალური სმენა. არც ძმები გამოირჩევიან ამ მხრივ. დედა დიასახლისი, მამა კი — ჩვეულებრივი მძღოლია და ხელოვნებასთან შეხება არასოდეს ჰქონიათ.

— შენში როგორ აღმოაჩინეს მუსიკისადმი მიდრეკილება?

— სახლში არანაირი ინსტრუმენტი არ გვექონია. მე თვითონ ბუნდოვნად მახსოვს, რომ დაახლოებით ხუთი წლის ვიყავი, როცა ტელევიზორით მოსმენილ მუსიკას ძველ სკამზე თითების კაკუნით ავყევი — და, როგორც ჩანს, ეს საკმაოდ კარვად გამომდიოდა, რადგან ვინც ჩემი თითების კაკუნს მოისმენდა, ყველა აღფრთოვანებულნი რჩებოდა.

— და აღფრთოვანებულმა მშობლებმაც გადამწყვიტეს, შეილისთვის მუსიკალური განათლება მიეცათ, არა?

— ჰმ, გაგიკვირდება, მაგრამ ასე არ მომხდარა. ინიციატივა მე თვითონ გამოვიჩინე და მშობლებს მოეთხოვე, მუსიკალურ სასწავლებელში მივეყვანე. ხუთი წლის

გავიუტებულ ბავშვს მშობლები დამნებდნენ და ექვსი წლისა, სამტრედიასთან მდებარე დაბა კულაშის შვიდწლიან მუსიკალურ სასწავლებელში მიმაბარეს.

— ჰიანინოც გიყვიდეს?

— მივიდეს, მაგრამ მხოლოდ ერთი წლის შემდეგ. მახსოვს, ბელორუსიის გამოშვებული იყო, Отрада ერქვა. მის შეხენას დედაჩემის გამოზრდილი ძროხა — ფაქიზი, ბოჩოლასთან ერთად შეეწირა, მაგრამ ფული მაინც გვაკლდებოდა და ამიტომაც, დაბადების დღეზე მოსულ ხალხს, 7 წლის ბავშვი ვეხვეწებოდი: ფული მაჩუქეთ, საჩუქრის ნაცვლად — ჰიანინო უნდა ვიყიდო-შეთქი. მის ასაწყობად კი, დიდი დრო და ნერვები დაგვკვირდა. ადგილობრივი ხელოსნების აწყობილი, ჩემს მშობლებსა და სანათესავოს მოსწონდა, მეუბნებოდნენ — ნახე, ბიჭო, რა კარგი ხმა აქვსო, მე კი ყურს მჭრიდა... ყველას ეგონა, ვჟინიანობდი. ამ ტანჯვას სამტრედიის კულტურის სახლში თბილისიდან ჩამოსულმა როიალის ამწყობმა მოუღო ბოლო. მამაჩემმა შინ მოიყვანა და, როგორც იქნა, „ამოვადებინეთ“ ხმა ინსტრუმენტს.

— მუსიკალურ შვიდწლედში არ გიჭირდა სწავლა?

— დაწყებით კლასში უცნაურ საგნებს გვასწავლიდნენ: მახსოვს, ერთ-ერთს „ტაშფანდურაც“ კი ერქვა და ისეთი სიმღერების შესწავლას ითვალისწინებდა, როგორებიცაა „დედიჩემის ჭადრა“, „ბაღში სისინებს ქარი“ და ა.შ. კლასში თექვსმეტი გოგო იყო, ბიჭი კი — მხოლოდ მე ვიყავი. „ბეთჰოვენას“ მეძახდნენ, რადგან სამტრედიის რაიონში ბეთჰოენი ითვლებოდა ყველაზე დიდ მუსიკოსად.

— თბილისში როგორ მოხვდი?

— ეგ ცალკე მოსაყოლია... საერთოდ, მიმანია, რომ ბუნდოვან ვარსკვლავზე ვარ დაბადებული და ამის დასტურად, ეს ამბავიც გამოდგება. შეიძლება ვამთავრებდი, როცა სამტრედილაში ნიჭიერი ბავშვის სახელი გამოვიარდა, მამაჩემი, მიტუმს „სამტრედილა-გაუწყინარის“ (სოფელი აბაშის რაიონში. — ავტ.) ავტობუსზე მუშაობდა. ერთ-ერთი რეისის დროს, ხალხით, გოჭებითა და ქათმებით გადაჭვდილ ავტობუსში მამა საშუალო ხნის ქალს დაეხმარა — ადგილი გამოუძებნა მძღოლის სავარძლის გვერდით. მიტუმს კომუნიკაბელური კაცია და გზაში საუბარი გააბეს. მამას უთქვამს, — ჩემი ბიჭი ასეთი და ასეთი ნიჭიერიაო... იმ ქალს, თავის მხრივ, უპასუხია — ჩემი და, შურა თოდუა ზაქარია ფალიაშვილის სახელობის ნიჭიერთა მუსიკალური ათწლეულის დირექტორის მოადგილეა და, თუ გნებავთ, დაუკავშირდები და რეკომენდაციას გავუწევო. შეიძლება, იმ უამრავი ყოველდღიური შემთხვევითი ნაცნობიდან, რომელიც ამ მაღლიან მიწაზე ხდება და გაგრძელება არა აქვს, არც ამ შეხვედრას ჰქონდა რაიმე დიდი მნიშვნელობა, მაგრამ ჩემს შემთხვევაში ყველაფერი სხვაგვარად წარიმართა.

— მაინც როგორ?

— კულაშის მუსიკალური შვიდწლედის მაშინდელმა დირექტორმა რეკომენდაცია გამიწია, რომ თბილისში, მუსიკალური ტექნიკუმის დირექტორთან ქსენია ჯიქიასთან მივსულიყავი. მართლაც, ცამეტი წლის ბიჭი მამამ თბილისში ჩამომიყვანა. სანამ ქალბატონ ქსენიასთან მივილოდი, გზად შევეურეთ შურა თოდუას. იმ წელს ფალიაშვილის სახელობის მუსიკალურ ათწლეულში რატომღაც კონტინგენტი არ შეივსო და ქალბატონმა შურამ დირექტორს უთხრა:

ამბობენ ნიჭიერია, ძალიან მიქვს და მოდი მოეუსმინოთ — ბავშვები მანც გვაკლიაო. მომისმინეს და მითხრეს: ყველაფერი უკუ-ღმა გაქვს ნასწავლი, მაგრამ ნიჭი გაქვს და ერთი სემესტრი დარჩი, იქნებ, შენგან რამე გამოვიდესო. გახალისებულმა მამამ იმ სასწავლებლიდან მუსიკალურ ტექნიკუმში მიმიყვანა, იქაც მომისმინეს და მამას უთხრეს: ყველაფერი უკულმა აქვს ნასწავლი, თანაც უნიჭოა და ამ ბავშვისგან არაფერი გამოვაო... არჩევანი აღარ მქონდა და მამამაც ათწლეულში შემეყვანა.

— თბილისში სად ცხოვრობდით?

— ჩვენი სამტრედიელი მეზობლის ნათესავი, ყოფილი კლარნეტისტი ალექო, პლენანოვზე ცხოვრობდა და იმას მივადექით. ძალიან კარგი კაცია. პირველივე დღეს აპირებდა, დღევანდელი ენით რომ ვთქვათ, ჩემთვის ტესტირების ჩატარებას, მაგრამ მამამ უთხრა — შენთვის ისეთი ტყემალი მაქვს „ბანკებით“ ჩამოტანილი, რომ ცხოვრებას გაეიხალისებო. გახსნა ბარგი და... ყველა ქილა გატეხილი აღმოჩნდა. „დარდიან“ გულზე იმ საღამოს იქეიფეს. ჩემს გულშემატკივართა რიგს კი იმ დღიდან კიდევ ერთი კაცი — ყოფილი კლარნეტისტი ალექო შეემატა.

— ათწლეულში როგორ წარმოართა შენი ცხოვრება?

— ჩემთვის ყოფით პრობლემებს მნიშვნელობა არ ჰქონდა. ცოტა ფულს მიგზავნიდა მამაჩემი, მაგრამ მყოფნიდა. ჩემთვის მუსიკა იყო ყველაფერი. ალბათ ამის გამო დამიხსლოვა ქალბატონმა შურა თოლუამ, რომელიც მოგვიანებით ჩემს დედობილად იქცა და მე „შურა მამიდას“ ვეძახდი. მან ახალგაზრდობის აღზრდას შესწირა ყველაფერი. კონსერვატორიაში სწავლის პერიოდში, როცა მიჭირდა და ბინის და-

„ბავშვობაში, ასე, თითების კაკუნით აყვებოდი ხოლმე მუსიკას“



ქირაგების საშუალება არ მქონდა, შურა მამიდამ თავის ოროთახიან ბინაში შემიკედლა და როგორც საკუთარ შეივლს, ისე მივლიდა. საღამოობით დიდხანს ვსაუბრობდით ხოლმე. ყველაზე მეტად გული ორ რამეზე სტკიოდა: შვილი რომ არ ჰყავდა და კიდევ, კონსტანტინე გამსახურდიას მიერ ნათქვამ სიტყვებზე...

— როგორ? შესვედრიან ერთმანეთს?

— კი. ნიჭიერთა მუსიკალურ ათწლეულში, საფორტეპიანო განყოფილებაზე სწავლობდნენ ზვიად გამსახურდია და მერაბ კოსტავა. როგორც შურა მამიდა მიყვებოდა, ზვიად გამსახურდია უზომოდ ნიჭიერი და განათლებული, მაგრამ ამასთან, ამპარტავანი და ძალიან ამაყი ყოფილა. რაღაც ბავშვური ეშმაკობის გამო, ზვიად დაუსჯიათ, მაგრამ კონფლიქტი გამწვავებულა და შურა მამიდას, პრინციპულობის გამო, სასწავლებლიდან გაურიცხავს. გარკვეული ხნის შემდეგ, ჩოხა-ახალუხში გამოწყობილი კონსტანტინე გამსახურდია მისულა სასწავლებელში. ყველა მას შემოეხვია თურმე. უკითხავს — ვინ გარიცხა ჩემი შვილიო. შურა თოლუამო, უპასუხეს და მასზე მიუთითეს. მაგ გლეხის ქალს რა უნდა ველაპარაკო?! — წესიერად არც შეუხედავს და ხმაც კი აღარ გაუცია, ისე წასულა. მისთვის მიყენებულ გულის ტკენას ძალიან განიცდიდა შურა მამიდა...

— ათწლეულის შემდეგ, კონსერვატორიაში განაგრძე სწავლა?

— კი, კონსერვატორიაში საკომპოზიტორო ფაკულტეტზე ჩაბარება არ გამჭირვებია, მაგრამ დასაწყისშივე მძიმე სულიერი ტრავმა გადავიტანე.

— თუ შეიძლება, ამის შესახებაც მოგვიყვირე.

— კონსერვატორიაში ჩარიცხვისას, ოთარ თაქთაქიშვილმა თავის კლასში ამიყვანა და, მიუხედავად იმისა, რომ სულხან ნასიძის კლასში მინდოდა სწავლა, ხმა არ ამომიღია. ბატონი ოთარი იყო უზადოდ დანვეწილი პიროვნება, ცოცხალი ენციკლოპედია, რომლის მსგავსი მე ამერიკის არც ერთ უმაღლეს სასწავლებელში არ მინახავს... მოვეწონე და სამეცადინოდ თავისთან სახლში დავყავდი. ექვსი თვე იყო გასული, მასთან რომ ვმეცადინებდი, და ერთხელ უეცრად, დაიძახა ბატონმა ოთარმა — მიშველეო და გადავარდა. გაოგნებული ვიყავი, არ ვიცოდი, რა მეღონა, სიკვდილს, ფაქტობრივად, ცხოვრებაში პირველად გადავეყარე. ამ შემთხვევამ კი ჩემზე



ჯულიან ლენონი

ისე ძლიერ იმოქმედა, — ვინმეს დალუპვის ამბავს რომ შევიტყობ, დღესაც ყოველთვის მეტირება...

— ლენონ, ამერიკაში, კონსერვატორიის დამთავრების შემდეგ მოხვედი?

— არა. ხომ ვითხარი — ბედნიერ ვარსკვლავზე ვარმეთქი დაბადებული. 1990

წლის შუა ზაფხული იდგა. უკვე კონსერვატორიის III კურსის სტუდენტი ვიყავი. მოგეხსენებათ, ჩვენში დიდი არეულობა იყო. შურა მამიდა სტუდენტებთან ერთად საღლაც იყო წასული, მე კი მის სახლში მარტო ვცხოვრობდი. სულხან ნასიძემ დარეკა და მითხრა: ამერიკის დელეგაციაა ჩამოსული და საჩვენებელი კონცერტი უნდა გავმართოთ. მეორე დღის 12 საათისთვის დამიბარა. ისეთი განწყობა მქონდა, რომ აუცილებლად რაღაც უნდა მომხდარიყო. კონცერტზე ჩვეულებრივად გამოვედი და განსაკუთრებული თითქოს არც არაფერი მომხდარა. კონცერტის დამთავრების შემდეგ კი, ვიღაც მოვიდა ჩემთან და თარჯიმნის მეშვეობით საუბარი დამიწყო. ჩემ გარშემო ყველა დაძაბული და გახარებული იყო, მაგრამ მე ვერ ვხვდებოდი ამის მიზეზს, სანამ არ მითხრეს, რომ ჯონ ლენონის შვილი — ჯულიანი მელაპარაკებოდა. შენი გამოსვლა ძალიან მოეწონა და თანამშრომლობისთვის მიმოწერას გთავაზობსო, მითხრეს.

— რა მისწერე პირველად?

— გულახდილად გეტყვი, რომ ამ შემთხვევის შემდეგ ყველა „ამერიკელობას“ მილოცავდა და მეც ოცნებებში დაფორინავდი. მოვებნე ინგლისურის კარგი სპეციალისტი და მასთან ერთად შევადგინე ნაღდი ქართული წერილი შემდეგი შინაარსით: ბატონო ჯულიან, მინდა, ოჯახებით ვიმეგობროთ, თუ ჩამობრძანდებით ჩვენი სამტრედიისში, კარგ პატივს გცემთ და ა.შ. ბოლოს, მოვიკითხე მისი ოჯახის წევრები და მამამისის ხსოვნასაც პატივი მივაგე. გადავთარგმნე წერილი ინგლისურად. ამასთან, ერევანის გამოშვების მაგნიტოფონზე ჩემი კომპოზიციები ჩაწერე და წავედი ფოსტაში. უცნაურად კი შემომხედეს, მაგრამ არაფერი უთქვამთ. 3 მანეთისა და 50 კაპაკის მარკები დამაკრევენიეს მომცრო ბანდეროლზე და ჩაიბარეს.

— პასუხი რამდენ ხანში ჩამოგივიდა?

— ძალიან გამიკვირდა, რომ თვე-ნახევარში ერთწინადადებიანი პასუხი მომივიდა: „მივიღეთ თქვენი წერილი, ვისურვებდით თქვენაირ სტუდენტებს“ — და ხელმოწერა: ჯულიან ლენონი.



„მაიამის ამ რესტორანში დავიწყე მუშაობა მუსიკოსად...“

რა რეაქცია გქონდა?

— ზუსტად ვერ აღვიწერ, მაგრამ მახსოვს, რომ ვგრძობდი — რაღაც ძალიან დიდი ამბავი ტრიალებდა ჩემს თავს. ორ აუდიოკასეტაზე, შედარებით პროფესიულად — ე.ი. ხმის ჩამწერ სტუდიაში, ჩემი სხვა კომპოზიციები ჩაწერე და ამჯერად მოკლე წერილი მივწერე: ბატონო ჯულიან, მივიღე თქვენი წერილი და მეც ვისურვებდი თქვენისთანა მასწავლებელს-მეთქი... სამ თვეში კვლავ მიმივიდა ჯულიანის პასუხი, სადაც იგი ამერიკის თოთხმეტი ქალაქის მუსიკალური სასწავლებლის მისამართებს მწერდა და მიხსნიდა, რომ ის თვითონ არ მასწავლებლობდა, თუმცა, მირჩევდა, ჩამოთვლილ სასწავლებლებში გამეზავნა ჩემი ნაწარმოებები და მისი სარეკომენდაციო წერილის ასლიც, რომელიც კონკრეტულად იდო, არ დამევიწყებოდა. ამასთან, მახსოვს, ამერიკული პრაგმატულობით, გზავნილის დაზღვევასაც მირჩევდა. ყველაფერი ისე გაგაკეთე, როგორც მირჩია და თოთხმეტივე ქალაქში გავაგზავნე.

რამდენისგან მიიღეთ დადებითი პასუხი?

— თოთხმეტივესგან — მათ შორის იყო ბოსტონის, სან-ფრანცისკოს, ნიუ-იორკისა და სხვა ცნობილი მუსიკალური სასწავლებლები — დადებითი პასუხი მივიღე. ამასთან, უმეტესობა საკუთარი ხარჯებით მთავაზობდა სწავლას. მე კონკრეტულად შტატის ქალაქ ჰარტფორდში სწავლის გაგრძელება გადავწყვიტე. მამჩემმა მიტუმმამაც დამიჭირა მხარი და ჩემმა მოსწავლეობის დროინდელმა ექსპერტმა, კლარნეტისტმა ალექომ ჩემს გამგზავრებას კი, დედაჩემის მეორე ძროხა, თავისივე ბოროლითურთ შეეწირა. ჰარტფორდის უმაღლეს სასწავლებელში 1991 წლის 25 აგვისტოს დამიბარეს, მაგრამ იმ დროისთვის გამგზავრება ვერ მოვახერხე, რადგან მოსკოვში უნდა ჩაფრენილიყავი და იქიდან წავსულიყავი ამერიკაში, მოსკოვის თვითმფრინავები კი, საწვავის უქონლობის გამო, არ დაფრინავდა. გადადება აღარ შეიძლებოდა: ბოლოს და ბოლოს, სამტრედიაში გამოსათხოვარი სადამოც მომიწყვეს, სუფრაზე მუსიკოსებიც დაპატიჟეს და ადგილობრივმა პატივსაცემმა ხალხმაც ერთი კარგად დამაბრია... სხვათა შორის, ბებია

მეკითხებოდა — შვილო, შაბათ-კვირას ხომ ჩამოხვალო?... ისე, ახლაც რომ ვუკვირდები, მეც ასე მარტივად ვუყურებდი ყველაფერს, თორემ გამგზავრებას ვერ გავებდავდი.

ვიზა როგორ გააკეთე?

— გაგვიჩინებ, მაგრამ მოსკოვში, ქართული კულტურის ცენტრ „მზიურში“ რომ მივედი, მაშინ გავიგე, რომ ვიზა ყოფილა საჭირო. იქაც ვამიძაროვებოდა და ისე ჩამირტყეს პასპორტში ვიზა, არავინ გამსაუბრებია. მივედი აეროპორტში, ჩავჯექი თვითმფრინავში და ვიგრძენი, რომ სულ სხვა სამყაროში მოვხვდი. ინგლისურად ერთი სიტყვაც არ მესმოდა, რუსულად კი ძლივს ვახერხებდი ცალკეული ფრაზების წარმოთქმას. თუმცა, არაფერზე ვფიქრობდი. ამერიკაში, აეროპორტში თბილისის კონსერვატორიის ყოფილი ლექტორი, იმ დროისთვის იქ უკვე ადაპტირებული კარლო ბეგიევი უნდა დამხვედროდა, რომელიც ერთხანს ჩემი მასწავლებელიც იყო. მისი დიდი იმედი მქონდა, მაგრამ აეროპორტში გამოსასვლელის მოძებნაც კი ვოჯოხეთად მექცა.

ვგ როგორ?

— არ ვიცი. ეტყობა, ენის უცოდინარობასთან ერთად, დავიბენი კიდევ, თორემ იქ ისრებიოდაც კი შეიძლება ორიენტაცია აიღო... ოთხ საათს მოვუნდი აეროპორტიდან გამოსვლას და ბოლოს, იქაური პოლიციელების დახმარებით, ბატონი კარლოც ვიპოვე. თან, გაჭირვებულს ქვა აღმართში მიეწიაო — ისეთი რამე დამემართა.

ასეთი რა მოხდა?

— საქართველოში დამარიგეს (გამამაყირეს!) — ამერიკაში დაკვიცილ დოლარებს არ იღებენო და სიმწრით შეგროვილი 700 დოლარი „საროკის“ გულის ჯიბეში მარაოსავით გაშლილი მეღო. ჰოდა, რომ დავიხედე ჯიბეზე, დოლარები ვეღარ ვნახე... შარვლის უკანა ჯიბეში ორი გაკეცილი 20 დოლარიანი მქონდა და იმის ამარა დავრჩი. ბატონმა კარლომ თავისთან წამიყვანა, დამაბინავა, მაგრამ მეორე დღეს, დროის უქონლობის გამო, ვეღარ გამოიყვანა საბოლოო დანიშნულების პუნქტამდე: მომცა 200 დოლარი და გამომიტუმრა. კიდევ კარგი, ფურცელზე მქონდა დაწერილი, სად უნდა მივსულიყავი და ტაქსის მძღოლმა მიმიყვანა.

ჰარტფორდის უნივერსიტეტში გელოდნენ?

— არავინაც არ მელოდა. წარმოიდგინეთ, ამერიკული სასწავლებლის შენობის წინ, 25 აგვისტოს ნაცვლად, 18 სექტემბერს

ჩერდება ტაქსი და გადმოდის სამტრედიაში... ლევან შენგელია... კარგა ხნის შემდეგ ჩემთან ვილაკები მოვიდნენ და მეც ვუჩვენე საბუთები. თორემ იქაური მომსახურე პერსონალი ყოფილა. მომიკიდეს ხელი და ოროთახიანი ნომრის ერთ-ერთ ოთახში, თავისუფალ საწოლთან მიმიყვანეს... საშინელ დებურესიაში ჩავვარდი. სამი დღე ლოგინზე ვიწექი. არც არავის მოუკითხავს და არც არავის გაუცია ჩემთვის ხმა: თავისუფალი ქვეყანა — გინდა იწვე, იწვე, არავინ გავცემს თურმე ხმას...

სწავლის დანებდა როგორღა შეძელი?

— რამდენიმე კაცს, დერეფანში სერიოზულად რომ დადიოდა, ჩემი საბუთები ვუჩვენე და ხელით მიმანიშნეს, სად უნდა მივსულიყავი. პირველად, ინგლისურის შემსწავლელ ექსტოვიან კურსებზე გამგზავნეს. იქ ისეთი თვალსაჩინოებები და სწავლების საშუალებებია, მართლა ლენჩი უნდა იყო, რომ ვერ ისწავლო.

რით ცხოვრობდი, სტიპენდია დაგინიშნეს?

— ჩემს შემთხვევაში გამონაკლისი მოხდა და მართლაც დამინიშნეს სტიპენდია — თვეში 120 დოლარი, მაგრამ ეს ამერიკისთვის სიმბოლური თანხაა და ერთ-ერთ კაფეში მრეცხავად დავიწყე მუშაობა. ორ წელიწადში დამაწინაურეს და ბიფშტექსების მზარეულად გადამიყვანეს. სამ წელიწად-ნახევარი ვსწავლობდი და ჰარტფორდის უმაღლესი მუსიკალური სასწავლებელი წარჩინებით დავამთავრე. ბევრი გაჭირვება ვნახე, მაგრამ ყველაზე მეტად, მინც ქართველმა დამწყვიტა გული.

რატომ?

— არ მინდა დავასახელო, მაგრამ ერთი ბიზნესმენი ხუთი ათას დოლარს დამპირდა და ამ თანხის იმედით, ცხოვრების პირობები გავიუმჯობესე: ცალკე ბინა ვიქირავე და ვმეცადინებოდი, მაგრამ როგორც ხდება ხოლმე, იმ ქართველმა „გადამადლო“ და მის იმედზე დარჩენილმა, კინაღამ კარიერაც გავიფუჭე. ბინის მეპატრონემ სასწავლებელს ამ თანხის მოთხოვნა გაუგზავნა. იქ კი გამაფრთხილეს: თუ ამა და ამ დროისთვის თანხას არ დაფარავ, მიბრძანდი სამტრედიაში... ისევ გამიმართლა: შობის დღეს მდიდარი ამერიკელების ოჯახში მიმიწია ფორტეპიანოზე დაკვრა. ამერიკელებს უყვართ შობის დღეს საჩუქრების გაკეთება და ჩემით აღფრთოვანებულებმა, დარდის მიზეზი რომ მკითხეს, ყველაფერი მოვუყვები. მეორე დღეს სასწავლებლის ხელმძღვანელობამ დამიბარა და მითხრა: შენი ვალი დაფარულიაო. სხვათა შორის, ის ოჯახი წელიწადში ერთხელ, სამშობლოში წასვლა-მოსვლისას, I კლასის თვითმფრინავის ბილეთითაც მასაჩუქრებდა.

— **სასწავლებლის შემდეგ ალბათ უფრო გაგიაფილდა ცხოვრება?**

— არც მასე იყო საქმე. ჩემი თბილისელი მეგობარი გოგონა დალი ლეკვეიშვილი, რომელიც მაიაში „ბებიისითერად“ (ბავშვის მოძველებად) მუშაობდა, დამიკავშირდა და მითხრა: მანდ თუ არაფერი გამოგივა, აქ ჩამოდი, ჩემთან იცხოვრე და დაგეხმარები სამსახურის მოძებნაშიო. სამი წელი ერთად ვცხოვრობდით და ერთმანეთს ვედექით მხარში. იმ პერიოდში მუსიკის მასწავლებლად მოვეწყვე ზანგებლის საბავშვო ბაღში და პატარა ზანგებს ვასწავლიდი სიმღერებს. ბაღის დირექტორმა თვითონ შემომთავაზა — იქნებ, რამე თქვენურიც აძლერო და აბა, ამაზე როგორ დავზარდებოდი?! ვასწავლე: „ჩემო ტკბილო მეგობარო“, „ჟუჟუნა წვიმა“ და „სულიკო“.

— **მუშაობის უფლება გქონდა?**

— მე ამერიკაში პრაქტიკის გავლის უფლება მქონდა და ეს გამოვიყენე. ამავე დროს, ჩემი იურისტის დანმარებით, „მწვანე ბარათიც“ მივიღე.

— **ამერიკელ გოგონებთან ურთიერთობა გექნებოდა...**

— რა თქმა უნდა, პატარ-პატარა გატაცებები მქონდა. მათ შორის ყველაზე აღსანიშნავი, ჰარტფორდში სწავლისას, კანადელ გალაისთან ურთიერთობა იყო. თუმცა, ბოლოს მაინც დავეშორდი. ძალიან თავისებური ხალხია...

— **მასწავლებლობის შემდეგ რა მოხდა?**

— მაიაში-ბიჩის ერთ-ერთ რესტორანში დავიწყე მუშაობა ფორტეპიანოზე დამკვერელად და მოკლე ხანში იქაურ მუსიკალურ სასწავლებელშიც — პედაგოგად. თუმცა, მუსიკალურ სასწავლებელს მალე თავი დავანებე და კერძო მოსწავლეები ავიყვანე. იქ ყველა მდიდარი ოჯახი თავს ვაღივებულად თვლის, შვილებს კერძო მუსიკალური განათლება მისცეს და კარგ ფულსაც იხდიან. ცნობილი ქართველების შვილებიც სწავლობენ, სხვათა შორის, მაიაში, ოღონდ დასახელებას ნუ მომთხოვ. ზოგიერთ მათგანს მეც ვამეცადინებდი.

— **მაინც რომ გთხოვო მათი ვინაობის გამხელა?**

— არა, არ გამოვა. აი, ჩემზე და დალიზე კი გეტყვი, რომ მართლა მეგობრები ვიყავით და ორი მარტოსული, ქართულად ვცხოვრობდით მაიაში. დალი მოვიანებით ფინელ დევიდ ლონდონზე გათხოვდა და ამჟამად ფინეთში ცხოვრობს. ჩვენ ახლაც ვმეგობრობთ.

— **შენი მუსიკალური კარიერის აღმასვლა როდის დაიწყო?**

ყო?

— მაიაში იმ რესტორნის მეპატრონე, სადაც მე ვუკრავდი, მექსიკელი მაიკლ ჩიბრასია. მოვეწონე და ორი წლის შემდეგ თანამშრომლობა შემომთავაზა. რვაკაციანი ინტერნაციონალური ჯგუფის ჩამოყალიბებაში დამეხმარა 2000 წლის დასაწყისში და „ლეკანი“ დამარქვეინა — ასე აჯობებსო. სტილს, რომელშიც ჯგუფი მუშაობს, „ახალი საუკუნე“ (NEW AGE) ეწოდება და რაღაც თავისებურად საინტერესო, ტემპერ-ამენტის მუსიკაა, რომელშიც ქართულ ელემენტებსაც ვაქსოვ ხოლმე. ერთი კომპაქტ-დისკი უკვე გამოვიშვით. არ მინდა საკუთარი თავი წინასწარ ვაქო, მაგრამ მგონია, რომ დიდ წარმატებას მივალწევთ. ჩემმა იმპრესარიომ იცის ფულის ყადრი და იმედი მაქვს, ფეხზე დამაყენებს, კონტრაქტით კი, ჩემი სურათებისა და დისკის მისი ნებართვის გარეშე აქეთ-იქით ტარება მეკრძალება. ასე რომ, ამერიკიდან ყველაფერი ის, რაც მინდოდა ჩემი ქვეყნისთვის მქმენებინა, ვერ წამოვიღე.

— **საქართველოში დაბრუნებაზე თუ ფიქრობ?**

— ჯერჯერობით ზუსტად ვერ გეტყვი. რომ დავბრუნდე, რა ვაკეთო? ჩემი პროფესია მუსიკაა, ნებისმიერი პროფესია მომეგებიანი უნდა იყოს. მე კი არ მესმის, რატომ ან როგორ უნდა გამართო ფილარმონიაში კონცერტი, რომელიც 25 ათასი დოლარი ჯდება და 12 ათასიანი შემოსავალი მოაქვს... შეიძლება, პათეტიკურად ჟღერდეს, მაგრამ მინდა ვთქვა, რომ მიუხედავად ყველაფრისა, მე მიყვარს საქართველო და ქართველები და ამას, რაც დრო გადის, უფრო მეტად ვგრძნობ. ამერიკაში ჩემი მეგობრები რომ ჩამოდიან, სიხარულით ცას ვეწევი ხოლმე და მინდა, სულ ქართულად ვილაპარაკო. მე მგონია, აქცენტიც კი სამტრედიოელი შევინარჩუნე.

— **გინდა, საქართველოშიც პოპულარული რომ გახდე?**

— იცი, ჩემს კომპაქტ-დისკზე ჩაწერილი მუსიკის (ახლა ჩვენი რადიო-არხები ატრიალებენ) ეთერში მოსმენა არ მსიამოვნებს-მეთქი, რომ ვითხრა, არ ვიქნები მართალი. გამიხარდება, თუ ჩემი ქვეყანა ჩემს მუსიკას მიიღებს და ხალხს მოეწონება. ყოველ შემთხვევაში, ამის იმედს ვიტოვებ.

— **ქართული ესტრადის ვარსკვლავებზე რას იტყვი?**

— ქართული ესტრადა, როგორც ასეთი, ჩემი აზრით, არ არსებობს, რადგან ის მიმბაძველობაზეა აგებული. აი, გოგი ცაბაძის მუსიკა ნამდ-

ვილად ქართულია და შეუძლებელია, პროფესიონალ მუსიკოსს სხვა რომელიმე ქვეყნის მუსიკაში აერიოს. მაგალითად, ამერიკაში, ჰოლივუდში, ქართული ესტრადის არც ერთ ვარსკვლავს არ იცნობენ, მაგრამ ნამდვილად იცნობენ ან-სამბლ „რუსთავს“...

— **მიუხედავად ამისა, აქაურებში ვის გამოყოფდი?**

— განსაკუთრებით არავის. თუმცა, მინდა რუსა მორჩილადის კარგ ხელწერას გავუსვა ხაზი: მისი მუსიკა ყოველთვის გამოირჩევა დახვეწილობითა და გემოვნებით. ერთი ამბავი მინდა, მოვითხროთ. ერთ-ერთი წინა ჩამოსვლისას, მეტეხში დამპატიჟა ახლოებლმა, რომელსაც მაია ერქვა. ფოიეში, იმ დროს ძალიან პოპულარული მომღერალი — მაია ყარყარაშვილი მოგვიანხლოვდა, რომელსაც ვუთხარი: გაიცანი, ჩემს მეგობარსაც მაია ჰქვია-მეთქი. იცით, რა უთხრა? — თქვენს სახელს მე ვერ დავიმასსოვრებ, რადგან ბევრნი ხართ: უბრალოდ, ამ შეხვედრას ასე დავარქვათ — მაია ყარყარაშვილი და ერთ-ერთი მსმენელიო... ძალიან გამიკვირდა, რადგან ჯანი ვერსაჩე, რომელიც მაიაში საკუთარი სახლის წინ მოკლეს, ყოველ დღით იმ კაფეში სვამდა ყავას, სადაც მე შევივლიდი. უცნაური იყო, მაგრამ დაცვის გარეშე დადიოდა, ყველას თბილად, ადამიანურად ესალმებოდა და მოიკითხავდა ხოლმე. აი, ასეთი დამოკიდებულება უნდა გქონდეს თავყანისმცემლებთან. ქართველი ესტრადის ვარსკვლავებიდან კი, ჯერ კიდევ სტუდენტური წლებიდან, ვიცნობდი და ვმეგობრობდი: მიშკო ზაქარეიშვილთან, ლეილა თოლდამესთან (მანანა თოლდამის ქალიშვილი, რომელიც ახლა მოსკოვში მოღვაწეობს), დუტა სხირტლაძესთან, თემო აბაშიძესთან, ლეილა წურწუმიასთან, რუსა მორჩილადესთან, მაია ყარყარაშვილთან და სხვებთან... ჩვენ მაშინ ბატრიონზე, შალვა ლორთქიფანიძის სახლში ვიკრიბებოდით ხოლმე, რადგან დიდი ბინა ჰქონდა, — და ერთმანეთით ვხარობდით... კარგი დრო იყო...

— **რას ინატრებდი?**

— ჩემი ნატვრა, რომელიც საქართველოდან დიდი ხნის წინ წასული კაცის დაკვირვებას ემყარება, მხოლოდ ერთია: ერთმანეთის გატანა უნდა ვისწავლოთ, ჩვენი მტერი, გაუტანლობა! ქართველს ქართველის გარდა, ვერავინ დაამარცხებს — ეს კარგად იციან ჩვენმა მტრებმა და ჩვენს წინააღმდეგაც კარგად იყენებენ.



ალექსანდრე თოფურია
 ექვსი ათეული წელია ქართულ
 ჟურნალისტიკაში მოღვაწეობს:
 რამდენიმე გაზეთის რედაქტორად,
 სხვადასხვა ქალაქში მოღვაწეობ-
 და. დღეს კი გაზეთ „გაგრა-
 კარიბჭეს“ რედაქტორობს. აფხ-
 აზეთში ომის დაწყებამდე და
 ომის პერიოდში ქართული პრეს-
 ცენტრის ერთ-ერთი წამყვანი
 თანამშრომელი იყო. ამ ცოტა
 ხნის წინ მრავალი დამსახურები-
 სთვის ღირსების ორდენით და-
 ჯილდოვდა. ბატონი ალიოშას
 (ასე ეძახის ყველა) ლტოლვილი
 ოჯახის წევრები მოსკოვში დასახ-
 ლდნენ, თავად კი თბილისში,
 სასტუმრო „ივერიაში“ არჩია
 ცხოვრება. როგორც ამბობს, ის
 ერთი წუთიც ვერ იცოცხლებდა
 საქართველოს გარეშე.



**გაგრაში სამჯერ გაიყვანეს დასახვრეტად...
 კეთილმა აღაშინებამ სიკვდილისგან მიხსნეს**

ელენე ხირსელი

— ბატონო ალიოშა, აფხაზეთში
 ტყვეობაში თქვენ თითქმის ორი წელი
 იმყოფებოდით. როგორ აღმოჩნდით
 ამ მდგომარეობაში?

— მე არ წამოვედი გაგრიდან სხვებთან ერთად, იმიტომ რომ თავად ვუწვევდი ხალხს ავითაცინას — გაგრას არაფერი ეშუქება-მეთქი. იქ ყოფნისას, გაგანადგურე პრესცენტრის არქივი, თორემ ის რომ ჩავარდნოდათ ხელში აფხაზებს, ორჯერ მეტი ხალხი დაიხვრიტებოდა გაგრაში. მერე კი ტყვეობაში ჩავრჩი და მომისაჯეს შინაპატიმრობა. შავ სიაში ვიყავი შეტანილი. სამჯერ გამოყვანეს დასახვრეტად, მაგრამ სამჯერვე სასწაულებრივად გადავრჩი. ამის გარდა, ერთხელ (სულ თავიდან), ჩემი ლიკვიდაციისთვის, პირდაპირ სახლშიც კი გამომიგზავნეს ორი „ბოვეიკი“. ჩემს კარის მეზობლად ერთი მდიდარი ვაჭარი ცხოვრობდა და ამიტომ „ბოვეიკებმა“ გადაწყვიტეს, ჯერ მის სახლში შესულიყვნენ, სადაც დიდძალი ქონება ვგულეობდათ. იქ კი ნადავლი ვერ გაიყვეს და ერთმანეთი დახოცეს.

— მერე აღარ მოსულან მკვლელები?

— თექვსმეტი დღე სხვენზე ვიმალებოდი. მეჩვიდმეტე დღეს მეზობელმა (აფხაზმა ქალმა) ამომაკითხა და მირჩია, უმჯობესია, გამოჩნდე, იციან, რომ აქ იმალებიო. სხვა რა გზა მქონდა, დაუვჯერე და ჩამოვედი. ეზოში წვეროსანი აფხაზი იდგა, რომელსაც უამრავი ქართველი ჰყავდა დახვრეტილი.

Где ружьё? — მეკითხება. Вот ружьё — და გულის ჯიბიდან ამოღებუ-

ლი კალამი გაუწოდე. Это ружьё хуже того! — გამოსცრა კბილებიდან და მილიციის განყოფილებისკენ გამიძღვა. მცველად (თითქოს მე ამირანი ვყოფილიყავი) მოხუც კაცს, ავტომატიანი აფხაზი „ბოვეიკები“ მომიჩინეს — არ გაიქცეს (!). განყოფილებაში ერთმა ასაკოვანმა წვეროსანმა დამკითხა: Вот ты скажи мне, тебе уже под 80, что тебя заставляют работать в пресцентре? მე გული მომივიდა და ვუხუხუხე: Я вижу, ты тоже не ребёнок, а что тебя заставляет работать в прокуратуре? მე ჩემს მიწაზე ვარო. ამაზე ვუპასუხე: მაშინ გაფუჭდა აფხაზების და ქართველების საქმე, როცა ოურისტმა და ჟურნალისტმა დაიწყო გარკვევა, ვისია ეს მიწა-მეთქი. ამის მოსმენისას უცებ, დაარტყა მაგიდაზე ხელი და თქვა: Убрать! — ესე იგი, დახვრიტეთო. ეზოში რომ გამოყვანეს, მოულოდნელად, მათი ერთ-ერთი ლიდერი მოგვიასხლოვდა, და თავისიანებს უთხრა: Оставьте этого старика в покое... არ ვიცი, ამას რა ვუწოდო — ბედისწერა, სასწაული თუ ასაკის პატივისცემა, მაგრამ დასახვრეტად გაყვანის დანარჩენი ორი შემთხვევის დროსაც, გამოჩნდნენ კეთილი ადამიანები და სიკვდილისგან მიხსნეს.

— რას გრძობდით დახვრეტის მოლოდინში?

— რომ გითხრათ, შიშმა ამიტანა-მეთქი, ასეც არ იყო. უცნაური შეგრძნება მქონდა... ამ დროს ყველაფერი ინსტინქტების დონეზე ხდებოდა. სიკვდილმისჯილის ყოველი მოძრაობა განწირული კაცის ქმედებაა და მას გონება ვერ აკონტროლებს...

— შინაპატიმრობის პერიოდში როგორ გეპყრობოდნენ აფხაზები?

— სხვათა შორის, არ შემიძლია არ ვთქვა, რომ მათ იციან უფროსი ადამიანების პატივისცემა და როცა დასახვრეტად მიყვავდი, მაშინაც ბატონობით მომმართავდნენ. ერთხელ, დაკითხვაზე რომ მიყვავდი, ერთი პატარა ტანის უცხოტომელი ბიჭი მომიასხლოვდა, სევანური ქული გაბრაზებულმა გადამძრო თავიდან და ძირს დაანარცხა. ახალგაზრდის საქციელმა ასაკოვანი აფხაზი შეურაცხყო და მომიბოდიშა, ბიჭი კი დატუქსა: „ხოშარუნ ბარა ხოშარუნ!“ („სირცხვილი შენი“ — აფხ.). შემდეგ მანქანის საბურავიდან მტვერში ამოგანგლული ქული გამოიღო, დაფერთხა და მომაწოდა...

შინაპატიმრობის დროს, ტელეფონზე ხშირად მირეკავდნენ და მამხნეებდნენ მეგობარი აფხაზები: Держись, дядя Алеша, мы с тобой! მართალია, ისინი თავის ვინაობას არ ამხელენ, მაგრამ მე მათ ხმაზე ვცნობდი.

— ბოლოს, როგორ დააღწიეთ თავი ტყვეობას?

— ერთ მშვენიერ დღეს, ავტომატიანთა ჯგუფი მესტუმრა და გამაფრთხილა: თუ ორშაბათს არ დატოვებ „სუვერენულ აფხაზეთს“, განაჩენი სისრულეში იქნება მოყვანილი (ეს ის დროა, როდესაც ჩემს ბინას თვალი დაადგეს). მე და ჩემი უკრაინელი მეუღლე ავიბარეთ (ოჯახის სხვა წევრები აფხაზეთიდან დიდი ხნის წასულები იყვნენ) და ფსოუს საკონტროლო გამშვებ პუნქტისკენ გავეშურეთ. გაგრიდან ფსოუძღე დიდი სიფრთხილე გვმართებდა, რომ არავის მოვეკალით. აღმოჩნდით

სოცში, იქიდან კი თბილისში ჩამოვფრინდით. ასე დაიწყო ჩემი დევნილობა.

— როგორც თქვენი მონაყოლიდან ჩანს, ფორტუნა მართლაც გწყალობთ. იქნებ, ეს აზრი უფრო შორეული წარსულის მაგალითებითაც განგვიმტკიცოთ.

— სანამ ამ ამბავს მოვითხრობთ, პატარა შესავალი მინდა გავაკეთო. დღეს გაზეთებში იმდენი კორექტურული შეცდომა გადის, საოცარია: გაზეთი ვერ ვნახე, სადაც ასეთი შეცდომები არ არის. ჩემი ახალგაზრდობის დროს კი ერთი შეცდომისთვის, შეიძლება გაეციმბირებინე კიდეც.

იღვა 1944 წელი, ფოთში გაზეთ „მგზნებარე კოლხიდელის“ რედაქტორის მოვალეობას ვასრულებდი. ჩვენ ვალდებულები ვიყავით ოპერატიულად მიგვეწოდებინა მკითხველისთვის საინფორმაციო ბიუროს მასალები. იმ დროს, სევასტოპოლი, ქერჩი, ოდესა გერმანელებს ეკავათ, ამიტომ ფოთის პორტში თავმოყრილი იყო ამ ქალაქების გემები. ყველა ევაკუირებული გემი, საკუთარ გაზეთს გამოსცემდა.

ერთ მშვენიერ დღეს ჩვენმა ჯარებმა ერთ-ერთი დიდი ქალაქი აიღეს. ამ წარმატებასთან დაკავშირებით, სტალინის დადგენილება გამოვიდა, რომლის შინაარსიც სასწრაფოდ უნდა მიგვეწოდებინა მკითხველისთვის.

სახაზო გემს (ლინკორი) **Парижская коммуна**-ს მაღალი ხარისხის გერმანული საბეჭდი მანქანა ჰქონდა, ამიტომ ისინი ყველაზე სწრაფად ბეჭდავდნენ გაზეთს. ასეთი ღირშესანიშნავი ფაქტის გამო, გადავწყვიტეთ გვესარგებლა მათი საბეჭდი მანქანით. მე და ჩემი ასოთამაშები ავედით გემზე, მან უცებ ააწყო ტექსტი და იქვე დაუკაბადონეთ კიდეც, მაგრამ აღარ დავბეჭდეთ, რადგან მოვიდა ევაკუირებული გაზეთის — **Крылья Родины**-ის რედაქტორი შევჩენკო და მე, როგორც მასპინძელმა, ჩემი რიგი დავუთმე. ამ ყველაფერმა დილაძე გასტანა. დილით გემზე ჩემი და შევჩენკოს მეუღლეები ამოვიდნენ. ამ დროისთვის შევჩენკოს გაზეთი უკვე დაბეჭდეს და, ტირაჟის ნაწილი წყალქვეშა ნავით, ნაწილიც შევეუღმფრენით, მოწინავე ხაზზე გავზავნეს. ჩემი რიგიც მოვიდა, წუთი წუთზე უნდა დავიწყოთ ბეჭდვა, რომ მესმის ჩემი მეუღლის ხმა, რომელსაც ხელში უკვე დაბეჭდილი ფურცელი უჭირავს: **Алешенька, разве это не ошибка?** დავხედე ფურცელს და გავშემდი: თურმე ამოვარდნილა ასო **Л** და იქ, სადაც უნდა ეწეროს **главнокомандующий**, წერია — **Верховный гавнокомандующий Иосиф Сталин...** სასწრაფოდ შევწყვიტე ბეჭდვა. ერთი ასოს ამოვარდნამ მრავალი ადამიანი იმ-

სხვერპლა: ცენზორი, ჩინით პოლკოვნიკი, რიგითაძე ჩამოაქვეითეს და მოწინავე ხაზზე გაუშვეს — სხვათა შორის, მალე დაიღუპა კიდეც. იგივე ბედი ეწია შევჩენკოსა და კიდეც რამდენიმე კაცს, ასევე მოწინავე ხაზზე გაუშვეს. მე კი ასე სასწაულებრივად გადავრჩი...

— ომში არ გაუწვევინართ?

— როცა მობილიზაცია გამოცხადდა, მეც გამიწვიეს, მაგრამ რადგან ყურთასმენა არ მივარგოდა, მომანიჭეს კატეგორია **ВНЕС-Троевой**, რაც ნიშნავდა რომ ფრონტზე კი გამგზავნიდნენ, მაგრამ იქ, ან სამხარეულში ვიმსახურებდი ან რაიმე მსგავს საშუალოზე... მომცეს ცოლ-შვილთან გამოშვებების უფლება, რადგან საღამოს უკვე ფრონტზე მივემგზავრებოდი და იმ დროს, როცა მე კომისიის წინაშე ვიდექი, შემოვიდნენ: რაიკომის პირველი მდივანი ნიკანდრო გაბუნია, აღმასკომის თავმჯდომარე ილიკო ლალიძე და კიდეც რამდენიმე კაცი (აი, როგორ აქცევდნენ იმ დროს გაზეთს ყურადღებას!). მათ კომისიას სთხოვეს: გაზეთის გამოცემი ადარავინ დარჩა, სულ დაიცალა რედაქცია და ერთი კვირით მაინც დაგვიტოვეთ ეს კაციო. მეც დამტოვეს რამდენიმე დღით. და სწორედ იმ დღეებში გამოვიდა დადგენილება, რომ გაზეთის რედაქტორი, მდივანი და კორექტორი გათავისუფლებულები იყვნენ გაწვევისგან. სხვათა შორის, ის პოლკო, სადაც მე უნდა მემსახურა, ძალიან მალე კორიშილოვში დაბომბეს და იქიდან ცოცხალი თითქმის ადარავინ დარჩა. ალბათ ესეც ბედისწერა იყო — ეტყობა, განგებას არ უნდოდა ჩემი სიკვდილი.

— იმ დროს, როცა გაზეთის ამხელა ყურადღებას უთმობდა სახელმწიფო, ალბათ თქვენ — პრესის წარმომადგენლებს, მეტიც მოგეთხოვებოდათ...

— თავისთავად ცხადია! ერთი ამბავი მასხენდება: კორექტორად ახალგაზრდა ბიჭი ავიყვანე. ერთხელ მას რედაქციაში დედა ესტუმრა. ყმაწვილი იჯდა სკამზე და ნელ-ნელა, დამარცვლით კითხულობდა. „პრო-ლე-ტარე-ბო ყველა ქვეყნი-სა, შე-ერ-თლით! წერტილი, მძიმე, აზაკი...“ უსმინა, უსმინა ამ ქალმა და თავში ხელი შემოირტყა — ვაიძე, შვილო, უმაღლესი დაამთავრე და კითხვა დაგავიწყდაო?! ასეთი წესი იყო ჩვენთანაც: კორექტორი ხმამაღლა დამარცვლით კითხულობდა, ყურის დამგდები ცალკე გვყავდა, მერე იყო ე.წ. **свежий глаз** — ის დღისით თავისუფალი იყო, საღამოს მოდიოდა და კითხუ-

ლობდა გამზადებულ გაზეთს თავიდან ბოლომდე.

— გაიხსენეთ, სამამულო ომის დროს „ზურგში“ მომხდარი შემთხვევა, რომელიც განსაკუთრებულად დაგამახსოვრდათ.

— 1944 წელს გადამიყვანეს ქალაქ ქლუხორში გაზეთ „განთიადის“ რედაქტორად. ქლუხორში (ამჟამად ყარაჩაი-ჩერქეზეთის ავტონომიური ოლქია) ძირითადად ყარაჩაელები ცხოვრობდნენ. ისინი ფაშისტებს თანაუგრძობდნენ. ოჯახში თუ 5 კაცი იყო, აქედან 4 ასე იყო განწყობილი. სტალინმა ისინი გადაასახლა. თუმცა, მათ შორის იყვნენ ალალ-მართალი, პატიოსანი, განსაკუთრებული ვაჟკაცობით გამორჩეული ადამიანები, რომლებიც არ დაემორჩილნენ სახელმწიფო ბრძანებას და იმალებოდნენ ტყეში. ფიქრობდნენ, სტალინი გაარკვევს ჩვენს ამბავს და დაგვაბრუნებსო. ცამეტობდე კაცი იყო ტყეში გახიზნული. ერთი მათგანი ჰყვარობდა რუსის ქალს, რომელიც ქალაქის განაპირას ცხოვრობდა, მან გაყიდა თავისი საყვარელი — მილიციას აცნობა, ამა და ამ დროს მოვალ. რაზემელებმა ალყა შემოარტყეს სახლს, სროლის დროს, ის ყარაჩაელი და ორი ქართველი მილიციელი დაიღუპა... საერთოდ, ყარაჩაელებს კარგი ურთიერთობა ჰქონდათ ქართველებთან და როცა ეს ამბავი ტყეში გახიზნულებმა შეიტყვეს, წერილი მისწერეს რაიკომის მდივანს — არ გვინდა, კიდეც დაიღვაროს სისხლი და ამიტომ შეგირიგდებით, ოღონდ, გამოგზავნეთ მოსალაპარაკებლად თქვენი დეპუტაციაო

ალიოშა თოფურიია (მარცხნივ) მეგობართან ერთად. გაგრა, 1954 წ.



– და ჩამოთვლილი იყო 7 კაცი, მათ შორის მეც. შეხვედრამ, რომელზეც ვერ წავიდე, საკმაოდ თბილად და მეგობრულად ჩაიარა. ერთ-ერთმა ჩვენმა წარმომადგენელმა – პროკურორმა პავლე ჯინიუზაშვილმა შესთავაზა, რომ მათი მეთაური წამოსულიყო ქალაქში, სახაცვლოდ კი, თვითონ დარჩებოდა მძევლად. ამ წინადადებას ისე აღაფრთოვანა ყარაჩაელები, რომ გადაწყვიტეს ჩაბარებოდნენ მთავრობას, ოღონდ იმ პირობით, თუ იარაღს არ აგვყრიან და რუსებს არ გადაგვცემთო. ქართველებმა თუენდ დაგვხვდნენ, ოღონდ რუსების ხელში არ ჩავყარდეთო. ისინი მშვიდობიანად ჩამოვიდნენ ქალაქში. საპატიმროში მიყვანის ნაცვლად, შეიარაღებული აბრაგები, ღამის გასათევად ყველამ სათითაოდ გავინაწილეთ. ჩემი ოჯახის წევრებს მთელი ღამე არ ეძინათ შეიარაღებული, წვეროსანი „ყაჩაღის“ შიშით. ამ შემორიგების ამბავი გაიგეს რუსებმა და მეორე დღეს ჩვენს ქალაქს სპეცდანიშნულების რაზმი მოადგა. როდესაც ჩემი სტუმარი სახლიდან გაჰყავდათ, თვალს არ მაცილებდა. არასდროს დამავიწყდება მისი თვალები, რომელშიც ერთდროულად ჩემდამი ზიზღიც და სიბრაღეც ამოვიკითხე: მოლაღატე ვეგონე. ისეთი შეგრძნება მქონდა, თითქოს მართლა მე გაგწირე, მე გაგყიდე. სინამდვილეში კი, ჩემთვის ეს ყველაფერი ისეთივე მოულოდნელი იყო,

ცოლ-შვილთან ერთად.
გაგრა, 1978 წ.



როგორც მისთვის. არასდროს დამავიწყდება ის თვალები...

— რა ბედი ეწია იმ ხალხს?

– ზუსტად არ ვიცი — შესაძლოა, დახვრიტეს.

— ვიცი, რომ თქვენ კონსტანტინე გამსახურდიასთან გქონდათ შეხვედრები. ხომ არ გაიხსენებდით რაიმე საინტერესოს?

– კონსტანტინე გამსახურდია გაცივანი ბიჭვინთაში, მას ლიბავაში საკუთარი ავარაკი ჰქონდა. მე მაშინ რედაქციაში ვმუშაობდი და ქალაქის მთელი ინტელიგენცია, როცა ის იქ ისვენებდა, ყურადღებას ვიჩენდით მის მიმართ. ერთხელ, როცა მე უკვე ფოტოში ვმუშაობდი (იქნებოდა ასე, 1947 წელი), ქალაქში მწერალთა ჯგუფი ჩამოვიდა, რომელშიც კონსტანტინესთან ერთად, პოეტი ვიქტორ გაბესკირია, გაზეთ „სახალხო განათლების“ რედაქტორი საჯაია, ამ გაზეთის თანამშრომელი აკაკი გაწერელია და მრავალი სხვა მოღვაწე იყო.

კონსტანტინე დიდი ფანტაზიორი იყო. მას ტრაპახიც უყვარდა, რის გამოც მეგობრები აჯავრებდნენ ხოლმე. კოწიამ (ასე ეძახდა ყველა), ასეთი ამბავი მოჰყვა: თურმე პარიზში ყოფნის დროს რესტორანში მას ქაქუცა ჩოლოყაშვილი შეხვედრია. ის მაშინვე მომიახლოვდა — გაჩერდი კოწია, არ გაინძრეო — და თავზე ვაშლი დამადო, მერე ისროლა და ვაშლი შუაზე გააპოო. ეს რომ მოისმინა, ახლა სერგო კლდიაშვილის ვაჟი ჩაერთო საუბარში. ეს რაა, კოწია ბატონო, მეც შეგხვდი მას უცხოეთში, მითხრა — გაჩერდი, არ გაინძრეო, დამიმინა და მესროლა, მერე მოვისვი ხელი თავზე და რას ვხედავ, თურმე ბუზი მჯდომია თავზე (თავმოტკვლები იყო) და ის შუაზე გაუხვევიაო... ატყდა სიცილი, კოწიას გული მოუვიდა — რას მაშაყირებთ, ვინაა თქვენი გასაშაყირებელი?! რამდენიმე დღის შემდეგ ჩემმა მეგობარმა ბარამიძემ სახლში გამართა ბანკეტი და მიიწვია კონსტანტინე, სხვა მწერლებთან ერთად. მეც მიმიწვიეს, თან ჩემი მეგობარი დათო ბესელია წავიყვანე, რომელიც ძალიან კარგად მღეროდა და უკრავდა ვიტარაზე. ჩვენ ვიტარაზე შევასრულეთ საკუთარ მელიოდიაზე შექმნილი სიმღერა „სღვისფერი გაქვს თვალები...“ კონსტანტინეს ძალიან მოეწონა და შეგვაქო — რა კარგი ბიჭები ხართო... ეს ის პერიოდი, როცა კონსტანტინეს აკადემიკოსობა მიანიჭეს, რის გამოც ყურნალ „ნიანგში“ მისი კარიკატურა დაიბეჭდა: ჩონა-ახალუნში გამოწყობილი მწერალი, ცხენზე ზის, მას მწვეარი მოჰყვება ღვედით, წარწერა კი ასეთი ჰქონდა: „სწავლულებთან სიარულში გამსახურდი კოსტა და ჩადექი რიგში აკადემიკოსთა“.

ამის გამო კონსტანტინე ძალიან იყო გაბრაზებული: ყური უნდა მოვაჭრა რედაქტორს — ძველმა ქართველებმა ასე იცოდნენ შურისძიებაო.

ჰოდა, სუფრაზე კოწიას სადღეგრძელო ითქვა. როცა ყველა ემშენი შევიდა, ამ დროს ჩემი მეგობარი ბესელია წამოდგა და ამბობს: „სწავლულებთან სიარულში გამსახურდი კოსტა... (ჩამოვარდა სიწუმე, ყველა რაღაც საშინელების მოლოდინში) ... და ჩადექი რიგში აკადემიკოსთა“. მან სიტყვა „რიგით“, „რიგით“ შეცვალა. გამსახურდიას ძალიან მოეწონა, ეს უნდა იყოს თამადაო...

გაგრაში კიდევ ერთხელ მოუწვევთ ბანკეტი რესტორან „გაგრიფში“, სადაც 50-მდე კაცი — ჩვენი ქალაქის ინტელიგენცია შეიკრიბა. ჩვენს თამადას (კულტურის განყოფილების გამგე) სუფრა რუსულად მიჰყავდა. კონსტანტინე წამოდგა და თქვა: თუ რუსულად წაიყვანთ ჩემს პატივსაცემად გაშლილ სუფრას, მე წავალ აქედანო. იძულებულნი გავხდით, თამადა შეგვეცვალა.

— კონსტანტინეს ვაჟთან — ზვიადთან თუ გქონიათ რაიმე შეხება? თუ ახლდა ხოლმე ის მამას?

– სწორედ რესტორან „გაგრიფში“ ახლდა ის მამას. მაშინ დაახლოებით მეცხრე თუ მეათე კლასში იქნებოდა. ზვიადი მეგობარ ბიჭთან ერთად იყო. მაშინ პირველად მოვისმინე მათ მიერ შესრულებული „ჩაკრულო“ — საოცრად მღეროდნენ. მათმა სიმღერამ ყველა განაცვიფრა. მის მეგობარზე კი მოგვიანებით მითხრეს — თურმე ის პატარა მერაბ კოსტავა ყოფილა. ამას ვერ დავიჩემებ, მაგრამ საკვებით შესაძლებელია... წლების შემდეგ ზვიადი მე კიდევ ვნახე. როცა ის ყიზლარში იყო გადასახლებული, არა-ლეგალურად ჩამოდიოდა ხოლმე გაგრაში, ზურაბის სახელით. მას ისევ პურმარილზე შეგხვდი, სადაც პოლიტიკაზე არანაირი საუბარი არ ყოფილა...

— ბატონო ალიოშა, თქვენ ასეთი საინტერესო და მრავალფეროვანი ცხოვრებით გიცხოვრიათ, ახლა თუ საქმიანობთ?

– 87 წლის კაცი ვარ, მაგრამ პასიურობა, უსაქმურობა მაინც არ შემიძლია. დღემდე ვრედაქტორობ გაგრის მერიის გაზეთ „გაგრა-კარიბჭეს“, რომელზეც, ფაქტობრივად, მარტო ვმუშაობ, მე ამ გაზეთის რედაქტორიც ვარ, კორესპონდენტიც და კორექტორიც...

მე რომ ერთი წუთიც არ ვფიქრობდე, რომ აუცილებლად დავბრუნდები აფხაზეთში, მოგკვდები. ასე გამყავს ეს დღეები და მუშაობის, ცხოვრების სტიმულს ვინარჩუნებ.



მარინა ჯაშიანი –
რუსთაველის თეატრის
მსახიობი, ერთი შეხედ-
ვით ძლიერი და სერიო-
ზული ქალბატონი,
სცენაზე ხშირად ფატა-
ლური ბედის მქონე
ქალებს განასახიერებს.
საინტერესოა, როგორია
იგი ცხოვრებაში?

მარინა ჯაშიანი:

ცოტა სნის წინ შეეიტყვე, ხომ ძარიან მერიხი ეყოფიერეა

ნათია თენიშვილი

– ძალიან ლალი და მშვენიერი ბავშვობა მქონდა: გარს მეხვიენენ მშობლები და ახლობლები. შემოქმედებითი ცხოვრებაც ადრე დავიწყე: ქორეოგრაფიულ სასწავლებელში ვსწავლობდი. ეს არ იყო ჩვეულებრივი სკოლა. იქ ჩვენ პატარა მსახიობებად მიგვანერდა თავი. ჩვენი დირექტორი და სამხატვრო ხელმძღვანელი, ვახტანგ ჭაბუკიანი, ყოველ წელიწადს აწყობდა გამოსაშვებ კონცერტებს. ამ საბალეტო სპექტაკლებში ჯგუფის პატარა წევრებიც ვმონაწილეობდით. რა თქმა უნდა, ბავშვი ბავშვია და მეც ვასწრებდი ეზოში თამაშს. პატარ-პატარა ცელქობაც ჩამიდენია. პატარ-პატარა კი არა – დიდ-დიდიც. ვჩხუბობდი ბიჭებთან და ვცემდი კიდევ.

– რატომ არ გაპყევით ბალეტს?

– ჩვენი ცხოვრება ძალიან მალე გადის. განსაკუთრებით ბალერინის ცხოვრებაა ძალიან ხანმოკლე: 38 წლის ასაკში ფაქტობრივად ყველაფერი მთავრდება და ახალ პროფესიას უნდა დაეუფლო. ეს ძალიან რთულია, მაგრამ ვერ გეტყვით, მაშინ ამდენს ვსაზღვრავდი-მეთქი. ვფიქრობ, უბრალოდ, არ მაკმაყოფილებდა ის, რომ მხოლოდ შესტ-

ებითა და მოძრაობით გამომეხატა ჩემი თავი. სურვილი მქონდა, ხმა ამომელო სცენაზე. თუმცა, საკმაოდ კარგ მომავალს მიწინასწარმეტყველებდნენ. იმდენი დრო გავიდა, აღარ მერიდება ამის თქმა...

– რა მოგონებები დაგრჩათ თეატრალური ინსტიტუტიდან?

– ჩვენი ჯგუფი დღემდე ცნობილია, როგორც ერთ-ერთი შეკრული და მეგობრული ჯგუფი. გარკვეულწილად, რევოლუციონერებიც კი ვიყავით, რაც იმით გამოიხატა, რომ მსახიობის ოსტატობის ბევრი პედაგოგი გამოვიცვალეთ. თუმცა, ყველა მათგანი კარგი პროფესიონალი იყო. მეოთხე კურსზე ჩვენი ჯგუფი რობერტ სტურუამ აიყვანა. სწორედ ამან განაპირობა რუსთაველის თეატრში ჩემი მოსვლა.

– არასოდეს გიფიქრიათ, სხვა თეატრში წახულიყავით?

– არა, ნამდვილად არასდროს მიფიქრია. მე ვთვლი, რუსთაველის თეატრი ერთ-ერთი საუკეთესოა არა მხოლოდ საქართველოში, არამედ მსოფლიოში. ეს არის ჩემი მეორე სახლი, ჩემი ცხოვრება. ათი წლის წინ წარმოუდგენელი იყო, ახლა კი არის საშუალება, სხვა თეატრშიც მოსინჯოს მსახიობმა ძალე-ბი. ასე მუშაობა ძალიან საინტერესოა.

– მსახიობები, რომლებსაც სცენაზე უთამაშიათ, კინოსთან შედარებით, თეატრს ანიჭებენ უბირატესობას. თქვენ სად გრძნობთ თავს უკეთესად?

– ძალიან მიყვარს კინო. თამაშის აბსოლუტურად სხვა მანერაა საჭირო კინოში. დასაწყისში ძალიან მიჭირდა: კამერა ახლოს მდგომი თვალაა, რომელიც გითვალთვალავს და ამას შეგუება სჭირდება. თეატრში სხვა გრძნობაა. ეს ცოცხალი ორგანიზმია, რომელიც ყოველდღიურად სუნთქავს. მე ვთვლი, რომ პრემიერაზე ყველაზე ცუდად ვთამაშობ ხოლმე – იმიტომ, რომ ძიების პროცესი რეპეტიციაზე არ მთავრდება – მერეც გრძელდება და მაყურებელთან ყოველ შეხებას, როლში რაღაც ცვლილებები შეაქვს.

– ბევრი დედოფლის როლი შეგისრულეხათ. თუ გაქვთ საოცნებო როლი?

– დიას, საბედნიეროდ, და შეიძლება, სამწუხაროდაც, ხშირად მიწევს ფატალური ბედის მქონე ქალების განსახიერება სცენაზე. არა, ბედს არ ვუჩივი – ბევრი საინტერესო როლი მარგუნა განგებამ. მაგრამ ხანდახან მიჩნდება სურვილი, რაღაც განსხვავებული გაეკეთო. სამწუხაროდ, რეჟისორები ამის საშუალებას არ მაძლევენ, ალბათ უფრო სერიოზულ, დრამატულ ქალად აღმიქვამენ. ბავშვობაში მქონდა ოცნებები, მაგრამ არასოდეს მიოცნებია ჯულიეტაზე ან ოფელიაზე. ყოველთვის მებრძოლი სულის ქალები მიზიდავდა – ანტიგონე, ჟანა დ'არკი. მე უკვე ამ როლებს ვეღარ ვითამაშებ... სამაგიეროდ, საინტერესო ქალები განვასახიერე: მარიამ სტიუარტი, კორდილია, ბერნარდა ალბა. მთავარია, იყოს საინტერესო ბედის მქონე ქალი და ჰქონდეს ჩემთან რაღაც საერთო.

– როგორც თქვით, რეჟისორები სერიოზულ ქალად აღგიქვამენ. სინამდვილეში როგორი ხართ?

– მთელ ცხოვრებას ოცნებაში ვატარებ, ჩემი დიდი ბედნიერებაც და უბედურებაც სწორედ ეს არის. ხანდახან მგონია, ბავშვობაში ვარ დარჩენილი და ხელსაც კი მიშლის ეს ჩემი ინფანტილურობა. მაგრამ ვერ წარმომიდგენია ცხოვრება ოცნების გარეშე. როდესაც ძალიან მიჭირს, სულიერ კრიზისს განვიცდი, ან განაღვურებული ვარ ცხო-



დავით დარჩიასთან ერთად სპექტაკლში „ქალი-გველი“

ვრები სეული დარტყმებისგან, ყველაზე მეტად ოცნება მეხმარება. სამწუხაროდ, რეალობა უფრო მკაცრი და ცვალებადია. დროებითია ბედნიერებაც, სიყვარულიც, წარმატებაც...

— პირველად როდის შეგიყვარდათ?

— პირველი აღქმა საწინააღმდეგო სქესისა ძალიან ადრე — პირველ კლასში, პირველ სექტემბერს მქონდა: კარგად მახსოვს, როგორ ვგრძნობდი მის მზერას. მე არ ვუყურებდი, მაგრამ მაინტერესებდა, კიდევ მიყურებდა თუ არა... სტუდენტობის დროსაც მქონდა რაღაც გატაცებები. მაგრამ ვთვლი, რომ პირველი და ჯერჯერობით ერთადერთი დიდი სიყვარული, ჩემი მეუღლე — ვია მატარაძე იყო. სამწუხაროდ, ჩვენი სიყვარული ტრაგიკულად დასრულდა. (რეჟისორი ვია მატარაძე რამდენიმე წლის წინ კიბოსგან გარდაიცვალა. — ავტ.).

— შეგიძლიათ გაიხსენოთ, როგორ დაიწყო?

— როგორც ვითხარით, მეოთხე კურსზე ჩვენი ჯგუფი რობერტ სტურუამ აიყვანა. მას ორი თვით ინგლისში მოუწია წასვლა. ვია მისი მეგობარი იყო და რობიკოს მაგივრად დარჩა ჩვენთან. ასე დაიწყო ჩვენი სიყვარული... არ მიყვარს ამ თემაზე ლაპარაკი, რამდენიმე წლის წინ საერთოდ არ ვახსენებდი ვიას. მაგრამ მიუხედავად ტრაგიკული ფინალისა, უბედნიერესი ქალი ვარ, ეს სიყვარული რომ არსებობდა ჩემს ცხოვრებაში.

— ესე იგი, გაგიმართლათ?

— რა თქმა უნდა, ძალიან გამიმართლა. ვერც წარმომიდგენია, რა იქნებოდა, ის რომ არ ყოფილიყო. კი, ალბათ იქნე-

ბოდა ვიღაც სხვა. მაგრამ მაშინ, მეც სხვანაირი ვიქნებოდი. ჩვენ, ადამიანები ხომ ვყალიბდებით არა დამოუკიდებლად, არამედ იმ ადამიანების საშუალებითაც, რომლებიც გარს გვახვევია.

— როგორ ფიქრობთ, როგორი დედა ხართ?

— ვთვლი, რომ არ ვარ ძალიან კატეგორიული, თუმცა რაღაცებში ვიჩენ ხოლმე სიმკაცრეს. საბედნიეროდ, ჩემს შვილთან არ მიხდება ძალიან დიდი ბრძოლა. ბავშვობაში ცელქი იყო, ახლაც ჯიუტია, მაგრამ რაღაცებში მიჯერებს და ძალიან კარგი ადამიანია. ყველაფერზე შეგვიძლია საუბარი, ძალიან ვმეგობრობთ.

— რას საქმიანობს?

— საერთაშორისო სამართლის ფაკულტეტის მესამე კურსის სტუდენტია. თუმცა, არ არის გამორიცხული, პროფესია შეიცვალოს.

— მსახიობობას ხომ არ აპირებს?

— არა, მსახიობობას ნამდვილად არ აპირებს. მას ეს სურვილი არა აქვს, რაც უცნაურია: გარდა იმისა, რომ ყველა მსახიობის შვილი, გინდა თუ არ გინდა, „იწამლება თეატრის მტვრით“, ვათას პატარაობიდანვე მოუწია სცენაზე თამაში: „კავკასიურ ცარცის წრეში“, „კვაჭი კვაჭანტირაძეში“. კინოშიც აქვს ბავშვობაში პატარ-პატარა როლები შესრულებული. აქედან გამომდინარე, გასაკვირია, მსახიობობის სურვილი რომ არ გაუჩნდა. კინორეჟისორობა უნდოდა, მაგრამ, მოგესხენებათ, დღეს საქართველოში კინემატოგრაფი არ არსებობს და ვურჩიე, დროებით გადაელო ეს ოცნება. კინოში რეჟისორად მისვლა, არასოდეს არის გვიან.

— დედას როგორ აღიქვამს, როგორც მსახიობს?

— არ ვიცი. თუმცა, როდესაც ქუჩაში ერთად მივდივართ და ვინმე მცნობს, ავტოგრაფს მთხოვს ან აღტაცებას გამოხატავს,

რობერტ სტურუასთან ერთად

უხერხულ მდგომარეობაში ვარდება. ვფიქრობ, სიამოვნებს, მაგრამ შინაგანი ბრძოლის მომენტი უჩნდება. ხშირად მეუბნება კომპლიმენტებს — იუმორით, რაც ძალიან მსიამოვნებს.

— ეი. კომპლიმენტები გსიამოვნებთ. თაყვანისმცემლებზე რას იტყვი?

— არც ერთმა მსახიობმა არ თქვას, რომ ყურადღება არ სიამოვნებს: ეს არის ჩვენი პროფესიის შემადგენელი ნაწილი. თუ თაყვანისმცემელი არ გყავს, ესე იგი არაფერი გამოგივიდა, როგორც მსახიობს. უბრალოდ, არის ცხოვრებაში მომენტები, როდესაც არ გინდა ყურადღების ცენტრში ყოფნა. მიხარია, რომ ჩემი თაყვანისმცემლები ძირითადად, ახალგაზრდები არიან. მათთვის საინტერესო ვარ. მოდიან ჩემთან თეატრალური ინსტიტუტის სტუდენტები და აინტერესებთ ჩემი აზრი და ჩემთან ყოფნა. წარმატებაც და ბედნიერებაც — ყველაფერი წარმავალია. თუ ამას გააცნობიერებ ადამიანი, ის ტკივილი, რომელიც წარუმატებლობას მოჰყვება, უფრო შევიძლებს. ბევრი ფიქრის შემდეგ ხვდები: ჩვენ, ყველანი, ჩვეულებრივი ადამიანები ვართ. უბრალოდ, ვიღაცამ უფრო მეტს მიღწია, ვიღაცამ — ცოტათიო ნაკლებს.

— გამოდის, რომ წარუმატებლობის არ გეშინიათ?

— არ შეიძლება, ნორმალურ ადამიანს ამისი არ ეშინოდეს. უბრალოდ, მე ველი, იმიტომ, რომ ეს გარდაუვალია. როცა ასაკში შედიხარ, ნაკლებად ხარ საჭირო — თეატრშიც, კინოშიც და ამას უნდა შეეგუო.

— ჭორები თუ გსმენიათ საკუთარ თავზე და რა რეაქ-





შვილთან – ვათასთან ერთად

ცნობილი გაქვით?

– რა თქმა უნდა, უამრავი. მართალი გითხრათ, წინათ ძალიან ვლიზინდებოდი, ახლა ნაკლებად. ხანდახან მეცინება კიდეც. უმეტესად, სიმართლეს მოკლებული ჭორი დადის ჩემზე. ცოტა ხნის წინ გავიგე, რომ ძალიან მდიდარი გყოფილვარ. მინდა გავარკვიო, სად არის ჩემი რესტორნები და საბანკო ანგარიშები...

– თავისუფალ დროს როგორ ატარებთ?

– მიყვარს სეირნობა, ოღონდ მართლს. ალბათ იმიტომ, რომ ასე ოცნების საშუალება უფრო მეძლევა. ძალიან მიყვარს კარგი წიგნის კითხვა, ფილმის ნახვა, მეგობრებთან ყოფნა. ვგვიყვარს მოგზაურობაზე. საბედნიეროდ, რუსთაველის თეატრთან ერთად ბევრმა მოგზაურობამ მომიწია.

– აზარტული თამაშები არ გიყვარებ?

– ძალიან მიყვარს კარტის თამაში. ჩემი მეზობლებიც (უფრო – მეგობრები) აზარტულები აღმოჩნდნენ და სწორად ვიკრიბებით და ვთამაშობთ ხოლმე. ამ დროს ვჩხუბობთ, ვხუმრობთ, ვისვენებთ – მოკლედ, ვთავისუფლდებით ყოველდღიური საზრუნავისგან.

– როგორ მოხვდით გადაცემაში „ტელე-სინე-ვიდეო“?

– ამ გადაცემის ჩვეულებრივი მაცურებელი ვიყავი და ძალიან მომწონდა. ახლაც ვთვლი, რომ ქართულ ტელევიზიაში ეს ერთ-ერთი საუკეთესო გადაცემაა. ჯგუფის ხელმძღვანელმა ლერი სახაროვამ გადაცემის წაყვანა რომ შემომთავაზა, სიამოვნებით დავთანხმდი.

– მსახიობობა რამდენად გენმარებათ ტელეწამყვანობაში?

– ეს აბსოლუტურად სხვა პროფესიაა. შეიძლება, ძალიან კარგი მსახიობი იყო და არაფერი გამოგივიდეს, როგორც ტელეწამყვანს. ძალიან დიდი ხიბლი აქვს ტელევიზიას. ისიც მაინ-

ტერესება, რამდენად გავართმევდი თავს ამ საქმეს. არც ისე იოლი აღმოჩნდა. გამოხვიდე და უცებ შესანიშნავი ტელეწამყვანი აღმოჩნდე – ასე არ ხდება. ამასაც სწავლა სჭირდება. მე ჯერ კიდევ სწავლის პროცესში ვარ, როგორც ტელეწამყვანი.

– რაიმე როლზე თუ მუშაობთ ახლა?

– ძალიან საინტერესო და საშიში ქალის სახის სახის შექმნაზე დავამთავრე მუშაობა. ეს არის მედეა, რომელიც გონაკაპანადემ დადგა „თავისუფალ თეატრში“. რუსთაველის თეატრი ჩემი საყვარელი თეატრია, მაგრამ აქაც მაინტერესებდა ჩემი ძაღვის მოსინჯვა. აბსოლუტურად სხვა სივრცეა, სხვა აურა, სხვა სული ტრიალებს. თავიდან ცოტა სკეპტიკურად ვუყურებდი. რომ გითხრათ, მინდოდა თამაში-მეთქი, მოგატყუებთ. შენ უნდა ამართლებდე შენს პერსონაჟს, უნდა გესმოდეს მისი. ცოტა რთულია მედეას გამართლება, იგი სხვა „გრადუსის“ ქალია. ალბათ 36-ნახევარი კი არა, 37-ნახევარი ჰქონდა სიცხე. თან სულ აზროვნებს, არ ისვენებს და ამიტომ არის საშიში. მაგრამ მეგონი, მოვუძებნეთ რაღაც გამართლება.

– თქვენი ცხოვრებით კმაყოფილი ხართ?

– კმაყოფილება ცუდი სენია, მაგრამ რომ ვთქვა, უკმაყოფილო ვარ-მეთქი, უმადური ვიქნები. რამდენი ნიჭიერი ადამიანია, ვისაც არ მიეცა ამ ნიჭის გამოვლენის საშუალება. ისეც ხდება ხოლმე: გაწონასწორებული ხარ, ფიქრობ, რომ ცხოვრებაში შენი ადგილი იპოვე, ამ დროს პატარა ნიუანსმა შეიძლება გაფიქრებინოს, რომ არარაობა ხარ, ყველაფერი სისულელეა და ცხოვრებაც არ ღირს... მეც მქონია ასეთი შემთხვევა და არაერთხელ. საშინელებაა! ამ დროს ყველაფერს შავ ფერებში ხედავ.

– რას გამოჰყავხართ ამ მდგომარეობიდან?

– ისევ იმას, რომ ცხოვრება, მიუხედავად ყველაფრისა, მაინც მშვენიერია. იღვიბებ, მზე ანათებს, ხედავ შენს შვილს, უამრავი კარგი ადამიანი დადის, უამრავ სილამაზეს გიშლის თვალწინ. წაიკითხავ ლექსს და აღფრთოვანდები ვიღაცის ნიჭით. მოუსმენ ფანტასტიკურ მუსიკას და იტყვი – თუნდაც მარტო ამიტომ ღირდა ცხოვრება, რომ ეს მუსიკა მომესმინა...

ერთგული მკითხველი

თქვენ, ერთგულ მკითხველს, უთუოდ გამახსოვრებათ ჩვენი ჟურნალის სხვადასხვა ნომერში დაბეჭდილი წერილების შინაარსი და არც ამ ტესტის კითხვებზე გავიჭირდებათ პასუხის გაცემა...

1. ვინ იყო „ოქროს გურთის“ პირველი მფლობელი?



- ა) სტენლი მეტიუზი;
- ბ) პელე;
- გ) მიხეილ მესხი.

2. რა ერძება სალვადორ დალის მიუღწეველს?



- ა) სარა;
- ბ) გალა;
- გ) ლალა.

3. რომელი პრემიის ლაურეატი იყო გიორგი ცაგარე?



- ა) რუსთაველის;
- ბ) ფალიაშვილის;
- გ) პრემია არ მიუღია.

პასუხები იხილეთ 61-ე გვერდზე

ამ მკვლელობის გახსენებით გვინდა ჩვენი მკითხველის ყურადღება 20 წლის წინანდელი საბჭოური რეჟიმის საქართველოში დამკვიდრებული მართლმსაჯულებისკენ მივაბრუნოთ. იმისკენ, თუ რა ადგილი იყო მაშინდელი სამართალდამცავებისთვის — პროკურორ-გენერლებისთვის, რომელიღაც ჩინოსნის საამებლად სრულიად უდანაშაულო ადამიანისთვის საზარელი ბოროტმოქმედების მიწერა, სასურველი ჩვენებისა და სხვისი დანაშაულის აღიარების მისაღებად, სასტიკად წამება, ნამდვილი კრიმინალების ფულით ჯიბე-გასქელებულ მოსამართლეთათვის კი, უპატრონო, უდანაშაულო პიროვნების მრავალი წლით ციხეში გამომწყვდევა.



„მოკლულისთვის გათხრილ საულავეი ჩააგდეს, თავზე ნიჩგებით დააგზნენ – ყველაფერი გვითხარი, თორემ ცოცხლად დაგპარხავთო...“

1984 წელს ჩადენილი საზარელი მკვლელობისთვის სრულიად უდანაშაულო ადამიანი ბაასამართლეს

მეგი სანავა

ჩვენ მიერ არქივში მოძიებული დანაშაულის შესახებ შედგენილი ოქმები და დოკუმენტები ტყუპისცალივით ჰგავს დღევანდელ საგამოძიებო ორგანოებში დასტა-დასტად დაწყობილ საქმეებს: ექსპერტიზის შშრალი დასკვნები, უსაფუძვლო გადაწყვეტილებები, მოტივის მითითების გარეშე გამოტანილი განჩინებები და უპასუხოდ დარჩენილი მნიშვნელოვანი ჩვენებები... ქრთამი ვოჯოხონის ყოველთვის ანათებდა, თუმცა სამწუხაროა ის ფაქტი, რომ იმ დროიდან დღემდე საქართველოს სამართალდამცავ სისტემაში, ბევრი არაფერი შეცვლილა.

1984 წელს ქალაქ ბათუმში ჩადენილი ერთი მკვლელობა ჩვეული ფინალით მხოლოდ იმიტომ არ დასრულდა, რომ იგი მოსახლეობაში მეტისმეტად გახმაურდა...

იმ წლის ზაფხულში, ბათუმში მცხოვრები, ჩვეულებრივი მოქალაქე, ოთხი შვილის მამა, გვარად დიასამიძე მეზობლად მცხოვრებ, ქალაქში დროებით ჩამოსულ მოსკოველ ქალს — მოლჩანოვას გაჰყვა. ამ უკანასკნელს მისთვის უთქვამს — ვილაც ადგილობრივ ბიჭებთან ანგარიში მაქვს გასასწორებელი და გამოიყვით. დიასამიძემ ქალს დახმარებაზე უარი არ უთხრა.

დანიშნულების ადგილზე მისვლისას იქ,

იმ პიროვნებებს შეხვდნენ. საქმის გარჩევა დაიწყო და ერთმანეთში შელაპარაკდნენ: ამ დროს ერთ-ერთმა დიასამიძის მისამართით დანა მოიქნია. დიასამიძე სასიკვდილოდ დაიჭრა და იქვე გარდაიცვალა. დამნაშავე და მისი თანმხლებნი მაშინვე გაიქცნენ. მოლჩანოვამ შემთხვევის ადგილი მიატოვა და დიასამიძის სახლისკენ გაიქცა, სადაც ამ უკანასკნელის ოჯახის წევრებს მომხდარის შესახებ აცნობა. „მეც მიპირებდნენ მოკვლას, რადგან მოწმის მოშორება და კვლის დაფარვა უნდოდათ, მაგრამ იქ ალიკა აღმოჩნდა და მან მიშველა“ — ჰყვებოდა მოლჩანოვა. დიასამიძის გამწარებული დედა ვინმე ალიკას მოსაძებნად გაიქცა, მას თან მოლჩანოვა და იქ მყოფი მეზობელი ქალი — მანუკიანი გაჰყვნენ. ალიკას პოვნა მათ არ გასჭირვებიათ, იგი შემთხვევის ადგილზე შეგროვილ ხალხთან ერთად იყო. მას მისულთათვის აუხსნია, თუ რამდენმა, როგორი გარეგნობის ადამიანებმა ჩაიდინეს დანაშაული, მოლჩანოვასთვის კი უთქვამს: „ყველაფერი შენ გამო მოხდა, რაც შეიძლება ჩქარა დატოვე აქაურობა, თორემ დიასამიძეები სისხლს არავის შეარჩენენ, ნაწილ-ნაწილ გაგიტანენ აქედან“. მოლჩანოვამ მალე ბათუმში მართლაც დატოვა...

მკვლელობა, ისევე, როგორც მოლჩანოვას, დაღუპულის დედასა და ალიკას შორის

გამართული საუბარი, დიასამიძეებში მამინვე გახმაურდა. მოკლულის ცოლის ძმამ — ღურსუნ ავაქიძემ და სხვა ნათესავებმა ალიკას მიაკითხეს. იგი სწორედ იმ სასაფლაოზე წაიყვანეს, სადაც მოკლული დიასამიძისთვის საფლავი იყო გათხრილი. ალიკა იმ საფლავში ჩააგდეს, მერე თავზე ნიჩგებით დაადგნენ და უთხრეს — აბა, გადმოალავე რაც იცი, თორემ ცოცხლად დაგმარხავთო...

ალიკამ მათ ნანახი სიტყვასიტყვით გადასცა, თან დაამატა: მილიციამაც წაყვებით და გაბრლებით, იქაც ყველაფერს ვიტყვიო. ეს სიტყვები, ისევე როგორც მთელი მონათხრობი, ფურცელზე დააწერინეს და ხელიც მოაწერინეს.

ავაქიძეები მილიციის უფროსის მოადგილესთან მივიდნენ და მას ალიკას ხელწერილი გადასცეს. მოადგილემ ეს ფურცელი მილიციის უფროსთან შეიტანა, თუმცა ცოტა ხანში იქიდან გამოსულმა ავაქიძეებს გამოუცხადა: რას ამბობთ, ალიკა ამბობს თურმე — შემაშინეს და ყველაფერი იმიტომაც დავწერე ასე, თორემ მე არაფერი დამინახავსო...

იმ დღიდან ალიკა გაქრა, იგი ბათუმში აღარავის უნახავს და არც არავის დაუკითხავს. ალიკას სასაფლაოზე წაყვანისა და მის მიერ წერილის დაწერის ფაქტი ავაქიძეებმა პროკურატურაში ჩვენებისას და-

დასტურებს. საქმის მასალებში თავიდანვე იდო მოკლულის დღის ჩვენებაც, რომელიც დაწერილებით, დეტალურად აღწერდა მკვლელობის დღეს მათ ოჯახში მოღჩანოვას მივარდას, ხოლო შემდეგ აღიკასთან შეხვედრასა და მათ შორის გამართულ საუბარს.

გაგრძელდა ინფორმაცია, რომ მილიციამ დანაშაუნი დააკავა. დანაშაულის მიუბიძან არ გასულა დიდი ხანი, როცა მოკლულის დღემ – დაზარალებულმა პროკურატურას სულ სხვა ჩვენება წარუდგინა და ხელი სრულიად სხვა პიროვნებას დაადო – მკვლეელი ეს არისო...

დაკავებული 27 წლის ქუთაისელი, პროფესიით ინჟინერი ვაჟა გოგოლაშვილი აღმოჩნდა. მკვლელობის დღეს იგი ბათუმში მართლაც გახლდათ. როგორც თავად ამბობდა, ერთი ბათუმელი გოგო მოსწონდა და იქ მის სანახავად ჩავიდა, ღამეს კი მეგობრის სახლში ათევა. იმ დღეს იქ მან და მისმა ორმა მეგობარმა ივაშხმეს და ცოტა დაღიეს კიდევ, მერე სამივენი დისკოთეკაზე წავიდნენ.

იმ ხანებში ვაჟა გოგოლაშვილის ინტერესების დამცველი ადვოკატი **ირაკლი ნანუაშვილი** განვითარებულ მოვლენებს ასე გადმოგვცემს:

„გოგოლაშვილი შემთხვევის ადგილას იმ დღეს საერთოდ არ ყოფილა. ასევე თვალთ არ უნახავს ოდესმე არც მოღჩანოვა, არც ალიკა, და არც რომელიმე დიასამიძე.

პროკურატურის თანამშრომლებს დანაშაულის ვინაობის დასადგენად სხვადასხვა მეთოდი აქვთ. ამ კონკრეტულ შემთხვევაში ისინი დაინტერესებულნი იყვნენ, აღნიშნული დანაშაულისთვის შესაფერისი ადამიანი ეპოვათ და მისთვის ბრალი, ასე თუ ისე, „მოეროთ“. მათ შესადლოა სჭირდებოდათ ისეთი პიროვნება, რომელიც ქალაქში დროს გასატარებლად იყო ჩამოსული და ვიღაც ქალთან ჰქონდა ურთიერთობა. დაადგინეს, რომ იმ დღეებში ბათუმში ჩავიდა ვაჟა გოგოლაშვილი, თანაც, ჩადენილი დანაშაულის საღამოს ღვინოს სვამდა, მერე კი ბიჭებთან ერთად დისკოთეკაზე წავიდა...

ბათუმში ძალიან პატარა ქალაქია. გამორიცხვლია, რომ იქ რაიმე დანაშაული მოხდეს და „ორგანომ“ ამის შესახებ მაშინვე არ შეიტყოს, მით უმეტეს, იმ პერიოდში. ნამდვილი დანაშაულის ვინაობაც ყოველთვის იცან. საქმე ის გახლდათ, რომ მკვლელს პატრონი გამოუჩნდა...

გოგოლაშვილი იმავე საღამოს დააკავეს, თუმცა მალე გამოუშვეს. ერთი წლის შემდეგ კი ისევ დააპატიმრეს. 12 თვის განმავლობაში იგი სრულიად უკანონოდ, უდანაშაულოდ იჯდა ციხეში. გოგოლაშვილის სასახლოდ უნდა ითქვას, რომ ციხის თანამშრომლებისა თუ გამომძიებლების მხრი-

დან საშინელი წამების მიუხედავად, პროკურატურამ მისგან აღიარებითი ჩვენება ვერ მიიღო. ხელები სულ სივარეტის ნაძვრავებით ჰქონდა ამოწვარი (იმ დროს მილიციამ ეს წამების ყველაზე პოპულარული მეთოდი გახლდათ). საშინლად ეძუებოდნენ, მაგრამ მაინც არ გატყდა...

პროკურატურა ცდილობდა, გოგოლაშვილის წინააღმდეგ ერთ-ერთი მთავარ სამხილად ის პატარა გასაშლელი დანა გამოეყენებინა, რომელიც ამ უკანასკნელს დაკავების დღეს ვაბეში აღმოაჩნდა. ვარდაცვლილი დიასამიძის სხეულზე ჩატარებულმა სასამართლო-სამედიცინო ექსპერტიზამ დაადგინა, რომ ჭრილობა მიყენებული იყო ცალმხრივ ლესილი ბასრი იარაღით. ექსპერტების მიერ ნაჩვენები სავარაუდო ზომები არანაირად არ შეესაბამებოდა იმ დანას, რომელიც გოგოლაშვილს ჰქონდა თან...

გაიმართა სასამართლო, მოკლულის დედა გოგოლაშვილს უყოფნად ადებდა ხელს. იმავეს აკეთებდა მოღჩანოვაც და მანუკიანიც. მათ მიერ მიცემულ თავდაპირველ ჩვენებებს კი ყურადღებას არავინ აქცევდა. სწორედ ის ჩვენებები, რომელიც სასწაულებრივად გადაურჩა განადგურებას, სასამართლოს წარუდგინეს. დარბაზში დიასამიძეებმა საშინელი ხმაური ატეხეს. მანამდეც სასტიკად მიუტყუებოდნენ, გამუდმებული ტერორის ქვეშ ვიყავი – გოგოლაშვილის მხარდასაჭერად ერთი სიტყვის წარმოთქმა 10 წლით სიცოცხლის შემცირებას უდრიდა. ბრმაღ იყვნენ დარწმუნებულნი იმაში, რომ დანაშაულებს ის იყო.

სასამართლომ ჩემი პოზიცია მაინც არ გაიზიარა“.

აჭარის ასსრ უმაღლესმა სასამართლომ არ გაიზიარა ადვოკატ ირაკლი ნანუაშვილის შუამდგომლობა გამამართლებელი განაჩენის გამოტანის თაობაზე და ვაჟა გოგოლაშვილს 11 წლით თავისუფლების აღკვეთა მიუსაჯა. განაჩენი ძალაში დატოვა საქართველოს სსრ უმაღლესი სასამართლოს საკასაციო კოლეგიამაც. ადვოკატმა, ზედამხედველობის წესით, მრავალჯერ მიმართა საჩივრით რესპუბლიკის უმაღლესი სასამართლოს ხელმძღვანელობას. „მათ თავიანთ უწყებაში გამოტანილი განაჩენის გაუქმება არ უყვარდათ, პირიქით – ყველაფერს აკეთებდნენ იმისთვის, რომ იგი არ შეცვლილიყო“. – აცხადებს ადვოკატი. ბოლოს, იგი იძულებული გახდა, საჩივრით საქართველოს კომპარტიის ცენტრალური კომიტეტის პირველი მდივნის ელვარდ შევარდნაძისათვის მიემართა.

ირაკლი ნანუაშვილი

„როგორც მოსალოდნელი იყო, მის მიერ საქმის მასალების გაცნობა დიდხანს გაჭიანურდებოდა. ვაჟა გოგოლაშვილის მამა, ბიჭიკო გოგოლაშვილი შვილის გადასარჩენად

ნად მზად იყო, ყველაფერზე წასულიყო და ნებისმიერი მაღალჩინოსნის კარი შეელო მუდართ – ჩემი შვილი უდანაშაულოა და გთხოვთ გამოუშვათო, თუმცა მოთმინების ფიალა სავსე ჰქონდა. როგორც ექნა, შევარდნაძემდე მიადნია, მასთან შევიდა და სთხოვა, საჩივარს გასცნობოდა. შევარდნაძეს უთქვამს – აუცილებლად გავეცნობი და შეგატყობინებთო. ბიჭიკო გოგოლაშვილს უბასუხია: „ბატონო, მე ამ ოთახიდან მანამ არ ვავალ, სანამ ჩემ თვალწინ არ წაიკითხავთ საჩივარსო. დაუსრულებია თუ არა ამ სიტყვების თქმა, ძირს, იატაკზე დამჯდარა და ლოდინი დაუწყია. თურმე შევარდნაძე ერთხანს განცვიფრებული უყურებდა, მერე უთქვამს – არ გინდათ, ძირს რად ჯდებით, აი, ავერ, სკამზე დაბრძანდითო... გოგოლაშვილის მამა ზემოთ არც კი წამოწეულა – ვიქუერ უყურებდა თურმე ცკ-ის მდივანს. მამის შევარდნაძის საჩივარი გადაუშლია.

ბიჭიკო გოგოლაშვილს შეუშინებია, რომ მან ვერ პირველ ფურცელს გადაავლი თვალი, მერე კი სულ ბოლო გვერდს გადახედა. „არა, ბატონო, ასე არ გამოვა, სულ მთლიანად წაიკითხეთ და ნახეთ, რა უკანონობას აქვს ადგილი, მე აქ დაგელოდებით“, – უთქვამს ვაჟას მამას. ეტყობა, შევარდნაძე მართლაც დაინტერესა იმან, თუ რა ხდებოდა, კვლავ პირველ გვერდს დაპირუნებია და თავაულებლად ბოლომდე წაუკითხავს მიუღი საჩივარი. ყველაფერ ამას კი ის მოჰყვა, რომ საჩივარს მან მაკაცი რეზოლუცია დაადო: ვაარკვიეთ აქ დაფიქსირებული ვარემოებები და პასუხი პირადად მცნობითო“.

ცოტა ხანში უმაღლესი სასამართლოს პრეზიდიუმმა გააუქმა განაჩენი, საქმე დაბრუნდა დამატებით გამოძიებას. მამის ადვოკატმა ქუთაისში აქცია მოაწყო და ვაჟა გოგოლაშვილის ციხიდან გაათავისუფლების მოთხოვნით, თბილისისკენ 100 კაციანი საპროტესტო მსვლელობის ორგანიზება მოახერხა. ხალხი, ღოზუნებოთ ხელში, დედაქალაქისკენ მომავალ გზას ფეხით გაუყვდა, თუმცა მილიციელებმა აქცია გზაშივე დაარბიეს და უკლებლივ ყველა მონაწილე დააპატიმრეს, მათთან ერთად, ადვოკატი ნანუაშვილიც ციხეში ჩასვეს.

ნანუაშვილს მაშინდელმა უშიშროების მინისტრის მოადგილემ კავსაძემ მიქცია ყურადღება და იგი რესპუბლიკის გენერალურ პროკურორთან ბარბაქუსთან მიიყვანა. ადვოკატმა მკვლელობის შესახებ ბარბაქუს დეტალურად მოუყვა. უკანონოდ დაპატიმრებული 100 კაცი ციხიდან გაათავისუფლეს, ვაჟა გოგოლაშვილის მიმართ კი სისხლის სამართლის საქმე შეწყდა...

გოგოლაშვილის გაათავისუფლებიდან დაახლოებით ერთ თვეში მილიციამ დიასამიძის ნამდვილი მკვლეელი ვინმე მეგინიშვლი აიყვანა. მის მიმართ გამამტყუნებელი განაჩენი ძალაში შევიდა.

ქმარმა ცოლი დანით სასიკვდილოდ დაჭრა

ადვოკატის მტკიცებით, ბეჟანიშვილმა მკვლელობა აფექტურ მდგომარეობაში ჩაიდინა



მეზო სანავა

2001 წლის სექტემბერში თბილისის საოლქო სასამართლოში თეიმურაზ ბეჟანიშვილის სისხლის სამართლის საქმის განხილვა გაგრძელდება. პროკურატურა ბეჟანიშვილს თავისი ცოლის – მზია ბეჟანიშვილის მკვლელობაში ადანაშაულებს. გამოძიებლებმა მას ჯერ განზრახ მკვლელობის მუხლი მიუყენეს, თუმცა შემდეგ, საქმის წინასწარი გამოძიების დროსვე, იმ მუხლით შეუცვალეს, რომელიც ითვალისწინებს სხეულის ძიმე დაზიანებას, რასაც შედეგად სიკვდილი მოჰყვა.

თეიმურაზ ბეჟანიშვილი არც პირველ, არც მეორე ბრალდებას არ ეთანხმება. მან საოლქო სასამართლოს საჩივრით მიმართა და საქმის ხელახალი განხილვა მოითხოვა.

ბეჟანიშვილი ცოლის მკვლელობას არ უარყოფს, თუმცა დასძენს, რომ დანაშაული აფექტის მდგომარეობაში ჩაიდინა. არც პროკურატურა, არც დაზარალებული მხარე ასე არ ფიქრობს. მოკლულის – მზია ბეჟანიშვილის ძმისა და დის განცხადებით, მათი სიძე მკვლელობა და შესაბამისად უნდა დაისაჯოს.

საქმის მასალებში დაფიქსირებული ინფორმაციის თანახმად, თეიმურაზ და მზია ბეჟანიშვილებს სამი – ერთი არასრულწლოვანი და ორი მცირეწლოვანი შვილი დარჩათ. ისინი თავიანთი ოჯახით, თიანეთის რაიონის სოფელ ჯიჯეთში ცხოვრობდნენ. თეიმურაზ ბეჟანიშვილი ძირითადად სოფლის მეურნეობით იყო დაკავებული, უვლიდა ცხვარს და ოჯახს

ამით არჩენდა.

მეზობლების თქმით, ცოლ-ქმარს ხშირად ჰქონდათ კონფლიქტი, თავიდან ამის მიზეზი წვრილმანი, ყოფითი პრობლემები ყოფილა, მერე კი, მზია ბეჟანიშვილის დედაქალაქში გამგზავრება გახდა. მან თბილისში, ბაზარზე ყველით ვაჭრობას მიჰყო ხელი.

პროკურატურის ინფორმაციით, ქმარმა ევკვიანობა დაიწყო. ცოლს ბაზარში რამდენჯერმე მიაკითხა და ჩხუბი აუტეხა – სოფელში, შინ დაბრუნებას სთხოვდა. ქმრის ასეთი საქციელით უკმაყოფილო მზია ბეჟანიშვილი მაინც დათანხმდა და მეუღლეს შინ გაჰყვა. მათ შორის დაძაბული ურთიერთობა კვლავ გრძელდებოდა. თეიმურაზ ბეჟანიშვილი თავის ჩვენებაში აღნიშნავს, რომ მან თბილისში ცოლის ღალატის შესახებ შეიტყო. როგორც უთხრეს, მეუღლე მას ვინმე ლერისთან ღალატობდა. ბეჟანიშვილის თქმით, ყველაფერი ცოლიან ერთად მოვაჭრე ხალხისგან გაიგო – ხმები დადიოდა, რომ მზიას ლერი ხშირად აკითხავდა, მისთვის ყვავილები მიჰქონდა, ერთად ქეიფობდნენ და ერთხელ დაბადების დღეც გადაუხადა. როგორც აღმოჩნდა, ეს ინფორმაცია ბაზარში მოვაჭრე ზოგიერთმა პირიდან მართლაც დაადასტურა. ბეჟანიშვილის ადვოკატის თქმით, ამის შედეგად პროკურატურამ ზემოთ ხსენებული ლერის ვინაობა და მისი საცხოვრებელი ადგილიც დაადგინა, თუმცა გამოძიებლებმა მისი დაკითხვა რატომღაც საჭიროდ არ მიიჩნიეს. ცალკეულ მოწმეთა ჩვენებებში ლერის სახელი მართლაც ფიგურირებს, თუმცა საქმის

მასალებში მისი დაკითხვის ოქმი ან ამ მხრივ ჩატარებული რაიმე საგამოძიებო მოქმედების დამადასტურებელი საბუთი არ არსებობს.

1998 წლის 26 აგვისტოს ცოლ-ქმარმა ბეჟანიშვილებმა სახლში ხინკალი მოამზადეს და სადილად ერთი მეზობელიც მიიწვიეს. თეიმურაზ ბეჟანიშვილისა და მისი სტუმრის მტკიცებით, მათ ერთ-ორი ჭიქა არყის მეტი არ დაუღევიათ. ცოტა ხანში მზია ბეჟანიშვილი სახლიდან ეზოში გავიდა, რათა სარეცხი დაერეცხა. თეიმურაზ ბეჟანიშვილის თქმით, იგი მივიდა ცოლიან, რომელიც დანით საპონს ჭრიდა და სთხოვა მისთვის შარვალი გაერეცხა. ცოლი კი მიუბრუნდა და უხეშად უპასუხა: წადი და დედაშენმა გაგირეცხოსო. თან ქმრის თანდასწრებით დედამთილი შეურაცხყოფელი სიტყვით მოიხსენია.

როგორც თეიმურაზ ბეჟანიშვილი დასძენს, მან ცოლისგან ღელის შეურაცხყოფა ვერ მოითმინა და ხელი გაართვა. ცოლმა საპასუხოდ დანა, რომლითაც საპონს ჭრიდა, ქმარს მოუქნია, რის შედეგადაც იგი გულმკერდის არეში მსუბუქად დაჭრა. ბეჟანიშვილმა ცოლს დანა ძირს დააგდებინა. სწორედ მაშინ შენიშნა, რომ იგი ჯიბიდან მეორე დანას იღებდა, რომელსაც ვაჭრობის დროს სულ თან დაატარებდა. ბეჟანიშვილი ძირს დაგდებული, საპნისანი დანის ასაღებად დაიხარა, აიღო კიდეც. როცა დანასხა, რომ ცოლი მის დაჭრას კიდევ აპირებდა, მოასწრო და თავად ჩაართვა დანა მას სხეულში.

მზია ბეჟანიშვილი გულმკერდის არეში დაიჭრა. ხმაურზე ხალხი მოგროვდა, სახლიდან ბეჟანიშვილებთან სტუმრად მყოფი მეზობელიც გამოვიდა, თუმცა უშუალოდ დაჭრის ფაქტი მას არ დაუნახავს – მზია ბეჟანიშვილი უკვე ძირს ეგლო. მშობლების ჩხუბსა და მკვლელობას არც შვილები შესწრებიან.

თეიმურაზ ბეჟანიშვილის ადვოკატი მამუკა იმერლიშვილი:

„სავულისხმოა, რომ დაჭრილი ქალი მაშინვე არ გარდაცვლილა. უფრო მეტიც, იგი საავადმყოფოში მოთავსებიდან ოთხი დღის მანძილზე ცოცხალი გახლდათ. მას ექიმებმა ოპერაციაც გაუკეთეს, მაგრამ ჩემი აზრით, დაჭრილს დროული და სათანადო დახმარება მაინც არ გაუწიეს, რის გამოც სისხლი მოეწამლა და ამის შედეგად გარდაიცვალა.

აღსანიშნავია ისიც, რომ თეიმურაზ ბეჟანიშვილი პოლიციაში საკუთარი ნებით, შემთხვევის დღესვე გამოცხადდა და დანაშაული აღიარა. სწორედ ეს აღიარება დაიხვეის შემდეგ ხელზე გამოძიებლებმა. მათ არ მიაქციეს ყურადღება იმ დეტალს,

რომ ბეჟანიშვილი ცოლის დაჭრის მომენტში აფექტურ მდგომარეობაში იმყოფებოდა. იგი მთელი წლების მანძილზე ითმენდა თავისი მეუღლისგან არა მარტო სიტყვიერ, არამედ ფიზიკურ შეურაცხყოფასაც. ამას მეზობლები თავიანთ ჩვენებებში ადასტურებენ. საქმის მასალებიდან ისიც ჩანს, რომ ერთხელ ბაზარში მისულ ქმარს ცოლმა ცემა დაუწყო.

მიუხედავად ყველაფრისა, თეიმურაზ ბეჟანიშვილს არ სურდა ოჯახის დანგრევა და სამი შვილის უღელდო მიტოვება. ამიტომაც სთხოვდა ცოლს, შინ დაბრუნებულიყო. როგორც მისი საუბრიდან ირკვევა, ცოლი ქმარ-შვილს პერიოდულად ტოვებდა და თავად ხანგრძლივი დროით თბილისში მიდიოდა. შემთხვევის დღეს, ცოლის მიერ ნათქვამმა სიტყვებმა ბეჟანიშვილს მოთმინების ფიალა აუესო და დიდი ხნის მანძილზე ისედაც ნერვიულად დაძაბული, აფექტურ მდგომარეობაში ჩავარდა.

პროკურატურას ბეჟანიშვილისთვის შესაბამისი – 107-ე მუხლი უნდა მიეყენებინა, რაც აფექტურ მდგომარეობაში ჩადენილ მკვლელობას ითვალისწინებს. სამწუხაროდ, თიანეთის რაიონული პროკურატურის თანამშრომლებმა ბეჟანიშვილის ფსიქიკური ჯანმრთელობის დასადგენად ფსიქიატრიული ექსპერტიზაც არ დანიშნეს, რაც კანონის უხეში დარღვევაა.

ბეჟანიშვილის ადვოკატმა ამ მოთხოვნით საოლქო სასამართლოს კოლეგიას მიმართა და ექსპერტიზის ჩატარების თანხმობა მიიღო. ექსპერტებმა არ გამოიციხეს, რომ ბეჟანიშვილმა მკვლელობა აფექტურ მდგომარეობაში ყოფნის დროს ჩაიდინა.

მაშუკა იმერლიშვილი, თავის მხრივ, თეიმურაზ ბეჟანიშვილის სასამართლო დარბაზიდან გათავისუფლებას მოითხოვს. მისი თქმით, ბეჟანიშვილი კანონით, ორიდან სამ წლამდე თავისუფლების აღკვეთას იმსახურებს. „ციხეში იგი უკვე სამი წელია ზის და სასჯელი მოხდილად უნდა ჩათვალოს“, – აცხადებს ადვოკატი. თუმცა, გაიზიარებს თუ არა პროკურატურა და, უპირველეს ყოვლისა, სასამართლო ადვოკატის პოზიციას, მომავალი გვიჩვენებს. დაზარალებულები მუხლის შეცვლას კატეგორიულად ეწინააღმდეგებიან. ფაქტის მომსწრენი და თვითმხილველები ისინი არ არიან, მაგრამ აცხადებენ, რომ თეიმურაზ ბეჟანიშვილი მკვლელობის დროს არ შეიძლებოდა აფექტურ მდგომარეობაში ყოფილიყო. მათი თქმით, მან მკვლელობა დიდი ხნის მანძილზე დაგროვილი ბოღმის საფუძველზე, წინასწარი განზრახვით ჩაიდინა.

„დათო“ გიორგი სანაიას პანაშვილზე დაახავს...

(დასაწყისი იხ. გვ. 4)
— ადრე თუ გქონია პოლიციასთან შეხება?

— ერთადერთხელ. 1998 წელს, ჩემს დაბადების დღეს, ნასვამი ვიჯექი საჭესთან. გამაჩერეს და დამაჯარიმეს. ამ ფაქტს რაიმე სერიოზული გართულება არც მაშინ და არც შემდეგ არ მოჰყოლია.

— თქვენი დაკავების ამბავს დაგუბრუნდეთ. პოლიციის თანამშრომელმა ხალხმრავალ ადგილას, პანაშვიდზე გთხოვათ — ნამოდი, სალაპარაკო მაქვსო და თქვენ არაფერი გიკითხავთ, ისე გააყვებით?

— არა, მთლად მასე არ ყოფილა. ორნი მოვიდნენ. წესიერად, საკმაოდ დელიკატურად იქცოდნენ, იმდენად დელიკატურად, რომ არ მესიამოვნა. პირველად, მკითხეს — სად ცხოვრობო. ვუპასუხე — თბილისის ერთ-ერთ გარეუბანში-მეთქი. აქ რატომ დგახარო? უბრალოდ ვღვავარ-მეთქი. გიორგი სანაიას თუ იცნობდიო? არა-მეთქი. ვინ ხარ, სად მუშაობო? ტელევიზიაში ვმუშაობდი, ახლა აღარ ვმუშაობ-მეთქი, — ვუპასუხე და საბუთიც, პირადობის მოწმობაც ვუჩვენე...

— შენ არაფერი გიკითხავს?

— კი — სად მივიღვართ, რაშია საქმე-მეთქი? არაფერი, უბრალოდ, აქ ძალიან ბევრი ხალხია და ვერ ვისაუბრებთ, მანქანაში ჩავსხდეთო. მეც გავყვევი და მანქანაში ჩავჯექი.

— რა მანქანა იყო?

— ლურჯი „ჟიუგული“. პოლიციის ატრიბუტები არ ჰქონდა. მანქანა დაძრეს და ვაკისკენ წავედი. ვკითხე — რა მოხდა, რომელ განყოფილებაში მივდივართ-მეთქი? მიპასუხეს: უბრალოდ, უფროსს უნდა თქვენთან საუბარიო.

— გზაში თუ საუბრობდით?

— არა, კონკრეტული საუბარი არ გვექონია. ზოგადად საუბრობდნენ ერთმანეთში და ჩემთანაც.

— პოლიციის განყოფილებაში რა მოხდა?

— იქ კაი ხანი გამაჩერეს. რაც ჯიბეებში მქონდა, ყველაფერი მაგიდაზე დამაწყობინეს. ჩემი კოორდინატები ჩაიწერეს. მე ისეთი შთაბეჭდილება დამრჩა, რომ თვითონაც არ იცოდნენ, რა უნდა ეკითხათ ან როგორ უნდა მომქცოდნენ. მე კი,

როგორც კი მკითხეს — იცნობდი თუ არა მოკლულსო — თავისთავად უამრავი აზრი მომივიდა თავში. ვიფიქრე: იმ მრავალათასიან ეჭვიტანაილს შორის, სადაც, ჩემი აზრით, თეორიულადაც ვერ უნდა მოვხვედრილიყავი, შემთხვევით აღმოვჩნდი და პროფილაქტიკის მიზნით მამოწმებენ-მეთქი. ამიტომაც აღშფოთება არ გამომიტყვამს.

— მარტო ელოდით უფროსს?

— არა, ოთახში თანამშრომლებიც იყვნენ. ჩვენ ვისხედით და ვსაუბრობდით. მე, მგონი ის უფროსი საერთოდ არ მოსულა. ყოველ შემთხვევაში მე არ მინახავს.

— იქ რომ უბრალოდ სალაპარაკოდ არ მიჰყავთ?

— საქმეც მაგაშია, მეც მასე ვფიქრობ. მეკითხებოდნენ — თუკი არ ვმუშაობ, ჩართული მობილური ტელეფონი საიდანო?! მშობლებმა მომცეს ფული და ჩავრთე-მეთქი... ხომ გითხარით, ისეთი შთაბეჭდილება დამრჩა, რომ არც ის იცოდნენ, რა უნდა ეკითხათ... იცოდნენ, რომ რაღაც უნდა ეკეთებინათ, მაგრამ რა — არ იცოდნენ...

— როგორ გამოგიშვეს?

— მე ვისთანაც ვიყავი ოთახში, იმას ვინ დაურეკა, ვერ გეტყვით, მაგრამ ხმა გავიგონე, რომ უთხრა — გაუშვითო და ამანაც ჰკითხა — გაუშვათო?..

— მერე თუ გქონია მათთან შეხება ან თვალთვალი თუ გიგროძენა, ან ტელეფონზე ჩართვები?

— ეგ ვიფიქრე. ალბათ უბნის ინსპექტორს ან სხვა ვინმეს ჩემთვის ყურადღების მიქცევა დაავალეს. თუმცა, მე არავინ შემინიშნავს. არც ვინმეს დაუვუბარებია. ჩვენი ტელეფონების ამბავი კი როგორც არის, ხომ იცით? ხშირად ერთვებიან...

P.S. შეთანხმებულები ვიყავით, რომ მას სურათს გადავუღებდით და სახეცვლილს, დეფორმირებულს დავბეჭდავდით, მაგრამ ბოლოს, რესპონდენტმა ამაზეც სასტიკი უარი განვიცხადა. ვფიქრობ, ის საკმაოდ შეშინებულია, ყველაფერს ბოლომდე არ ამბობს და ზედმეტ „თავის ტკივილს“ მოერიდა. ასე რომ, მისი „ფოტორობოტი“ ჩვენ თვითონ შევქმენით (იხ. ჟურნალის გარეკანზე) და დაახლოებით მისი აღწავლის ადამიანიც მოვძებნეთ სურათის გადასაღებად.



დიდი მორალური ტრაგედიაა, როცა ადამიანი საკუთარ ქვეყნში ადგილსამყოფელს ვერ პოულობს და იძულებულია, სულიერი თუ მატერიალური სარჩო სხვაგან ეძებოს. ასეთი ადამიანები მოდიან პანსიონატში, რომელიც არა მხოლოდ მარტოვლა მოხუცებს მფარველობს, არამედ მათაც, ვისთვისაც თავმოყვარეობა და ღირსება გაცილებით მეტს ნიშნავს, ვიდრე დამადლებული ლუკმა ან ალმაცერად ნასროლი მხერა...

„როცა საკუთარი მშობელი არ დაგინდობს, სხვების გულგრილობაზე საუბარის სასასილოა...“

ირინე აურამიძე

თენგიზ გიუნაშვილი – პანსიონატის ბინადარი:

– ორი წელია, აქ ვცხოვრობ და ცხოვრებას ისე მიუყვები, როგორც ღმერთი გადაწყვეტს. თუმცა, რა მაქვს გადასაწყვეტი? სხვა შრომობს, ზრუნავს და მე ვჭამ. ასეთი უმოქმედობა მე თვითონ ავირჩიე და კმაყოფილიც ვარ. მგონი, ცუდად გამომივიდა – უმოქმედობა იმიტომ კი არ ავირჩიე, რომ შრომა მეზარება! ჯერ ერთი, არ შემიძლია, მოვხუცდი და მერე, ექნება კი შრომას ნაყოფი?

ისე, ზოგჯერ, როცა მარტო ვრჩები ხოლმე, გული კი მწყდება და ვნანობ, მაგრამ ჩემს თავს ვსაყვედურობ და არა სხვას. ისე ვასრულებ ჩემს სიცოცხლეს, როგორც დავიწყე. გადამიყოლეს ქალებმა, მათმა ტრფიალმა და უზრუნველმა ყოფამ. მაგრამ ყველაზე დიდი შეცდომა მაშინ მომივიდა, როცა მამისეულ სახლს ყვარელში ზურგი ვაქციე და ქალაქში წამოვედი საცხოვრებლად. დედაჩემმა დამლუპა: მას რომ არ გამოეწაღდა ჩემი ცხოვრება, შეიძლება პანსიონატის კედლებში არ დამესრულებინა სიცოცხლე. ასეთი ნიჭის პატრონს სოფელში რა გინდაო?! გონებრივი შესაძლებლობების გამოვლენის ასპარეზად დედაქალაქი დამიხატა, სახლი გამაყიდვინა და თბილისში ჩამომიყვანა. ასე რომ არ მომხდარიყო, შევირთავდი სოფელს გოგოს, გავაჩენდი შვილებს, ვიპოვებდით სკოლაში და ვიქნებოდით

ბედნიერი. სწორი უთქვამთ – ქალს მხოლოდ „სათათბირო ხმა“ უნდა მისცე, გადამწყვეტი კი – კაცსო. მაგრამ მაშინ ასე არ ვფიქრობდი. ახალგაზრდა ვიყავი და გული სხვაგვარად მერჩოდა. ქალაქურმა ცხოვრებამ კი თავისი ქნა... პირველმა და ჭეშმარიტმა სიყვარულმა ხომ მთლად გადამრია... ისე, არ დავიძალავთ და, იმ ქალზე დღესაც ვფიქრობ, ახლაც მივსტირი ჩემს დაკარგულ სიყვარულს. რამდენიმე წლის წინ შემთხვევით შევხვდი. უნდა გენახათ, როგორი თვალებით ვუყურებდით ერთმანეთს... იმ დღეს მივხვდი, რომ ჩემს ცხოვრებას უღმობელი მესაჭე მართავდა და ის მესაჭე... მე ვიყავი. ახლა რომ ვიხსენებ ამ ყველაფერს, სიმწრის დიმილიც მიუფლება და სინანულის განცდაც. რას ვიფიქრებდი, თუ ოდესმე აქ მოვხვდებოდი?! მერწმუნეთ, ელემენტარულის საშუალებაც კი არ მქონდა: რეაბილიტ-

თენგიზ გიუნაშვილი



აციის პენსია 45 ლარი უნდა დაენიშნათ და ისიც ვერ მომიხერხეს. ქალაქის ერთ-ერთ მასივში მქონდა ბინა, გავყიდე ისიც და მოხუცებულთა პანსიონატში გადმოვედი. ხომ აქვს ყველაფერს დასასრული? და აი, ჩემს შეურაცხყოფელ ცხოვრებასაც აქ დაესვა წერტილი. ვცხოვრობ შესანიშნავად, მაქვს გადასარევი პირობები, მაგრამ როცა მარტო ვრჩები, ისე არაფრის მეშინია, როგორც საკუთარი თავის...

მოხუცებულთა პანსიონატი „სავანე“, ქველმოქმედებისა და შეწირულობების ხარჯზე რომ ცხოვრობს, ეს დღევანდელ პირობებში სულ არ არის გასაკვირი. ქალბატონი მერი გოგოლის დამსახურებაა ისიც, რომ პანსიონატში სანიშნავად მიწერია, სისუფთავე და, რაც ყველაზე მთავარია, კაცთმოყვარეობის ატმოსფეროა გამეფებული.

მერი გოგოლი, პანსიონატის დირექტორი:

– მე თუ მკითხავთ, საქართველოში საერთოდ არ უნდა არსებობდეს მოხუცებულთა პანსიონატი, რადგან ჩვენ ისეთი ტრადიციების მქონე ქვეყანა ვართ, რომ ეს ქართული მენტალიტეტისთვის მიუღებელია. ეს სახლი უოჯახო და უშვილო მოხუცებულთა თავშესაფართან ასოცირდება, მაგრამ, ჩვენდა საუბედუროდ, ასე არ არის. სხვათა შორის, არც ადრე, „მშვიდ“, საბჭოთა დროს იყო ასე და არც ახლა...

საერთოდ, არ მგონია, რომ თავშესაფრების არსებობა ერის ტრაგედიაა, – ეს ადამიანთა გარკვეული კატეგორიის,

სულიერი დაცემის მაჩვენებელი უფროა.

თოთხმეტი წელი, რაც აქ გავატარე, ცოტა არ არის, მაგრამ მოხუცების ფსიქოლოგიის შესასწავლად, კიდევ ორი თოთხმეტიც რომ დავუმატოთ, ალბათ ესეც არ იქნებოდა საკმარისი: პანსიონატი კი არა, ცხოვრების მცირე აკადემიაა. წარმოიდგინეთ, რამდენი კატეგორიის ადამიანთან მიხდება ყოფნა, ზოგჯერ — ბრძოლაც; აქ თვითმკვლელობაზე ფიქრიც, თუმცა იშვიათია, მაგრამ საკვებით ბუნებრივია და გამუდმებით ყურადღებით უნდა იყო, რამე რომ არ გამოგეპაროს...

მამაჩემი მასხენდება — ის ხშირად ამოდიოდა ხოლმე მოხუცებთან სტუმრად. ესაუბრებოდა, ნარდსა და დომინოს ეთამაშებოდა და არასოდეს შემიმჩნევია მათ სახეებზე შურისა თუ ბოღმის ანარეკლი. პირიქით — მამაჩემი მოხუცებისთვის მყარი ოჯახის სიმბოლო და თავმოყვარეობის ეტალონი იყო. ეს ხალხი შინაგანი ბრძოლის უნარით არის დაჯილდოებული... ყველაზე ცუდი იცით, რა არის? როცა ადამიანს თავმოყვარეობა ეკარგება — არა აქვს მნიშვნელობა, ეს საზოგადოების გამო ხდება თუ ოჯახისა და ახლობლების. საკუთარი „მე“ არ უნდა დაკარგო, რადგან თავის ბედს ადამიანი მაინც თვითონ ქმნის... რა საუკეთესო პირობებიც არ უნდა ჰქონდეთ მოხუცებს, ამ შენობაში დამშვიდებული მაინც ვერ ვიქნები: იმეტომ კი არა, რომ ღირებულონი ვარ და ამ ხალხის ბედი ჩემზედაცაა დამოკიდებული. მე, პირველ რიგში, ადამიანი ვარ და მთელი არსებით ვგრძნობ: ამ პანსიონატში კი არ იბადებიან, პირიქით — კვდებიან...

რომა ჯიკაევა, პანსიონატის ბინადარი:

— ერთი ვაჟიშვილი მყავს და ცოლ-შვილით საზღვარგარეთ ცხოვრობს. მართლ დარჩენილმა, სამსახურიდანაც გათავისუფლებულმა, სრულიად უმწეომ და არაფრის მქონემ, იმედით შემოვალე პანსიონატის კარი და გამიმართლა კიდევ.

— შვილისგან დახმარება არასოდეს მიგიღიათ?

— არაფერი, წერილების გარდა. ახლა ამასაც აღარ აკეთებს, რადგან ჩემი ამ ნაბიჯით განაწყენებულია.

— სად მუშაობდით?

— კინოსტუდია „ქართულ ფილმში“, მემონტაჟე ვარ. ძალიან ბევრ და გამოჩენილ რეჟისორთან ერთად მიმუშავია: მიხეილ ჭიაურელთან, კოლია სანიშ-



რომა ჯიკაევა

ვილთან, სიკო დოლიძესთან, შოთა მანაგაძესთან, რეზო ჩხეიძესთან, დევი აბაშიძესთან. ჩემი ბოლო ნამუშევარია გიული ჭოხონელიძის ფილმი „ანთიმოზ ივერიელი“. სხვათა შორის, 26 ივნისს იყო პრემიერა.

— დიდი ხანია, რაც პენსიაზე გახვედით?

— პენსიაზე კარგა ხანია გასული ვარ, მაგრამ სამსახურში მაინც დავდიოდი, რადგან ფილმი იყო დასამთავრებელი. 10 წელია, ამ სურათზე ვმუშაობთ და ხომ ვერ მივატოვებდი! თან, ასე იოლია სამსახურის დათმობა? 48 წელი იქ გავატარე, სტუდიის აღმავლობასაც მოვესწარი და, საუბედუროდ, მის დაქვევასაც. ომის დროს არ დახურულა იგი და ახლა, 35000 კაციდან 50 თანამშრომელია დარჩა. მართალია მე, პენსიაზე გავედი და იქ აღარაფერი მესაქმება, მაგრამ გული მაინც საშინლად მტკივა და განვიცდი.

— რატომ გადამწყვეტეთ პანსიონატში მოსვლა?

— თოთხმეტი ლარით შემეძლო თავი მერჩინა? არ მგონია, ჩემისთანა ბრძოლის უნარი სხვას გააჩნდეს, მაგრამ ვერ შევძელი გაემკლავებოდი ამ ყველაფერს. ისე, ერთ ღამეში არ გადამიწყვეტია აქ მოსვლა — ამას ბევრი თეთრად გათენებული ღამე შეეწირა, რადგან არსებობის გასაგრძელებლად სხვა გამოსავალსაც ვეძებდი, უკეთესი კი ვერაფერი მოვიფიქრე... აქ რომ გადმოვსახლდი, ცოტა ხანი კიდევ დავდიოდი სამსახურში, ჩემი გადაწყვეტილებით ბევრი იყო შეშფოთებული, მაგრამ რას იზამ?... მასსოვს, ერთ-ერთ შეკრებაზე რეზო ჩხეიძემ მითხრა: როზა, კარგად მოწყობილხარო. სწორედაც რომ ასეა. სახლი მე აღარ დამრჩა

— შვილი საზღვარგარეთ რომ წასულიყო, იმისთვის გავყვიდე, შვილიც ჩემთვის აღარ იყო, ლუკმაპური მე არ მქონდა, აბა, გეკითხებით, რა უნდა მექნა?!

მერი გოგოლი:

— იცით, რამდენი პირადი წერილი მაქვს ჩემი მობინადრეების? მათი განცდები და ემოციები არ შეიძლება ადამიანმა ცივი გონებით წაიკითხოს. ამდენმა შთაბეჭდილებამ და მიტოვებული ხალხის განცდებმა, მეც გადამაწყვეტინა წიგნის დაწერა. ეს, რა თქმა უნდა, სამომავლო საქმეა, მაგრამ არც ისე შორეული... წარმოიდგინეთ, რა დიდი ტრაგედია უნდა იყოს ადამიანისთვის, როცა ის შვილებსა და შვილიშვილებთან ცხოვრებაზე უარს ამბობს და საშველად მე მომმართავს. საუბედუროდ, მათთან კამათში ხშირად ვმარცხდები და იძულებული ვხდები, პანსიონატში მივიღო...

ეთერ თევღორაძე, 78 წლის, რესპუბლიკის დამსახურებული ექიმი:

— ცხოვრება თუ დამამარცხებდა და მისი შემემინდებოდა, ამას ნამდვილად ვერასოდეს წარმოვიდგენდი. როცა სამამულო ომი დაიწყო, ძალიან ახალგაზრდა ვიყავი, თან სამედიცინო ინსტიტუტიც არ მქონდა დამთავრებული, მაგრამ მაინც გამოიწვიეს და მეც გმირული შემართებით წავედი. ვიბრძოდი უკრაინაში, ქერჩში, ფეხით ვარ გადასული აზოვის ზღვაზე, როცა იგი გაყინული იყო. აბა, ახლა წარმოიდგინეთ, რა საფრთხის წინაშე დავდგებოდი: ცალკე, ტყვიების წვიმა და ცალკე, ყინულში ჩავარდნის საშიშროება... გულანდლილად გეტყვით, მაშინ არ შემეუთერ თევღორაძე





ზევე ჯალაღონია

შინებია, დღეს კი ცხოვრება მომერია და დაემარცხდი. ორი ბიჭის დედა ვარ. ერთი ჟურნალისტია – გიორგი სუბელიანი. სხვათა შორის, გიორგი ეკლესიური ცხოვრებით ცხოვრობს და სულ მალე ალბათ გარკვეული ფორმითაც გამოხატავს ამას. თენგიზი კი, ინჟინერია... მყავს ძალიან კარგი შვილიშვილები. რომ ვთქვა, არ ნერვიულობენ და არ განიცდიან ჩემს აქ ცხოვრებას-მეთქი, არ ვიქნები მართალი, მაგრამ მე გადავწყვიტე ასე, ჩემი სურვილით ავირჩიე ცხოვრების ეს ბოლო მონაკვეთი და კმაყოფილიც ვარ. შვილებთან გართულებული ურთიერთობა ნამდვილად არ მქონია, მაგრამ რა არის, იცით? როცა დედა სიბერეში ცოტა პრეტენზიული ხდება და შვილი ამას გაგებით ვერ ეკიდება, ამ შემთხვევაში, საუბედუროდ, დედა-შვილი უნდა დასცილდეს...

ზევე ჯალაღონია:

– თორმეტი წელია აქ ვცხოვრობ და ჩემი ხელობით ვირთობ თავს. ყველა ეს მაკეტი ჩემი გაკეთებულია. აფხაზეთის ომში ჩემმა შვილებმა ყველაზე ძვირფასი – ფუძე და კერა დაკარგეს. ეს სახლებიც იმიტომ გავაკეთე, რომ შვილიშვილებს მეხსიერებაში მაინც აღედგინათ თავიანთი სახლ-კარი. გალის რაიონის სოფელ ზემო ბარდებში ისეთი ეზო-კარი გვქონდა, რომ ქვეყანა ჩვენ შემოგვანატროდა. ძალიან დიდ ეზოში სამი სახლი იდგა, წინ ჭა იყო და მთელი სოფელი იქიდან ეზიდებოდა წყალს. დღეს ყველაფერი ეს ნაცარტუტადაა ქცეული. ჩემი ცხოვრება რაღაც უცნაური რომანივით წარიმართა. პირად ცხოვრებაში ხომ საერთოდ

უიღბლო აღმოვჩნდი. ჯერ იყო და, პირველ ცოლს გავყვარე, მეორე შევირთე – მასთან შვილები არ მყოლია. მთელი ცხოვრება ერთ ადგილზე ვერ ვჩერდებოდი, მუდამ საზოგადო საქმეებს ვემსახურებოდი და ხელში მხოლოდ ეს „ნამოღვაწარი“ შემრჩა. 1970-დან 1993 წლამდე გამომცემლობა „განათლებაში“ ვმუშაობდი რედაქტორად. მანამდე, რუსთავეში, პედაგოგიურ მოღვაწეობას ვწევოდი. ჩემი მეორე ცოლი პროფესორი იყო, ძალიან ჭკვიანი და განათლებული ქალი. მართალია, მე მის ბინაში ვცხოვრობდი, მაგრამ შვილების ჩაწერაზე უარი მითხრა... ერთი სიტყვით, ბევრი თავგადასავალი გადამხდენია. ახლა აქ ვარ – მყუდროდ, უშფოთველად და ლტოლვილ შვილიშვილებს, რითაც შემიძლია, ვპატრონობ. უფრო სწორად, პანსიონატის მფარველობის ქვეშ ისინიც ავიყვანე და, შეძლებისდაგვარად, გზაზე დავაყენე... ეს ნატურის ხე ჩემი შთამომავლობაა. სამი შვილი მყავს, რვა შვილიშვილი და ერთი შვილთაშვილი. ჩემს ნამატს ამით აღვნიშნავ და ვითომ ამით რაღაცას ვაკეთებ... თუმცა, მარტო „რაღაც“ არ არის ეს; მიხარია თუ მწყინს, მაკეტებითა და სხვადასხვა ფიგურით გამოვხატავ ხოლმე და ვმშვიდდები...

მერი გოგოლი:

– იცით, რა მაკვირვებს?! ზოგიერთი ადამიანის სულის სიძლიერე. აქ ისეთ ადამიანებს ნახავთ, რომლებსაც ბუნება და იღბალი სასტიკად მოჰქცევია – ფიზიკურად გაუნადგურებია, მაგრამ ეს ხალხი, ფიზიკური ტანჯვის მიუხედავად, დიდი სულიერი სიჯანსაღის მატარებელია... საუბედუროდ, ზოგჯერ აქ ახალგაზრდებიც მოდიან, მაგრამ მათი მიღება მხოლოდ გამონაკლის შემთხვევაშია შესაძლებელი და მხოლოდ ჩემზე არ არის დამოკიდებული.

გიორგი კობახიძე:

– სოხუმელი ვარ, 36 წელი იქ ვიცხოვრე, იურისტი და ინგლისური ენის სპეციალისტი ვარ. 1996 წელს სოხუმში დავტოვე და თბილისში ჩამოვედი. ჩემი მდგომარეობის გამო, ღვთისშვილთა კავშირს დავუკავშირდი და ქუთაისის ინვალიდთა სახლში მოვხვდი. თუ არ ვცდები, „წყალწითელა“ ჰქვია. იქიდან სულ მთლად დაინვალიდებული გამოვედი – როგორც ფიზიკურად, ისე სულიერადაც. ინვალიდთა სახლი

კი არა, ნამდვილი ციხეა, რომელშიც სისასტიკეა გამეფებული... მერე, ისევ ინვალიდთა ლიგის დახმარებით, მოხუცებულთა თავშესაფარში მოვხვდი და ყველაფერი მოწესრიგდა.

10 ოპერაცია მაქვს გაკეთებული. ერთი სიტყვით, ტვინისა და გულის გარდა, ყველა ორგანო და სხეულის ნაწილი მაქვს დაავადებული.

– იმედია, სიძნელეებს მაინც არ ეპუებით?

– რა თქმა უნდა. მაგრამ ზოგჯერ, იცით, რაა? სიცოცხლე ხან მიყვარს და ხან არა...

– ეს რა არის? რას წერთ?

– საერთოდ, ძალიან ბევრ რამეს. ეს – საქართველოს სოციალურ-ეკონომიკური განვითარების კომპლექსური პროგრამაა.

– ე.ი. ეკონომიკაშიც კარგად ერკვევით?

– მიუხედავად იმისა, რომ პროფესიული განათლება ამ სფეროში არა მაქვს, ეს სრულიად არ მიშლის ხელს იმაში, რომ სხვადასხვა ინფორმაციისა და წყაროს გაცნობის შედეგად, საკუთარი ანალიზი გავაკეთო ქვეყნის ეკონომიკური ცხოვრების შესახებ. სხვათა შორის, ეს ფანტაზიის ნაყოფი არ არის. აქ ყველა პუნქტი სხვადასხვა მიმართულებით იშიფრება და იხსენება.

– როცა პროგრამას დაასრულებთ, რას აპირებთ?

– თქვენ უნდა დამეხმაროთ...

– ახლა თუ მოდიან ხოლმე ინვალიდთა ლიგიდან თქვენს სანახავად?

– მაინცდამაინც არა. ვინც ამოდის, ისიც ხშირად ვერ ახერხებს ჩემს ნახვას.

– გიორგი, სინანულის გრძნობა ხშირად გიპყრობთ?

ზევე ჯალაღონიას ნამუშევრები





**მერი გოგოლი
სოლმე?**

— არა. ღმერთს მინდობილ კაცს არ შეიძლება სინანული აწუხებდეს. ზოგჯერ რაღაცები კი მემართება სოლმე, მაგრამ ეს არ არის მნიშვნელოვანი...

მოხუცებულთა პანსიონატი ზოგჯერ ისეთი ადამიანებისთვისაც შეიძლება იქცეს თავშესაფრად, რომლებსაც წინათ აქ ვერ შეხვდებოდით. ჩვენში დღითი დღე მატულობს პირადი თუ ოჯახური ტრაგედიების რაოდენობა და მისი მსხვერპლნი, რომლებიც ასაკის მიუხედავად, აქ შეიძლება აღმოჩნდნენ.

ლია აფციაური:

— აქ ინვალიდ მეუღლესთან ერთად ვცხოვრობ. ჩვენი ტრაგედიის გადმოცემა ცოტა შორიდან უნდა დავიწყო. ეს ადრე ასეთი კი არ იყო (საწოლზე მყოფ ახალგაზრდა კაცზე მანიშნებს — ავტ.), შალვა მამამაც დაღუპა და საზოგადოებამაც. თუმცა, სხვას რას ვერჩი: როცა საკუთარი მშობელი არ დაგინდობს, სხვების გულგრილობაზე ლაპარაკიც უბრალოდ, სასაცილოა. მერე რა, რომ შალვა ნოზაძე სამაჩაბლოს ომშია ნაბრძოლი, მონაწილეობა აქვს მიღებული ბოლნისი-დმანისის არეულობაში, ბატალიონ „ავაზას“ აქტიური წევრი იყო, ნამუშევარია თავდაცვის სამინისტროში, მიღებული აქვს სხვადასხვა ჯილდო — მხედრული მამაცობისთვის და სხვა?! ამით არავის არ შეშლია ხელი მის დაპატიმრებაში. არავის გაუთვალისწინებია ჩემი მეუღლის პატიოსანი და ჰუმანური ბუნება. 1997 წელს შალვა დააპატიმრეს იმ მოტივით, რომ 1992 წლის 1 ნოემბერს რუსის ჯარს „პაზიკი“ წაართვა და ქართულ ჯარში მიიყვანა. უფრო მეტსაც ვეტყვით — მოსამართლე ვია ქოიავამ ასეთი განცხადება გააკეთა: ზუსტადაც, ეს „პაზიკი“ რომ არ გაყიდეს და ქართულ ჯარში მიიყვანეს, იმიტომ მივეცი მუხლის მინიმუმი, თორემ თხუთმეტწლიანს მივარჯობდიო... მაგრამ

ეს არ არის ტრაგედია. მთავარი ამის შემდეგ დაიწყო. ჩვენ ვთხოვეთ შალვას მამას, რომ ბინა გაეყიდა და ციხიდან დაეხსნა. რა თქმა უნდა, დაგვიპირდა...

შალვა ნოზაძე:

— მამაჩემმა ბინა კი გაყიდა, მაგრამ მოხდა ის, რასაც ასე წელი ვერ წარმოვიდგენდი. წილი შუაზე გაყო, თავისი კუთვნილი თანხით, დედინაცვალთან ერთად, თემქის რაიონში ერთოთახიანი ბინა იყიდა, ჩემი წილით კი... „იგორიალა.“ ნერვიულობის ნიადაგზე ძალიან ძძიმედ გავხდი ავად. ავადმყოფობამ საშინლად ჩამითრია. დამემართა ტუბერკულოზური მენინგოენცეფალიტი. მაქვს მენჯის ფუნქციის მოშლა, ქვედა კიდურების პარაპარეზი. ამ დიაგნოზით ციხის საავადმყოფოდანაც გამომიშვეს და თავისუფლებაც „მომანიჭეს“.

ლია:

— იქიდან წამოსულებმა ქალაქის ტუბდისპანსერში, თითქმის ორი წელი ვიცხოვრეთ. არ გვეგონოთ, რომ მკურნალობის პროცესი იყო ხანგრძლივი — სახლ-კარი არ გვექონდა, შალვას მამა შინ არ გვიშვებდა და სხვა გამოსავალი არ გვექონდა. ბოლოს და ბოლოს, ხომ აქვს ყველაფერს საზღვარი — და სადღაც 2 წლისთავზე იქიდანაც წამოვედით. მამა ამ დროს არ ჩანს, არც ერთადერთი და, არც ნათესავები. წარმოიდგინეთ, რა დღეში უნდა ვყოფილიყავით. მოვდივარ საავადმყოფოდან, მომყავს ინვალიდი კაცი, სად წავიდე, არ ვიცი. უეცრად თავში რაღაც აზრმა გამოიელვა და ფიქრი რეალობადაც ვაქციე. მთავრობის სახლის წინ მანქანა გავაჩერე და ჩამოვედით... ბუნებრივია, დაცვამ არ გაგვაჩერა. ვიცოდი, ასე რომ მოხდებოდა, მაგრამ შოკში ჩავარდნილს ალბათ ყველაფერი ეპატიება: ამის შემდეგ რა მოგვეფიქრებინა, არ ვიცოდით და გულუბრყვილოდ, კიდევ ერთი სისუღელე გადავწყვიტეთ: მივედით მამამთილის კორპუსის წინ და საპროტესტო აქციის მონაწილეებივით დავდექით. მთელი უბანი ფეხზე დადგა, ვინ არ შეწუხდა, ჩვენი საცოდაობით მგონი, ქვეყანა დუღდა — მამა კი სახლში ისევ არ გვიშვებდა...

— თქვენს სახლში რატომ არ ნახვედით?

ლია:

— იცით რა, მე რამდენადაც კარგი მეუღლე ვარ, იმდენად ცუდი შეილი

პანსიონატის სამლოცველო

ვერ ვიქნები: შალვას ყველაზე დიდი დაავადება ნევროზია. ძალიან გაღიზიანებულ ადამიანს, დამეთანხმებით ალბათ, რა თავისებური მოვლა სჭირდება. ამით დედაჩემსაც გაგანერვიულებდი და ისედაც თავზარდაცემულ ქალს კიდევ ერთხელ გულს ვატკენდი.

შალვა:

— რა მინდა სიდედრის სახლში, როცა მე კანონით, მორალით და კიდევ რაღაც ჯანდაბა უფლებით, ჩემი კუთვნილი მერგება?! მამა არ მიღებს კარს და სიდედრთან წავიდე?

— დედინაცვლის გამო ხომ არ გქონიათ მამასთან გართულებული ურთიერთობა?

შალვა:

— ამ ყველაფერს მოტივად ეს რომ ელოს, მაშინ კიდევ ხმას არც ამოვიღებდი...

ლია:

— დედინაცვალთან კი არა, მის ნათესავებთანაც გადასარევი ურთიერთობა გვექონდა.

— დარწმუნებული ხართ, რომ სასამართლოს მოიგებთ?

შალვა:

— ამ ცხოვრებაში ვერაფერში ვერ იქნები დარწმუნებული, მაგრამ კაცი თუ არ მიშველის, ღმერთი ხომ მაინც დამეხმარება...

მოხუცებულთა პანსიონატში ერთი კუთხე პატარა სამლოცველოს უკავია. ადამიანურ სიბოლეს დანატრებული უმწეო მოხუცები და დავრდომილი ადამიანები აქ ავედრებენ უფალს სიციცხლეს.



დმაკაცი მყავს ერთი, დიმიტრი, — თავგადაკლული მონადირე. ცოდვა გამხელილი სჯობს და უნდა ვაღიარო, ნამდვილ ამბავს თავისი ფანტაზიით იმისთანა ფრთებს გამოასხამს ზოლმე, რომ თხრობისას, ყველას პირს დაგვაღებინებს. განა ვერ ვხვდებით, რომ იგონებს, მაგრამ იმისთანა მოყოლა იცის ამ შეჩვენებულმა, კითხვასაც ვერ ჰკადრებ — მართალს ამბობ თუ არაო?

„ერთხელ, — გვიყვება ექსტაზში შესული, ხელებდაკაპიწებული, — ავიარე ტყის ზედა ნაწილი, ისეთი უკუნეთი სიბნელეა, თვალთან მიტანილ თითსაც ვერ დაინახავ... უცებ, მიწა შეტორტმანდა, მერე ფეხქვეშ გამომეცალა და დიდ ორმოში ჩავვარდი. მივხვდი, რომ დათვის ბუნაგში ვიყავი“... „უჰ! მერე რა ჰქენი, შე კაცო?“ — მოულოდნელობისგან შევყვირეთ ძმაკაცებმა. „რა უნდა მექნა? როგორც ყოველთვის, მაშინაც ბედმა გამიღიმა — დათვი საშოვარზე გასული აღმოჩნდა“ — უცებ მოგვიჭრა ყველას. მოდი და ნუ გაიცინებ! მან კი მშვიდად მოგვიგო: მე ნამდვილს გიყვები, ძამა, გინდ დაიჯერე, გინდ — არაო.

ამის მერე, მიუნჰაუზენივით გამოუსწორებელ ფანტაზიორს, ზურგს უკან „გინდ დაიჯერე, გინდ — არა“ დავარქვით. აბა, პირში ამის თქმას ვინ გაუბედავდა?

ერთხელაც, ჩვეულებისამებრ შაბათ დღეს, ძმაკაცების თავყრილობაზე (დიღმის მასივის ტყე-პარკში) გვესტუმრა. ფერდაკარგული გვეჩვენა, ხმას დიდხანს არ იღებდა. იმდენი ვუჩინხინეთ, ცოტა „გამოვაფხიზლეთ“ და მანაც წინა დღეს თავს გადამხდარი ამბავი მოგვიყვა. ამჯერად, მართლაც ნამდვილს ჰგავდა, შეულამაზებელს, თანაც — კაცს ადამიანის ფერი არ ედო სახეზე და რა უფლება გვქონდა, ეჭვი შეგვპარვოდა მის მონათხრობში?!

„ჩონხატაურში ნათესავეები მყავს, ხომ იცით მაგი თქვენ? ჰოდა, ამ ერთი კვირის წინ, გუდა-ნაბადი ავიკარი და სანადიროდ გავეშურე. იმედი მქონდა, სურების ტყეში



მახტანბ ხონელი

შარვალხახდილი ესიეცა

რაცხას მოვინადირებდი.


სანამ ტყეს შეუყვები, ვინცხა ჰკუადაცურებულს ფიცრულისგან ფეხსალაგი გაუკეთებია. გურული მეც ვარ, მარა მართლა გამიკვირდა — ვის რაში სჭიროდა ტუალეტის (პროვოკაცია უფრო იყო, ვიდრე ტუალეტი) დადგმა ტყის პირას? ეს ფიცრული ჩემს გასართობად გამოვიყენე. სანამ ტყეში შევიდოდი, პაწაწავიხემსე, მერე ნახშირით ტირის დაფა დავხაზე „ტუალეტის“ კარზე.

... და დავიწყე ვარჯიში. სანამ „ათიანში“ არ ჩავაჭედე, არ მოვეშვი, მერე კი, კმაყოფილმა გზა განვაგრძე. სამდლიანი ნადირობის მერე, იმავე ბილიკით დავეშვი თავქვე. თან მომქონდა სამი კურდღელი (ერთი გარეული ტახი გამექცა!). იმ ფიცრულთან შორიასხლოს დავდექი. ჩემს დაფას ცალი თვალთი გავხედე და თოფი დავუმიხინე. ორი ტყვია რომ ვისროლე, საეჭვოდ აჭრიალდა კარი. ხელახლა მოვემზადე, რომ „ათიანში“ გამერტყა. ამ დროს ფიცრულის კარი გაიღო და იქიდან შარვალხახდილი, ჩაკუნცხული, პირში გახეთგაჩრილი და ხელებაწეული კაცი გამოვიდა. ისე იყო შემინებული, რომ ფეხზე ადგომას ვერ ასერხებდა. ხმასაც ვერ იღებდა. გული შემიქანდა. მივვარდი — ხომ ცოცხალი ხარ-მეთქი? — ვკითხე... ცოტა ხნის მერე ძლივს

ამოიკნავლა: ხშირად მიწვევს აქ გამოვლა და ამისთანა წალკოტის წაბილწვა რომ არ მინდოდა, იმიზა ავაშენე აგი ტუალეტი, ჰოდა, კინაღამ არ შემიწირა ჩემმა ესთეტრობამო?! როცა ვაგანალიზე, რა შეიძლებოდა მოჰყოლოდა სამიხნე დაფაზე ჩემს ვარჯიშს, სასწაულად გაგებრაზდი იმ „ესთეტ“ კაცზე და დავჭყვივლე: „ადექი, თუ ძმა ხარ, შარვალხახდილი ესთეტი არ გამიგია მე! კიდევ კარგი, „პატარა“ საქმეზე არ იყავი მაქანე შესული, თორემ გაგაცხოხინებდი სულს. მერე აქვე დავმარხავდი და ზედ დავაწერდი:

„ფაუნის და ფლორის დამცველს მადლობის თქმაც არ მადირსეს, „რა უნდოდა აქ ფეხსალაგს?!“ ჩაკუნცხული ჩამაცხრილეს!“

... ძლივს ავაყენე ის უბედური, ჩემი ხელით ავუწიე შარვალი და გავუშვი სახლში. მისი აშენებული ტუალეტი კი დავშალე და ცეცხლი წოვუკიდე. რაც მე კურიოზები გადამხდენია ნადირობისას, აგი ყველასგან განსხვავებული აღმოჩნდა. უბედურება რომ მომხდარიყო, ახლა თქვენ წინ კაცის მკვლეელი ვიჯდებოდი ან არა და, სურების ტყეში ფირალად გავარდნილი ვიქნებოდი“, — დაასრულა თავს გადამხდარი ამბის თხრობა დიმიტრიმ და სულის მოსაბრუნებლად, ცივი ლული მოითხოვა.



თქვენი ცხოვრების სტილი

თანამედროვე ადამიანი რისკის ბევრ ფაქტორს ექვემდებარება, მუდმივად განიცდის დიდ ფსიქოლოგიურ დატვირთვას, ეს ყველაფერი კი უარყოფითად აისახება მის ნერვულ სისტემაზე: სუსტდება ორგანიზმის მიერ უარყოფითი მოვლენებისა და ავადმყოფობისთვის წინააღმდეგობის გაწევის უნარი. მრავალი ქვეყნის მეცნიერები ცდილობენ სტრესების ზემოქმედების პირობით ერთეულებში გადაყვანას.

ქვემოთ მოყვანილი ფსიქოლოგიური დაკვირვება საშუალებას მოგცემთ, გაარკვიოთ რისკის ფაქტორების ზეგავლენა არა მომენტალურად, არამედ მთელი კვირის განმავლობაში. ეს კი დაგეხმარებათ განსაზღვროთ, რამდენად სწორია თქვენი ცხოვრების სტილი. შეაგსეთ მოცემული ცხრილი ყოველდღიურად, ერთი კვირის განმავლობაში, საღამოს. იმ პუნქტების გასწვრივ, რომელზეც თქვენი პასუხი იმ დღეს დადებითია, დასვით V ნიშანი. V ნიშანს I ქულა შეესაბამება. ერთი კვირის შემდეგ შეაჯამეთ შედეგები.

| რისკის ფაქტორი | ზუსტაბათი | პარასკევი | შაბათი | კვირა | ორშაბათი | სამშაბათი | ოთხშაბათი |
|--|-----------|-----------|--------|-------|----------|-----------|-----------|
| არასაკმარისი ან ცუდი ძილი | | | | | | | |
| გზაში მგზავრობისას ან ქუჩაში უეცრად გაფუჭებული გუნება-განწყობა | | | | | | | |
| სამსახურში გაფუჭებული გუნება-განწყობა | | | | | | | |
| უსიამოვნო სამუშაო დღე | | | | | | | |
| მეტისმეტად ხმაურიანი დღე | | | | | | | |
| 3 ფინჯანზე მეტი ყავა | | | | | | | |
| 10 ცალზე მეტი მოწეული სიგარეტი | | | | | | | |
| ზომაზე მეტი ალკოჰოლი | | | | | | | |
| ფიზიკური აქტივობის მინიმუმი | | | | | | | |
| ზომაზე მეტი საკვები | | | | | | | |
| ზომაზე მეტი ტკბილეული | | | | | | | |
| პირადი პრობლემები | | | | | | | |
| გვიანობამდე გაგრძელებული სამუშაო დღე | | | | | | | |
| კონფლიქტური სიტუაცია | | | | | | | |
| სინანულის გრძნობა განვლილი დღის შემდეგ | | | | | | | |
| თავის ტკივილი დღის მანძილზე | | | | | | | |
| გულის სისუსტე | | | | | | | |
| ტკივილები მუცლის არეში | | | | | | | |


ერთი კვირის შემდეგ მიღებული შედეგები

1-20 ქულა: თქვენი მდგომარეობა ნორმალურია. ყოველი შემთხვევისთვის კიდევ ერთი კვირის მანძილზე შეამოწმეთ თავი, რადგან შეიძლება სუბიექტური აღქმა „ზომაზე მეტი“ ან „ზომაზე ნაკლები“, რეალურობას იყოს მოკლებული.

21-40 ქულა: საგანგაშო სიტუაცია ჯერჯერობით არ არის, მაგრამ დროა, ყურადღება მიიქცეოთ იმ პუნქტებს, რომელმაც მეტი ქულა მოგიტანათ. წინააღმდეგ შემთხვევაში, იქ დასახელებულმა მოვლენებმა შეიძლება მალე საფრთხე შეუქმნას თქვენს ჯანმრთელობას.

41-60 ქულა: საშიშროება აშკარაა, თუ უახლოეს დროში გადაწყვეტ ნაბიჯებს არ გადადგამთ ცხოვრების სტილის შესაცვლელად. რა სამწუხაროც არ უნდა იყოს, მზად იყავით ჯანმრთელობის მკვეთრი გაუარესებისთვის!

61 ქულა და მეტი: თქვენს ჯანმრთელობას სერიოზული საფრთხე ემუქრება. პუნქტობრივად გააანალიზეთ თქვენ მიერ შევსებული ცხრილი და ეცადეთ, გადაარჩინოთ ის, რისი გადარჩენაც ჯერ კიდევ შეიძლება. იქ, სადაც რადიკალურ ზომებს მცირე დროში არ მოაქვს შედეგი, ეცადეთ, გადახედოთ თქვენს დამოკიდებულებას ცხოვრებაში მომხდარი მოვლენების მიმართ: ჯანმრთელობაზე ხომ არა მხოლოდ მომხდარი ფაქტი ახდენს გავლენას, არამედ მის მიმართ დამოკიდებულებასაც დიდი მნიშვნელობა აქვს.



იშვიათად თუ მოიძებნება დღეს ადამიანი, რომელიც თვლის, რომ სათვალე სახის გამომეტყველებას უფუჭებს. გამორიცხული არ არის, რომ ამაში დიდი როლი ცნობილმა ადამიანებმა შეასრულეს. ბევრი მათგანი დიდი ხანა არა მარტო ატარებს სათვალეს, არამედ საკუთარ იმიჯს სათვალის ფორმის შესაბამისადაც კი ცვლის. ალბათ შეუძლებელია კლასიკურ ნიმუშად ქცეული ლითონისჩარჩოიანი სათვალის გარეშე ჯონ ლენონის წარმოდგენა. უბერ-ებელი სოფი ლორენი კი ერთ-ერთი პირველთაგანი იყო, ვინც საზოგადოებაში სათვალით გამოჩნდა. ელტონ ჯონის ყოველი ახალი სათვალე კი — ნამდვილი მოვლენაა. ბევრი ადამიანისთვის სათვალე ცხოვრების განუყრელი ატრიბუტი გახდა.

მარჯო მოგოს ოპტიკური შედეგ

აღნიშნული აქსესუარი, თუნდაც იმ-იტომ არის განსაკუთრებული ყურადღებ-ის ღირსი, რომ საკმაოდ „ხანდაზმული ბრძანდება“. პირველი ადამიანი, რომელ-იც სათვალის მსგავს მოწყობილობას ატარებდა, რომის იმპერატორი ნერონი იყო, რომელიც ჩვენი ერის პირველ ასწლეულში მოღვაწეობდა. ეს უძკა-ცრესი მმართველი, ახლომხედველი იყო და ექიმის რჩევით, სათვალის ნაცვლად დიდ ზურმუხტს ატარებდა.


დიდი ხნის მანძილზე ისტორიკოსე-ბი თვლიდნენ, რომ სათვალე ჩინელებმა გამოიგონეს, მაგრამ ამ თეორიას განვი-თარების საშუალება მარკო პოლომ არ მისცა. მას სათვალე არ შეხვედრია არც ჩინეთში, არც იაპონიაში და არც კუნ-ძულ იავაზე. რაოდენ დიდი იყო მოგზა-ურის განცვიფრება, როცა სამშობლოში, ვენეციაში დაბრუნებულმა შეიტყო, რომ მისი არყოფნის პერიოდში თანამემამუ-ლეებმა სათვალე გამოიგონეს. იმას, რომ მინის ოსტატებით განთქმულ კუნძულ მურანოზე XIII საუკუნეში დაიწვეს სათვა-ლის დამზადება, 1277 წლის ისტორიუ-ლი ქრონიკებიც მოწმობს. სათვალის წარმოებას დიდი ხნის მანძილზე ვენეცი-ისთვის სტრატეგიული მნიშვნელობა ჰქონდა. მინის ოსტატებს და მათ ოჯახ-



ელტონ ჯონი თავისი ყველაზე საინტერესო სათვალეების კოლექცი-ით ამაყობს

ებს დასვენების მიზნითაც ეკრძალებო-დათ იტალიის სხვა ქალაქებში გამგ-ზავრება. ასე გრძელდებოდა 1801 წლამ-დე, ვიდრე იტალიაში არ მიიღეს კანო-ნი, რომლითაც სათვალის დამზადების უფლება მიეცა ბროლის დამამზადებელ ყველა ხელოსანს.

იმ ახლომხედველებსა და შორსმხედ-ველებს, ვისაც სუსტი მხედველობის გამო კომპლექსი უჩნდებათ, ალბათ ზოგიერ-



ჯორჯ კლუნი სათვალის შესაფერისი წარჩოს შერჩევას კომპიუტერს ანდობს

თი მეცნიერული გამოკვლევა დაამშ-ვიდებს. ფართომასშტაბიანი გამოკვლევე-ბის შედეგად კოპენჰაგენის უნივერსიტე-ტის მეცნიერები იმ დასკვნამდე მივიდ-ნენ, რომ მხედველობის ორი დიოპტრი-ით დაქვეითების მქონე ადამიანთა გონე-ბრივი მონაცემები უფრო მაღალია, ვი-დრე მათი, ვისაც სათვალე არ ესაჭიროე-ბა.

მაგრამ სათვალის ტარების საუკეთე-

| იგალიური ბურღულეული | შედრმავება კედელში | ცხოველი ირმისებრთა ოჯახიდან | ფრანგი მწერალი | აგმოს. მოვლენა „ჩრდილოეთის ...“ | ძველებური სიმებიანი საკრავი | თვით-მფრინ. მარკა | ძალდამოსა |
|---------------------------|---|------------------------------------|--------------------------|---------------------------------|-------------------------------|-------------------|-----------|
| ქ ა ბ ა | ჩ ო ნ ი ნ ი | შ ი შ ჳ ე ი ი | ც ო ლ ჯ ა | ზ რ ა ლ ი | | ჩ ი ს მ ა ნ | |
| ქართველი კუტიურიეს სახელი | ფილმი რ. დე ნიროსა და ე. რენოს მონაწილეობით | ჩაუცმელ-დაუ-ხურავი ანუ ... -ტიველი | ცალკე გამოყოფა, გამიჯვნა | მლიქვნელობა (ძველებურად) | სარწმუნოებრივი წეს-ჩვეულებები | | |



დროება

მთელი საიდუმლო კი ის არის, რომ თქვენი სახის ტიპის განსაზღვრის შემდეგ, მისი ყველაზე ფართო ნაწილი ამოარჩიოთ და სათვალის ჩარჩოც შესაბამისი აქცენტით შეარჩიოთ. თუ შუბლი ყველაზე ფართო გაქვთ, მაშინ სათვალის ზედა ნაწილი უნდა იყოს გამოკვეთილი, და პირიქით – თუ ფართო ყვრიძლებით გამოირჩევით, მაშინ ყურადღება სათვალის ჩარჩოს ქვედა ნაწილმა უნდა მიიპყროს.

თუმცა, ისიც აღსანიშნავია, რომ სათვალის ფორმაზე გავლენას არა მარტო სახის ტიპი, არამედ თქვენი აღნაგობა და სიმაღლეც ახდენს. გამხდარ, ტანმალალ ადამიანს უფრო წვეტიანი, პიკანტური, კონტრასტული და თამაში ფერ-

პირობებში და არ იწვევს ალერგიას.

ტიტანის ჩარჩოს დიდი ხანია ანიცებს უპირატესობას მომღერალი სტინგი. ამასთან, ტიტანის ჩარჩოში ის მუქ, მზის სათვალის მინებსაც კი სვამს. მზის სათვალეების კოლექციის შექმნა ცნობილი მუსიკოსისთვის არა მარტო ჰობი, არამედ არცთუ ისე ცუდი ბიზნესი გახდა. სტინგის მაგალითის მიბაძვას ნიკოლ კიდმანმა და ტომ კრუზმა, რომელთაც ოჯახური პრობლემების გაჩენამდე თავიანთი კაპიტალის მნიშვნელოვანი ნაწილი ჰქონდათ დაბანდებული ოპტიკურ მრეწველობაში. რა ბედი ეწვეა ამ საერთო კაპიტალდაბანდვას, ჯერჯერობით უცნობია. ყველაფერ ამას კი სათავე მოდის სახლებმა დაუდო, მზის სათვალის წარმოებას კი მათ შემოსავალში ლომის წილი უდევს.



ჯანფრანკო ფერეს მიერ შექმნილი ფოლადის სათვალის ჩარჩო



კარლ ლაგერფელი. ფოტო და კინოკამერების წინ უხათვალოდ არახოდეს ჩნდება (გოპ-მოდელ სტელა გენანგთან ერთად).

უფრო მეტიც: სტილისტები არა მხოლოდ სათვალის ჩარჩოების მოდას განსაზღვრავენ, არამედ მათ კოლექციას ზამთრისა და ზაფხულის ნაწილებადაც ყოფენ. ამასთან, ცოტა ვინმე თუ შეძლებს განასხვავოს ზამთრის სათვალის ჩარჩო ზაფხულის სათვალის ჩარჩოსგან. სამაგიეროდ, დღეს ყველას შეუძლია თქვას, რა აერთიანებს მათ. უფრო ზუსტად – საერთო სწრაფვამ მინიმალ-იზმისკენ, ოპტიკურ მრეწველობასაც ვერ აუქცია გვერდი. სათვალის ჩარჩოების მსხვილი და მკვეთრი სახეობები წარსულს ჩაბარდა. ამჟამად სტილ-

სო არგუმენტი, მაინც სარკეში დანახული საკუთარი გამოსახულებაა. მიენდეთ წარმოსახვას და სცადეთ სახის გეომეტრიულ ფიგურაში – კვადრატში, ოვალში, სამკუთხედში ან წრეში „ჩასმა“. სათვალის არჩევისას აუცილებელია, დავიცვათ პრინციპი – „ფორმა ფორმას უნდა მიესადაგებოდეს“, სწორედ მაშინ იქნება ეს აქსესუარი ჰარმონიულად შერწყმული თქვენს იერთან.

ების ჩარჩო უხდება, მსუქანმა კი სჯობს, უფრო მსხვილი, მძიმეჩარჩოიანი სათვალე მოირგოს.

ლითონისჩარჩოიანი სათვალის მოყვარულებმა უნდა გაითვალისწინონ, რომ დღეისათვის ყველაზე პოპულარული მასალა ტიტანია, რომელიც 48%-ით მსუბუქია თავის „კონკურენტებზე“, 20%-ით უფრო მოქნილია, ბევრად გამძლეა ნესტიანი და მარილიანი ჰაერის

ისტებში მოღურია სათვალის ჩარჩოს შიდა ნაწილში საკუთარი სახელის „შენიღება“. ამ მიმართულებით კი ყველას კარლ ლაგერფელმა აჯობა, რომელიც დიდი ხანია პუბლიკის წინაშე უსათვალოდ არ გამოჩენილა და პირადი მაგალითით ამტკიცებს, რომ სათვალეს ღირსეული ადგილი უკავია ნებისმიერ გარდერობში.

| არუნჩხე ელი გყავი | მელქნის ქალი- შვილი „დათა თუთაშხია“ | ჩრდ. ამერიკის უდიდესი მდინარე | შვედი მწერალი ... ლინდგრენი | სპირიტით გაზავებული სურნელოვანი წყალი | სიყვარულის დმერთი რომაულ მითოლოგიაში |
|----------------------|---|----------------------------------|--------------------------------|--|--|
| ბ | ა | ა | ნ | ი | ბ |
| მანეთის მეასელი | ცხენის რძის სასმელი | ნოტი | ლითონის ფული თურქეთში | მწერალი ალფონს ... | პინგვინების ერთობლიობა |

ქ

კვიანი და ნიჭიერი ჩინგიზ ყაენის სარდლობით მონღოლებმა თითქმის ნახევარი დედამიწა დაიპყრეს და მილიონობით ადამიანი გაჟლიტეს. დაპყრობილი ქვეყნები პირწმინდად გაიძარცვა და მოსახლეობა დაიმშა. მონღოლთა ცხენების ფლოკებზემ საქელად იქცა აყვავებული ბალ-ვენახები და ყანები. მიძიმე უღლის ქვეშ მყოფი ერის ხვედრი მე-13 საუკუნეში სრულად გაიზიარა აღმოსავლეთ საქართველოს ქართველობამაც, რომელსაც თამარის მმართველობის ოქროს ხანის შემდგომ, მართლაც რომ უმძიმესი ხანა დაუდგა. მონღოლებმა აღწერეს 11-დან 60 წლამდე ასაკის ყველა მამაკაცი, ყოველგვარი პირუტყვი, ყანა, ბალი, ბოსტანი, ვენახი, საძოვარი და ყველაფერზე ცალ-ცალკე დიდი გადასახადი დააწესეს. გარდა ამ გადასახადებისა, ყაენმა ყოველწლიურად, ფულადი სახით 50 ათასი ოქროს



12 აგვისტო - ღმინდა ცოტნე დადიანის ხსენების დღე

გადახდაც მოითხოვა. სხვა იყო სამხედრო ბეგარა, რაც ყოველწლიურად მრავალი ათასი ქართველი ჭაბუკის მონღოლთა ომებში მონაწილეობას ითვალისწინებდა. დამპყრობთა თავხედობას საზღვარი აღარ ჰქონდა: ერთხელ მონღოლები მეფის სამხარეულოში შეიჭრნენ და შამფურზე შესაწვავად გამზადებულ კრავზეც კი გადასახადის გადახდა მოითხოვეს...

ას წელიწადს გაგრძელდა მონღოლთა ბატონობა, მაგრამ მაინც არ გატყდა ქართველობა. ერთ მშვენიერ დღეს ქვეყნის მოჭირნახულე ერისთავები კოხტასთავზე შეიკრიბნენ. ერისთავებს მონღოლთა წინააღმდეგ აჯანყება განზრახათ. დათქვეს დღე და დრო, როცა თავიანთი ჯარებით ჯავახეთში შეგროვდებოდნენ და მტერს ეკვეთებოდნენ. კოხტასთავიდან ყველაზე ადრე ცოტნე დადიანი და კახაბერ კახაბერის ძე გამოემგზავრნენ,

რათა დასავლეთ საქართველოში დროულად შეეკრიბათ ლაშქარი და ჯავახეთში გადაეყვანათ. დანარჩენი ერისთავნი კი ის-ის იყო, დაშლას აპირებდნენ, რომ თავს დაადგათ მონღოლთა რაზმი და ყველა წარჩინებული დაატყვევა. როგორც ჩანს, ვიღაც მოღალატემ დააბეზდა ქართველები.

დატყვევებული ერისთავები სომეხთა ქალაქ ანისში წაასხეს. ქართველები შეკრების მიზეზად მონღოლთათვის ხარკის აკრებას ასახელებდნენ. მაგრამ ეს არ დაიჯერეს მონღოლებმა. ნოინის ბრძანებით, მთავრები გააშიშველეს, ტანზე თაფლი წაუსვეს და პაპანაქება სიციხეში, თაკარა მზეზე დასხეს. ასეთი დამამცირებელი სასჯელით ცდილობდა მტერი შეთქმულების მხილებას...

დათქმულ დღესა და ადგილას ჯარით მხოლოდ ცოტნე დადიანი გამოცხადდა. შეიტყო მომხდარი

და „მწუხარე იქმნა უზომოდ“. ჯარი უკან გააბრუნა, თავად კი, ორი კაცის თანხლებით, იქით გაემგზავრა, სადაც დატყვევებული წარჩინებულები ჰყავდა მტერს. ცოტნემ სასიკვდილოდ განწირული თანამომხეები რომ იხილა, ცხენიდან ჩამოხტა. სამოსელი გაიხადა, თვითონ შეიკრა ხელ-ფეხი და გვერდით მიუჯდა მათ. მოსვლის მიზეზი ჰკითხეს გაკვირვებულმა მონღოლებმა. ჩვენ იმისთვის ვიყავით შეკრებილები, რათა განგვეგო ხარაჯა თქვენი და ბრძანება თქვენი აღგვესრულებინა და თუ ჩემი ამხანაგები ამის გულისთვის დაისაჯნენ, დაე მეც მათი სასჯელის თანაზიარი ვიყო — მიუგო თავდადებულმა მამულიშვილმა. ცოტნე დადიანის საქციელმა მონღოლებიც კი შეძრა. ამგვარი მაგალითი მოძმის სიყვარულისა, მათ არც ენახათ და არც გაეგონათ.

„ყოველთა ქართველთა შენ მოგანიჭებთ და შენდა მონღოლი ვართ“ — უთხრეს მათ ცოტნეს და ყველანი გაათავისუფლეს.

ამ ამბიდან 7 საუკუნის შემდგომ პოეტმა შოთა ნიშნიანიძემ მშვენიერი სტრიქონებით შეაქო ცოტნეს თავდადება, რომელშიც „გმირობისა და ვაჟკაცობის უბადლო მცოდნე“ მონღოლსაც უძღვნა თავისი წილი ხოტბა.


„ცოტნე გმირია. დიდებული გმირი. მაგრამ თუ ბიჭები ვართ, ნუ ვადიდებთ მარტოოდენ ცოტნეს, ვახსენოთ სახელდარეჯილი ლომი მონღოლიც, გმირობისა და ვაჟკაცობის უბადლო მცოდნე“.

მაგრამ ეს შემთხვევა გამონაკლისი იყო. ზოგჯერ უმნიშვნელო

მიზეზიც კი საკმარისი იყო მათ განსარისხებლად და კაცთაგან არავინ უწყობდა, რა სახის სასჯელი ელოდა ბრალდებულს. მაშინდელი სომეხი ისტორიკოსის ცნობით, მონღოლები შერისხულს „უწყალოდ უკრავდნენ ხელებს უკან და სცემდნენ ნედლი ჯოხებით, ვიდრე მთელი სხეული არ დაეჩრქვებოდა. შემდეგ მიუშვებდნენ შეუბრალვლად თავიანთ ბრაზიან ძაღლებს, რომელნიც მიჩვეულნი იყვნენ ადამიანის ზორცის ჭამას“... ამგვარი სასჯელი არა მხოლოდ საზოგადოების დაბალი ფენის წევრებს ელოდათ. იმავე სომეხი ისტორიკოსის ცნობით, ერთხელ ჰულაგუ ყაენმა სულ უბრალო დაბეზღების გამო, საკუთარი ხელით ასო-ასო აკუწა და ძაღლებს შეაჭამა საქართველოს ამირსპასალარი ზაქარია – „კაცი პატიოსანი და სახელმწიფოველი“. ათასი ჭირის მნახველი იყო ერისთავი შანშე. შვილის ასეთი გაუგონარი სისასტიკით მოკვდინებამ კი თავზარი დასცა. შვილზე დარდასა და მწუხარებას გადაჰყვა შანშე ერისთავი...

აი, ამგვარ დაუნდობელ მტერს ეახლა თავისი ფეხით ცოტნე დადიანი, თუმცა, იქნებ რწმენა ჰქონდა სომეხთა ქალაქისაკენ მიმავალ ცოტნეს, რომ მოხდებოდა ის, რაც მართლაც მოხდა და თავისი გაბედულებით იხსნიდა თანამომხმეებს. თუნდაც ასე იყოს! ამგვარი რწმენა ღვთისგან ხომ მხოლოდ რჩეულებს

ანისის კათედრალური ტაძარი



– გულით წმინდა ადამიანებს ეძლევათ!

ალბათ ამიტომაც იყო, რომ მე-13 საუკუნიდან მოყოლებული, ქართველი ერი ყოველთვის წმინდანის ტოლფას პატივს მიაგებდა ცოტნე დადიანს. და მისი გმირობა ყოველთვის იყო მაგალითი სარწმუნოების სიყვარულისა – რისი გამოვლენაცაა მოყვასის სიყვარული.

1999 წლის 26 ოქტომბრის წმინდა სინოდის განჩინებით და მართლმორწმუნე ერის ნებით ცოტნე დადიანი წმინდანად შეირაცხა. ამგვარად ცოტნე დადიანი ჯერჯერობით ერთ-ერთი ბოლოა, ვინც საქართველოს მართლმადიდებელმა ეკლესიამ წმინდანად შეირაცხა.

სამწუხაროდ, ისტორიამ ვერ შემოგვინახა ცოტნე დადიანის დაბადებისა და გარდაცვალების თარიღები (მონღოლების წინააღმდეგ მოწყობილ 1259 წლის აჯანყებაში ცოტნე დადიანის სახელი აღარ ჩანს, ვარაუდობენ, რომ ამ დროისათვის ის უკვე დაღუპული იყო). სამაგიეროდ, ჩვენ შეგვიძლია ვიდღესასწაულოთ 12 აგვისტო – წმინდა ცოტნე დადიანის ხსენების დღე.

დამდებო სულისა თვისისა და აღმსარებლო მცნებისა უფლისასა, კაცო კეთილო და სრულო, წმინდაო ცოტნე დადიანო, ევედრე ღმერთსა ჩვენ ყოველთათვის.

წმინდა ბარყაშვილი

რედაქციისთვის



იოლია სწორად მიეკლა იმისი, ვინც წინ სწორად მიდის.

იან ამოს კომენსკი

გონიერსა მწვრთნელი უყვარს, უგუნურსა გულსა ჰკვირდეს.

შოთა რუსთაველი

ენა – ყველაზე უფრო საშიში იარაღია. ხმლის დანაკრავი მორჩება, ენით დაჭრილი არა.

კალდერონ დე ლა ბარკა

შრომა – ბედნიერების მამაა: ვისაც მოთმინება აქვს, ყველაფერს მიაღწევს.

ბენჯამენ ფრანკლინი

თუ მოყვარე საფლავს მითხრის, იმედები მიმოყვარე – აღარ ვიცი, ვინ სად მიჰქრის, ვინ მტერია, ვინ მოყვარე.

ჰააგი

რა ფასი აქვს უგუნურთა ან ლანძღვას და ან ქებას?

ივანე კრილოვი

სიმათლვე მწარე წამალია – არ გესიამოვნება, მაგრამ მოგარჩენს.

ონორე დე ბალზაკი

ჭკუის სრულყოფისათვის იაზროვნე, კი არ იხეპირო.

რენე დეკარტი

ყოველი კარგი წიგნი თვალწინ გვიშლის ახალ სამყაროს.

ჯორდანო ბრუნო



დღესდღეობით იმისათვის, რომ ადამიანებს ვუთვალთვალოთ, თურმე ტელევიზორის ჩართვაც კი საკმარისია. „რეალური ცხოვრებიდან“ პირდაპირი რეპორტაჟები აშშ-ში მოიფიქრეს. ამჟამად კი ვუაიერიზმის ტალღამ ევროპაც მოიცვა.

თვალთვალი ოდითგანვე ადამიანების საყვარელი საქმიანობა ყოფილა, სათვალთვალოდ კი გასაღების ჭურჭრუტანაც გამოდგება, სავენტილაციო ხერხეციც, გაღებული სარკმელიც და თქვენ წარმოიდგინეთ, აბანოს კედელში გაკეთებული ნახვრეტიც.

ფრანგულ ყოფაში დღეს საკმაოდ მოიკიდა ფეხი ტერმინმა „ვუაიერიზმი“. ვუაიერი არის ის, ვისაც ძალიან უყვარს ადამიანების თვალთვალი. ეს კი, არა მარტო სექსუალური დაუკმაყოფილებლობის შედეგი ყოფილა, არამედ უბრალოდ — ცნობისმოყვარეობის. თუმცა მესამე ათასწლეულის ვუაიერები მკვეთრად განსხვავდებიან პინჰოკის ფილმის საზღვაო ჭოგრიტით შეიარაღებული გმირებისგან, რომლებიც უსაქმურობის გამო მთელი დღე-ღამის განმავლობაში მოპირდაპირე სახლის ბინადრებს აკვირდებოდნენ. ამჟამად თვალთვალის მოყვარულებისთვის ტელევიზორის ჩართვაც საკმარისია. სატელევიზიო „რიელ-შოუ“ — პირდაპირი რეპორტაჟები „რეალური ცხოვრებიდან“ — აშშ-ში მოიფიქრეს, შემდეგ ის ლათინოამერიკელებმა აიტაცეს, ბო-

სასაქონლო თვალთვალის ერთგვარობის

ლოს კი, ვუაიერიზმის ტალღამ ევროპამდე, და მათ შორის დახვეწილ საფრანგეთამდე მიადწია.

რამდენიმე კვირის მანძილზე ფრანგ მაყურებელთა 40 პროცენტი საღამოს პარიზის ტელევიზიის აქამდე ნაკლებად პოპულარულ მეექვსე არხს — M6-ს ადევნებს თვალყურს. ამასთან აღნიშნული აუდიტორიის 72 პროცენტი 15-იდან 24 წლამდე ასაკის ახალგაზრდები არიან. წარმატების მიზეზი „ლოფთ-სთორი“-შია — თვალთვალის მოყვარულთათვის განკუთვნილ პროგრამაში. იდეა კი ძალიან მარტივია: — 5 გოგონას და 6 ვაჟს შეთანხმებისამებრ ჩაკეტილ სივრცეში აცხოვრებენ, ისე, რომ გარე სამყაროსთან არავითარი კონტაქტი არ გააჩნდეთ. მათთვის ყოველდღიურად მიაქვთ საკვები პროდუქტები და რთავენ ნებას, ხმოვანი საშუალებით კვირაში ერთხელ პროგრამის მეთვალყურე ფსიქოლოგს ესაუბრონ. მოქმედების ადგილად კი ასაწყობი კონსტრუქციისგან შექმ-

ნილი უზარმაზარი ბარაკი შეირჩა, რომელიც პარიზის გარეუბანში — სენ-დენისში მდებარეობს. სწორედ აქედან წარმოდგება პროგრამის დასახელება: „ლოფთ“ ინგლისურად ხომ „სხვენს“ ნიშნავს. მუყაოს კედლებით აღჭურვილ ყველა ოთახში ფარული ვიდეოკამერები და მიკროფონებია. საშხაპეში და ტუალეტშიც კი შეუძლებელია საკუთარ თავთან მარტო დარჩენა.

თამაშის წესებიც შესაბამისად არის მოფიქრებული. „ლოფთ-სთორის“ მონაწილეთა ყოველ სიტყვას და ფესტს პირდაპირ ეთერში მთელი დღე-ღამის განმავლობაში M6-ის მილიონობით მაყურებელი ადევნებს თვალყურს, ამას ემატებიან ინტერნეტის მომხმარებლებიც, სადაც შოუს ორგანიზატორებმა რამდენიმე სპეციალური მისამართი გასწნეს. ფსონიც არ არის ურიგო: თერთმეტი „ლოფტიორისგან“ (თუ ახალმოვლენილ ტერმინს გამოვიყენებთ), ათი კვირის შემდეგ, ეკრანზე მხოლოდ ორი უნდა დარჩეს, ისინი ფინალში შეყვარებულ წყვილს ქმნიან და გადაცემის სპონსორებისგან საჩუქრად გარეუბანში მდებარე სახლს იღებენ. ანუ უფრო მარტივად რომ ვთქვათ, გაზეთ „ფიგაროს“ აზრით, სანახაობის არსი საკმაოდ კონკრეტულია და შემდეგში მდგომარეობს: „ნუ შეგრცხვებათ და გაერთეთ სიყვარულით სახალხოდ, ამისათვის თქვენ მადლობას ფულით გადაგიხდიან!“ მნიშვნელოვანი მო-



თავყვანისმცემლები დავიდს მშობლიურ მარსელში ხვდებიან

მენტია, რომ გაცხრილვის შემდეგ „ლოფთ-სტორი“ აუცილებლად იქცევა „ლაე-სტორი“-დ, ტკბილი წყვილის დაკომპლექტებას კი მაყურებელი ახდენს. M6-ის სტუდიიდან წამყვანის ნიშნის შემდეგ მაყურებელი ტელეფონით აძლევს ხმას სასურველ მონაწილეს და მომავალი რომანისთვის შეუფერებელი გოგონა ან ვაჟი თამაშს ეთიშება.

შოუს პირველი, მარსელიდან ჩამოსული, მეტიჩარა დავიდი გამოეთიშა, მას მიჰყვა ათლეტური აღნაგობის არაბი აზიზი და პირსინგის მიმდევარი (ენის, ტუჩების, ნესტოების, ყურების გახვრეტის მოყვარული) პარიზელი გოგონა ლორი, შემდეგ სენტმენტალური ღორმუცელა, ფერადკანიანი ჟიული და ენერგიული, ბრძანების მოყვარული კენზა გამოეთიშნენ შოუს. „არასასურველი ელემენტების“ გადასაღები ადგილიდან გამოძევება საოცარი აჟიოტაჟის თანხლებით ხდებოდა: სენ-დენის ბარაკთან მისული თავყანისმცემლები თავისუფლებაზე მოხვედრილ საკუთარ გმირებს ყვავილებს და სუვენირებს უძღვნიდნენ, პაპარაცები მათზე სენსაციური მასალების გამოქვეყნებას ჩქარობდნენ. საქმეში პოლიტიკოსებიც კი ჩაერთვნენ: მონაწილე ახალგაზრდების მშობლიური ქალაქების მერები მათთვის შეხვდრებს აწყობდნენ და საქებად სიტყვებს არ იშურებდნენ.

ასეთ პოპულარობას მონაწილეები თავდაც არ ელოდნენ. კონტრაქტის თანახმად, მათ ბარაკში გატარებულ თითოეულ დღეში 130 ფრანკს (17 დოლარს) უხდიდნენ, თავისუფლებაში მოხვედრისთანავე კი, მალე გამდიდრდნენ – მათკენ ილტვოდნენ სარეკლამო სააგენტოები, კინო და ტელეპროდიუსერები. „ლოფთ-სტორის“ ერთ-ერთმა ფანატმა ამის თაობაზე დასკვნაც კი გამოიტანა: „საწყალი გამარჯვებულები!“ და მართლაც, სანამ მთავარი გმირები მარცხიდან მარჯვნივ: სტივი, კრისტოფერი, ჟან-ედუარდი, დავიდი, ფილიპი, აზიზი და შოუს წამყვანი ბენჟამინ კასგალდი



კენზა, დელფინა, ლონა, ჟიული და ლორი

სატელევიზიო ბარაკში იმყოფებოდნენ, სადაც მოთვალთვალე კამერებისგან დამალვა შეუძლებელია, დამარცხებულმა მოთამაშებმა ნამდვილი კაპიტალის დაგროვება შეძლეს.

თუმცა ზოგს საბანკო ანგარიშის სიდიდე აღელვებს, ზოგს კი – სრულიად სხვა რამ. „როგორი აღმონჩნდა ჩვენი ახალგაზრდა თაობა? – კითხულობს ნაციონალური კრების დეპუტატი-სოციალისტი ჟერარ გუზი, – გოგონები და ვაჟები ცხოვრების არსის და ნამდვილი გატაცების გარეშე. მათ მხოლოდ სექსი აღელვებთ“. „ჩვენი ახალგაზრდა თაობა ყველაფერზე თანახმაა, ოღონდ არაფერი აკეთოს“, – მხარს უბამს კოლეგას დეპუტატი-ლიბერალი ფრანსუა გულარი. როგორც ცნო-

ბილმა ფსიქიატრმა, დოქტორმა სტეფან ბენსაიდმა დაასკვნა, „ლოფთ-სტორი“ არის ნარცისიზმის ემანაცია. სულ უფრო მეტი ახალგაზრდა ოცნებობს პოპულარობაზე, ცდილობს, დაემსგავსოს თანატოლ-ვარსკვლავებს, ამით კი საკუთარი ინდივიდუალიზმის არქონის ანაზღაურებას ცდილობს“. „ლოფთ-სტორის“ მიმართ ნაკლებად კრიტიკულია ყოფილი პრემიერ-მინისტრი ედუარ ბალადიური: „გადაცემა ჩვენი საზოგადოების ცხოვრების გარკვეული ანარეკლია. სანამ ახალგაზრდებს გაგვიცხავთ, ზომ არ სჯობს ვალიართ, რომ ისინი იმ საზოგადოებაში ცხოვრობენ, რომელშიც ჩვენ ვაძულებთ ცხოვრება“.

მართლაცდა, ნუთუ ფრანგი ხალხის რჩეულებს სხვა საქმე არა აქვთ, ვიდრე მუყაოს ბარაკის „ნამდვილი ცხოვრების“ სატელევიზიო სურათების გარჩევა? მაგრამ მეორე მხრივ, „ლოფთ-სტორი“ ნამდვილად იქცა თანამედროვე მეხუთე რესპუბლიკის სოციალურ მოვლენად. ერთი დღეც კი არ გადის, რომ საფრანგეთისთვის რეკორდული სარეკლამო ამონაგების მომტანი, გახმაურებული გადა-



ცემა მასმედიის განხილვის საგნად არ იქცევს. „ლოფთ-სთორიზე“ კამათობენ პოლიტიკოსები და ადვოკატები, თინეიჯერების ახალ გატაცებას განიხილავენ მეტროში და საპარკიკმახეროში, ღამის კლუბებსა და მაღაზიებში. IPSOS-MEDI-ANGLES – საზოგადოებრივი აზრის გამოკითხვის სამსახურმა „ლოფთ-სთორის“ მიერ ფრანგული ეკონომიკისთვის მიყენებული ზარალი 640 მილიონ ფრანკად შეაფასა. საქმე ის არის, რომ მეზუთერესპუბლიკის 500 ათასმა მოსამსახურემ ანონიმური გამოკითხვის დროს აღიარა, რომ სამუშაო ადგილზე ყოფნის დროს კომპიუტერის მეშვეობით, გადაცემის ინტერნეტის ვერსიაში ყოველდღიურად ერთგებიან და რამდენიმე საათის განმავლობაში უყურებენ. ამ სერვისის საფასურს კი, რა თქმა უნდა, საწარმოები და მათი მფლობელები იხდიან.

„ლოფთ-სთორის“ საავტორო უფლებების მფლობელი ნიდერლანდური კომპანია „ენდემოლი“, რამდენიმე დღეში საფრანგეთში ტრიუმფალურ თაღზე და ეიფელის კოშკზე არანაკლებ პოპულარული გახდა. ამსტერდამელი პროდიუსერების კეთილგანწყობის მოპოვებას ერთმანეთს პარიზის წამყვანი მსხვილი ტელეარხები ეცილებოდნენ. ამ „სქელი საფულეების კონკურსში“ კი ბუიგის ოჯახობის კუთვნილმა კომპანიამ TF-1-მა გაიმარჯვა, რომელ-

მოუ დასრულდა



ამიში და დელფინა ცხოვრებით კანში ტკბებიან

იც ეთერში პარიზის პირველ დილაკზე გადის. შემოდგომიდან დაწყებული, TF-1 მინიმუმ ორ წელზე გათვლილ, ჰოლანდიაში მოფიქრებულ „რიელ-შოუს“ სერიას გაუშვებს. მისი ტრანსლირება კი ყველაზე ხელსაყრელ დროს – 18.30-დან 20.00 საათამდე მოხდება. „რეალური ცხოვრების“ პირველ რეპორტაჟებს კი ამერიკულ ყაიდაზე დასათაურებული პროგრამა „სტარმეიკერი“ გახსნის: ახალგაზრდების ჯგუფს მოთვალთვალე კამერების თანხლებით ერთ-ერთ კომფორტულ სატელევიზიო კოშკში გამოამწყვდევენ, სადაც შოუბიზნის ერთ-ერთი ვარსკვლავის – მომღერლის ან გიტარისტის ხელმძღვანელობით ისინი სტუდიაში საკუთარ ორიგინალურ დისკს ჩაწერენ. რატომაც არა? ზოგს ხომ როკენ-როლის შესახებ ბჭობა ურჩევნია

„უყვარს – არ უყვარს“ თემაზე უსასრულო განხილვას.

რაში მდგომარეობს ფენომენი, რომელმაც დეკარტის შთამომავლები მუდმივად მთქნარებაში მყოფ, მოთვალთვალე თაობად აქცია? ალბათ არა მხოლოდ M6-ის ტყვეების დიალოგში, როცა საეთერო დროის უმეტეს ნაწილს ღამის პოტენციური პარტნიორების ნაკლოვანებებისა და ღირსებების განხილვა იკავებს.

მთავარი არსი – ვირტუალურ სინამდვილეზე ახალგაზრდა ფრანგების რეაქციაა, არსი თავად იდეის ცინიზმში მდგომარეობს, სადაც ადამიანი ცდების ობიექტად მყოფ, გამჭვირვალე გალიაში მოთავსებულ კურდღლად აღიქმება.

„ლოფთ-სთორი“ დღევანდელი საფრანგეთის ნიშანი გახდა და უამრავი ანეკდოტის წარმოშობის საბაბად იქცა. ექსპერიმენტის მონაწილეთა შერჩევის თანახმად, ყველა მათგანი დაუქორწინებელი და უშვილო უნდა იყოს. გარდა ამისა, სამაგალითო ბიოგრაფია თუ არა, ცხოვრებაში ღირსეული საქმიანობა მაინც უნდა გქონდეთ. ყველაფერი კი გეგმის მიხედვით არ წარიმართა: გადაცემის დაწყებიდან ორი კვირის შემდეგ ჟურნალისტებმა გამოიკვლიეს, რომ სექსუალურ, ქერათმიან, ნიციდან ჩამოსულ ეგზოტიკური სახელის მქონე გოგონას ლოანას, რომელიც ვუაიერების ტელემაართონში მყისვე გამარჯვების მთავარი პრეტენდენტი გახდა – უკვე ჰყავდა პატარა გოგონა, სახელად მინდი, რომელიც გადაცემის მსვლელობის დროს მან „პრიუტში“ მიაბარა, შემდეგ კი – უფრო მეტი: ყოველთვიურმა გამოცემამ „არტრევიუ“ შიშველი ლოანას სურათები გამოძებნა და უზარმაზარი ტირაჟით დაბეჭდა. თურმე გოგონა ადრე მამაკაცთა დახურულ კლუბში სტრიპტიზის ჩვენებით იყო დაკავებული.

საშხაპეში დაორთქლილი კამერების წინაც „ლოფთ-სთორიმ“ არ გაამართლა. როგორ არ ცდილობენ რეჟისორები და ტელევიზიის მუშაკები სოფიტების შუქში „რეალური ცხოვრების“ შექმნას, ეჭვგარეშეა, რომ ნამდვილ რეალობას ისინი მაინც ვერ შესწვდებიან.



აკაკი გეგენავა

ირანში მოგზაურობის შემდეგ (იხ. „გზა“, №29) აღმოსავლეთის ეგვიპტური ქვეყნების დათვალიერების დაუოკებელი სურვილი გამიჩნდა. მარინა (ვინც ირანში წამიყვანა) შეწუხებული მყავდა ერთი კითხვით — როდის აპირებდა პაკისტანში წასვლას. დაუღალავად მპასუხობდა ერთსა და იმავეს: საქონელი ჯერ არ მჭირდება, თანაც, იქ ძალიან იშვიათად დაგდივარ — როცა იაფი ნაწარმი დამჭირდება, თორემ იქით რა გამახედებსო...

ერთ დღეს კი, ჩემთან თავმოებურებულმა, მოულოდნელად გამომიცხადა:

— თუ გინდა, შემიძლია ერთ კაცს გაგაყოლო. ცოტა უცნაური გამოხედომები აქვს ხოლმე, მაგრამ ისე არა უშავს რა, თანაც, ერთ კვირას როგორმე გაუძლებ...

აღფრედ პოლოსოვი ავლაბარში გაზრდილი კაცია. სანამ ქვეყანა აირეოდა, „მალიარად“ მუშაობდა და ბედსაც არ უჩიოდა. დრო რომ შეიცვალა და მდგომარეობა გაუარესდა, კლიენტაც შემოაკლდა. აღფრედამ ვაჭრობა დაიწყო: პაკისტანიდან ჩამოჰქონდა ტყავის ქურთუკები და ლილოს ბაზრობაზე ასაღებდა. მარინამ აღფრედთან, ელას მთაზე წამიყვანა. მასპინძელმა ეჭვის თვლით შემომხედა და მკითხა:

— ეწვევი?...

— არა.

— არც „ქეშაობ“?

— არა...

— ვა! მა წმინდანი ხარ?.. — ცინიკურად ჩაიცინა. ასეთ დასაწყისს ნამდვილად არ მოველოდი და გავშტერდი.

მარინა ამას მიხვდა და ჩვენს საუბარში ჩაერია:

— ტყეილად ნერვიულობ, აღფრედ — კარგი ბიჭია. მოგზაურობა უყვარს, თან კომერციასაც უთავსებს...

— რა ვი, მარინა-ჯან, აქ ყველა კარგია, იქ რო ჩადიან, აკლიმატიზაცია მოქმედებს და პრობლემებს მიქმნან...


— შენ რა, ჩემი არ გვჯერა? — ეწვინა მარინას და კარისკენ გაიხედა.

— როგორ არ მჯერა, მარინა-ჯან, უბრალოდ, ერთი-ორი სიტყვა ჩემთვისა ვთქვი...


რომ მოვილაპარაკე, აღფრედამ გამაფრთხილა: ორ დიდ ჩანთაზე მუტი არ წამოიღო და რაც შეიძლება უბრალო ტანსაცმელი ჩაიცვი — ძვრთვასი და მდიდრული ჩაცმულობა პაკისტანში ზედმეტიაო...

სახელმწიფო

პაკისტანის წარსული ძირეულად განსხვავდება სხვა ქვეყნების ისტორიისგან: ეს



„შხაჰი?! — ეს რა მაზალო ტიპია!..
ქაო, პაკისტანუ ხარ, შხაჰიუ ქი ხარ...“



ჩვენთვის განსაკუთრებით უჩვეულო და ამაღელვებელი იყო გველების მომთვინიერებელთა წარმოდგენები

მსოფლიოში ერთადერთი ქვეყანაა, რომელიც არა ეროვნულ, არამედ რელიგიურ საფუძველზე შეიქმნა. 1947 წლამდე პაკისტანის ტერიტორია ინდოეთს ეკუთვნოდა. როგორც ცნობილია, ინდოეთი საუკუნეების განმავლობაში თავგანწირვით ებრძოდა ჩრდილოელ დამპყრობლებს, კერძოდ — ირანელებს, არაბებსა და ავღანელებს. მათ ხშირად ჩაუვლიათ ხელში დღევანდელი პაკისტანის ტერიტორიები, სადაც ძალით ავრცელებდნენ ისლამს... იმ დროსაც კი, როდესაც ინდოეთი ამ ტერიტორიებს იბრუნებდა ხოლმე, მოსახლეობა არ მისდევდა ჰინდურ სარწმუნოებას. ინდოეთიც დიდ წინააღმდეგობას არ უწევდა ისლამს და ასე გაჩნდნენ მუსლიმანი ინდოელები, რომლებიც ძირითადად, ქვეყნის ჩრდილოეთ ნაწილში ცხოვრობდნენ.

ინდოელი მუსლიმანების სულიერ მა-

მად მუხმად ახმად-ხანი ითვლება, რომელმაც საკუთარი თავი ალაჰის რჩეულად გამოაცხადა და ენერგიულად დაიწყო ყურანის იდეების გავრცელება. მან მოღვაწეობა XIX საუკუნის სამოციან წლებში დაიწყო. ახმად-ხანი მდიდარი ფეოდალების შთამომავალი იყო და დიდად არ გასჭირვებია უამრავი მჭეთის აშენება და მუსლიმანური საზოგადოებების შექმნა. მასვე ეკუთვნოდა ინდოეთისაგან დამოუკიდებელი მუსლიმანური სახელმწიფოს შექმნის იდეა.

ჩრდილოეთ ინდოეთის მუსლიმანური მოსახლეობა ასი წლის განმავლობაში რამდენჯერმე შეეცადა ძალისმიერი გზით გამოყოფოდა ინდოეთს, მაგრამ ვერ მოახერხა. 1947 წელს, ბოლოს და ბოლოს, ინგლისელი კოლონიზატორების დახმარებით მან მიხანს მიადგა. შეიქმნა საპარლამენტო სახელმწიფო — პაკისტანი, რომლის პირველ პრეზიდენტად აბდულ გაფფარ-ხანი გამოცხადდა.

ქვეყნის ლიდერებს დიდი იმედი ჰქონდათ, რომ მშვიდ, აყვავებულ ქვეყანას ააშენებდნენ, მაგრამ იმედები გაუცრუვდათ. ჯერ ერთი, დროდადრო პაკისტანსა და ინდოეთს შორის ომი ჩაღებოდა, მეორე — პაკისტანი დაბალი განვითარების ქვეყანაა, რომელსაც პრაქტიკულად არ გააჩნია მრეწველობა. ამის გამო თავიდანვე ხშირი იყო სოციალურად დაუცველი მოსახლეობის საპროტესტო გამოსვლები, რომელიც ნამდვილ რელიგიურ ომებში გადაიზარდებოდა ხოლმე. პაკისტანი საკუთარი მოსახლეობის გამოკვებას ვერ ახერხებს და იძულებულია, რეგულარულად მიიღოს დასავლეთის დახმარება. გარდა ამისა, წლების მანძილზე ქვეყანაში არაერთი სახელმწიფო გადატრიალება მომხდარა, რაც,

ბუნებრივია, ყოველთვის ხალხის კისერზე გადადის. აქვე უნდა აღინიშნოს ყველაზე პარადოქსული ფაქტი: პაკისტანი რიგით მერვე სახელმწიფოა მსოფლიოში, რომელსაც ატომური ბომბი აქვს...

ხაიდარაბადი

ალფრედამ პაკისტანში თავისი ძმისშვილი სერგო წამოიყვანა. 22 წლის ბიჭის კვალობაზე, ის საკმაოდ დაღვრემილი ჩანდა...

— რა ცხვირ-პირი ჩამოგტირის, სერგო, ფრენის ხომ არ გეშინია? — ვკითხე, თვითმფრინავში რომ ჩავსხდით.

— არა, უბრალოდ, ყელში ამომივიდა ეს პაკისტანი. ჩვენი ოჯახის წევრებიდან არავინ მიჰყვება ხოლმე და სულ მე დამატარებს. ერთი სული მაქვს, როდის დავბრუნდებით... — მიპასუხა სერგომ.

პაკისტანის საპორტო ქალაქ ყარაჩიში თეირანის გავლით ჩავვდივართ. აუტანელი სიცხე იყო და ოფლი წურწურით ჩამოგვდიოდა... ტემპერატურა 45 გრადუსს აღწევდა. გავიხედ-გამოვიხედე და შევამჩნიე, რომ ჩვენ გარდა ფესსაცმელი არავის ეცვა... ვიფიქრე, მეც ფესშიშველი ვივლი-მეთქი, მაგრამ დავღვი თუ არა ფეხი ხრემთან მიწაზე, მივხვდი, ორ წუთსაც ვერ გავძლებდი — უბრალოდ, ფეხის ტერფები დამეხრუკებოდა...

— შე ჰარიფო, თავი იოგა ხომ არ გგონია?... — გამაშაყრა ალფრედამ, — აქ ყველაფერს თავისი მულამი აქვს. შენებურად არაფერი გააკეთო, მკითხე და გასწავლი, როგორ უნდა მოიქცე. ახლა წამო, „ტაპირკები“ ვიყიდი, თორემ ფესსაცმელებში ფეხი ჩაგვიხურდება...

ყარაჩი დიდი ქალაქია, მაგრამ იქ ერთი საათიც არ გაწერებულვართ — ავტობუსით ბირდაპირ ქვეყნის სიღრმეში — ქალაქ ხაიდარაბადისკენ გავწვიეთ. საერთოდ, პაკისტანის

ქალაქებს თითქმის არაფერი აქვს საერთო, ქალაქზე ჩვენს წარმოდგენასთან. ისინი ძალიან ჰგავს დიდ სოფლებს — განსხვავება მხოლოდ მოსახლეობის რაოდენობაშია. ორსართულიანზე მაღალი შენობა იშვიათად მინახავს. ამასთან, სწორედ ამ ქვეყანაშია ყველაზე მჭიდროდ დასახლებული ქალაქები მთელ მსოფლიოში. სიღარიბე ყოველ ნაბიჯზე გეჩრებათ თვალში. ჩვეულებრივ, ერთ პატარა ოთახში 10-12 ადამიანი ცხოვრობს... ასფალტს ვერსად ნახავთ და ირგვლივ მულამ მტვრის ბული დვას. წყალი ქვეყანაში დიდ ღფიცით წარმოადგენს და მოსახლეობის უმეტესი ნაწილი დაუბანელი დადის. ამის გამო ქოლერა, დიზენტერია და შავი ჭირი ჩვეულებრივ მოვლენად არის ქცეული, ხოლო ტილებსა და რწყილებს არავინ აქცევს ყურადღებას...

— ალფრედ, ეს სად ჩამომიყვანე, კაცო?... — ვერ დავმალე უკმაყოფილება.

— ვინ გეხვეწებოდა?! დარჩენილიყავი თბილისში, „ტურისტო“... — შემომიბღვირა ალფრედამ და ირონიულად ჩაიღიმა...

— შეეშვი, ასეთ რაღაცებს ნუ ეუბნები, თორემ გაგიუღება... — გამაფრთხილა სერგომ.

— არა, ვერ გამოვივა, ასეთ ქვეყანაში რა ქურთუკები უნდა შეკერონ, ჩვენმა ხალხმა რომ ჩაიცვას... — არ ვეშვებოდი მე.

— 7 წელია ქურთუკების ბიზნესში ვარ, აქაური ტყავი ათჯერ თუ არ სჯობდეს თურქულს, თავი მომჭერი... თანაც, აქ ფასებიც „მიზერნია“, — პასუხის ღირსად ჩამთვალა ალფრედამ.

— მერე ტილებს რას უშვრები?... — გახუმრება ვცადე.

— ეე... შენ, ძმაო, თუ მეღადავები, მისამართი შეგშლია, თუ არა და, თავი გამანებე... — ალფრედამ ხელი ჩაიქნია და სასტუმროსკენ მიმავალ გზას გაუყვია. მე და სერგო სიცილისგან ვიგუდებოდით...

ენ მიმავალ გზას გაუყვია. მე და სერგო სიცილისგან ვიგუდებოდით...

— ესეც თქვენი ნომერი, იცხოვრეთ რამდენიც გენებოთ... — სასტუმროს მეპატრონე იბრაჰიმ გულდიად გვიღიმიდა.

— დიდი მადლობა, იბრაჰიმ, ხვალ კიდევ, ჩვენ რომ ვიცით... პატივისცემა ჩემზეა... — თქვა ალფრედამ და ხელი ჩამოართვა იბრაჰიმს. იბრაჰიმს სიამოვნებისაგან გაიჭრიჭა (ნახევარზე მეტი კბილი ოქროსი ჰქონდა) და დავეტოვა.

სიცხისაგან მოთენთილი და მგზავრობისგან დაქანცული ვიყავი, ერთი სული მქონდა, შხაპს როდის გადავივლებდი და მერე ცოტას წავიძინებდი. ოთახს თვალი მოვაგლე, მაგრამ საწოლი ვერ აღმოვაჩინე...

— ე, საწოლი სად არის? — გაოცებულმა ვკითხე.

— რა საწოლი, რის საწოლი — ვეღარ მიხვდი, სადა ხარ?! — ჩემზე მეტად ალფრედას გაუკვირდა.

— აბა, სად უნდა დავიძინოთ?

— „პოლზე“.

— ვა!...

— რა ვა? მთელ პაკისტანს იატაკზე თუ სძინავს, შენ რა წითელი კოჭი ხარ?! ახლა ბევრი არ მალაპარაკო — ისედაც დაღლილი ვარ, უნდა დავიძინო... ევერ კუთხეში ლეიბია, აიღე და წამოგორდი... — თქვა ალფრედამ და თვითონ სხვა კუთხეში წამოწვა.

— ალფრედ, შხაპი სად არის?

— ვა... „ინჩხა ბარა“ — ეს რა მაზალი ტიპია! ძმაო, პაკისტანში ხარ, ევროპაში კი არა... — დამიწყო მორალის კითხვა.

— „ინჩხა ბარას“ გიჩვენებ ახლა, ხომ არ გინდა, ტიკით გაგებო? — „ავვარდი“.

— ე... ვის უბედავ?! შენხელა შვილები მყავს... — გაწითლდა ალფრედა.

— აბა, რა გამოვიჩინე საქმე?! ამისხენი, ბოლოს და ბოლოს, აქაური სიტუაცია და აღარ შეგაწუხებ... — შევარბილე ტონი... ბოლოს ორივე „დავმოშინდით“ და ყველაფერი მშვიდობიანად დამთავრდა.

...პაკისტანი იმდენად ღარიბი ქვეყანაა, რომ იშვიათია, ვინმეს ავეჯი ჰქონდეს. არც სასტუმროებია ამ მხრივ გამოწაკლისი. ვინაიდან ქვეყანაში წყლის პრობლემაც არის, ბინებში საშხაპებს არც ამონტაჟებენ. აბანოებში დიდი რიგებია: ერთი კვირის განმავლობაში, რაც მე იქ ვიყავი, სამჯერ მომიწია აბანოში მისვლა და 15 წუთისთვის 3-4 საათი დავკარგე. არადა, ისეთი სიცხე და მტვერია, ნორმალურ პირობებში, მინიმუმ 5-ჯერ მაინც უნდა გადაივლო წყალი...

ოთახში წყალი და შუქი არ გვქონდა, სამაგიეროდ, განებივრებულები ვიყავით „მინაური ცხოველებით“: თაგვები და ტარაკნები



ისე დაქროდნენ, თითქოს მათთვის საგანგებო იპოდრომი იყო მოწყობილი... როცა სასტუმროს მუპატრონეს შეჭვივლე, მღრღნელებმა შეგვაწუხა-მეთქი, მან თავისი ოქროს კბილები დაკრიჭა და „დამამშვიდა“ – მაღლობა თქვი, მორიელეები რომ არ არიანო...

საჭმელი სასტუმროში მოჰქონდათ. არაერთარი კოვზი და ჩანგალი – იქ ყველა ხელით ჭამს. გადავწყვიტე, ჩანგალი მეყიდა, მაგრამ, სამწუხაროდ, ვერ ვიშოვე. ალფრედას წამოღებული ჰქონდა ერთი თავისთვის და რიგრიგობით ესარგებლობდით... პაკისტანელებს ცხიმინი და ცხარე კერძები უყვართ, რაც ხშირად გაწყურებს. პაკისტანში სახიზლარი წყალია და ძირითადად, წვეწებს ესვამდით... მთელი უბედურება ის იყო, რომ იატაკზე მუხლჩაჩოქილი ვერ ვანერხებდი საკვების მიღებას და სულ ფეხზე მდგარი ვიკვებებოდი...

ბიზნესი და ქალაქი

ჩასვლიდან მეორე დღით, იბრაჰიმის ორმა ნაცნობმა – ქურთუკების საამქროს მუპატრონეებმა, თავიანთ სამკერვალოებში წაგვიყვანა. ალფრედა მართალი აღმოჩნდა – ტყავი მართლაც ნატურალური იყო და ქურთუკებიც საკმაოდ ხარისხიანი გამოდიოდა. მუშახელი პაკისტანში ძალიან იაფია, აქედან გამომდინარე, ნაწარმაც არ არის ძვირი. შედარებისთვის – ევროპაში ასეთივე ხარისხის ქურთუკები 20-ჯერ მეტი უნდა გადაიხადო. კმაყოფილებმა, საჭირო რაოდენობა შეგუკვეთეთ და სასტუმროსკენ გავუშურეთ...

– რა კარგი ქურთუკებია, ალფრედ, უფრო მეტი რატიმ არ შეუკვეთე? – ვიკითხე გზაში.

– ბევრი რომ წამოგველო, კარგი იქნებოდა, მაგრამ ვერ შევძლებთ – პრობლემები შეგვექმნება...

– მაინც, რა პრობლემები? – დავინტერესდი. ალფრედას ახსოვდა წინა ღამის შელაპარაკება და მოთმინებით ამიხსნა:

– ტრანსპორტირებას ვერ შევძლებთ: აქ სერვისი არ არის – რასაც შეიძენ, შენ თვითონვე უნდა ათრიო... იმიტომაც კითხარი, მარტო ორი ჩანთა წამოიღე-მეთქი. თან, ამ ჩანთებს სულ უნდა უყურო, თორემ ისე აგწაპანან, ვერც გაიგებ...

– მაგარი ქურდობა?

– საკმაოდ... მართალია, მუსლიმანურ სამყაროში ქურდობა სასტიკად იხსება, მაგრამ შეხედე, რა დღეშია ხალხი... სიღარიბე კაცს ყველაფერს აიძულებს...

ქურთუკები 3-4 დღეში იქნებოდა მზად. დრო საკმაოდ ბევრი მქონდა, ქალაქი რომ დამეთვალიერებინა...



ქალაქის ყველაზე ცოცხალი ადგილი ბაზარია. აქ ყველაფერი იყიდება

– სერვო, წამო, გავისეირნოთ, არ მოგბეზრდა სახლში ვლდომა? – ყოველ დღით ასე იწყებოდა ჩვენი საუბარი.

– ოღონდ მაგას ნუ მოხვ და რასაც გინდა, იმას ვაგვიკეთებ... – მას წივილი ჰქონდა წამოღებული და კითხულობდა. ჭირის დღესავით ეჯავრებოდა ქალაქში სიარული... მეც არ მსიამოვნებდა პაპანაქება სიცხეში დაბინძურებულ ქუჩებში ბორბალი, მაგრამ ინტერესიც არ მასვენებდა, თანაც, ვფიქრობდი – კიდევ როდის მოვხვდები ზაიდარაბადში-მეთქი?!

დღისით ქალაქი უკაცრიელი იყო. იქ მოძრაობა მარტო დღისისა და საღამოს საათებშია. მთავარი სატრანსპორტო საშუალება ავტობუსი და რიქშაა. მოძრაობას არავინ აწესრიგებს და ქუჩებში სრული ქაოსია... მიუხედავად იმისა, რომ მოსახლეობის უმეტესმა ნაწილმა წერა-კითხვა არ იცის, ინლისურად მაინც ვაგაგებინებენ რაღაცას... განსაკუთრებით, მათხოვრები აქტიურობენ, რომლებსაც ყველა კუთხეში გადაეყვრებით... მათხოვრობა პაკისტანში საკმაოდ სერიოზულ პროფესიულ დონეზეა აყვანილი. ამ საქმით დაკავებული ადამიანები გარკვეულ თანხასაც იხდიან თავიანთი მოვალეობისთვის და გაერთიანებულსაც ქჩინან, რომლის შემოსავლები ზოგიერთი მაღალი-ჩინოსნის ჯიბეში მიდის...


ქალაქის ყველაზე ცოცხალი ადგილი ბაზარია. აქ ყველაფერი იყიდება, მთავარია, გქონდეს ფული, რომელიც მოსახლეობას ფაქტობრივად, არ აქვს. ამის გამო ყველაფერი ძალიან იაფია, მაგრამ ხალხი მაინც ვერ ყიდულობს... ბაზარი ინფორმაციის გავრცელების საუკეთესო ადგილიც არის და ბევრი პაკისტანელი არა იმდენად რაღაცის საყიდლად, არამედ მხოლოდ ახალი ამბების გასაგებად მიდის. იქვე ბევრი თეატრალური სანახაობაც იმართება. ჩვენთვის განსაკუთრებით უჩვეულო და ამაღელვებელი იყო გველების მოთმინიერებელთა წარმოდგენები და საცირკო მსახიობთა გამოსვლები...

ყოჩობითი თუ სამოთხე?

მიუხედავად უკიდურესი სიღარიბისა, პაკისტანში ფეშენებელურ შენობებსაც ნახავთ. ჩემს კითხვაზე – ვინ არიან უმდიდრესი სახლების პატრონები, სტანდარტულ პასუხს ვღებულობდი: ეს მილიციის უფროსისაა, ეს კიდევ – მოსამართლის და ა.შ. ... ყველა სახლს იმხელა ღობე არტყია გარს, რომ მასზე დახარჯული აფურებისგან კიდევ რამდენიმე სახლი აიგებოდა... სახლსა და ღობეს კი, ცალკე შეიარაღებული ჯარისკაცები ყარაულობენ. პაკისტანში დაცვაში მუშაობა ძალიან პრესტიჟული და საამაყოა, ვინაიდან სტაბილური შემოსავლის გარანტიას იძლევა. პაკისტანელი ბიჭები ადრეული ასაკიდან ოცნებობენ და ემზადებიან იმისთვის, რომ სამხედროები გამოვიდნენ. მშობლებიც ყველანაირად უწყობენ ხელს ამ მიზნის მიღწევას, ვინაიდან სახელმწიფო სამსახურში ჩაღვომა ერთადერთი საშუალებაა, რომ შიშხილისაგან კუჭი არ გაგიხმეს. ვისაც ბედი არ გაუღიმებს და ჯარში ვერ მოხვდება, ცდილობს მეზობელ ქვეყნებში გადავიდეს და საომარ ოპერაციებში მიიღოს მონაწილეობა...

ფულის შოვნის ერთ-ერთი ყველაზე ნადი საშუალება, ნარკოტიკების რეალიზაციაა. თვითონ სახელმწიფო დეკლარაციულად ებრძვის ნარკოტიკებს, მაგრამ პრაქტიკულად, მის საწინააღმდეგოდ არაფერს აკეთებს... ამ ბიზნესით ყოველი მეხუთე მოქალაქეა დაკავებული და, ასე თუ ისე, ოჯახს არჩენს. ყველამ იცის, რომ ნარკოტიკები დამღუპველია, მაგრამ რა ქნან – ჭამა ხომ უნდათ...

ბოლოს და ბოლოს, ამ დღეებმაც გაიბინა. მშვენიერი ქურთუკები შეგვიკერეს და სამშობლოსკენ გამოვემგზავრეთ. თბილისში რომ ჩამოვედი და მშობლიურ სახეებს გადავხედე, უძალ ვავიფიქრე: „რა ბედნიერი ვარ, საქართველოში რომ დავიბადე!“...



მეუღლეებმა ჟურნალი HELLO ფლორიდაში მდებარე თავის სახლში მიიწვიეს. მათი შვილის რენე-მარლის პირველი ფოტოსურათი

ნანაბრი შვილი და შეწყვეტილი კარიერა

სელინ დიონის შვილის დაბადება მორიგი სენსაცია გახდა. დასავლეთის წამყვანი გამოცემები ერთმანეთს ეცილებოდნენ ბავშვისთვის ფოტოსურათის გადაღებისა და მის მშობლებთან ექსკლუზიური ინტერვიუს უფლების მოსაპოვებლად. ამ თავისებურ შეჯიბრში გამარჯვება ჟურნალმა HELLO-მ მოიპოვა.

თითქმის ოთხის წლის მანძილზე სელინის ოჯახში მომხდარ მოვლენებს მთელი მსოფლიო ადევნებდა თვალყურს. ლეგენდარულმა ფილმმა – „ტიტანიკა“ კანადელი პოპ-მომღერალი მსოფლიო მასშტაბის ვარსკვლავად აქცია და მომღერლის განცხადება, რომ მან შოუბიზნესიდან წასვლა გადაწყვიტა, ყველასათვის მოულოდნელი აღმოჩნდა. ოცდაცხრა წლის სელინი გამოტყდა, რომ რამდენიმე წელია უშედეგოდ ცდილობდა დედა გამხდარიყო. ექიმების განაჩენი კი მკაცრი აღმოჩნდა: კარიერის მიტოვება და მხოლოდ საკუთარ

ჯანმრთელობაზე ზრუნვა! სკეპტიკოსები ჩუმად იღიმებოდნენ: ცოტა გვიანია ხომ არ არისო?!. სელინის ქმარი, ცნობილი მუსიკალური პროდიუსერი რენე ანჟელილი მაშინ ხომ უკვე 55 წლის იყო.

გავიდა ერთი წელი, სანატრელი შვილის დაბადების ცნობის მაგივრად, მსოფლიოს სამწუხარო ცნობა მოედო: რენე კიბოთი იყო დაავადებული. როგორც ექიმები ირწმუნებოდნენ, ოპერაციამ და ქიმიოთერაპიის კურსმა წარმატებით ჩაიარა, მაგრამ უკვე აღარავის სჯეროდა, რომ რენე და სელინი ბავშვის ყოლას

შეძლებდნენ. უეცრად ერთ-ერთმა ამერიკულმა ჟურნალმა სელინის ფეხმძიმობის სენსაციური ამბავი გამოაქვეყნა. ამ სიახლეს თან ახლდა ფოტოსურათი, რომელზეც სელინი დიდი მუცლით იყო აღბეჭდილი. „სურათი დამონტაჟებულია“ – აცნობეს პრესას გააფთრებულმა მეუღლეებმა. ანჟელილმა გამოცემას სასამართლოში უჩივლა, მორალური ზიანის საკომპენსაციოდ უზარმაზარი თანხა მოითხოვა და საქმეც მოიგო. ახალი განცხადება იმის შესახებ, რომ სელინი ბავშვს ელოდა, ყველამ მორიგ ბოროტ ხუმრობად მიიღო, მაგრამ აღმოჩნდა, რომ სასწაული მოხდა!

ოდესღაც რენემ თორმეტი წლის სელინი დიდი, ღარიბი ოჯახიდან წამოიყვანა და თავის სახლში დააბინავა: ასწავლიდა სიმღერას და სცენაზე ქცევას. მისი პირველი ალბომების გამოსაცემად კი, საკუთარი სახლიც დააგირავა. დიონის წარმატებისთვის ანჟელილი მზად იყო მსხვერპლად არა მარტო ქონება, არამედ თავისი რეპუტაციაც კი შეეწირა: მას მოზარდის გარყვნაში დასდეს ბრალი. რენეს ცოლმა ანმა, 1983 წელს ქმართან გაყრა სწორედ სელინის გამო მოინდომა. მაშინ გოგონა 15 წლის ხდებოდა, რენე კი 41-ის იყო.

თერთმეტი წლის შემდეგ, 1994 წლის 17 დეკემბერს სელინი და რენე შეუღლდნენ. უკვე პოპულარული მომღერალი, სელინი მიხვდა: ბედნიერებისთვის, წარმატების გარდა, შვილებიც სჭირდებოდა. ამ ბედნიერებას ცოლ-ქმარი ექვსი მტანჯველი წლის განმავლობაში ელოდა. და აი, 2001 წლის 25 იანვარს 32 წლის მომღერალმა სრულიად ჯანმრთელი ბიჭუნა გააჩინა. ის ბევრ ინტერვიუში აცხადებდა, რომ ძალიან უნდოდა დედა გამხდარიყო. ორი წლის წინ, როცა რენეს კიბო აღმოუჩინეს და მან რთული ოპერაცია გადაიტანა, სელინის განზრახვა კიდევ უფრო განმტკიცდა. სელინი იხსენებს: „ჩვენ თვითმფრინავით ვმგზავრობდით, როცა უეცრად რენეს კისერზე პატარა ამობურცული ადგილი შევაჩინე. ფრენის დასრულებისას, ამობურცული ადგილი გადიდა და კვერცხისოვანი გახდა. მას ოპერაცია იმ დღესვე გაუკეთეს. ვფიქრობ, ჩემი ქმარი სწორედ ამან გადაარჩინა. მომხდარის შემდეგ კი ორივემ გავაცნობიერეთ, რამდენად ძვირფასია სიცოცხლე. რენეს ავადმყოფობის დროს

პირველად ვიგრძენი, რომ მას ნამდვილად ვჭირდები. ოპერაციის შემდეგ კი სპერმის გაყინვა გადავწყვიტეთ, რადგან გვითხრეს, რომ ქიმიოთერაპიას შეიძლება გარკვეული პრობლემები წარმოექმნა“.

სელინი შეეღია შოუბიზნესს და მთლიანად თავის ჯანმრთელობაზე ზრუნავდა. 2000 წლის ივნისში, ხანგრძლივი მედიკამენტოზური მკურნალობისა და ხელოვნური განაყოფიერების პროცედურების შემდეგ, მის სახლში ტელეფონის ზარი გაისმა. ეს ექიმი იყო: „გილოცავთ, სელინი ფეხმძიმედ არის“. სელინს სუნთქვა შეეკრა. ის ვერ იჯერებდა, რომ ფეხმძიმედ იყო, სანამ ბავშვმა მუცელში მოძრაობა არ დაიწყო.

როგორც ყველა მომავალი დედა, სელინი კითხულობდა შესაბამის ლიტერატურას, აკეთებდა სპეციალურ ვარჯიშებს, სვამდა ბევრ წყალს და იკვებებოდა ჯანსაღი პროდუქტით.

ბავშვის ამქვეყნად მოვლინებას მაინც დრამატული ამბები სდევდა თან. რენე იხსენებს, რომ 22 იანვარს ულტრაბგერითმა გამოკვლევამ აჩვენა, რომ ყველაფერი წესრიგში იყო, მეორე დღეს კი სელინმა უთხრა: „მეჩვენება, რომ ბავშვი, გუშინდელს მერე, აღარ განძრეულა“. ისინი ექიმთან გაემშრნენ, გაიმეორეს ანალიზი და აღმოჩნდა, რომ ბავშვის ამქვეყნად მოვლინება პრაქტიკულად მომწიფებული იყო. ექიმებმა ჩათვალეს, რომ დაცდა არ ღირდა და მშობიარობის სტიმულაცია გადაწყვიტეს. დამის თორმეტის ნახევარი იყო, როცა სელინს ტკივილები დაეწყო. შეტვა 24 საათს გრძელდებოდა, ექიმები შემოთდნენ, რადგან ბავშვის კარდიოგრამა გაუარესდა.

რა თქმა უნდა, ყველას ერჩივნა, რომ ბავშვი ბუნებრივი გზით დაბადებულიყო, მაგრამ მოსალოდნელ სირთულეთა თავიდან აცილების მიზნით, ექიმებმა სელინის საკეისრო გაკვეთა გადაწყვიტეს.

ბავშვის გაჩენას ესწრებოდა სელინის და – ლინდა, და, რა თქმა უნდა, ქმარი – რენე. შემდგომში ანჟელილი იხსენებდა: „სამშობიარო განყოფილებაში ჩვენ ხუთშაბათს ღამით მივედი, პირველს ათი წუთი აკლდა. ექიმები ძალიან სწრაფად და მიზანმიმართულად მუშაობდნენ... ბავშვს კისერზე ჭიპლარი ჰქონდა შემოხვეული, მაგრამ, საბედნიეროდ, მაგრად არ შემოსჭერია...“

სელინმა შვილი მკერდში ჩაიკრა

და ატირდა. ტიროდნენ ლინდაც, რენეც, ექიმებიც და მთელი მედპერსონალიც. რენე-უმცროსი მალევე დაბანეს და ვარდისფერ-ცისფერი ზოლებით დამშვენებულ თეთრეულში გაახვიეს. სელინმა პარიზში მყოფ დედას დაურეკა (ის 73 წლისაა და პარიზში კულინარიული ტელეგადაცემის ეპიზოდების გადასაღებად იყო

ჩასული: გადაცემა მას თავად მიჰყავს კანადის ტელევიზიით). „ბავშვის პირველი ყვირილი ტელეფონში მესმოდა – იხსენებს ტრეზა, სელინის დედა, – ქალიშვილმა მამცნო, რომ ფეხის თითებითა და ყურებით ბიჭუნა მამას ჰგავს, ხოლო ნიკაპი და თმის ფერი დედის გამოჰყვა. სელინმა ისიც მითხრა, რომ ბავშვის გაჩენამ მას ცოტათი გულიც კი დასწყვიტა, რადგან ის უკვე... ფეხმძიმედ აღარ იყო“.

ვარსკვლავმა პალატაში სამი დღე დაყო. მას ჰქონდა თავისი სააბაზანო, სასადილო მაგიდა და ორი დამატებითი გასასვლელი საწოლი, რომელზეც ღამით მისი ქმარი და და იძინებდნენ. პატარა რენე-შარლს კი თავის მშობლებს შორის ეძინა.

სელინი ამბობს: „მე და რენე სერი-



სელინ დონი და მისი გერი ან-მარი

ოზულად ვიბრძოდით იმის გამო, თუ ვინ დაიჭერდა ბავშვს ხელში. ბედნიერი მამიკო ბავშვის შეხედვის უფლებასაც კი არავის აძლევდა. ამასთან, მის სახეზე უდიდესი მამობრივი სიყვარული იყო აღბეჭდილი. მართლაც, სულ ორი წელი გავიდა მას შემდეგ, რაც რენე კიბოს საწინააღმდეგო მკურნალობას იტარებდა. მიუხედავად ამისა, ის აქტიურად მონაწილეობს ყველაფერში: მეხმარება პატარას კვების დროს, ყოველ სამ საათში ერთხელ კი საფეხებს უცვლის“.

ამჟამად სელინი, რენე და მათი ბიჭუნა უკვე დადგენილი რეჟიმით ცხოვრობენ. სელინი საძინებელში საღამოს 11 საათზე შედის, დასაძინებლად ემზადება და ბავშვს აჭმევს. რენე კი დარწმუნებულია, რომ ბავშვი ხელში მანამ

აუზთან სელინმა და რენემ უზარმაზარი ქოლგა დადგეს, რომლის ქვეშაც დედა-შვილი მცხუნვარე მზის სხივებს ემალება





მარცხიდან: სელინის და ლინდა, რენეს ქალიშვილი პირველი ქორწინებიდან ან-მარი (ის მონრეალში ცხოვრობს და მამის სახლში სტუმრად უწევს ყოფნა), რენე-უფროსი, რენე-უმცროსი, სელინი, მისი დის ქმარი ალენი (დგას), სელინის დედა – გერეზა და მამა ადემარი

უნდა ჰყავდეს, სანამ ის არ დაიძინებს. მასთან კამათი კი თურმე ნამდვილად შეუძლებელია. როცა რენე-შარლი იძინებს, სელინი მას გვერდით, თავის საწოლში იწვევს. ბავშვი ყოველ სამ საათში ერთხელ იღვიძებს და ჭამას ითხოვს, მაგრამ არ ტირის, ამიტომ სელინი ყურადღებით უსმენს მის სუნთქვას.

დილის შვიდ საათზე დედა ბავშვს აჭმევს და შემდეგ რენე-უფროსი, პატარასთან ერთად, ტელევიზორს მიუჯდება ხოლმე.

სელინის და, ლინდა მათთან საკმაოდ ახლოს ცხოვრობს და დილის ათ საათზე უკვე დიონ-ანჟელინის სახლშია. ის ბავშვს ბანს, სანამ სელინი და რენე ჩაიცვამენ და ისაუბრებენ. ამასობაში რენე-შარლის მეორე საუზმის დროც მოდის. სელინი იღლებს, მაგრამ მაინც ვერ ძლებს უბავშვოდ, როცა ის ლინდასა და დედამისს მიჰყავთ ხოლმე.

პატარა რენე-შარლმა მთავარი ადგილი დაიმკვიდრა ოჯახის ცხოვრებაში და ფლორიდის დიდ სახლში. მისაღებ ოთახში გაჩნდა დღის ძილისთვის განკუთვნილი ბავშვის საწოლი და რბილი სათამაშოებით სავსე, დაწნული კალათა. რენეს კაბინეტში უზარმაზარ სავარძელზე საჭაერო ბუშტია დამაგრე-

ბული, ტერასაზე ლამაზი ცისფერი აკვანი დგას. საბავშვო ოთახში ცისფერი ბალიშებით მორთული ანტიკვარული საწოლია, ბალიშზე ამოქარგული შემდეგი წარწერით: „რენე-შარლი დაიბადა 2001 წლის 25 იანვარს, მისი წონა 6 ფუნტი და 8 უნცია იყო, სიგრძე კი – 20,5 დიუმი“.

სელინი არ ნანობს, რომ ბავშვის გამო ბევრ რამეზე მოუხდა უარის თქმა. გარკვეული დროის შემდეგ ის სცენაზე დაბრუნებას აპირებს, თუმცა გასტროლებზე სიარულს გამორიცხავს. „გადაფრენები, რეპეტიციები, შოუს მზადება, მოთელვა, გრიმი – ეს არ არის ჩვილი ბავშვის დედის შესაფერისი ცხოვრება! მე მსურს მას ვაჭამო და ვასწავლო. 32 წლის ასაკისთვის მე გარკვეულ წარმატებას მივაღწიე, მაგრამ ერთადერთი, რაც გულით მსურდა – ეს ოჯახთან ერთად ნორმალური ცხოვრება იყო. მიყვარს წელიწადის ყველა დრო, მიყვარს ჩემი მშობლები, ბებია-ბაბუები, მიყვარს ახალგაშობილი პურის სუნი, რომელსაც საუზმისთვის თავად ვაცხ-

ობ ხოლმე. მინდა, დილა კოცნითა და ფინჯანი ყავით დავიწყო და არა სასტუმროში ვიღაც დამლაგებელთან საუბრით. ის, რომ დილის ხალათი დღის ორ საათამდე არ მოვიშორო, არ მქონდეს შეზღუდული გრაფიკი. უკვე ერთი წელია, რეპეტიციები არ მქონია, მომწონს ჩემი ახალი ცხოვრება. ნამდვილ დიასახლისად ვიქცევი – საჭმელს ვამზადებ, ქმარსა და შვილს ვუვლი და ვთვლი, რომ ამაზე უკეთესი საქმე არ არსებობს! მინდა, სახლში კიდევ ერთი წელი ვიჯდე. იმედი მაქვს, რომ შემდეგ ისევ დავიწვევ სადმე სიმღერას, – შეიძლება, ლას-ვეგასში, რადგან მე და ჩემს ქმარს სწორედ იქ გვსურს ცხოვრება.“

რენეს პირველი ქორწინებიდან სამი შვილი ჰყავს. ვაჟები – 33 წლის პატრიკი და 26 წლის ჟან-პიერი – ფლორიდისგან შორს ცხოვრობენ და მუშაობენ. სამაგიეროდ, გოგონა – 23 წლის ან-მარი ხანდახან მამის სახლში ატარებს დასვენების დღეებს. ან-მარი თავადაც ელოდება ბავშვს. ასე რომ, რენე, რომელიც წელს „ახალგაზრდა“ მამა გახდა, სულ მალე ბაბუის როლშიც მოგვევლინება. რენე ანჟელინი თავს ხანდაზმულ ადამიანად არ მიიჩნევს. როცა ამჩნევს, რომ არავინ უყურებს, ჩუმად კოცნის სელინს და ხელზე ეალერსება ხოლმე. ბედნიერმა წყვილმა უკვე გადაწყვიტა, რენე-შარლს დამიკო ან დაიკო აჩუქოს. სელინმა თქვა: „ჩვენ გვჭირდება მეორე შვილი, მაგრამ იმდენად აღსავსენი ვართ ბედნიერებით, რომელიც რენე-შარლმა მოგვანიჭა, რომ ვცდილობ, ეს კარგად შევიგრძნოთ. შეიძლება, მეორე ბავშვის გაჩენა სამი ან ოთხი წლით გადავლოთ – სელინი რამდენიმე წამით შეჩერდა და ღიმილით დასძინა: – თუმცა, შესაძლოა, არც გადავლოთ!“



შ

იორგის გაუმარჯოს!

– დიტოს ვახლავარ, როგორ ხარ, სად დამეკარგე?

– პოლიტიკას შევეჭვიდე, იქნებ რამე გამომივიდეს.

– შენი პარტიის ამბები გავიგე.

– ჰოდა, მაგიტომ გირეკავ.

– რაშია საქმე?

– გიორგი, მუშაობა ხომ არ დაგიწყია?

– არა, ბიჭო, სად არის სამუშაო?

– ერთ თვეში არჩევნები იწყება, დამეხმარე პარტიულ საქმეებში. თან გულს გადააყოლებ, თან დროსაც მოკლავ.

– მერე? – დანტერესდა გიორგი.

– როგორც მთაწმინდელს, მთაწმინდის რაიონს ჩაგაბარებ. რა, ვერ მიხედავ?

– მივხედავ, რატომაც არა.

– ძმაო, მაყაშვილის ოთხ ნომერში საოფისედ ბინა ვიქირავეთ, ერთ საათში იქ ვიქნები, იქნებ ამოხვიდე. შენს ხალხს გაგაცნობ და საქმეს მიხედე.

– კარგი, დიტო, ერთ საათში მანდ ვიქნები, – გიორგიმ ყურმილი დაკიდა და ჩასაცმელად საძინებელ ოთახში გავიდა.

უჩვეულოდ თბილი ენკენისთვე ილეოდა, თითქოს ბუნებაც ყვითელ საბურველში გახვეულიყო. გიჟმაჟი მხატვარი, შემოდგომა ღუღღა და გადაღუღდა.

გიორგი დათქმულ დროს, მაყაშვილის ოთხ ნომერში მივიდა. დიტოს, მანქანა სადარბაზოს წინ, ტროტუართან დაეყენებინა. ბინის კარი დიტომ გააღო და მეგობარს შეეგება: – შემოდი, – ბინაში შეიპატიჟა, – გაიცანი, – წარუდგინა გიორგის ყველა თანაპარტიელი.

– კი, მაგრამ, ავეჯი არ გვინდა? – ცარიელ ოთახს გიორგიმ თვალი მოავლო.

– ავეჯი პრობლემაა, ამიტომ სახლიდან ერთი თვით ყველამ რაღაცა მოიტანეთ, – დიტომ იქ მყოფთ გადახედა.

– ერთი, მთაწმინდაზე სახლში გადამიყვანე და საწერი მაგიდა წამოვიღოთ, – გადაულაპარაკა გიორგიმ მეგობარს.

ძმები ზუბალაშვილების ქუჩაზე, გიორგის სახლში მივიდნენ. დიტო ბინაში შეჰყვა, რათა მაგიდის გამოტანაში მიხმარებოდა.

– ბიჭო, ბავშვებს არ სჭირდებათ? – იკითხა დიტომ.

– ამ მაგიდაზე არავინ მეცადინეობს, თან ცოტა ხნით მიმაქვს. არაფერია, – უპასუხა გიორგიმ და მაგიდის უჯრების დაცლას შეუდგა, შემდეგ ორივემ ასწია და მანქანასთან მიიტანა. სახურავზე დამაგრებულ საბარგულზე თოკებით დააბეს. გიორგი სადარბაზოში შებრუნდა, კარი ჩაკეტა და დიტოს მანქანაში ჩაუჯდა.

ოფისში როდესაც ავიდნენ, ვილაცებს რამდენიმე სკამი უკვე მიეტანათ.

– აქაურობა რაღაცას ემსგავსება, – ჩაილაპარაკა გიორგიმ და თანაპარტიელები მერე დღისთვის დაიბარა, ხოლო თვითონ



ბესიკ კეკელიძე

ქალი-ობობა

დიტოს მიუჯდა და თავისი მოვალეობების გარკვევას შეუდგა. რამდენიმე საათის შემდეგ მეგობარმა სახლში მიიყვანა. ბინაში შესულს ცოლი შეეგება:

– მაგიდა სად წაიღე?

– დიტო ჩხებიემ თავის პარტიაში შესვლა შემომთავაზა და მთაწმინდის რაიონი ჩამაბარა. ერთ თვეში არჩევნება და იქამდე, მაყაშვილის ქუჩაზე ოფისი იქირავა. მაგიდა იქ წავიდე.

– კი, მაგრამ, ხომ იცი, რომ ეგ მაგიდა ბაბუაჩემის იყო და ჩემთვის ძალიან ძვირფასია. რატომ წაიღე? – ნანას უფრო მოეღუშა სახე.

– გოგო, მე კი არ მიჩუქებია, ერთ თვეში უკან მოვიტან. მაინც ტყუილად დგას, არავის სჭირდება, – მეუღლის დამშვიდება უნდოდა, მოფერებას შეეცადა.

ნანამ ხელი აუკრა:

– ხვალვე უკან მოიტანე! – ბრძანების ტონით მიმართა და დერეფნიდან სამზარეულოში გავიდა.

– ხვალვე არა და, ერთ თვეში მოვიტან, – მიუგო გიორგიმ.

მეუღლეებს შორის ურთიერთობა დაიძაბა. ნანა, ვითომ სხვა პრობლემა არ ჰქონდა, მაგიდის უკან მოტანას ითხოვდა.

– გაიგე, უკან მოტანა სირცხვილია, რას იტყვის ხალხი. ბოლოს და ბოლოს, რა მოხდა, ერთი თვე იქ რომ იდგეს?

– არა, მოიტანე! – ჯოუტად თავის სიტყვაზე იდგა ნანა.

მის წუწუნს გიორგი აღარც უსმენდა, დილას წასული, საღამომდე ოფისში იმყოფებოდა.

ერთ საღამოს უმცროსმა ქალიშვილმა ნინიკომ, – ტელეფონთან გემახიანო.

გიორგიმ ყურმილი აიღო:

– გამარჯობა, შვილო, – მოესმა მამამისის ხმა.

– მამა, გაგიმარჯოს!

– როგორ მიდის პარტიული საქმიანობა?

– კარგად, არა უშავს, – ჩაელიმა გიორგის.

– მამა, შაბათ-კვირას ვერ გაეთავისუფლები?

– რა ხდება?

– მცხეთაში რთველი გვაქვს და დახმარება მჭირდება.

– შაბათი ზევ არის?

– კი.

– მაშინ, ხვალ გავაფრთხილებ და წამოვიალ.

– მე გამოვივლი, ბავშვები წამოიყვანე. აბა, კარგად იყავი.

– კარგად, – დაკიდა ყურმილი გიორგიმ და მეუღლეს დაუძახა, – ნანა, მოემზადეთ, ზეგ მცხეთაში, როველში მივიღივართ.

– შაბათს ნინიკოს სკოლაში კონცერტი აქვს და ჩვენ ვერ წამოვალთ, – სამზარეულოდან გამოსძახა ნანამ.

პარასკევი წინა ღლეებს ტყუპისცალივით დამსგავსებოდა. „მოიტანე – არ მოვიტან“-ში დაღამდა. გიორგიმ თითქმის მთელი ღამე სამზარეულოში გაატარა. ოჯახური მღვდმარეობისგან გული ლოდევით დამძიმებოდა და მოსვენებას არ აძლევდა. თითქმის მთელი კოლოფი სიგარეტი მოწია. ირიჟრაჟა, როდესაც დასაძინებლად დაწვა. დილით შუათანა ქალიშვილმა, თამუნამ გააღვიძა:

– მამა, ბაბუამ მოგაკითხა, გელოდება.

– უთხარი, ახლავე გამოვა-თქო, – ქალიშვილს გადაულაპარაკა გიორგიმ და საწოლიდან წამოდგა. ტანზე სწრაფად გადაიცვა, პირი დაიბანა, ნახევრად ცივი ყავა დალია, დიდი კალათა დაიხელა და გარეთ გავიდა.

მცხეთაში ბიძამისი და ახლო ნათესავები დახვდნენ. ტრადიციული მისაღმების შემდეგ როველი გაჩაღდა. საკმაოდ კარგი მოსავლის დაწურვა-დაბინავებას, კვირა საღამომდე მოუწოდნენ. გიორგიმ სახლიდან წამოღებული კალათი „იზაბელას“ ნარჩევი მტევნებით გაავსო, ზემოდან რამდენიმე რქაწითელის აკიდი დაადო. ორ სამლიტრიან ქილაში ბადაგი ჩაასხა და ყველაფერი მამამისის მანქანის საბარგულში ჩაალაგა.

ცხრა ხდებოდა, როდესაც თბილისში ჩამოვიდნენ. გიორგიმ სადარბაზოში შეირბინა და ზარი დარეკა, ბინიდან არაფერი უპასუხა. გასაღები ამოიღო და კარი გააღო, შემდეგ ყურძენი და ბადაგი სამზარეულოში შეიტანა. სარდაფის გასაღები აიღო და ყუთის მოსაძებნად ჩაირბინა. მონახა და შინ აიტანა, აივანზე მტკრის ტილოთი გაწმინდა და მაგიდაზე დადო. კალათიდან აკიდეები ფრთხილად ამოიღო და მაგიდაზე დაწყო. მტევნებს სათითაოდ იღებდა, ყუნწს მაკრატლით აჭრიდა, გაზეთში სათუთად ახვევდა და ყუთში აწყობდა.

– „ზამთარში ჩემს ბავშვებს ყურძენი ექნებათ“, – ელოლაივებოდა „იზაბელას“ მტევნებს.

ყუთი გაივსო. გიორგიმ თავზე დაახურა და სარდაფში ჩასატანად მოემზადა. შემთხვევით საათს დახედა, თურთმეტი დაწვებულიყო. გაუკვირდა ცოლ-შვილის არყოფნა:

– ალბათ გივისთან და ლამარასთან არიან, – ჩაილაპარაკა და სარდაფში ჩავიდა. ყუთი თაროზე შემოდო, კარი ჩარახა და ბინაში დაბრუნდა. აკიდეებს გამხმარი ფოთლები მაკრატლით მოაჭრა, გაასუფთავა, ერთ-

მანეთს წვრილი თოკით გადააბა. უჯრამი ჩაქუჩი და ლურსმანი მონახა, ლურსმანი ტუჩებით დაიჭირა, მარჯვენა ხელში – ჩაქუჩი, ხოლო მარცხენაში აკიდეები დაიკავა და თამუნას ოთახისკენ წავიდა, რათა აკიდეები კედელზე ჩამოეკიდა. ღერეფანი გაიარა, კარი ფეხით შეაღო და ოთახში შევიდა.

საკუთარ თვალებს არ დაუჯერა, როდესაც ოფისში წაღებული საწერი მაგიდა კუთხეში მიდგმული დახვდა. ერთ ადგილზე გაქცავდა. მთელ სხეულში ტკივილმა დაურბინა, იგრძნო, რომ საკუთარი თავ-მოყვარეობა სხეულის რომელიმე ნაწილში წაბილწული და გაცამტვერებული მიგდებულყო. თვალბზე ბინდი გადაეფარა, ისე ჩაისუნთქა, რომ ლურსმანი კინაღამ გადასცდა. გადმოაფურთხა, აკიდეები ხელიდან გაუვარდა, არაადამიანური ხმით დაიღრიალა. მაგიდას ერთ ნაბიჯზე მიუახლოვდა და მარჯვენაში დახელებული ჩაქუჩი მთელი ძალით სდრუხა:

– ოხ, შენი, ნაძირალა დედაკაცო, ეს რა გამოკეთე! – მეორედ, მესამედ, მეოთხედ ჩაარტყა მაგიდას ჩაქუჩი. ყოველ დარტყმაზე მაგიდის ზედაპირზე დიდი ღრმული ჩნდებოდა, რომელიც იმ უფსკრულს ჰგავდა, რაც ნანასა და გიორგის ურთიერთობაში გაჩნდა. რამდენიმე ადგილას ზედაპირი ჩატყდა კიდეც. გიორგი უარყოფითი ემოციისაგან დაიცალა, სკამი მოიწია, ჩამოჯდა და სივარულს მოუკიდა.

– ფუ, შენი, არაქალო, ქმარს რა აკადრე?! – უაზროდ ებუტბუტებოდა თავის თავს. ისეთი გამწარებული იყო, რომ შეეშინდა, ცუდად არ გამხდარიყო. სამზარეულოში გავიდა, გულის წვეთები მონახა და დალია. ნანას მშობლებთან დარეკა. ტელეფონზე სიღვდრმა უპასუხა:

– ლამარა, ნანა მანდ არის? – იკითხა გიორგიმ.

– კი, – გაისმა ყურმილში. ცოტა ხანში ნანამაც უპასუხა: – გისმენ.

– რას მისმენ, შე აზვარო! – ღრიალებდა გამწარებული გიორგი, – ღლეიდან აღარც ქმარი გყავს და აღარც ის ოხერი მაგიდა გაქვს, გაიგე?! – დაახეთქა ყურმილი. სივარულს ისევ მოუკიდა და რამდენიმე ნაფაზში ფილტრამდე დაიყვანა. გაქცავებული იჯდა სკამზე. გული თითქოს თავში გადაადგილებოდა, საფეთქლები ისე უცემდა. თვალბზე რაღაც აწვეებოდა, ხელებით მოისრისა.

– ეს რა გამოკეთა?! გადაძიარა, როგორც ვიდაც „სირს“, ამას მტერს არ გაუკეთებენ! – თავისთვის ლულულულებდა. წამოდგა, კარაღში არყის ბოთლი მონახა, ჩამოისხა და გადახურა. ერთს მეორე მიაყოლა, მეორეს მესამე. გრძნობდა, რომ სასმელმა ტკივილი ვერ გაუქარვა, პირიქით, თავმოყვარეობის გრძნობა უფრო გაუღვივა. სამზარეულოდან

სასტუმრო ოთახში გავიდა, კუთხიდან კუთხეში შემლილივით მიდი-მოდიოდა.

– ოჰ, შენი, – უაზროდ იტყვოდა ხოლმე და სიარულს განაგრძობდა. სამზარეულოში შებრუნდა, სინათლე ჩააქრო და საძინებელი ოთახისკენ გასწია. ტანთ გაიხნა და საწოლზე გაიმოტა, გაჭირვებით ჩაეძინა.

გიორგი ბარამიძე ცოლთან და სამ ქალიშვილთან ერთად ძმები ზუბალაშვილების ქუჩაზე, ბავშვთა საავადმყოფოსთან ახლოს, სამსართულიანი სახლის პირველ სართულზე, ბოლო ათი წლის მანძილზე ცხოვრობდა. გიორგიმ და მისმა მეუღლემ, ნანა ბენიძემ ცხრამეტე წლის ასაკში დაიდგეს უღელი და აგერ უკვე ოცი წელია ერთად ცხოვრობენ. სტუდენტობის შემდეგ, გიორგი აქტიურ ცხოვრებას მისდევდა, პროფესიით მშენებელი, კარგა ხანს მშენებლობაზე მუშაობდა, შემდეგ ბიზნესი წამოიწყო – რამდენიმე კაზინოს ხელმძღვანელობდა, მაგრამ მოჩვენებითი სიმშვიდეში გახვეულ ქვეანაში ყველაფერი აირ-დაირია, თავდაყირა დადგა და გიორგი უშუშეგარი დარჩა.

ბინა, რომელშიც გიორგი ცოლ-შვილთან ერთად ცხოვრობდა, ოდესღაც ნანას ბაბუას, ლალო ჯიქიძეს ეკუთვნოდა. ამ კედლებს ბევრი უბედურება ჰქონდათ ნანახი. ჯერ იყო და, ნანას ბიძა, ლალოს ვაჟიშვილი, შიზოფრენიით დაავადდა, ვერაზე თავისი მკურნალი ექიმები კი გამოასალმა სიცოცხლეს, შემდეგ საცოდავმა თავი მოიკლა. ლალოს მეუღლემ შვილის უბედურებას ვერ გაუძლო და ლოცინად ჩავარდა, მარცხენა მხარე წაერთვა.

უბედურ მოხუცებს ვაჟისგან ტყუპი ბიჭები – ბესო და აჩიკო დარჩათ. ბებია და ბაბუა ბავშვებს სათანადო ყურადღებას ვერ აქცევდნენ. შედეგად არ დააყოვნა და თექვსმეტი წლის ასაკში, ორივე ძმა ციხეში მოხვდა: ბესოს – ცხრა, ხოლო აჩიკოს ათი წელი მიუსაჯეს. ბებია ამდენ ტკივილს ვერ გაუძლო და გარდაიცვალა. ბინაში მოხუცი ლალო მარტო დარჩა და მისი გარდაცვალების შემთხვევაში, ქალაქის ცენტრში სამოთახიანი ბინა იკარგებოდა.

გიორგის სიღვდრმა, ლამარამ, ვაჟითხამოიკითხა და შეიტყვა, რომ ბინის გადაარჩენის ერთადერთი გზა იყო, თუ ნანას თავისი ქმარ-შვილით იქ ჩაწერდა. იმხანად გიორგი მშენებლობაზე მუშაობდა და ბინის აღრიცხვის რეგში მესამე იყო, თან ბიძამისი აღმასკომის თავმჯდომარედ მუშაობდა და ჰპირდებოდა, რომ ნუცუბიძის პლატოზე სამოთახიანს მისცემდა.

ლამარა გიორგის შეუწნდა და ტკბილი, მოთაფლული სიტყვით ბიჭს საკუთარ ბინაზე უარი ათქმევინა. მათი ჩაწერიდან ორ თვეში, მოხუცი გარდაიცვალა. ასეთი გზით გადაარჩა ძმები ზუბალაშვილების ქუჩაზე


არსებული ბინა. გიორგი თავისი ცოლ-შვილით საცხოვრებლად იქ გადავიდა.

თვრამეტი წლის იყო გიორგი, როდესაც ნანა გაიცნო. ისინი ბიოლოგიაში ერთად ემზადებოდნენ. ოცი წლის თანაცხოვრების მანძილზე ცოლ-ქმარი სხვადასხვაგვარ პიროვნებად ჩამოყალიბდა. მათი გზები ერთმანეთს ასცდა, შესაბამისად იმატა კონფლიქტმა, ოჯახურმა უსიამოვნებამ.

სიმარტოვეს გარკვეულწილად სიმშვიდე მოაქვს. სიმშვიდე კი - წარსულს აგაწინინებს, ყველას და ყველაფერს თავის ადგილს მიუჩენს. როგორც კი ყველაფერს მონათლავ და თავის სახელს დარქმევ, მაშინვე მივინებ საკუთარ თავს. ამქვეყნად თავისით არაფერი ხდება, ყველაფერს აქვს მიზეზი, მიზანი და შე-

- შედი, ოთახში დვას და ნახავ. დიტო პატარა ოთახისკენ წავიდა. მაგიდას როცა დახვდა, განცვიფრებისგან პირზე ხელი აიფარა:

- რატომ დაღეწე?
- ის დედაკაცი რომ არ მომეკლა, ავდექი და მთელი უარყოფითი ენერგია მაგიდას მივახარჯე. საშინლად შეურაცხყოფილი ვარ, მთელი გულ-მუცელი მეწვის, ასეთი რამ ჩემთვის არავის უკადრებია.
- მერე, რას აპირებ?
- „ფინიტა ლა კომედია“, ყველაფერი



დამთავრებულია. მე ამის არც მოთმენა და არც პატიება არ შემიძლია. ჩემთან ხომ უბედური იყო, ახლა უჩემოდ იყოს ბედნიერი, გაგკარი ვეეთ ცოლქმრობას. ჩემი ბრალია, ორი წლის წინათ, როცა ოფიციალურად გაემორდი, მერე აღარ უნდა დავბრუნებულიყავი. ვხვდები მშვენიერ გოგოს...

- მერის? - გააწვევტინა დიტომ.
- ჰო, მერის, მაგრამ ამ ახვარმა ქალმა იმდენი მოახერხა, რომ ის გოგო დამკარგვინა. მერის დაქალებთან ახლო ურთიერთობა დაამყარა, თან ჩემ შესახებ ინფორმაციას აგროვებდა და თან მიწასთან მასწორებდა. იქაღნიდა, - როცა მიწა, მაშინ დავიბრუნებო და შეძლო კიდევ. - გიორგი წამოდგა, ყავა დაასხა. - ჩემს უფროს ქალიშვილს, მარიკას, ყველა პირობა შეუქმნა, რათა გათხოვილიყო.

- და რა პირობა უნდა შეექმნა? გოგოს უყვარდა ვანო და ცოლადაც გაჰყვა.

- ეგ კი, მაგრამ სახლში მარტოს ტოვებდა, ყოველგვარი პრობლემის გარეშე ვანოს ახვედრებდა და შედეგმაც არ დააყოვნა - მარიკა თავის ქორწილში ფეხმძიმედ იყო. ჩემი ხასიათის გადამკიდემ არ დაუშევი, რომ შვილის ბედნიერებას უჩემოდ ჩაველო,

ვინმეს არ წამოეძახებინა, - შენი მშობლები განქორწინებულები არიანო და, მე მერი მივატოვე, ნანას დავუბრუნდი. მაგ არაქალმა კი, აი, ასე გადამიხდა ყველაფერი.

- მახსოვს, - ყავა მოსვა დიტომ.
- მარიკა კაცურად დავაბინავე, დღესაც ქორწილის ათასი დოლარი ვალი მაქვს, მაგრამ არა უშვავ, ადრე თუ გვიან, გავისტუმრებ.
- სამაგიეროდ, მაგარი შვილიშვილი გყავს.
- ჰო, გლიჯავს, - ჩაეცინა გიორგის.
- ახლა რას აპირებ?
- ჯერ არჩევნები ჩავთავოთ, მერე ამ ბინის სანაცვლოდ, ფულს გამოვართმევ და ჩემთვის ბინას ვიყიდი.
- სულ მინდა გკითხო, ეს ბინა შენ გადაარჩინე?
- კი, ჩემი ბინის ხარჯზე გადაარჩა ეს ბინა.

- არა, გეკუთვნის, მაგრამ აჩიკოს, ნანას ბიძაშვილს რას უშვრები? ის უბედური, მეროდ დაიჭირეს, წილი ხომ უნდა მისცე?

- დიტო, მე ამ ბინის გაყიდვას არ მოვითხოვ, პირიქით, მამამისმა გაყიდოს თავისი ბინის პირველი სართული და იქიდან დამაკმაყოფილონ, ან სულაც, ნანა თავის „ახიკა“ დაქალს, ელზა ზანაზანიანს ესესხოს.
- ვინ არის ელზა ზანაზანიანი? - გაიკვირვა დიტომ.

გიორგის ჩაეცინა:

- დღეს, ჩემო ბატონო, ელზა გიორგობიანია. მთელი ცხოვრება ნანას დაცინვის ობიექტი იყო და ბოლოს იმდენი მოახერხა, რომ უახლოეს დაქალად ექცა.
- ელზა ვიცი, კაცო, მაგრამ სომეხი თუ იყო, არ მეგონა.

- ბიჭო, ყველა ერშია კარგი და ცუდი, მაგრამ როდესაც საკუთარი ეროვნების გრცხვენია და იცვლი, ესე იგი, ნატურით მოღალატე ხარ. ელზა ნანას ჯგუფელია და ინსტიტუტიდან მოყოლებული, ნანა დასცინოდა, ამბობდა - სამეგობროში გვეტყენება, თორემ ორთაჭაღელი მაკლერის შვილითან, თან ზანაზანიანთან, მე რა მესაქმებაო. შემდეგ ჩვენი ელზა, ერთმა ბობოლა ექიმმა შეაცდინა და „გაჟიმა“. მთელი ტრაგედია იყო, მაგრამ ამ ამბავმა ზანაზანიანის ქალი გამოაფხიზლა, გვარი გადაიკეთა, ფულიან კაცს ცოლად გაჰყვა, ფეხზე მყარად დადგა და ჰოი, საოცრება: როგორც კი ელზა ფულიანი გახდა, მაშინვე ნანას საუკეთესო მეგობრად წარმოჩინდა. ძველი მეგობრები დაკარგა და ახლა ჰყავს ელზა - დიდი ფულის პატრონი და, ჩემი გასასტუმრებელი თანხა იმას გამოართვას.

- ოფისში არ წავიდეთ?
- ძალიან მრცხვენია, მაგრამ უნდა წავიდეთ. - გიორგი წამოდგა, ჩაიცვა და დიტოსთან ერთად სახლიდან გავიდა.

დღეი. ბოლოს და ბოლოს, ამ ყველაფრიდან, თუნდაც ბოროტება იყოს იგი, სწორი დასკვნის გაკეთება სარგებელს მოიტანს, საკუთარ თავს მოგანახვინებს.

გიორგი ზარის ხმამ გამოაღვიძა. საათს დახვდა, თერთმეტის ნახევარი იყო. ზანტად წამოდგა და საცვლების ამრა კარის გასაღებად გაემართა.

- ვა, დიტო?! - მეგობარს გზა დაუთმო და ბინაში შემოიფანა, - ყავას დალევ?

- კი.

- მოიცა, ერთი ჩავიცვამ და ახლავე, - გიორგიმ ჩაიცვა და ჩაიდანა გაზქურაზე დადგა.

დიტო მაგიდას მიუჯდა:

- ეს რა გააკეთა ნანამ? გაგიჟებული ვარ.

გიორგიმ სივარეტს მოუკიდა:

- რა ქნა და ჩვენს ურთიერთობას ხაზი გადაუსვა, მისთვის მაგიდა უფრო ძვირფასია, ვიდრე ქმარი. ახლა აღარც მაგიდა აქვს და აღარც ქმარი ჰყავს.

- მაგიდას რა უქენი?



„საუკუნის აღმართზე ჯვრის ზიდეა ასე ხანგრძლივად და ქედ შეუხრელად მხოლოდ ერთეულებმა შეძლეს... ყოველ დროს უნდა პყავდეს თუნდაც ერთი ასეთი ადამიანი. ამ რჩეული მოდგმის წყალობით შევინარჩუნეთ ჩვენ ჩვენი თვისტომის ამაყი შეგნება. სწორედ ასეთმა ადამიანებმა შემოგვინახეს ჩვენ ის, რისი გადაჩენაც თითქოს თეორიულადაც კი შეუძლებელი იყო... ასეთი ადამიანები უთენებდნენ დიდ ღამეებს სულთმო-

ბრძავ საქართველოს ყველა ძნელბედობის ფამს და... ყოველი წარღვნის შემდეგ ქვეყანა მაინც სულს ითქვამდა... გვჯერა, სასწაული გრძელდება. ერთხელ ჯაჭვანყვეტილი სომალდი აღარასოდეს დაუშვებს აფრას, ვინაიდან, სხვაგვარ ყალიბის მამული შვილთა შორის, ყველა დროს პყავდა, პყავს და მომავალშიც ეყვლება... ერთი ასეთი კაციც თუნდაც, ერთი პავლე ინგოროყვა“, — ნერდა გურამ ასათიანი.

„პავლე ინგოროყვა გახლავართ... ერის ქარის კაცი!“

ლელა ჭიყაშვილი

ასე რომ, ის დღე, როცა ბატონი პავლე ამ ქვეყანას მოველინა, — 1893 წლის 1 ნოემბერი, საქართველოსთვის იღბლიანი დღე იყო. პალიასტომის ტბის პირას იზრდებოდა და მისი ერთადერთი ინტერესი წიგნების კითხვა იყო. მამა — იესე უჯავრდებოდა: ამდენ კითხვას ისა სჯობს, ხანდახან მომეხმარო... პავლეს კი სხვანაირი ცხოვრება უკვე აღარ შეეძლო, შინ თუ არ მისცემდნენ კითხვის საშუალებას, ნავში ჩაჯდებოდა, შუა პალიასტომში გავიდოდა და იქ, უფროსებისთვის ხელმოუწვდომელ ადგილას განაგრძობდა კითხვას. მზის ჩასვლამდე რჩებოდა შუა პალიასტომში...

პეტერბურგის უნივერსიტეტის ისტორია-ფილოლოგიური ფაკულტეტი ჰქონდა დამთავრებული. მთელი სიცოცხლე მუხლჩაუხრელად ზრუნავდა თავისი სამშობლოსათვის. მიუხედავად მძიმე დაავადებისა (ჭლეჩით იყო სნეული), შრომა არ შეუწყვეტია, მისი შეუპოვარი ხასიათი საარაკოდ იქცა. საქართველოს მოსახლეობის აღწერა რომ მიმდინარეობდა, უკვე მოხუცი, სნეული პავლე ინგოროყვა გოგებაშვილის ქუჩიდან ჩიტაძის ქუჩის ბოლოში ფეხით მიდიოდა სტატისტიკის სამმართველოში, დიდ აღმართზე, მძიმე პორტფელით ხელში, დაღლას ვერ გრძობდა. პირიქით — ერთხელ საუბარში სტატისტიკის სამმართველოს თანამშრომელი ისე დაღალა, მოთმინებიდან გამოსულს უკითხავს თურმე ბატონი პავლესთვის — თქვენ რა, ყველაფერი გაინ-

ტერესებთო?... ღვაწლმოსილ ქართველს მიუგია: „დაიხ, მე ის კაცი ვარ, რომელსაც ყველაფერი აინტერესებს, რაც საქართველოს ეხება... დაიხ, მე პავლე ინგოროყვა გახლავართ!.. მე ვარ ჯარისკაცი, მეგობარო! ერის ჯარისკაცი!“

ამ სიტყვებს თურმე ხშირად იმეორებდა ბატონი პავლე. ხშირად ავადმყოფი, შეფუთვნილი, ხელში აიღებდა წიგნებითა და სხვადასხვა მასალით უსაშველოდ გატენილ პორტფელს და ადრიან დილით მიდიოდა ან მწერალთა კავშირში, ან გამოცემლობაში, ან „ცეკაში“... იჯდა მოსაცდელში და ელოდა. ომის შემდგომ წლებში ერთ-ერთ მაღალჩინოსანს უთქვამს თავისი რეფერენტისთვის: **ИЗБАВЬТЕ МЕНЯ ОТ ВСТРЕЧИ С ЭТИМ НАЦИОНАЛИСТОМ!**..

მაგრამ ბატონი პავლე თავის მრწამსს უღალატებდა, ამგვარ იდეოლოგებს რომ დახსნოდა, ფარ-ხმალი რომ დაეყარა. როცა საბჭოთა საქართველო უსახურ, ერთფეროვან ინტერნაციონალურ და პროლეტარულ ბურჟუაზიაში გაეხვა, პავლე ინგოროყვა, მისი ძმადნაფიცები — კონსტანტინე გამსახურდია, ვახტანგ კოტეტიშვილი და ალექსანდრე აბაშელი, შავ ჩონებში გამოწყობილები („შავჩონიანები“), ბრძოლას უცხადებდნენ სულის დეგრადაციას...

ოციან წლებში კონსტანტინე გამსახურდია დააპატიმრეს და მოსკოვის „ბუტირკის“ ციხეში, ერთკაციან საკანში (როგორც ყველაზე საშიში დამნაშავე) ჩასვეს. ბატონმა პავლემ მოახერხა და პატარა ბარათი შეუგზავნა

ტუსალს: ამა და ამ დროს შავი ჩონით ჩავივლი ისე, რომ შენი საკნის ფანჯრიდან გამოვჩნდეთ! ამას მეგობრის გასამხნეველად აკეთებდა. ზუსტად ბარათში დათქმულ დროს ჩაუვლია ციხის წინ... რამდენიმე დღის შემდეგ კი შეუგზავნა პირსახოცი, რომელზეც ამოქარგული იყო სიტყვები: „დილა მშვიდობისა!“ — პავლეს მეუღლეს ქალბატონ ქეთო ბაქრაძეს ამოუქარგავს. ბატონ კონსტანტინეს უთქვამს: ყოველ დილას, როცა გავიდვით, შევხედავდი პირსახოცს და თითქოს, მთელი ჩემი ერი მესალმებოდაო!

არსებობს პავლე ინგოროყვას პირადი წერილები მოსკოვიდან მეუღლისადმი მოწერილი, სადაც კარგად ჩანს, როგორ დაჟინებით ცდილობდა, რაიმე ელონა ძმადნაფიცის გასათავისუფლებლად: „ჩემო კარგო ქეთო! სიყვარულით მოგეხვევი და გააკოცებ. რაც ჩამოვედი, მას შემდეგ თითქმის მთელი დრო კოწიას საქმეს მოვანდომე, მაგრამ ჯერჯერობით ვერას გაეხდი, საერთოდ, საეჭვოა, რომ რამის გაკეთება შესაძლო გახდეს... მე მაინც იმედს არ ვკარგავ, და ყოველ შემთხვევაში ცდას არ დავაკლებ...“

კონსტანტინე გამსახურდიას გათავისუფლების მისაღწევად იმდენჯერ ჩავიდა მოსკოვში და ისე მოაბეზრა თავი მაშინდელ „ჩეკას“ უფროსობას, რომ მოთმინებიდან გამოსულ ერთ-ერთ ჩინოფიკს უყვიროს: **Или арестуйте этого Ингорюкву, или освободите Гамсахурдия!**

პავლე ინგოროყვას მეუღლე უაღრესად განათლებული ქალბატონი იყო. ენციკლოპედიურ განსწავლულობასთან ერთად, შესანიშნავად უკრავდა ფორტეპიანოზეც... ერთხელ ექვთიმე თაყაიშვილს, ბატონი პავლეს უფროს მეგობარს,

გაუხსენებია: ქეთევან ბაქრაძე ცოლად არ მიჰყვებოდა პავლე ინგოროყვას. პავლეს ამანათით გამოუგზავნია ბათუმიდან მიწა ქეთოსთვის: თავს მოვიკლავ, ეს მიწა კი შენ დამაყარე გულზეო... ექვთიმეს უთქვამს ქეთოსთვის: ნუ მოაკვლევინებ ნიჭიერ კაცს თავს, ცოდვად დაგედებაო, და ქეთოც „გატყდა“ თურმე...

ქორწინებაზე თანხმობის მიღებამდე, პავლე ინგოროყვას ისეთი სასოწარკვეთა დაუფლებია, რომ ერთხელ, თავის მოკვლის მიზნით, ტყვიაც კი უსვრია. მერე ეს ტყვია ექიმებს სხეულიდან არ ამოაღებინა – საფლავში ჩაიტანა...

1937 წელს ქალბატონი ქეთოს ერთადერთი ძმა, ინჟინერი გიორგი ბაქრაძე დაიჭირეს. პავლეს ურჩიეს, ქალაქიდან წასულიყო, რომ თავი გადაერჩინა. ცოლქმარი ხაშში, ქეთო ბაქრაძის სოფელში წავიდა... თბილისში კი, ინგოროყვების ბინის კარზე შუადამისას ხშირად ისმოდა ავისმომასწავებელი კაკუნები... ჩაიარა საშიშროებამ. ერთხელ, ბატონი პავლე ჩიტაძის ქუჩას მიუყვებოდა. ერთი უცნობი კაცი ხან ჩამორჩებოდა, ხან გაუსწრებდა, მერე კი გაოცებულს უკითხავს: „თქვენ პავლე ინგოროყვა არა ხართ? კი, მაგრამ, როგორ?! თქვენ ხომ იმ სიაში იყავით – დასახვერტოა სიაში!.. ერთ დამეს გამოგვიძახეს კიდევ!.. რა სასწაულმა გადაგარჩინათ?!“

ამ ამბავმა იმხელა სულიერი ტრავმა მიაყენა ქეთევან ბაქრაძეს, რომ ნერვიულობისაგან ტვინში სისხლი ჩაექცა. ხანგრძლივი ავადმყოფობის დროს არავის იკარებდა, პავლეს გარდა. ქმარი მის სარეცელს არ შორდებოდა – არც დღისით, არც ღამით.

1938 წელს ბერიას დაუბარებია და უთქვამს ინგოროყვასთვის: სტალინს მოხსენდა თქვენი მოღვაწეობის შესახებ, სტალინმა თქვენ გაპატიათ... ვერაფერს

მარცხნიდან: ვახტანგ კოტეგიშვილი, კონსტანტინე გამსახურდია, პავლე ინგოროყვა და ალექსანდრე აბაშელი



იტყვი: საქართველოს სიყვარულს მაშინ პატიება სჭირდებოდა!

გიორგი მერჩულეს დიდი – ათასგვერდიანი წიგნი მოაშხადა. სტამბის თანამშრომლები ჰყვებოდნენ: ერთხელ, გახარებული შემოვარდა ჩვენთან თავისი განუყრელი, უზარმაზარი პორტფელით და გვითხრა: უნდა გაგახაროთ! ველაპარაკე გამოცემლობის დირექტორს და მან ნება დაგვრთო კვირა დღეს მუშაობისაო!.. ბატონ პავლეს ოდნავი ეჭვიც არ ეპარებოდა, რომ ეს ამბავი ყველას გაუხარდებოდა... როცა წიგნი დაიბეჭდა, უთხრეს: ამ თანხას რომ მიიღებთ, ჩვენი გამოცემლობა უნდა დაიხუროს – ვკოტრდებითო. მომეცით ფურცელიო, უთხოვია ბატონ პავლეს და დაუწერია: „რადგანაც თქვენს გამოცემლობას უჭირს, ამ წიგნში ასაღებ პონორარს მთლიანად გიტოვებ“.

პავლე ინგოროყვას მკურნალი ექიმი, გვარად მგელაძე, მისი მომავალი სიძის – რეჟისორ გუგული მგელაძის ბიძა იყო. ბატონმა გუგულიმ დაწერა მოვონებები. ერთ-ერთი შოთა რუსთაველის 800 წლის იუბილეს უკავშირდება: „პავლე ინგოროყვა, რომელმაც, ვინ უწყის რამდენი უძილო დამე შეალია „ვეფხისტყაოსნის“ თითოეულ სტროფს, რუსთაველის 800 წლისთავის საიუბილეო დღესასწაულიდან გარიყული აღმოჩნდა. პრეზიდენტში გამოჭიმულები იყვნენ ძლიერნი ამა ქვეყნისანი. საქართველოს ჭირ-ვარამში დამდნარი კაცი კი ტელევიზორთან, კუთხეში მიყუყული უყურებდა იუბილეს, რომლის თარიღის დამდგენიც თვითონვე გახლდათ. ქართველი ხალხის ამ დიდ დღესასწაულს ის „გარედან“ უყურებდა... „რამხელა საქმე გაკეთდა“... აი, ეს თქვა ტრანსლაციის ბოლოს ამ იუბილის დამდგენელმა ბატონმა პავლემ. მე ვედარ მოვითმინე და კუთხარი:

– კი მაგრამ, შენ არ უნდა იჯდე იქ, იმ პრეზიდენტში?!

– მოიცა, კაცო... – მითხრა, სათვალე გაისწორა. – „ტააქ“, – თქვა და თავის ოთახში გავიდა. მეორე დღეს მე ის აბასთუმანში გავაცილე.

როცა საიუბილეო ზეიმმა ახალციხეში გადაინაცვლა, ბატონი პავლე აბასთუმნიდან იქ ჩავიდა. ახალციხეში გამართული ზეიმი, კეძოდ კი, რუსთაველის ძეგლის გახსნა, ფირზეა გადაღებული, მაგრამ პავლე ინგოროყვას პიროვნება იქ აღბეჭდილი არ გახლავთ. არ არის იმიტომ, რომ ზღვა ხალხში ყოფილა თურმე გარეული და ოპერატორი მას სხვებისგან როგორღა გამოარჩევდა?! ის აქაც „ჯარისკაცი“ იყო“.

85 წელი რომ შეუსრულდა პავლე ინგოროყვას, ოჯახში დაურეკეს: ელუარდ შევარდნაძეს სურს თქვენთან მოხვლა და თქვენთვის მოლოცვაო. ქალბატონი ლეილა (ქალიშვილი) რამდენჯერაც საჭმელს შეუტანდა, იმდენჯერ ეუბნებოდა მამამისს: შენთან უნდა მოვიდეს ელუარდ შევარდნაძე. მოგიკითხავს, გაგესაუბრება. ბოლოს ალბათ გითხავს: ხომ არაფერი გიჭირს, ხომ არ დაგეხმარო? შენ უნდა უთხრა: ჩემს შვილიშვილს, გათხოვილს, ბინა არა აქვს და თუ შეიძლება დაგვეხმარე-თქო. გაიგე?... ასე გავრძელებულა თითქმის ერთი კვირა. ბოლოს ქალიშვილი ეუბნება: მოდი, გენერალური რეპეტიცია გავიართოთ. შევარდნაძის მაგივრად ბატონი პავლეს ოთახში შევიდა სიძე. ბატონი გუგული ეკითხება:

– როგორ ბრძანდებით, ბატონო პავლე?

მოსუცი პასუხობს:
– გამარჯობა... რომელი ხარ?
– მე ვარ, შევარდნაძე, ვერ მიცანით?!
– გიცანით!
– ხომ არაფერი გენბავთ, სათხოვარი ხომ არაფერი გაქვთ?

– კი.
– მიბრძანეთ...

პავლე ინგოროყვას კართან მდგარი ქალიშვილისა და შვილიშვილისათვის გადაუხედავს და ჩურჩულით უთქვამს:

– საქართველოს მოუარე, საქართველოს!

1983 წელს გარდაიცვალა 90 წლის პავლე ინგოროყვა. დაკრძალულია დიდუბის პანთეონში. მისი ჩურჩულით ნათქვამი სიტყვები კი ძალაში რჩება... თუკი ძლიერნი ამა ქვეყნისანი ათხოვენ ყურს...



BMW-ს მე-7 სერიის ახალი ნიმუში

„ამ ავტომობილით ჩვენ ახალ სტანდარტებს დაუდებთ სათავეს. მეტისმეტად ძნელია ძალზედ კარგი ავტომობილის შექმნა, შემდეგ კი მასზე უარესი მოდელების წარმოება. ეს მანქანის ყველა მხარეს ეხება, თუმცა, უმთავრესი მაინც მისი ტექნიკური მონაცემებია. აქამდე ელექტრონულ სისტემათა და სხვა სახალისოთა ესოდენ დიდი კონცენტრაცია მხოლოდ კონცეპტუალურ მოდელებზე თუ შეგზვდებოდათ“ – აღნიშნა ჟურნალისტების წინაშე გამოსვლისას კონცერნ BMW-ს ხელმძღვანელმა იოაკიმ მილბერგმა. და თუმცა მე-7 სერიის ახალი ნიმუში ჯერ ოფიციალურად არ წარმოუდგენიათ (ეს სექტემბერში, ფრანკფურტის ავტოსალონზე მოხდება), მის გარშემო უკვე დიდი ხმაურია ატეხილი. მარტო ის რად ღირს, რომ ეს მანქანა S კლასის „მერსედესზე“ უფრო ძვირი ეღირება! აქამდე ამგვარი ფაქტი არ დაფიქსირებულა, ამიტომ ჩნდება კითხვა: ხომ არ ნიშნავს ეს, რომ წარმომადგენლობითი ავტომობილების ტრადიციული „მეფე“, რომელიც მთელი ამ

კლასის საუკეთესო თვისებებს განასახიერებდა, დამხობილია? თუ ეს მხოლოდ BMW-ს ტაქტიკური სვლაა, სინამდვილეში კი მე-7 სერიის მანქანა კვლავ S კლასზე ოდნავ ნაკლები ეღირება? ექსპერტთა ვარაუდით, თუ ახალ მოდელში გათვალისწინებულ ელექტრონიკას დავეყრდნობით, პირველი ვარაუდი უფრო სწორი უნდა იყოს.

უპირველესად, უნდა აღინიშნოს ყველაზე საინტერესო – ძრავები, რომლითაც ყოველთვის გამოირჩეოდა ბავარიული კონცერნი. ჯერჯერობით ახალ „შიდლიანში“ ორი 8 ცილინდრიანი – 3,6 ლ და 4,4 ლ მოცულობის აგრეგატების ჩადგმა გადაწყვიტეს. აღსანიშნავია, რომ ყველა ძველ ძრავაზე, რომელიც უნაკლოდ მუშაობდა, კონცერნმა მაინც უარი განაცხადა, რაც თავისთავად, ძალზედ მრავლისმეტყველი ფაქტია. ამიტომაც შეგვიძლია ვივარაუდოთ, რომ საქმე მართლაც, მსოფლიოში ყველაზე მაღალტექნოლოგიურ თანამედროვე ძრავებთან გვექნება.

ახალი აგრეგატი აღჭურვილი იქნება შემშვები და გამოშვებები სარკველების სისტემით, აგრეთვე, სარკველების აწვევის მარეგულირებელი და შემშვები ტრაქტის სიგრძის ცვალებადობის სისტემებით.

ახლა, უფრო პოპულარული ერთი შევადაროთ ძველი და ახალი ძრავები: ახალი, 3,6 ლიტრიანი ძრავა 272 ცხ.ძ-ს განავითარებს, ძვე-

ლი, 3,5 ლიტრიანი კი – 238 ცხ.ძ-ს. ამრიგად, სიმძლავრე 34 ცხ.ძ-ით გაიზარდა, რაც 14,28%-ს შეადგენს. მაგრამ მთავარი ის არის, რომ ახალი 3,6 ლიტრიანი, ძველ 4,4 ლიტრიანს სულ რაღაც 14 ცხ.ძ-ით ჩამორჩება (BMW 740 I-ში ჩადგმულ 4,4 ლ-იან ძრავას 286 ცხ.ძ. ჰქონდა).

ახალი 4,4 ლ-იანი ძრავა 333 ცხ.ძალას განავითარებს. მან BMW-ს ყოფილი ფლაგმანი – 5,4 ლ-იანი ძრავა დაჯაბნა, რომელიც 326 ცხ.ძალას ავითარებდა. აქვე ვიტყვი, რომ S კლასის „მერსედესთან“ საპაექროდ „ბე-ემ-ვე“-ს თადარიგში 12 ცილინდრიანი ძრავა აქვს, რომლის შემუშავება ჯერჯერობით მკაცრად გასაიდუმლოებული რჩება. კონცერნის წარმომადგენლები არა მარტო მის ტექნიკურ მახასიათებლებს, არამედ მის მოცულობასაც კი არ ამჟღავნებენ. სპეციალისტების ვარაუდით, თუ 3,6 ლ და 4,4 ლ მოცულობის ახალი ძრავების მიხედვით ვიმსჯელებთ, 12 ცილინდრიანი აგრეგატის სიმძლავრე 5,5 ლ მოცულობის შემთხვევაში დაახლოებით 374 ცხ.ძ-ს მიაღწევს. ამვე დროს, ბევრი ექსპერტის აზრით, ბავარიელი კონსტრუქტორები ყველაფერს გააკეთებენ საიმისოდ, რომ 400 „ცხენს“ მიაღწიონ.

თუმცა, შიშველ პრესტიჟზე საუბარს თავი რომ დავანებოთ და მხოლოდ ტექნიკურ მახასიათებლებზე მსჯელობით შემოვიფარგლოთ, შეიძლება ვთქვათ: მე-7 სერიის „ბე-ემ-ვე“-ს ამაზე მძლავრი ძრავა არც სჭირდება – ის ხომ 250 კმ/სთ სიჩქარეს ავითარებს (თანაც, ეს ხელოვნურად შეზღუდული სიჩქარეა), 100კმ/სთ-მდე კი 6,3 წმ-ში აღწევს.



ზუსტად ასეთი დინამიკა აქვს „მერსედეს“ S600-ს (V12, 5,8 ლ 367 ცხ.ძ.).

BMW-ს მეორე ძალზედ საინტერესო თავისებურებას ავტომატური ტრანსმისია წარმოადგენს. სხვათა შორის, მექანიკა ამ მოდელში საერთოდ არ არის გათვალისწინებული. გერმანული კომპანიის ZF-ის მიერ შექმნილი ტრანსმისია ექვსსაფეხურიანია. ასე რომ, ეს ავტომობილი 6 საფეხურიანი „ავტომატით“ აღჭურვილი, მსოფლიოში პირველი სერიული მოდელი იქნება, ყველაზე დიდი ეფექტი კი, გადაცემათა გადართვის ჩვეულებრივი სელექტორის არარსებობაა — მას პატარა ჯოისტიკი შეცვლის, რომელიც ყველა დამატებით ფუნქციასაც შეასრულებს: ამ ჯოისტიკის წყალობით, მანქანის სალონში შესაძინებელ შემცირდა ყოველგვარი სახელურისა და ლილაკის რაოდენობა, რომლითაც ესოდენ გადატვირთულია თანამედროვე ავტომობილები. ჯოისტიკით სარგებლობა საკმაოდ მოგაგონებთ კომპიუტერული „თაგუნას“ ხმარებას: მონიტორის ეკრანზეც ისევე იმობრავებს ისარი და მძღოლს განსაზღვრულ პოზიციებზე დასაფიქსირებლად, ისეთივე დაწკაპუნება მოუწევს, როგორც „თაგუნას“ ლილაკზე.

ეს სისტემა, რომელსაც IDRIVE ეწოდება, უკვე ნაჩვენებია იყო „ბე-ემ-ვე“-ს ზოგიერთ კონცეპტ-კარზე, მაგალითად Z22-ზე, მაგრამ ყველაზე გაბეულ პროგნოზებშიც ჯერ ვერავინ იწინასწარმეტყველებდა, რომ IDRIVE სერიულ მოდელზე ასე მალე გამოჩნდებოდა.

რაც შეეხება ტრანსმისიის მართვას, მისი სამართავი ლილაკები საჭის ბორბალზეა მოთავსებული. სხვა სიახლეა — გან აღსანიშნავია ელექტრონული გასაღები, რომელიც ანთების სისტემის ჩვეულებრივ — ლითონის გასაღებს შეცვლის, მანქანის დაქოქვა კი START-ის ლილაკის მეშვეობით მოხდება. უსაფრთხოების ბალიშების მოქმედებას გააკონტროლებს ახალი სისტემა SIS, რომელიც დაადგენს, აქვს თუ არა გადაჭიმული მგზავრს უსაფრთხოების ღვედი, რამდენად ახლოს იმყოფება იგი წინა პანელთან და სხვა ამგვარი. აღსანიშნავია ისიც, რომ ეს პირველი სერიული ავტომობილი იქნება, რომლის სტანდარტულ აღჭურვილობაში ინტერნეტთან შეერთება შედის.

დაბოლოს — კიდევ ერთი საინტერესო თავისებურება: ახალ BMW-ს არ ექნება ტრადიციული ხელის მუხრუჭის ბერკეტი — ამიერიდან სადგომის მუხრუჭი მანქანის გაჩერებისთანავე, ავტომატურად ჩაერთდება.

BMW სატვიხთო მანქანას ქმნის



კომპანიამ სულ ახლახან ჩაუშვა წარმოებაში ახალი MINI, თუმცა BMW-ში უკვე ამ ავტომობილის ახალ მოდიფიკაციებზეც მუშაობენ. სამკარიანი ჰეჩბეკის გარდა, MINI-ს სამოდულო რიგში მალე გაჩნდება კაბრიოლეტი, უნივერსალი და სატვირთო მანქანაც კი. ბავარიული კონცერნის ხელმძღვანელობა დარწმუნებულია, რომ MINI-ს დიდი პოპულარობა არა მარტო საბაზო მოდელის, არამედ მის პლატფორმაზე დამზადებული ყველა ავტომობილის წარმატებას შეუწყობს ხელს.

სერიული მანქანების გარდა, „მინის“ ბაზაზე რაღის ჩემპიონატებისთვის განკუთვნილი „საბრძოლო“ მოდელიც მზადდება.

კონცერნის წარმომადგენელთა თქმით, გაისად კაბრიოლეტისა და უნივერსალის გაყიდვა დაიწყება, 2003 წლისთვის — სატვირთო პიკაპის. „მიუხედავად იმისა, რომ BMW არასდროს უშვებდა მრავალდანიშნულებიან სატრანსპორტო საშუალებებს, მიგვაჩნია, რომ „მინის“ ბაზაზე წარმოებული პიკაპი დიდი მოთხოვნის ობიექტი იქნება და ზიანს არ მიაყენებს ჩვენი კონცერნის იმიჯს. ეს მოდელი, უპირველესად, ახალგაზრდებისთვის და სპორტული დასვენებისთვის


არის განკუთვნილი: პიკაპში გათვალისწინებული იქნება ველოსიპედებისა და თხილამურებისთვის განკუთვნილი სამაგრები და მსგავსი აღჭურვილობა. სავსებით შესაძლებელია, რომ მას სრულამპრავიანი ტრანსმისია ექნება“, — განაცხადა BMW-ს წარმომადგენელმა.

ყველაზე ადრე ამ მოდელს შორის MINI CAPRIO გამოვა, რომელსაც ასაკეცი სახურავი ექნება. იგი ძრავების მთელი ნუსხით იქნება აღჭურვილი, მათ შორის: 1,6 ლ, 90 ცხ.ძ., 1,6 ლ, 165 ცხ.ძ., ტურბო, შესაძლოა — 200 ლ-ით გაძლიერებულიც. ასეთ შემთხვევაში, „მინი კაბრიო“ AUDI TT-ს კონკურენტადაც მოგვევლინება, რომელსაც 180 და 224 ცხ.ძ. ძრავები აქვთ.

თუმცა, ამ მოდელთან დაკავშირებით, საკმაოდ სკეპტიკურ-პესიმისტური პროგნოზებიც გაისმის. თვით კონცერნის მარკეტოლოგები ჯერ დანამდვილებით ვერ ამბობენ, საკუთრივ როგორი შეიძლება იყოს ამ მანქანის ტიპური მყიდველი. გარდა ამისა, „მინის“ დაპროექტება BMW-ს საკმაოდ ძვირი დაუჯდა და მისი იაფად გაყიდვა კონცერნისთვის წამგებანი იქნება, ძვირად გაყიდვის შემთხვევაში კი, შესაძლოა, მკვეთრად დაეცეს მოთხოვნა. ■



მუცლის ტკივილი



მუცელი ჩვენი ორგანიზმის ის ნაწილია, რომელიც სხვადასხვა ორგანოთა სახეს. გულის, კუჭ-ნაწლავის, გამოყოფილი სისტემის, აგრეთვე ენდოკრინული, რეპროდუქციულ ორგანოთა და სისხლძარღვითი სისტემების პრობლემები მუცლის ტკივილში შეიძლება გამოიხატოს. ამიტომ ეს სიმპტომი ძალიან სერიოზულ მიდგომას საჭიროებს.

მუცლის ზედა

ნაწილის ტკივილი, რომელსაც თან ახლავს გულმძარვა, ბოყინი, ნერწყვდენა, შეიძლება გამოწვეული იყოს არა მხოლოდ გასტრიტით (კუჭის ანთება) ან ეზოფაგიტით (საყლაპავის ანთება), არამედ მოკარდიუმის ინფარქტითაც (ე.წ. აბდომინური მუცლის ფორმა). ამ დროს მნიშვნელოვან აქვს ასაკს, სქესს, ტკივილის წარმოშობის მიზეზებს. ასე რომ, სიტუაცია მთლიანობაში უნდა შეფასდეს. მაგრამ მაინც, გასტრიტი უფრო ხშირად ვიდრე ინფარქტი. ტკივილი, ჩვეულებრივად, მოჭერითი ხასიათისა და ჭამის წინ (შშიერი ტკივილი) წარმოიქმნება, ხოლო საკვების მიღების შემდეგ გაივლის.

წყლულოვანი დაავადების დროს ტკივილი მჭრელი ხასიათის და საკმაოდ ძლიერია. იგი ჭამის წინაც იწყება ხოლმე და ჭამის შემდეგაც. პირღებინება ზოგჯერ ამცირებს ტკივილის შეგრძნებას. წყლულის პერფორაციის (გახვრეტის) დროს ტკივილი „ხანჯლისებური“ და უეცარია.

თორმეტგოჯა ნაწლავი, ნაღვლის სადინარი და კუჭქვეშა ჯირკვლის სადინარები ანატომიურად ერთ წერტილში თანხვედებიან ერთმანეთს, ამიტომ ერთ-ერთი ორგანოს ანთება ადვილად გადადის ხოლმე მეზობელ ორგანოებზე. მაგალითად, თორმეტგოჯა ნაწლავის წყლულის გამწვავებამ და ნაღვლის ბუშტის ანთებამ (ქოლეცისტიტმა), შესაძლოა, კუჭქვეშა ჯირკვლის ანთების – პანკრეატიტის პროვოცირება გამოიწვიოს. ამ დროს ტკივილი იმდენად ძლიერი და აუტანელია, რომ პაციენტს ერთი სული აქვს, მოხვდეს ქირურგთან. სათბურა და

გამაყურებლები მკაცრად წინააღმდეგანაწინებია.

საკვებით მოწამვლის დროს ტკივილი შეტევითია და თან ახლავს გულისრევის შეგრძნება, პირღებინება, კუჭის აშლა, გაზების გამოყოფა.

მწიწკნავი ტკივილი მუცლის ქვედა ნაწილში მარჯვნივ ან მარცხნივ ქალებში ხშირად დაკავშირებულია საშვილოსნოს დანამატების ანთებასთან, საკვერცხის აპოპლექსიასთან (გახეთქვასთან), კისტის შემოგრენასთან.

თიაქრის ჩაჭედვა, აპენდიციტი ასევე ხდება მუცლის ტკივილის მიზეზი. აპენდიციტის დროს აუცილებელი არ არის, რომ ტკივილი მაინცდამაინც მარჯვნივ და ქვემოთ იყოს ლოკალიზებული. იგი ხშირად აჭიპის არეში ან ღვიძლის საპროექციო მიდამოში, ხოლო ზოგჯერ ბუნდოვანი და გაფანტული ხასიათი აქვს.

მუცელში ტკივილის დროს არავითარ შემთხვევაში არ მიიღოთ ანალგეტიკები (გამაყურებლები)! ისინი ანთებას კი არ აქრობენ, არამედ ნიღბავენ ნამდვილ კლინიკურ სურათს, რაც ტრაგიკულად შეიძლება დამთავრდეს. იგივე ითქმის სათბურაზე. დაუშვებელია მისი დაუდევრად გამოყენება. უპირველეს ყოვლისა, უნდა დადგინდეს ტკივილის მიზეზი, რისთვისაც საჭიროა სისხლის ანალიზი, ექოსკოპია და ქირურგის კონსულტაცია.

თირკმლის კოლიკის დროს ტკივილი მწვავეა და სწრაფად წარმოიქმნება. შეიძლება შოკიც კი გამოიწვიოს. თან ახლავს ხშირი შარდვის სურვილი, წვა შარდვის დროს, სისხლის მინარევი შარდში. თირკმლის კოლიკა ერთადერთი სიტუაციაა, როცა გაუტკივარება არათუ შეიძლება, არამედ აუცილებელიცაა! ამ დროს იყენებენ ანალგინს, ბარალგინს, ტრამაღს, სედალგინს, დიკლონატს. ჭკვიანურია ნო-შპის, პაპავერინის დამატება. თუ ექოსკოპიაზე პატარა (5-7 მმ) კენჭი დაფიქსირდა, შეიძლება გაუტკივარების შემდეგ ვცადოთ მისი გამოტანა, დიდი რაოდენობით სითხის და შარდმდენების მიღებით ან დავშალოთ სპეციალიზებულ სამედიცინო დაწესებულებაში.

ტკივილი სწორ ნაწლავში და ანუსში. გვხვდება ჰემოროის (ბუასილის) და სწორი ნაწლავის ნახეთქის ან პარარექტალური (სწორი ნაწლავის ირგვლივ) ქსოვილის ანთების დროს. ეს ტკივილი არ აგერევთ სხვაში. გაუტკივარებაც დასაშვებია ანესთეზიის, ნოვოკაინის, ანალგინის, დიკლონატის შემცველი საწებლებით. მაგრამ რაც უფრო დროულად მიმართავთ პროქტოლოგს, მით იოლი იქნება თქვენნი განკურნება. ■

თქვენი პატარა

● გული ის ორგანოა, რომელსაც ყოველთვის განსაკუთრებული ყურადღება ექცეოდა. ბავშვმა შეიძლება არ იცოდეს, სად აქვს ღვიძლი, თირკმლები, ვერ არჩევდეს მარჯვენას და მარცხენას, მაგრამ გულის მდებარეობას ის თითქმის ყოველთვის სწორად მიგიითებთ. როცა პატარა გაიგებს, რომ მას გული დაავადებული აქვს, შესაძლოა ძალიან დადარდიანდეს, ყველაფრისგან უსიამოვნებებს ელოდება, მოვლენებს ტრაგიკულად აღიქვამს. ამი-



ტომ მშობლები უნდა ეცადონ, არ დატუქსონ და არ შეაშინონ ბავშვი, არამედ

დაეხმარონ სწორად ცხოვრებაში.

● მიაღწიეთ იმას, რომ ბავშვმა ყოველ დღიას აკეთოს სამკურნალო ვარჯიშები, ისეირნოს, იძინოს იმდენი, რამდენიც საჭიროა.

● ბავშვის კვება უნდა იყოს მარტივი – ნაკლები კონსერვირებული პროდუქტი, მარილიანი, მყავე, ცხიმოვანი საჭმელი. დღის რაციონში აუცილებლად უნდა შედიოდეს, მოხარშული ხორცი, თევზი, ხილი, ბოსტნეული, სალათები.

● ოდესღაც ბავშვებს აძლევდნენ თევზის ქონს, რომელიც ძალიან სასარგებლოა, რადგან შეიცავს ცხიმში ხსნად ვიტამინებს A, E და D-ს. ამჟამად თევზის ქონი გამოდის კაფსულების სახით, რაც საკმაოდ მოსახერხებელია.

● ამასთან ერთად, ბავშვი საჭიროებს დროულ ვიტამინოთერაპიას გაზაფხულსა და შემოდგომით. ეს მას დაეხმარება, რომ ავად არ გახდეს და სისხლძარღვები კარგ მდგომარეობაში შეინარჩუნოს.

● მოზარდი უნდა დაარწმუნონ, რომ

ნუ მოწვევს სიგარეტს და ნუ გასინჯავს სპირტიან სასმელებს. ზოგიერთ მშობელს მიაჩნია, რომ 13-14 წლის ბავშვს შეუძლია, დალიოს ცოტაოდენი ლუდი. გაფრთხილებთ, რომ ეს, შესაძლოა, სერიოზული დატვირთვა აღმოჩნდეს გული-სათვის.

● ყურადღება მიაქციეთ ბავშვის კბილების მდგომარეობას. კარიესიანი კბილები ინფექციის წყაროს წარმოადგენს, რამაც შესაძლოა, გულის მძიმე დაავადებებამდე მიგვიყვანოს.

● ყველა ადამიანმა უნდა იცოდეს თავისი გვარის ისტორია: რით ავადმყოფობდნენ თქვენი წინაპრები, რით გარდაიცვალნენ; იყვნენ თუ არა მათ შორის წნევიანები, ხომ არ ყოფილა თქვენს ოჯახში ნაადრევი გარდაცვალების შემთხვევა. როცა ადამიანი ორმოც წლამდე უეცრად გარდაიცვლება, ეს საკმაო მიზეზია იმისათვის, რომ მისი შთამომავალი ბავშვები საგულდაგულოდ იქნენ გამოკვლეულნი, თუნდაც ეს პიროვნება პირდაპირი წინაპარი კი არა, ბავშვების ბიძა ყოფილიყო. ■

დეპრესია

რა არის დეპრესია?

ყველა ადამიანს სურს, იცხოვროს ღიმილით, მაგრამ ბევრი ვერ დაიტრიალებს კარგი განწყობილებით. ძალიან ხშირ შემთხვევაში ამის მიზეზი დაავადებაა, რომელსაც დეპრესია ეწოდება.

დეპრესია არ არის არც „დათრგუნვილი მდგომარეობის“ სინონიმი და არც „ნებისყოფის სისუსტის“ ნიშანი. იგი დაავადებაა, რომელიც ორგანიზმში ბიოქიმიურ პროცესთა დარღვევასთან, კერძოდ კი, თავის ტვინში ნეირომედიატორ სეროტონინის შემცველობის დაქვეითებასთანა დაკავშირებული (სეროტონინის მეშვეობით ნერვული უჯრედები ერთმანეთს გადასცემენ იმპულსებს).

თუ გეჩვენებათ, რომ ღიმილს ხანია, არ გაგიღიმიათ, რადგანაც „არაფერია სასაცილო“, ან „ცხოვრება მძიმეა“ – დაფიქრდით: სტაბილური პესიმიზმი, შესაძლოა, ორგანიზმის ბიოქიმიურ პროცესთა მოშლის შედეგი იყოს.

დეპრესიის წარმოქმნის მიზეზი სხვადასხვაგვარია: სტრესი (მუშაობით გადაღლა, ფინანსური სიძნელებები, პრობლემები პირად ცხოვრებაში და სხვ), ცივი სეზონის დადგომა – დღის დამოკლება, ციკლური ცვლილებები ქალის ორგანიზმში (შემთხვევითი არ არის, რომ ეს დაავადება 8-ჯერ უფრო ხშირია ქალებში, ვიდრე მამაკაცებში).

ძალიან ხშირად დეპრესია გამოვლინდება ხოლმე სხვადასხვა სახით: თავის ტკივილით, სახსრების ტკივილით, ტკივილით ზურგში, უსიამოვნო შეგრძნებით გულის არეში, გულის ფრიალით, არტერიული წნევის ცვლილებებით, კუჭ-ნაწლავის ტრაქტის მოშლილობით. ასეთი დეპრესია „შენიღბულია“ სხვა სიმპტომებით. და ხშირად წლები გადის ხოლმე სხვადასხვა ქრონიკული დაავადების უშედეგო მკურნალობაში. ხოლო მიზეზი მხოლოდ და მხოლოდ დეპრესიაა.



გვაქვს თუ არა დეპრესია?

დეპრესიას ახასიათებს სამი ძირითადი და 7 დამატებითი სიმპტომი (ნიშანი).

- ძირითადი:
1. განწყობილების და-

ქვეითება, მოწყენილობა.

2. სიამოვნების მიღების სურვილის და ინტერესების უქონლობა.

3. გადაღლილობა.

დამატებითი:

1. ყურადღების კონცენტრაციის უნარის დაქვეითება.

2. საკუთარ თავში დაურწმუნებლობა, საკუთარი შესაძლებლობების დაბალი შეფასება.

3. დანაშაულის გრძობა.


4. მომავლის პესიმისტური ხედვა.

5. სუიციდალური (თვითმომკვდინებელი) აზრები და მოქმედებები.

6. ძილის დარღვევა.

7. უმადობა.

მძიმე დეპრესიის დროს აღინიშნება 3 ძირითადი და 4 ან მეტი დამატებითი სიმპტომი. საშუალო სიმძიმის დეპრესიის დროს – 2 ძირითადი და 3 დამატებითი; მსუბუქი დეპრესიის დროს – 2 ძირითადი და 2 დამატებითი.



როგორ გავუმკლავდეთ დეპრესიას?

არსებობს მონაცემები, რომ დეპრესიის მიზეზი გენეტიკურ წინასწარგანწყობაში უნდა ვეძებოთ; ადამიანებს, რომლებსაც აქვთ მიდრეკილება ამ დაავადებისადმი, სიცოცხლის განმავლობაში რამდენჯერმე უმეორდებათ იგი.

სპეციალური ანტიდეპრესიული ღონისძიებების გატარების შედეგად შესაძლებელია არა მარტო მიმდინარე შეტევის დამარცხება, არამედ მოსალოდნელის თავიდან აცილება.

დეპრესიის მკურნალობა გულისხმობს კომპლექსურ ღონისძიებებს, რომლებიც მოიცავს კვების რაციონის, ცხოვრების წესის შეცვლას, აგრეთვე სპეციალური პრეპარატების მიღებას.

დეპრესიით დაავადებულმა უნდა შეცვალოს დღის რეჟიმი, მეტი ისეირნოს სუფთა ჰაერზე, გაზარდოს ფიზიკური დატვირთვა.

რაციონში უნდა შემცირდეს ცხიმები და გაიზარდოს ნახშირწყლები. ამასთან აუცილებელია როგორც „სწრაფი“

ნახშირწყლები (შაქრები), ასევე – „ნელი“ (უჯრედისი).

უნდა ეცადოთ, რომ საკმაო რაოდენობით მიიღოთ B ჯგუფის ვიტამინები და ფოლიუმის მჟავა. ეს ნივთიერებები ახდენს მარეგულირებელ მოქმედებას ნივთიერებათა ცვლის პროცესებზე ორგანიზმში, კერძოდ – ნერვულ უჯრედთა ცხოველმომქმედებაზე. B ჯგუფის ვიტამინების ძირითადი წყაროა ბურღულეული და შავი პური.

ანტიდეპრესანტული პრეპარატები ისეთივე აუცილებელია დეპრესიით დაავადებულთათვის, როგორც ინსულინის ნემსები დიაბეტიანებისათვის. პრაქტიკოსთა მონაცემებით, ავადმყოფთა 68 პროცენტს ესაჭიროება მედიკამენტური ჩარევა ანტიდეპრესანტებით.

ანტიდეპრესანტები იყოფა 2 დიდ ჯგუფად: სინთეზური და ბუნებრივი. სინთეზურ პრეპარატებს, კარგ ეფექტურობასთან ერთად, ახასიათებს უამრავი გვერდითი მოქმედება. ყველაზე ძლიერ მოქმედი ბუნებრივი ანტიდეპრესანტებია კრაზანას ექსტრაქტზე დამზადებული პრეპარატები. ამ ექსტრაქტში შემავალი ბიოლოგიურად აქტიური ნივთიერებები აწესრიგებს სეროტონინის გამოუმუშავებას.

თუმცა დღეს უკვე ბევრი ავადმყოფია გატაცებული ბალახეული წამლებით, ასევე ბევრი თვლის, რომ ფიტოპრეპარატები ძალიან სუსტია და ნელა მოქმედებს, ამიტომ მათი შედარება არ შეიძლება ქიმიურ პრეპარატებთან. კრაზანას ეფექ-

ტურობა ექსპერიმენტულად იქნა დადასტურებული 6000 ავადმყოფზე დაკვირვებისას. აღმოჩნდა, რომ კრაზანას აქტიურობა 6 პროცენტით მაღალია სინთეზურ წამლებთან – იმიპრამინთან, ამიტრიპტილინთან და მაპროტილინთან შედარებით. ანალოგიური შედეგები იქნა მიღებული კრაზანას და ფლუოქსეტინის შედარებითი გამოცდისას. ამასთან, ავადმყოფთა დიდი ნაწილი ქიმიურ პრეპარატებზე უარს ამბობს მათი გვერდითი მოქმედების აუტანლობის გამო. კრაზანას პრეპარატებს კი მინიმალური გვერდითი მოქმედებები ახასიათებს და ავადმყოფები კარგად იტანენ მას.

კრაზანას მშრალ ექსტრაქტზე დამზადებულ პრეპარატს წარმოადგენს ნეგრუსტინი. მასში კონცენტრირებულია ბიოლოგიურად აქტიურ ნივთიერებათა საკმაო რაოდენობა, რაც წამლის ეფექტურობას განაპირობებს. ნეგრუსტინი ნაჩვენებია: მსუბუქი და საშუალო სიმძიმის დეპრესიების, ვეგეტოლისტონიების, შიშების, ქრონიკული დაღლილობის სინდრომის, სეზონური დეპრესიების, კლიმაქსური ფსიქომოციური მოშლილობების, ალკოჰოლიზმის, ნარკომანიის, წამლისმიერი დამოკიდებულების დროს. მისი მიღების წესია: 1 კაფსულა 2-ჯერ დღეში (ორი კვირის განმავლობაში), შემდგომ 1 კაფსულა დღეში. მკურნალობის სრული კურსია 6-8 კვირა.

ორსულებს და 10 წლამდე ბავშვებს პრეპარატი ეძლევათ მხოლოდ ექიმის რეკომენდაციით.

სამკურნალო მცენარეები

ასკილის ფარმაკოლოგიური მოქმედება დაკავშირებულია მასში ვიტამინების კომპლექსის შემცველობასთან. C ვიტამინი განსაზღვრავს ასკილის ნაყოფის ბიოლოგიურ აქტიურობას – მოქმედებს ფერმენტულ სისტემებზე, ახდენს ორგანიზმში ადრენალინის შემცველობის სტაბილიზაციას. ასტიმულირებს ადამიანის წინააღმდეგუნარიანობას ინფექციებისა და სხვა მავნე ფაქტორების მიმართ.



გარდა ამისა, ექსპერიმენტულად დადგინდა C ვიტამინის ანტისკლეროზული მოქმედება, რაც ვლინდება მის მიერ სისხლში ქოლესტერინის დონის შემცირებასა და სისხლძარღვთა კედელზე ათეროსკლეროზული ფოლაქების განლაგების ინჰიბირებაში.

ასკილის ნაყოფი აგრეთვე შეიცავს ვიტამინ P-ს, B-ს და E-ს. მისი პრეპარატები ახდენს ქსოვილთა რეგენერაციის (აღდგენის) გაძლიერებას, დადებითად მოქმედებს სისხლძარღვთა გამტარებლობაზე. მათ აქვთ ანტიანთებითი, ნალვლმდენი და შარდმდენი თვისებები.

ასკილის ნაყოფი გამოიყენება C ვიტამინის ნაკლებობის დროს, რაც გამოიხატება ორგანიზმის ინფექციებისადმი

წინააღმდეგობის უნარიანობის დაქვეითებით. მისი დეფიციტი აღენიშნებათ აღამიანებს, რომლებმაც გადაიტანეს მძიმე და ხანგრძლივი ფსიქო-ემოციური ტრავმა; აგრეთვე მათ, ვინც გადაიტანა ქირურგიული ოპერაცია; ორსულებს და მეძუძურ დედებს.

ასკილის პრეპარატებს ნიშნავენ მწვავე და ქრონიკული ინფექციების, ათეროსკლეროზის, ნეფრიტების, ღვიძლის დაავადებების, ნაწლავის ანთებითი პროცესების, წყლულოვანი დაავადების, ჰემორაგიული დიათეზის, ჰემოფილიის, სისხლდენების, ტრავმული შოკის დროს.

ასკილს იყენებენ პნევმონიის, ბრონ-

ქოპნემონიის, ბრონქოექტაზიის დროს. იგი ეფექტურია თვალის სისხლძარღვოვანი პათოლოგიით გამოწვეული დაავადებების შემთხვევაში.

ასკილის ნაყოფი შედეგს იძლევა ბრონქული ასთმის დროსაც.

ასკილის ზეთი გამოიყენება სტომატოლოგიაში (პირის ღრუს ლორწოვანის ანთებების სამკურნალოდ) და კანის სხვადასხვა პათოლოგიების სამკურნალოდ (ტროფიკული წყლულები, დერმატოზები).

ასკილის ნაყოფი უნდა შევავროკოთ შემოდგომაზე. ამ დროს იგი მუქდება (მწიფეა) და ვიტამინების რაოდენობაც მატულობს. შრობა უნდა მოხდეს მზეზე. სათანადოდ გამშრალი ნაყოფი ადვილად ტყდება, ცუდად გამშრალი კი – ხელში იჭმუჭნება.

ნაყენის დამზადების წესი: 1 სუფრის კოვზი ასკილის ნაყოფი ჩაყარეთ მომინანქრებულ ჭურჭელში, დაასხით 1,5 ჭიქა აღუღებული წყალი, დაახურეთ თავსახური და 15 წთ-ით მოათავსეთ მღულარე წყლის ორთქლზე. გაცივების შემდეგ გადაწურეთ და დადგით გრილ ადგილას.

მიღების წესი: 1/2 ჭიქა 2-3-ჯერ დღეში ჭამის შემდეგ.

ღიასახლისის კუთხა

მომზადებული კერძი არ გააჩეროთ სპილენძის ან ალუმინის ქვაბში. ის სწრაფად გადაიტანეთ მომინანქრებულ ჭურჭელში. მაცივარში შენახვისას ეცადეთ, კერძი თავლია არ შეინახოთ.

სოსის უფრო გემრიელი იქნება, თუ მას მოხარშავთ არა წყალში, არამედ ორთქლზე 4-5 წუთის განმავლობაში.

ხაჭოს მოსამზადებლად არ გამოიყენოთ თავისით აჭრილი რძე. ასეთი რძით მომზადებული ხაჭოთი შეიძლება მოიწამლოთ.

ხანგრძლივი დუღილის დროს მცენარეული ზეთი კარგავს სასარგებლო თვისებებს. ამიტომ ერთხელ გამოყენებული ზეთის ხელშეორვედ ხმარება არასასურველია. ამ დროს წარმოიქმნება ნივთიერებები, რომელიც იწვევს კუჭის ლორწოვანის, ნაწლავებისა და ღვიძლის გაღიზიანებას, კუჭის წვას. არსებობს მოსაზრება, რომ რამდენჯერმე გაცხელებულ ცხიმს აქვს კანცეროგენული ზემოქმედება.

თაფლიან ქილაში არ ჩატოვოთ დანა ან კოვზი. თაფლი შეიცავს ორგანულ მჟავებს, რომელიც იშლება ლითონთან შეხებისას.

ბურღულეულის დიდხანს შენახვა არ არის რეკომენდებული. მას უნდა არასასიამოვნო, შმორის სუნი, მომწარო გემო. სწრაფად ფუჭდება შვრიის, ფეტვის, სიმინდის ბურღულეულობა, ვინაიდან მათში დიდია ცხიმის შემცველობა.

როცა შესანახად ამზადებთ პროდუქტებს, გახსოვდეთ: პლასტმასის თავსახური ვერ უზრუნველყოფს სრულ ჰერმეტიულობას. მისი გამოყენება ხილფაფის, მურაბის შესანახად შეიძლება. კომპოტების, წვენების, ბოსტნეულის შენახვისას კი, როცა სრული ჰერმეტიულობაა საჭირო, გამოიყენეთ ლითონის თავსახურები.

მოკრეფილმა ხილმა რომ უფრო დიდხანს გაძლოს (აღუბალი, ქლიავი, ბალი, ქაჯვი, მარწყვი, მაცვალი, ყოლო), მოკრიფეთ ფუნჯებთან ერთად, ისე, რომ ნაყოფი არ დაზიანდეს.

მანანის ბურღული ფაფუკი და სასიამოვნო რომ მომზადდეს, წინასწარ დააღებთ რძეში ან წყალში, ნახევარი საათით მაინც. დამკვანარი, მოღვენილი მწვანილი რომ გამოაცოცხლოთ, 1

საათის განმავლობაში მოათავსეთ ძმრან ცივ წყალში (1 ლ წყალზე 1 სუფრის კოვზი ძმარი).

ხორცი მაცივრის გარეშე არ გაგიფუჭდებთ, თუ 1-2 დღე ძმარში დასველებულ ხელსაწმენდში შეინახავთ ან, პატარა ნაჭრებად დაჭრილს, მომინანქრებულ ჭურჭელში ჩააწყობთ, ძმარს დააკურებთ და ფაიფურის თევშს დააფარებთ.

ქათმის ბულიონს ხახვისა და სტაფილოს გარდა, სხვა საკაზმს ნუ უზამთ, თორემ გემო გაუფუჭდება.

თევზი შეწვისას ტაფას რომ არ მიეკრას, ცხიმს ცოტა მარილი დაუმატეთ, ხოლო ხორცის შეწვისას ტაფაზე სტაფილოს რამდენიმე ნაჭერი დადეთ.

ადუღებისას მიმწვარ რძეს რომ უსიამოვნო სუნი მოაცილოთ, სასწრაფოდ გადაიტანეთ სხვა ჭურჭელში, დაუმატეთ ცოტა მარილი და ჩადვით წყლიან თასში.


მურაბის მოსადუღებლად საჭიროა, ვინმაროთ უჟანგავი ფოლადის ან მომინანქრებული თასი. დასაშვებია მურაბის მოდუღება სპილენძის ან თითბრის თასზეც, მაგრამ უნდა ვიცოდეთ, რომ არ შეიძლება სპილენძის ან თითბრის ჯამის ხმარება, თუ მას აქვს გამუქებული ზედაპირი ან დაფარულია ნალექით. საჭიროა მათი გახეხვა ძალიან კარგად, ისე, რომ პრიალებდეს. მოხარშული მურაბა სწრაფად უნდა გადავილოთ სხვა ჭურჭელში, ჯამი კი სასწრაფოდ გაიხეხოს სიპრიალემდე.

კვერცხი ნაჭუჭის ნახეთქებიდან რომ არ გამოვიდეს, უნდა მოიხარშოს მარილიან წყალში.

ჭარხალი ფერს არ დაკარგავს, თუ ხარშვისას ძმარს ჩაუმატებთ.



კუთხა პასუხი



მყავს 10 წლის ბავშვი. თითქმის მუდმივად აქვს გამონადენი ცხვირში (ხან თეთრი, ხანაც უყვითლდება და ჩირქიანი უხდება). საერთოდ ადვილად ცივდება. გადაუღებთ თავის ქალის სურათი, მაგრამ ჰაიმორიტი არ აღმოაჩნდა. ბავშვობაში ჰქონდა ალერგიული დიათეზი. სხვა არაფერი აწუხებს. როგორ ვუმკურნალოთ?

10 წლის ბავშვს თავის ქალის ძელოვანი ღრუები (მათ შორის ჰაიმორისაც) ჩამოყალიბების პროცესში აქვს, ამიტომ ჰაიმორიტი, თავისი დასრულებული სახით ალბათ ვერც იქნებოდა. სავარაუდოა, რომ ბავშვს აქვს ალერგიული ფონი – გადაჭარბებული მგრძობელობა გამღიზიანებლის მიმართ, რაც ლორწოვანი გარსის შეშუპებათა და ლორწოვანი გამონადენის გამოყოფით ვლინდება. ამიტომ მას ესაჭიროება ანტიალერგიული მკურნალობა ალერგოლოგის მეთვალყურეობით. გარდა ამისა, რადგან ბავშვი ადვილად ცივდება, საჭიროა, გაიზარდოს მისი ორგანიზმის თავდაცვისუნარიანობა (იმუნიტეტი) ინფექციების მიმართ. ძალიან

კარგია გაკაჟება ფიზიკური ვარჯიშით, მასაჟებით, სუნთქვითი ვარჯიშები, ვიტამინოთერაპია (მათ შორის, C ვიტამინი).

ყველაზე მარტივი და ხელმისაწვდომი საშუალებებიდან რას გვიჩვენებთ ჩიყვის პროფილაქტიკისათვის?

1. ყოველდღიურად უნდა ჭამოთ 2 ცალი კაკალი. იგი საკმაო რაოდენობით შეიცავს იოდს და ისეთ ნივთიერებებს, რომლებიც ორგანიზმში იოდის ცვლას უწყობს ხელს.
2. მიიღეთ ნატურალური თაფლი ყოველდღიურად, 1-2 სუფრის კოვზი მაინც.
3. შეიძინეთ არაფალსიფიცირებული იოდირებული მარილი და საჭმლის მომზადებისას გამოიყენეთ ყოველდღიურად (მარილს ვადა არ უნდა ჰქონდეს გასული).

რა არის მელენა და რა იწვევს მას?

მელენა ბერძნული სიტყვაა და შავს ნიშნავს. მედიცინაში ამ ტერმინით აღნიშნავენ შავი განავლის გამოყოფას, რაც საჭმლის მომნელებელ მილში ფარული სისხლდენით არის გამოწვეული. მას ძირითადად იწვევს კუჭის ან ნაწლავების წყლულოვანი დაავადება, რომელიც, გამწვავების შემთხვევაში, შესაძლოა, სისხლმდენი გახდეს.

მოამზადა თამარ მამასაშვილი




ვნუბიანი მათ და მისი „ნოთელი იმპერატორის“

ასკეტიზმის მქადაგებელი მათ დუნის სასახლის კედლები საიდუმლოებით მოცული მოვლენების მთელ სამყაროს ინახავდა.

მთელი ცხოვრების მანძილზე მათ თავის ხალხს ფანატიკოსი პურიტანის ცხოვრების ნირს ახვევდა თავს, თითქოს უბრალო გლეხებით ცხოვრობდა, მაგარ ჩინურ საწოლზე ეძინა და მხოლოდ ბრინჯითა და ვერმიშულით იკვებებოდა. მისი სიკვდილიდან თხუთმეტი წლის შემდეგ, საიდუმლოებებს ფარდა აეხადა: თურმე არც ერთ იმპერატორს არ უცხოვრია ისეთ განცხრობაში, როგორშიც მათს. პეკინში მდებარე მათს სასახლე ჩინეთის ერთ-ერთ ყველაზე მდიდრულ და ნატიფ ნაგებობად ითვლება. ნებისმიერ ქალაქში, სადაც მათს უხდებოდა ჩასვლა, მის განკარგულებაში საგანგებოდ გაწვრთნილი ქალთა საცეკვაო ჯგუფი იყო.

ცხოვრების უმეტესი ნაწილი მათ ჩინეთში ყველაზე დიდ საწოლში გაატარა: ამ საწოლში კიდევ მუშაობდა და კიდევ ერთობოდა.

მათ თავისი ხალხი „ლურჯ ჭიანჭველებად“ აქცია, ბაბბის ქსოვილის ერთნაირი კოსტიუმებით შემოსა, რომელშიც ქალისა და მამაკაცის ერთმანეთისგან გარჩევაც კი რთული იყო. თავად კი ასეთი ცხოვრება არ სურდა. მის დიდ აუზში ყოველთვის უფრო მეტი ნორჩი



შეყვარებული წყვილი...

გოგონა იყო, ვიდრე ნებისმიერი პოლივულელი კინორეჟისორის აპარტამენტებში. რაც უფრო შედიოდა ასაკში, მით უფრო მცირეწლოვან გოგონებს ეტანებოდა...

როცა 1972 წლის თებერვალში აშშ-ის იმდროინდელმა პრეზიდენტმა რიჩარდ ნიქსონმა და სახელმწიფო მდივანმა ჰენრი კისინჯერმა პეკინი მონახულეს, მათ უკვე მეტისმეტად დაფეხვილი იყო:

დაუხმარებლად, აღარც ჩაცმა შეეძლო და ფეხზე დგომაც უჭირდა. აღვირახსნილმა ცხოვრებამ მძიმე დალი დაასვა.

... 1949 წელს მათ ძედუნის, მისი კომუნისტური არმიის და პოლიტიკომისრების პეკინში შესვლა სულაც არ ჰგავდა რომელიმე იმპერატორის გამეფების რიტუალს, ათასწლეულების მანძილზე რომ მართავდნენ ჩინეთს.

ბევრი დინასტია მოღვაწეობას იმით იწყებდა, რომ დედაქალაქს ანგრევდა და ახალს აშენებდა. მათ და მისმა თანამებრძოლებმა კი, უბრალოდ იმპერატორის ძველ სასახლეში დაიდეს ბინა.

მაოს არ სურდა ე.წ. აკრძალულ ქალაქში შესვლა, მაგრამ უარს ვერ იტყოდა ჩუნგანხაის – ტბებისა და სასახლეების ჯადოსნური, შესანიშნავი პარკის დაკავებაზე, რომელმაც მარკოპოლოს დროიდან სულ მცირედი ცვლილება განიცადა. უბრალო ხალხს იქნარ უშვებდნენ, ეს წესი მათს დროსაც მოქმედებდა.

როფიგ

ახალი მაოისტური ხელისუფლების ცხოვრების წესი, თანასწორობისა და ძობის მქადაგებელი, სამართლიანი საზოგადოების მსურველი, ყველა პრივილეგიის გაუქმების მომხრე ხალხისთვის არახული სისწრაფით დამკვიდრდა სასახლეებში. ძველ დედაქალაქში გადასვლის პირველივე თვეებში მათ და მისმა კომისრებმა სიმდიდრისა და ძალაუფლების მთელი სიტკბო იგემეს.

პეკინის უძველესი სასახლეების გულმოდგინე დათვალიერების შემდეგ, რეზიდენციისთვის მათ ჩუნგანხაი აირჩია. ეს წყნარი, თითქმის მოუვლელი შენობების კომპლექსი იყო, რომელშიც მე-20 საუკუნის 10-20-იანი წლების შემდეგ, პრაქტიკულად არავის უცხოვრია. ერთ კუთხეში პატარა სკოლა იყო მიყუჟული, მეორეში კი მუნიციპალური სამსახურები განეთავსებინათ. ეს იყო და ეს. სასახლის ბევრი შენობა მრავალი წლის მანძილზე გამოუყენებელი იყო და თანდათან ინგრეოდა.

მათ დოვლათიან ბაღად წოდებულ ტერიტორიაზე, XVII საუკუნეში აგებულ ცინის დინასტიის სასახლეში გადაწყვიტა დასახლება. დოვლათიან ბაღში აღმართული იყო ცინის უდიდესი იმპერატორის კან მეთერთმეტის მიერ აგებული „ინიანტანი“. იმპერატორმა სასახლეს „ნატიფისადმი პატივისცემის დარბაზი“ უწოდა, რესპუბლიკელთა ერაში მას „მეგობრული საუბრების დარბაზი“ უწოდეს, ხოლო მათ მას „დღევრძელობის დარბაზი“ შეარქვა.

ამ დიდებული ნაგებობის ფლიველი, რომლის სახურავიც მერცხლის ფრთების ფორმისაა და ჯერ კიდევ დაფარულია დინასტიური წითელ-ყავისფერი და იმპერიული ყვითელი კრამიტით, „ქრისტიანთების არმატის მოსასვენებლის“ სახელით იყო ცნობილი. ოდესღაც იქ იმპერატორის ბიბლიოთეკა იყო. ნაგებობის სწორედ ეს ნაწილი მომზადდა საგულდაგულოდ მაოს მობრძანებისთვის.

მაოს საცხოვრებელი მისივე გემოვნებით მოაწყვეს. საძინებელი ყველაზე დიდი ოთახი იყო სასახლეში, ეზოში გამავალი ფანჯრის გვერდით, უზარმაზარი საწოლი იდგა, რომელიც თანამედროვე პეკინის ბინებზე უფრო დიდი ზომისა იყო.

მაოს ბალიშების გროვაზე უყვარდა მოსვენება. მთელი ცხოვრების მანძილზე საწოლის ნახევარზე წიგნები, გაზეთები, ჩინელი კლასიკოსების გრაფიკები ეწყო, რომელიც მაოს ბავშვობიდან მოყოლებული, ვიდრე ღრმა მოხუცებულობამდე არაერთხელ წაუკითხავს. რაც შეეხება საწოლის მეორე ნახევარს, მასზე ბევრ სხვადასხვაგვარ სტუმარს გაუტარებია დრო.

1949 წლის პირველ ოქტომბერს ტიანანმენის მოედანზე ახალი ძალაუფლების გამოცხადების ცერემონია მიმდინარეობდა. მოზეიმე ბრბოს ამკარად აკლდა ერთი ადამიანი: ძიან ცინი, — მაო ძედუნის ცოლი, რომელიც მაშინ 35 წლისა იყო და მაოსთან უკვე თერთმეტი წელიწადი ჰქონდა გატარებული.

... ძიან ცინის მამა წვრილი მოვაჭრე იყო — ეს ერთი ვერსიით, მეორის თანახმად კი — საშუალო შეძლების გლეხი. მშობლები როცა დაეხსოვა, გოგონა 14 წლისაც არ იყო. მასზე მზრუნველობა ბაბუამ — ქალაქ ძიანანის ერთ-ერთი საშუალო სკოლის დირექტორმა იკისრა. რამდენიმე ხანში ბაბუამ შეილიშვილი პროვინციულ ექსპერიმენტულ დრამატულ სასწავლებელში მოაწყო. იმ დროისთვის გოგონა ბაბუის გვარს — ლის ატარებდა და სახელად კი იუანხე („წერო ღრუბლებს შორის“) ერქვა.

სასწავლებელში მისვლიდან წელიწად-ნახევრის შემდეგ ლი იუანხე მორცხვი გოგონადან, ტანად, მოხდენილ ქალად იქცა. სიმორცხვე უკვალოდ გაქრა, მას „სწორედ ის მის ლი“ შეარქვეს.

მის ლი დიდხანს არ ყოფილა მართო. მან ქმარი იქვე იპოვა, სადაც სწავლობდა, ისინი მალევე დაშორდნენ, ამიტომ პირველი ქორწინების შესახებ



მაო ძედუნი: მზრუნველი მამა ქალიშვილებთან ერთად.

ცნობები არ არის შემონახული.

1933 წლის დასაწყისში მის ლიმ სწავლა მიატოვა და ქალაქ ცინდაოში გადავიდა, იქაური უნივერსიტეტის ბიბლიოთეკაში მოეწყო და... იმავე უნივერსიტეტის სტუდენტი შეუყვარდა. ყმაწვილი მას ერთ-ერთ საყვარლად აღიქვამდა, იმავე 1933 წლის ბოლოს ახალგაზრდა კაცი სასწავლებლად პეკინის უნივერსიტეტში გადავიდა და გაქრა. 30-იანი წლების დასაწყისში შანხაის „ჩინეთის ოცნებების ფაბრიკას“ უწოდებდნენ. იქ მთელი ჩინეთიდან ჩამოდიოდნენ მწერლები, სცენარისტები, რეჟისორები, მსახიობები... მის ლიმ წარსულს ხაზი გადაუსვა და 1934 წელს შანხაიში ლან პინის სახელით ჩავიდა, ჩინეთის ადგილობრივი კომუნისტური პარტიის ერთ-ერთი ხელმძღვანელის საყვარელი განდა, იმ იმედით რომ შანხაის ბევრ კინოსტუდიას კომუნისტები აკონტროლებდნენ, მაგრამ ახალმა შეყვარებულმა ის თავის საკუთრებად გამოაცხადა. ერთგული, დამჯერი თანამგზავრის როლი ქალს არ ხიბლავდა, ამიტომ სწრაფად გადაერთო კინოკრიტიკოს, სცენარისტ და მსახიობ ტან ნაზე. ისინი მალე დაქორწინდნენ კიდევ. მრავალმხრივი კავშირის მქონე ტან ნას წრემ მას დიდი ეკრანისკენ გზა მაინც ვერ გაუხსნა. სულ მალე ოჯახში სკანდალი დაიწყო. ტან ნამ გაიგო, რომ ცოლმა თავლობის თვეშივე უღალატა, — იმ იმედით, რომ მიიღებდა მთავარ როლს ფილმში „ტიანფუნი“. ოჯახში გაჩენილი უთანხმოება ლან პინმა ადვილად მოაგვარა — ის გაქრა, მშობლიურ ქალაქში დაბრუნდა და იქიდან ადევნებდა თვალ-ყურს მოვლენების განვითარებას: შანხაის ბოკემაში ის პოპულარული ხდებოდა, რასაც ხელი შეუ-

წყო ტან ნას მიერ განხორციელებულმა თვითმკვლელობის მცდელობამაც.

სამსახიობო კარიერაში ლან პინს არ გაუმართლა, მან როლი კი მიიღო ფილმში — „ჩინეთის შვილები“, მაგრამ შემდგომში კინოში გადასაღებად აღარ იწვევდნენ. ქალი ქალაქ იანანში გაემგზავრა.

მაო ძედუნი დროდადრო ლექციებს ატარებდა იანანის ხელოვნების ინსტიტუტში. ერთხელაც მისი ყურადღება პირველ რიგში მჯდომმა ახალგაზრდა ქალმა მიიპყრო, ქალი ზედმეტად ხმაურობდა და აპლოდისმენტებს არ იშურებდა. ლან პინმა ამჯერად „ათიანში“ მოარტყა. ქალების დიდი მოტრფიალე თავმჯდომარე იმხანად მართო ცხოვრობდა: მისი მესამე ცოლი ბრძოლებში მიღებულ ჭრილობებს იმუშებდა. იმ ლექციიდან სულ ცოტა ხანში ლან პინი მაო ძედუნს რეზიდენციაში ესტუმრა. დაცვას უთხრა, რომ თავმჯდომარესთან „ზოგიერთი იდეოლოგიური საკითხის“

კარიკატურა ჩინურ პრესაში



განხილვა სურდა. საოცარია, მაგრამ ის შეუშვეს. საერთო საცხოვრებელში ლან პინი მეორე დღეს დაბრუნდა...

ქალს სულაც არ ანაღვლებდა, რომ მას ჰყავდა კანონიერი ცოლი და ხუთი შვილი, არც ის აღელვებდა, რომ კაცი მასზე ოცი წლით უფროსი იყო. 1940 წლის ზაფხულში ის მას სახლში გადაბარდა. სულ მალე ლან პინი – „ცისფერი ვაშლის ხე“, ძიან ცინად – „ცისფერ მდინარედ“ იქცა.

მოს პარტიული თანამებრძოლები ეწინააღმდეგებოდნენ თავქარიან მსახიობზე დაქორწინებას, ქალის წარსულის შესახებაც ყველაფერი კარგად იცოდნენ, მაგრამ ძიან ცინმა თავისი გაიტანა. 1941 წლის გაზაფხულზე მან თავმჯდომარეს გოგო გაუჩინა.

საბოლოოდ, კომპარტიის ცენტრალურმა კომიტეტმა მათ ქელუნს უფლება დართო, გაჰყოლოდა ცოლს და ძიან ცინზე ექორწინა, თუმცა პირობა ჩამოართვეს, რომ ძიან ცინი – მისი მეოთხე ცოლი, სახელმწიფო საქმეებში არ ჩაერეოდა.

ძიან ცინი ამ ამბავს მშვიდად შეხვდა, მას მომავლის იმედი ჰქონდა, მაგრამ ქორწინების მოწინააღმდეგეები მის იგნორირებას განაგრძობდნენ. მათ ქელუნს ცოლის დაცვას არ ცდილობდა და მას შურიან ქალს უწოდებდა, მასთან ქორწინებას კი – შეცდომად მიიჩნევდა.

თანდათანობით ისიც გაირკვა, რომ მას საკმაოდ პრიმიტიული სექსუალური გემოვნება ჰქონდა: მაღალი რანგის ჰარამხანების გოგონებს ის უბრალო გლეხის ქალებსა და შემთხვევით ნაცნობებს ამჯობინებდა.

ჩუნგნანხაიში ისე ცხოვრობდა, როგორც თავად სურდა. სასახლეში ნახევრად შიშველი დასეირნობდა...

დიდი ლაშქრობის ბევრი სხვა მონაწილის მსგავსად, მათაც დაეჩვია საძილე აბებს, რომლის გარეშეც ვეღარ იძინებდა, თუმცა მათი საშუალებითაც კი ძალიან ცოტა – პირადი დაცვის გაანგარიშებით, კვირაში დაახლოებით 30 საათი ეძინა.

იმპერატორთა ფუფუნების ნარჩენებს შორის ცხოვრებამ გაცილებით დიდი გავლენა მოახდინა პარტიული ცხოვრების სტილზე, ვიდრე ამას თავად მათ აცნობიერებდა. ეს უკვე აღარ იყო სამხედრო ბანაკი მდინარე დაღუხეზე ან შანხაის ჩრდილოეთით მდებარე ქალა-



ძიან ცინი 25 წლისაა, ის ახლახან მოს ცოლი გახდა

ქი-გამოქვაბული. ეს გასაიდუმლოებული სასახლეებისა და ვილების კომპლექსი იყო, რომლის ანალოგიც მსოფლიოში არ არსებობდა.

მათ და მისი თანამებრძოლები, როგორც მამაკაცი, ასევე ქალები, ჩუნგნანხაის ტბაზე სეირნობით ერთობოდნენ, მაგრამ უბრალო ხალხისთვის მათი ყოფა მიუწვდომელი იყო. ვერც ვინმე შეაწუხებდა ქვეყნის ლიდერებს: ჩუნგნანხაიში მდებარეობდა ცენტრალური კომიტეტი, თავისი აპარატით. იგი საიმედოდ იყო დაცული გარეშე თვალისაგან, რადგან იქ არნახული დაცვა და უსაფრთხოების უმკაცრესი წესები იყო.

„ქრიზანთემის არომატის მოსასვენებელში“ გადასულმა მათ ბევრი ძველი, იმპერატორის დროინდელი გართობა განახლა, მათ შორის მე-14 საუკუნეში იუანის დინასტიის იმპერატორთა საყვარელი „თოთხმეტი ციური ეშმაკის“ ცეკვა. ეს იყო ეროტიკული ცეკვები, რომელსაც ფარჩა-აბრეშუმში გამოწყობილი და ძვირფასეულობით მორთულ-მოკაზმული გოგონები ასრულებდნენ.

ოცდაათიანი წლების მიწურულს საიდუმლო პოლიციის უფროსი კან შენი მას ეროტიკული ლიტერატურით ამარაგებდა. ეს იყო ხელნაწერი, ხელით მოხატული წიგნები – სექსუალური პრაქტიკის სახელმძღვანელოები.

ჩინელი ხალხი მსოფლიოში ცნობილია უმდიდრესი და მრავალფეროვანი ეროტიკული ლიტერატურით. არ-

სებულ წიგნებს შორის მას საყვარელი რომანი „ჩინ პინ მეი“ – სრულიად გამორჩეულია. რომანში მეცამეტე საუკუნის დროინდელი ჩინეთის უმაღლესი საზოგადოების ცხოვრების პანორამა გულანდილი სექსუალური პასაჟებით არის გამდიდრებული.

ის, რომ მას საუკეთესო ეროტიკული კოლექცია ჰქონდა ჩინეთში, ბევრისთვის არ იყო ცნობილი, თუმცა მისი სექსუალური გადახრების უახლოესი წრისგან დამალვა შეუძლებელი იყო. მის საძინებელ-კაბინეტს უამრავი ადამიანი სტუმრობდა.

მას შემდეგ, რაც ძიან ცინი მასთან სარეცელს აღარ იყოფდა, საიდუმლო პოლიციის შეფი კან შენი, ბელადს ახალგაზრდა საყვარლებით ამარაგებდა.

მასთან მიყვანილ ქალებს პირადად კან შენი ამოწმებდა – ხომ არ იყვნენ დაქორავებული მკვლელები ან მოწინააღმდეგეთა ჯაშუშები. თუმცა, ეს შემოწმებაც ზედაპირული იყო და ახლოსაც ვერ მივიდოდა იმპერატორების დროინდელ უსაფრთხოებასთან – როცა გვირგვინოსანთან მიყვანილ ქალებს აშიშვლებდნენ, ამოწმებდნენ და აბრეშუმის ქსოვილით შემოსილები მიჰყავდათ საძინებელში, რათა მათ ვერსად დაემაღათ ხანჯალი ან სხვა იარაღი...

ძიან ცინმა გულში ღრმად ჩაიღო წყენა მათზე, ვინც მას თავმჯდომარის ცოლად არ ცნობდა. როგორც კი 1966 წელს ქვეყანაში უდიდესი პროლეტარული „კულტურული რევოლუციის“ ხანძარი ავიზგიზდა (ამ ამბებში ძიან ცინიც იყო ჩართული), მის სახელებს კიდევ ერთი – „წითელი იმპერატორიცა“ შეემატა.

თავის ძველ მტრებს მან „ჯაშუშები და სამშობლოს მოღალატეები“ უწოდა და საზღვარგარეთთან „მჭიდრო კავშირში“ დასდო ბრალი. ერთნი დაიღუპნენ, მეორენი – გისოსებს მიღმა აღმოჩნდნენ, ზოგიერთებმა კი „გამოსასწორებელ სამუშაოებზე“ საღორეებში ამოყვეს თავი. იმავდროულად გაჩაღდა ძიან ცინის ნიჭიერ მსახიობად და „ჩინეთის ტრადიციული თეატრის უდიდეს რეფორმატორად“ აღიარების კამპანია. მან რვა პოპულარული სპექტაკლი „სანიშნო რევოლუციურ დადგმად“ აქცია.

ჩვენ გვაძილებდნენ, ისინი მრავალჯერ გვენახა. ჩვენებაზე წასვლაზე უარის თქმა პოლიტიკურ შეცდომად განიხილებოდა, – იხსენებს ცნობილი დრამა-

ტურგი ცაო იუი.

ლიტერატურა და ხელოვნება დიან ცინის მოღვაწეობის ერთადერთი სფერო როდი იყო. ის არანაკლებ აქტიურად ერეოდა ქვეყნის საშინაო და საგარეო პოლიტიკაში, ეკონომიკურ საკითხებში, სოციალურ სფეროში. ამასთანავე, თავისი წარსულის მოწმეებსაც არ ივიწყებდა.

როდესაც პეკინში ჩაიყვანეს ქალი, რომელიც დიან ცინთან 30-იან წლებში მოსამსახურედ მუშაობდა, მას ეგონა, რომ დიან ცინს მადლობის გადახდა სურდა, რადგან, ერთხელ სიკვდილს გადაარჩინა, როცა საყვარელი დანით დასდევდა მოსაკლავად. ამის მაგივრად, დიან ცინმა ქალი 7 წლით ციხეში გამოამწყვდია...

მაოსა და დიან ცინს ძალიან უყვარდათ ძველებური, ანტიკვარული ნივთები და იმპერატორის დროინდელი რარიტეტები. კან შენსაც ჰქონდა თავისი კოლექცია, რომელიც კულტურული რევოლუციის დასაწყისისთვის ათი ათასი ნივთისგან და ორმოცი ათასი წიგნისაგან შედგებოდა.

ბევრი მათგანი ძალიან ღიდი ისტორიული და მატერიალური ფასეულობით გამოირჩეოდა. თითქმის ყველა რარიტეტი აკრძალული ქალაქის მუზეუმებიდან იყო დატაცებული. მაოს მიერ ცოლისადმი მიწერილი ერთ-ერთი ბოლო წერილი წინასწარმეტყველური აღმოჩნდა: „დღეს ჩვენ ერთმანეთს ვშორდებით. მოდი, ორივემ შევინარჩუნოთ სულიერი სიმშვიდე. ადამიანის ცხოვრება შეზღუდულია, რევოლუციას კი საზღვრები არ გააჩნია. ბოლო ათი წელი მე ვცდილობდი, რევოლუციის მწვერ-

ვალისთვის მიმეღწია, მაგრამ წარუმატებლობა ვიწვინე. თქვენ ჯერ კიდევ შეგიძლიათ მიაღწიოთ ამ მწვერვალს, მაგრამ იცოდეთ: თუ ამას ვერ მოახერხებთ, უფსკრულში გადაიჩენებით და დაიღუპებით“.

მაო ძედუნი 1976 წლის ცხრა სექტემბერს გარდაიცვალა. სულ მალე მისმა მეუღლემ ჩინეთის კომპარტიის ცენტრალური კომიტეტის კანცელარიაში შეაღწია, რამდენიმე ძალიან მნიშვნელოვანი საბუთი მოიპარა და უმაღლესი ხელისუფლების თათბირის მოწვევა მოითხოვა, სადაც უნდოდა, ამ დოკუმენტების წარდგენის გზით დაემტკიცებინა, რომ ცენტრალური კომიტეტის თავმჯდომარის პოსტზე მაო ძედუნის ერთადერთი კანონიერი მემკვიდრე თავად იყო. კრება 30 სექტემბერს შედგა.

თავდაცვის მინისტრმა დიან ცინს საბუთების ჩვენება მოსთხოვა, ყურადღებით დაათვალიერა და თქვა: „აქ არ არის არც ერთი იეროგლიფი, რომელიც მიანიშნებს, რომ სწორედ თქვენ გთვლიდათ თავმჯდომარე მაო თავის მემკვიდრედ“. შემდეგ დოკუმენტები მოულოდნელად პრემიერ-მინისტრს გადასცა და თქვა: „დარწმუნებული ვარ, მაოს სურდა, მისი მემკვიდრე თქვენ ყოფილიყავით“. დიან ცინმა სცადა საბუთების წართმევა, დაიწყო ჩხუბი, მაგრამ ძალთა თანაფარდობა აშკარად — უთანასწორო იყო. როცა მიხვდა, რომ გამარჯვებას ვერ მოიპოვებდა, დიან ცინმა ისტერიკულად შეჰყვირა: „ჯერ თავმჯდომარე მაოს ნეშტი არ გაცივებულა, თქვენ კი უკვე ჩემი გავდება გსურთ?!“

ქვრივს გარიგება შესთავაზეს:

უდარდელი და უზრუნველი სიბერე, ყოველგვარი პოლიტიკური მოღვაწეობის შეწყვეტის სანაცვლოდ. განრისხებულმა „წითელმა იმპერატრიცამ“ ამ გარიგებაზე უარი განაცხადა.

ერთი კვირის შემდეგ დიან ცინი და მისი სამი თანამდგომი დააპატიმრეს. ოთხი წლის შემდეგ, 1980 წლის სექტემბერში კი სასამართლოს გადასცეს. ორნი „ოთხთა ბანდიდან“, როგორც მათ უწოდებდნენ, შეწყალებას ითხოვდნენ. მესამეს სასამართლოზე ერთი სიტყვაც არ უთქვამს. მხოლოდ „წითელი იმპერატრიცას“ სიტყვა იყო თავხედური და შეუდრეკელი.

... „ყველაფერი, რასაც ვაკეთებდი, ჩინეთის კომპარტიის ცენტრალური კომიტეტისა და მაოს გადაწყვეტილებებს ეთანხმებოდა“.

... „ჩემი დაპატიმრება და გასამართლება თავმჯდომარე მაოს სახელის შებღალვის ტოლფასია“.

... „გამათავისუფლეთ და მომეციოთ ჩრდილო-აღმოსავლეთი პროვინციები... და თუ თქვენ მთელი დანარჩენი ქვეყნით ჩემს დამარცხებას შეძლებთ, მე ღენ სიაოპინის სიმართლეს ვადიარებ“.

... „ღიახ, მე მინდოდა სოციალისტური ჩინეთის პირველი იმპერატრიცა გავმხდარიყავი“.

1981 წლის იანვარში სასამართლომ დიან ცინს სიკვდილით დასჯა მიუსაჯა, მოგვიანებით სასჯელი სამუდამო პატიმრობით შეიცვალა.

1991 წლის 14 მაისს მაო ძედუნის ქვრივმა თავის ერთკაციან საკანში თავი ჩამოიხრჩო...

მონაგვლა მანანა ლოლობერიძემ

სამგლოვიარო მიტინგს ყველა ხელმძღვანელი ესწრებოდა, მათ შორის „ოთხთა ბანდაც“, მაგრამ რამდენიმე დღის შემდეგ გამოსულ გაზეთებში მათი სახეები უკვე წაშლილი იყო





დაიწყეთ, გაერთეთ, იპაჩიეთ!

ეს თამაში ერუდიციაზე, ინტუიციასა და აზარტზეა აგებული. თუ ეს ყველაფერი გახასიათებთ, აუცილებლად გამოსცადეთ თავი და გონების გავარჯიშების შემდეგ, წარმატების მიღწევა არც ერთ სხვა თამაშში არ გაგიჭირდებათ!

თითოეულ უთხვავზე მოცემული ოთხი პასუხიდან, თქვენი აზრით სწორი მონიშნეთ. თავის შემონიშნების საშუალება ერთ უვირამში მოგეცემათ: სწორი პასუხები „გზის“ მომდევნო ნომერში გამოქვეყნდება.


- 1) რა ჰქვია ვალიკო მიზანდარის მეგობარ ძაღლს ფილმში მიმინო?
 - ა) პუშკა; ბ) რეკოლვერა;
 - გ) ბომბორა; დ) ზარბაზანა.
- 2) შერლოკ ჰოლმის რომელი სიტყვების შემდეგ სწვდება საქმის არსს დოქტორი უოტსონი?
 - ა) ელემენტარულია;
 - ბ) ცალსახა;
 - გ) სრულიად გასაგებია;
 - დ) ყველასათვის ნათელია.
- 3) ჩვეულებრივ, რითი კაზმავენ სალაოს „ოლივიე“?
 - ა) მაიონეზით; ბ) არაუნით;
 - გ) ძმრით; დ) მღოვით.
- 4) ჩამოთვლილთაგან რომელი არ აღნიშნავს ადამიანის ტემპერამენტის ტიპს?
 - ა) სანგვინიკი; ბ) პრავმატიკი;
 - გ) მელანქოლიკი; დ) ქოლერიკი.
- 5) რომელი ხეა დამახასიათებელი აფრიკის სავანისთვის?
 - ა) ეკალიპტი; ბ) ბაობაბი;
 - გ) ვერხვი; დ) ტირიფი.
- 6) რა ეწოდება სამკუთხედის წვერისა და მისი მოპირდაპირე გვერდის შუაწ-

- ერტილის შემაერთებელ მონაკვეთს?
 - ა) სიმაღლე; ბ) ბისექტრისა;
 - გ) მედიანა; დ) კათეტი.
- 7) რომის რომელმა იმპერატორმა შეიყვანა სენატში საკუთარი ცხენი?
 - ა) კალიგულამ; ბ) კლავდიუსმა;
 - გ) ტიბერიუსმა; დ) დომიციანემ.
- 8) ჩვეულებრივ, რომელ ხორცს იყენებენ სუბ-ხარჩოს მოსამზადებლად?
 - ა) ღორის; ბ) ცხვრის;
 - გ) საქონლის; დ) ინდაურის.
- 9) სად გაატარა ერნესტ ჰემინგუეიმ სიცოცხლის ბოლო წლები?
 - ა) მადაგასკარზე; ბ) ტაიტიზე;
 - გ) კუბაზე; დ) იამაიკაზე.
- 10) სპორტის აღნიშნული სახეობებიდან რომელია ოლიმპიური?
 - ა) რაგბი; ბ) კერლინგი;
 - გ) ბოულინგი; დ) არმრესტლინგი.
- 11) რა ბედი ეწია სპარტაკს?
 - ა) ჯვარზე მიაღურსმეს;
 - ბ) ხერხემალში გადაამტვრის;
 - გ) ლომებს დააგლეჯინეს;
 - დ) ბრძოლაში აკუწეს.


- 12) ბერძნულ ისტორიულ წყაროებში მოხსენიებული მდინარე პელორი, როგორც ვარაუდობენ, არის:
 - ა) არაგვი; ბ) რიონი;
 - გ) მტკვარი; დ) ალაზანი.
- 13) რა ეწოდება ისეთ სიტყვებსა და ფრაზებს, რომელიც წალმა-უკულმა ერთნაირად იკითხება?
 - ა) მეასტოზო; ბ) პალინდრომი;
 - გ) მეგანთროპი; დ) მეანდრი.
- 14) ვინ გამოიგონა გასაბერი საბურავები?
 - ა) ფერარმი; ბ) ფორდმა;
 - გ) დანლოპმა; დ) პორშემ.
- 15) ვინ იყო პირველი ქართველი მსოფლიო ჩემპიონი ჭიდაობაში?
 - ა) დავით ციმაკურიძე;
 - ბ) არსენ მეკოკიშვილი;
 - გ) გივი კარტოზია;
 - დ) ვახტანგ ბალაყაძე.
- 16) გათავისუფლებულ გლადიატორს ეძახდნენ:
 - ა) რეცარს; ბ) რუდიარს;
 - გ) მაღარს; დ) მანიპულარს.

წინა ნომერში გამოქვეყნებული ვიქტორინის პასუხები:
1) - გ); 2) - ბ); 3) - ა); 4) - ა); 5) - ბ); 6) - დ); 7) - გ); 8) - დ); 9) - დ); 10) - ა); 11) - ბ); 12) - ბ); 13) - ა); 14) - დ); 15) - დ); 16) - ბ); 17) - დ).

1) - ბ); 2) - გ); 3) - დ); 4) - ბ); 5) - ა); 6) - გ); 7) - დ); 8) - ა); 9) - ბ); 10) - გ); 11) - ა); 12) - ბ); 13) - ა); 14) - დ); 15) - დ); 16) - ბ); 17) - დ).



| ქვით ვაჭრის საბრძოლო წყობა ძვ. საბურღ. | გრძელი ბაღანი კისერზე | მოგონილი ლაუჯერე- ბელი რამ, ოცნება | თავის დასაცავი იარაღი | | პროფინციის ცენტრი ანდალუსი- ის ოლქში |
|---|--|---|---|--|--|
| | | | | | |
| | | | | | მტაცებელი ცხოველი |
| | | | | | |
| | ბითლზი | | | | ფარული დაცევა |
| | | | | | |
| | | ვარის ნაწილი ძაღვის წინ | | | |
| | წყნეთიდან ჩამომ- დინარე მდინარე | პოპუ- ლარული გერმანული პიანინო | | ქალაქი რუსეთში | ქვეყნის ნაწილი |
| | | | | | რუსი კინომსახ- იობი |
| | სულებს გადასაზღ. ინდურ რელიგიაში | შერმავე- ბული სათაფსი კელელში | | ერი ლათ- ინურად | |
| | | | პერუს ძვ. ინდიელი მაცხ- ოვრებელი | ლამაზი, მშვენიერი სახის პატრონი | ქალაქი მეცურიაში მძლ-გადაძე- რადისად |
| | სასპორ- ტო ნაწარმის ფირმა | ქარიშხლის სახელ- წოდება აშშ-ში | გამოყოფა | | ნაოსნების ძირითადი სახელმძღ- ვანელი |
| | | | | | კვაფილი |
| | | | | | ცხოველთა სიმაღლის ათავ პოლი- წერტილი |
| | | | | | |
| | | | | | |
| | | | | | |
| | ფას ქაჯლ კურსის ხლოვნ. აწვე-დაწვე | ფინელი მწერალი | ორი ფუჯურ ერთდრ. გადაადვილ. კადრაკში | | გადასახადი სახელმწ. შესატან საქონელზე |
| | ათი მანეთი | უსარგებ- ლო, გამოუსადე გარი | | | |
| | | | | მნათობი | |
| | | | | ღიღი მოსავლი, ხვაკი | |
| | | | | | |
| | | | | | |
| | | | | | |
| მუსკალური ნოტი | | | ხრიკი, ფანდი | შეადგინა რამაზ ალანიანი | |




| შეადგინა კანონების სახელწოდება | | | | | | | | | |
|--------------------------------|---|---|---|---|---|---|---|--|--|
| კ | ა | ლ | ე | ბ | ვ | ნ | ი | | |
| მ | პ | ბ | გ | გ | ბ | ნ | ს | | |
| ფ | ა | რ | ი | ნ | ჯ | ო | ხ | | |
| ე | ი | თ | ა | რ | ბ | ი | ზ | | |
| ბ | ო | ფ | ა | რ | ე | ნ | ს | | |
| ს | კ | ო | ნ | მ | წ | ა | შ | | |
| ბ | ა | რ | ტ | მ | რ | ო | | | |
| რ | ე | ბ | ნ | ი | რ | ჯ | | | |
| ნ | ო | რ | დ | ი | ე | ნ | ს | | |
| ი | ს | ი | ა | ფ | ი | ბ | ა | | |
| კ | ა | ლ | ე | ს | ი | რ | ო | | |
| ო | ა | ტ | უ | ნ | ფ | | | | |
| ა | წ | ნ | ე | რ | ე | | | | |
| უ | ნ | ა | ი | კ | მ | | | | |
| უ | ვ | ჯ | ა | რ | მ | | | | |
| ა | რ | ო | მ | ა | ტ | ი | | | |
| ი | ტ | ი | ს | ი | | | | | |

21-ე გვერდზე გამოქვეყნებული ტექსტის პასუხები: 1-ა; 2-ბ; 3-გ.

კვირის (13-19 აგვისტო) ასპროლოგიური პროგნოზი

ღობო - 23/VII-23/VIII



ყურებნამოყრილი ლომის წარმოდგენა თუ შეგიძლიათ, ადვილად დანახავთ, როგორი იქნებით ამ კვირაში. შესაძლოა, ისეთი ინფორმაცია მიიღოთ, რომელიც ნათელს მოფენს თქვენი ბოლოდროინდელი ცხოვრების მოვლენებს. ასე რომ, ყურები დაცკიბეთ და მნიშვნელოვანი არაფერი გამოგრჩეთ!

ქალწული - 24/VIII-23/IX



დროა, ხელში აღოთ ინიციატივა და სიტუაცია თქვენს კონტროლს დაუქვემდებაროთ. ეს კვირა საკმაოდ დაძაბული იქნება, განსაკუთრებით იმ ქალწულთათვის, რომლებიც ხელეებით მუშაობენ, - ვთქვათ, ქირურგებისთვის. გარემოცვა თქვენს დიდ აქტივობას ელოდება, ასე რომ - იმოქმედეთ!

სასწორი - 24/IX-23/X



ამ კვირაში ინტენსიური ურთიერთობა გელით, თქვენ კი ეცდებით, ეს ურთიერთობები სიამოვნების მისაღებად გამოიყენოთ. სამსახურშიც კი იმისთვის ივლით, რომ კოლეგებს ემასლათოთ. ნუ გაგიკვირდებათ - ისეთი სულიერი მოთხოვნილება გექნებათ, რომელსაც არ შეიძლება ანგარიში არ გაუწიოთ. თუმცა, ფრთხილად იყავით უფროსობასთან.

ღრიანკალი - 24/X-22/XI



ეს კვირა თქვენთვის კატასტროფული ნამდვილად არ იქნება, მაგრამ არც დიდად სასიამოვნო აღმოჩნდება, რისთვისაც მზად უნდა იყოთ. ამავე დროს, ენასაც უნდა დააჭიროთ კბილი და საფულებსაც გაუფრთხილდეთ: ყველაზე მეტ საფრთხეს უაზრო დავა-კამათი და ხარჯი გიქადით. სხვა მხრივ, ბევრი პრობლემა არ გექნებათ.

მშვილდოსანი - 23/XI-21/XII



ძალ ზედ ოფიციალური კვირაა. ხელსაყრელი დროა სასამართლო გარჩევის, სერიოზული გარიგებებისა და სოლიდური შეხვედრებისათვის. სწორედ ამ ყველაფრის გათვალისწინებით მიუღებთ ყველა საქმეს: თითოეული ნაბიჯი კარგად აწონდაწონეთ და ყურადღებით მოეპყარით დოკუმენტებსა და ნებისმიერ ინფორმაციას.

თხის რქა - 22/XII-20/I



თუ სხვებს რაიმე არ გამოუვიდათ, ახლა მთელი იმედები თქვენზეა. ამ კვირაში ისეთ ამოცანებსაც გაუმკლავდებით, რომელიც ამოუხსნელად მიგანჩნდათ. რეკვაზი მართლაც: თქვენი უნარ-ჩვევები, წვრილმანებისადმი დამოკიდებულება და სიჯიუტე ფანტასტიკურ შედეგებს მოიტანს!

მარსელი - 21/I-19/II



ყურადღება მიაცქიეთ სპიდომეტრს! და თუ მანქანა არ გყავთ, ტრანსპორტში ბილეთზე ეკონომიას ნუ გააკეთებთ: ამ კვირაში შეიძლება, კანონთან კონფლიქტი მოგივიდეთ. და საერთოდ, ეცადეთ, ნაკლებად იტრიალოთ ხალხში, რადგან ამ პერიოდში თქვენი სახლი - თქვენი ციხე-სიმაგრეა. მის კედლებში უსაფრთხოდაც იგრძნობთ თავს და სიამოვნებასაც მიიღებთ.

თაყვანი - 20/II-20/III



თუ დღიურს არ ავსებთ, ამ კვირაში ამის მოთხოვნილება გაგიჩნდებათ. განმარტოებისა და საკუთარ თავთან დიალოგის გამართვის სურვილს იგრძნობთ, ცხოვრების ილუზიულ და ინტიმურ მხარეებზე ფიქრის მოთხოვნილება გექნებათ. ნუ შეეწინააღმდეგებით ამას და საიმედოდ შეინახეთ თქვენი დღიური.

მშვილდოსანი - 21/III-20/IV



გაგიკვირდებათ და, ამ კვირაში, ძალზედ ტრივიალურმა, თუმცა მარადიულმა კითხვამ - რაშია ცხოვრების აზრი? - შეიძლება შეგაწუხოთ. იმის სურვილი გაგიჩნდებათ, რომ გაერკვეთ - რამდენად სასარგებლოა ის, რასაც აკეთებთ... პასუხი ოჯახში და ბუნებაში უნდა ეძებოთ: მეტი დრო გაატარეთ ახლობლებთან, უქმეებში კი ქალაქარეთ გაისეირნეთ.

მშვილდოსანი - 21/IV-21/V



ვარსკვლავები ყველა თქვენს დღეებში თვისებას წარმოაჩენს. სამსახურშიც, შინაც ყველა თქვენი კმაყოფილი იქნება. კონფლიქტის დროსაც კი, მოწინააღმდეგეები თქვენს სიმართლეს აღიარებენ. ამრეად, ენერგია, გამჭრიახობა, თუმორი, მომხიბლობა - აი, თქვენი პორტრეტის შემადგენელი ნაწილები.

მარსელი - 22/V-21/VI



კვირის დასაწყისში უჩვეულო ენერგიით მოჰკიდებთ ხელს თქვენს კარიერასთან დაკავშირებულ პრობლემებს და ალბათ წარმატებით გადაჭრით კიდევ. აი, მომდევნო დღეებში კი შეიძლება, დაბრკოლებები შეგექმნათ: პირად ცხოვრებაში საინტერესო პერსპექტივა გადაგემლება და მთლიანად სიყვარულის მორევში გადაემგებთ.

მარსელი - 22/VI-22/VII



საკუთესო კვირა გელოდებათ, ოღონდ ორ რამეს არ მოკიდოთ ხელი: პირველი - თავი დაანებეთ გრანდიოზულ იდეებსა და პროექტებზე ფიქრს, მეორე - აზარტულმა თამაშმა არ გაგიტაცოთ და შემთხვევის იმედად ნუ იქნებით. ახლა იმის უნარი შეგწევთ, რომ საკუთარ თავს მოუტანოთ სიხარული და რასაც დაისახავთ, მიაღწიოთ კიდევ.

ხართ თუ არა კეთილი?

ადამიანები სხვადასხვანაირები არიან: ერთნი მზად არიან, პირველივე შესხვედრისას უანგარო დახმარება გაგიწიონ, სხვებს კი ზამთარში თოვლიც კი ენანებათ. სცადეთ იმის გარკვევა, რომელ კატეგორიას მიეკუთვნებით? ყოველთვის ასერხებთ თუ არა, ყურადღებიანი და კეთილი იყოთ გარშემომყოფთა მიმართ? ამ კითხვებზე პასუხის გაცემაში ქვემოთ მოყვანილი ტესტი დაგეხმარებათ.



1) თუ უეცრად ფული გაგიჩნდათ, შეგიძლიათ თუ არა თანხა მთლიანად მეგობრების საჩუქრებზე დახარჯოთ?

ღიას - 1;
არა - 0.

2) თუ მეგობარი გიზიარებთ თავის პრობლემებს, რომელიც ნაკლებად გაინტერესებთ, აგრძნობინებთ თუ არა მას, რომ ამ თემაზე საუბარი უნდა შეწყვიტოს?

ღიას - 0;
არა - 1.

3) თუ თქვენი მეგობარი ცუდად თამაშობს რაიმე თამაშს, მაგალითად, ქადრაკს, მოაგებინებთ თუ არა ხანდახან, რათა ასიამოვნოთ?

ღიას - 1;

არა - 0.

4) ხშირად თუ ეუბნებით სასიამოვნო სიტყვებს ახლობლებს — მხოლოდ იმიტომ, რომ ასიამოვნოთ?

ღიას - 1;
არა - 0.

5) გიყვართ თუ არა ბოროტი სუმრობა?

ღიას - 0;
არა - 1.

6) დიდი ხნით იმახსოვრებთ თუ არა წყენას?

ღიას - 0;
არა - 1.

7) შეგიძლიათ თუ არა მშვიდად მოისმინოთ საუბარი იმ თემაზე, რომელიც საერთოდ არ გაინტერესებთ?

ღიას - 1;
არა - 0.

8) შეგიძლიათ თუ

არა გამოიყენოთ თქვენი ნიჭი და მონაცემები?

ღიას - 0;
არა - 1.

9) ანებებთ თუ არა თამაშს თავს, როცა აგებთ?

ღიას - 0;
არა - 1.

10) თუ საკუთარ სიმართლეში აბსოლუტურად დარწმუნებული ხართ, იტყვიან თუ არა უარს ოპონენტის არგუმენტების მოსმენაზე?

ღიას - 0;

არა - 1.

11) ხალისით ასრულებთ თუ არა სხვადასხვა თხოვნას?

ღიას - 1;
არა - 0.

12) შეგიძლიათ თუ არა გარშემომყოფთა გასახალისებლად ვინმეს დაცინვა და აბუჩად აგდება?

ღიას - 0;
არა - 1.

დააჯამეთ მიღებული ქულები

9-12 ქულა: თქვენ კეთილი ადამიანი ხართ, ძალიან ხიბლავთ გარშემომყოფებს, შეგიძლიათ ადამიანებთან კარგი ურთიერთობის დამყარება, ამიტომაც, ბევრი მეგობარი გყავთ. მაგრამ გაფრთხილდით: ნუ ეცდებით ნებისმიერი ადამიანის კეთილგანწყობის მოპოვებას, - ყველას მაინც ვერ ასიამოვნებთ და შეიძლება, თავადაც დაზარალდეთ.

4-8 ქულა: თქვენი გულკეთილობა მხოლოდ შემთხვევაზეა დამოკიდებული. სიკეთის გამოჩენას ყველასთან არ ცდილობთ. ზოგიერთებისთვის შეიძლება ყველაფერზე წახვიდეთ, ყველაფერი დათმოთ,

მაგრამ მათთვის, ვინც არ მოგწონთ, თქვენთან ურთიერთობა ძალიან უსიამოვნოა, თუმცა ეს არცთუ ისე ცუდი თვისებაა, მაგრამ მაინც ეცადეთ, შეინარჩუნოთ გარკვეული წონასწორობა, რათა ნაკლები ადამიანი გაანაწყენოთ.

0-3 ქულა: შეიძლება აღიარება გიჭირთ, მაგრამ თქვენთან ურთიერთობა ხანდახან ყველაზე ახლობელ ადამიანებსაც კი უძნელდებათ. იყავით უფრო კეთილი და დამთმობი, ამით მეტ მეგობარს შეიძენთ. მეგობრობა ხომ პირველ რიგში ურთიერთსიკეთეზეა დაფუძნებული.

ქოხნილება „ოქნოს“ გაყჩის შემდეგ

ხანდაზმული სირიელი ქალბატონი დაუბრუნდა ქმარს, რომელსაც ნახევარი საუკუნის წინ გამოორდა. ის 105 წლისაა, მეუღლე კი – 112-ის. ქალაქ ხასეკში მცხოვრებ ახალდაქორწინებულებს თავის დროზე ქალიშვილი ჰყოლიათ, რომელიც... დაჰკარგვიათ. განქორწინების შემდეგ, ქმარს მეორე ოჯახი ჰყოლია, მერე დაქვრივებულია, ახლა თავის შვილებთან და შვილიშვილებთან ერთად ცხოვრობს, აქვს ტანსაცმლის მაღაზია. მისი ცოლი კი უშვილდირი და უპოვარია.

სიბერე – მესხიერებაში აღბეჭდილი ახალგაზრდობის ხანაა, რომელმაც კვლავ დააახლოვა ძველი შეყვარებულები. ბერიკაცმა თავის სატრფოს 1.000 დოლარიანი ოქროს სამაჯური უსახსოვრა, ნათესავები დაპატიჟა და ხელახალი ქორწილიც გადაიხადა.



ცხოველებს მამაკაცები უფრო ჩაგხავენ

ბრიტანეთში ყოველწლიურად მატულობს იმ ადამიანების რაოდენობა, რომელსაც ცხოველებთან სასტიკი მოპყრობაში ადანაშაულებენ. თუ 1999 წელს ქვეყნის სასამართლოებში საბრალდებო განაჩენი 701 კაცის მიმართ გამოიტანეს, წლეულს ამ ციფრმა 820-ს მიაღწია, ჯარიმების ჯამურმა თანხამ კი 1,8 მლნ გირვანქა (ე.ი. 2.1 მლნ დოლარი) შეადგინა. ცხოველებთან სასტიკი მოპყრობის წინააღმდეგ მებრძოლ სამეფო საზოგადოებას 1,6 მლნ-მა ადამიანმა მიმართა დახმარებისათვის.

ქალაქ მანჩესტერის უნივერსიტეტის მკვლევართა თქმით, ცხოველებს სასტიკად, უფრო ხშირად მამაკაცები ეპყრობიან. ამ მოვლენასთან შედეგიანი ბრძოლის მიზნით, აღნიშნული საზოგადოება სასკოლო პროგრამებში სპეციალური საგანმანათლებლო კურსის შემოღებას აპირებს.

მობილურის მოყვარული ოთხფეხა

რა უნდა გავაკეთოთ, როცა არ ვიცით, სად დავტოვებთ მობილურ ტელეფონს? რასაკვირველია, უნდა დავრეკოთ და ზარით მივაგნებთ. სწორედ ასე მოიქცა კენიელი მეწარმე ქამალ შაჰი. წარმოდგინეთ, როგორ გოცნდებოდა, როცა ზარი მას გვერდით მწოლიარე ერთგული ნაგაზის მუცლიდან მოესმა!.. ორი წლის ძაღლი სასწრაფოდ გააქანეს სავეტერინარო კლინიკაში და ოპერაცია გაუკეთეს. პაციენტიცა და ტელეფონიც ნორმალურ მდგომარეობაში არიან.

ხეივანდები მთამსვლელი

ვეერესტის დაპყრობა თურმე მოზარდებსაც შეძლებიათ. ეს დიდი ხანია დაამტკიცეს ნეპალელმა ყმაწვილებმა: წლების მანძილზე მსოფლიოს უმაღლესი მწვერვალის რეკორდულად ახალგაზრდა დამპყრობი, ვეერესტზე 1973 წელს ასული 16 წლის შამბუ ტამანი იყო, სულ ახლახან კი მას ეს წოდება 15 წლის ტემბე ტემერი წაართვა. საინტერესოა, რომ ამის მიღწევა მან მეორე ცდაზე მოახერხა: პირველი ცდისას ყმაწვილს ე.წ. თოვლის სიბრძავე და მოყინულობა შეუშალა ხელი – არადა, მიზანს სულ რაღაც 22 მეტრი ამოორება.

ქართული „გზა“ ახსნაღეს კონკრეტს „ორიგინალური რუბრიკა“

ნავისიერი ჟურნალისტს (ბრუნაწრალისტსაც) შუაქლია წარმოადგინოს ჟურნალის გვირდის ან რუბრიკის ორიგინალური ვარიანტი. კონკრეტში გაბარდვირულები უზრუნველყოფილი იქნებიან სტაბილური სასახურით (შესაძლებელია ერთდერადი ანაზღაურებაც). რუბრიკის იღვა და შინაარსი ბთხოვთ წარმოადგინოთ წერილოვით, რადარტინაში, ან გაბოგზავნოთ „კვირის პალიტრის“ („სიტყვა და საჭმის“) საფოსტო ყუთების საშუალებით.

ინფორმაციისთვის დარეკეთ: 33-50-32

რედაქცია მადლობას მოახსენებს ყველას, ვინც ჩვენს განცხადებას გამოეხმაურა და ახალ წინადადებებსაც მადლიერებით მიიღებს.

ფანტაზია • ფანტაზია • ფანტაზია • ფანტაზია

ჩვენი ჟურნალის წინა ნომერში შემოთავაზებული რუბრიკის – „ფანტაზიის“ პასუხად მკითხველთა მიერ გამოგზავნილი ქვითრების მიხედვით, გაიმარჯვეს ბატონებმა ვახტანგ ქუთათელაძემ, ვია მეფარიშვილმა და კახა თარგამაძემ. **ვულოცავთ ბატონ ვახტანგს, ბატონ ვიას და ბატონ კახას და ვუსურვებთ წარმატებებს!** აქვე დავებნი, რომ ერთ-ერთმა მკითხველმა რედაქციისგან განსხვავებული, ახალი წარწერაც შემოგვთავაზა: „რაცა ვართ, „ესა“ ვართ!“

„გულანდილი“ დიალოგი

(მკითხველის გვარი, სახელი)

(ცნობილი პიროვნებები)

ამ რუბრიკით თქვენი წარმოსახვის გაგარჯიშებას გთავაზობთ. გაითვალისწინეთ ჩვენი კომენტარი და ფოტოზე აღბეჭდილ სახეს ის ცნობილი პიროვნება მოარგეთ, რომელიც ყველაზე მეტად მოუხდება. ჟურნალის შემდეგ ნომერში ფოტო იმ პიროვნების სახით გამოქვეყნდება, რომელიც ყველაზე მეტ ხმას დააგროვებს. გთხოვთ, შეავსოთ ქვითარი და პასუხები გამოგვიგზავნოთ, თბილისში განთავსებული „კვირის პალიტრის“ საფოსტო ყუთების საშუალებით. ქვითარი ჩააგდეთ სამშაბათის (14 აგვისტოს) 13 საათამდე.



„ფანტაზია“
„გულახდილი“
დიალოგი



„ფანტაზიორებს
გკითხველი“
ზელახული
ავტორიტეტი

616/30



გვ. 32
იხილეთ
როგორი სათვალე
უნდა ატაროთ?